



詩得矣

路人居人皆目前
所見也

時披衣甫去任已
信此理而一生者

官職所繫何耶

作律詩以此任

皆見其難

律之首也

施註蘇詩卷之一

詩四十七首

起嘉祐辛丑十二月赴鳳翔任盡
壬寅在鳳翔作施註缺今補

辛丑十一月十九日既與子由別於鄭州西門之外馬上賦詩

一篇寄之

不飲胡為醉兀兀此心已逐歸鞍發歸人猶自念庭闈今我何以慰
寂寞登高回首坡隴隔惟見烏帽出復沒苦寒念爾衣裘薄獨騎瘦
馬踏殘月路人行歌居人樂僮僕怪我苦悽惻亦知人生要有別但
恐歲月去飄忽寒燈相對記疇昔夜雨何時聽蕭瑟君知此意不可
忘慎勿苦愛高官職公自注嘗有夜雨
對牀之言故云爾

和子由澠池懷舊

漢書弘農郡澠池縣注景
帝中二年初徙萬家為縣

人生到處知何似應似飛鴻踏雪泥泥上偶然留指爪鴻飛那復計
東西老僧已死成新塔壞壁無由見舊題往日崎嶇還記否路長人



困蹇驢嘶公自注往歲馬死於二陵驕驢至漚池

次韻和劉京兆石林亭之作石本唐苑中物散流民間劉購得

之京兆府即長安也劉京兆乃劉敞字原父

都城日荒廢往事不可還唯餘故苑石漂散向一作人間公來始購

蓄不憚道里艱忽從塵埃中來對冰雪顏瘦骨拔凜凜蒼根漱潺湲

唐人唯奇章好石古莫攀盡令屬牛氏刻鏿紛班班嗟此本何常聚

散實循環人失亦人得要不出區寰君看劉李末不能保河關况此

百株石鴻毛於太山但當對石飲萬事付等閒

劉李謂漢唐也

壬寅二月有詔令郡吏分往屬縣減決囚禁自十三日受命出

府至寶雞號郿蓋屋四縣既畢事因朝謁太平宮而宿於南谿

谿堂遂竝南山而西至樓觀大秦寺延生觀仙游潭十九日乃

歸作詩五百言以記凡所經歷者寄子由

劉鍵醒

遠人罹水旱王命釋俘囚分縣傳明詔循山得勝遊蕭條初出郭曠

蕩實消憂薄暮來孤鎮登臨憶武侯崢嶸依絕壁蒼茫瞰奔流半夜

人啼急橫空火氣浮天遙殊不辨風急已難收曉入陳倉縣猶餘賣

酒樓煙煤已狼藉吏卒尚呀咻公自注十三日宿武城鎮即俗所謂石鼻寨也云孔明所築是夜二鼓寶雞火作相去三十里而見於武城

雞嶺雲霞古龍宮殿宇幽公自注縣有雞嶺龍宮寺南山連大散歸客走音吾州欲

往安能遂將還為少留回趨西號道卻渡小河洲聞道礪溪石猶存

渭水頭蒼崖雖有迹大鈞本無鈎公自注十四日自寶雞行至號間太公礪溪石在縣東南十八里猶有投竿跪餌兩膝所著之處

東去過郿塢孤城象漢劉公自注十五日至郿縣縣有董卓城象長安俗謂之小長安誰言董公健竟復伍

孚讎白刃俄生肘黃金謾似邱平生聞太白一見駐行騶鼓角誰能

試風雷果致不巖崖已奇絕冰雪更凋鏹春早憂無麥山靈喜有湫

蛟龍懶方睡餅罐小容偷公自注是日晚自郿赴至青秋鎮宿道過太白山相傳云軍行鳴鼓角山下輒致雷雨山上有湫甚靈以令歲旱方議取之

二曲林泉勝三川氣象侔近山麩麥早臨水竹篁修公自注十六日至蓋屋以近山地美氣候殊早縣有官竹

園十數里不絕先帝膺符命行宮畫冕侍臣簪武弁女樂抱笙篴祕殿開金鎖

神人控玉蚪黑衣橫巨劍被髮凜雙眸公自注十七日寒食自盤屋東南行二十餘里朝謁太平宮二聖御容此宮乃太宗皇帝時有

清溝晚宿南谿上森如水國秋遠湖栽翠密終夜響颼颼公自注是日與監宮張果之汎

宅老氏舊停輶問道遺蹤在登仙往事悠馭風歸汗漫閱世似蜉蝣

羽客知人意瑤琴繫馬鞞不辭山寺遠來作鹿鳴吻帝子傳聞李嵩

堂髣髴像縱輕風幃幔卷落日髻鬟愁入谷音驚蒙密登坡費挽樓亂

峰巉似梨一水澹如油中使何年到金龍自古投千重橫翠石百丈

見游儵音最愛泉鳴洞初嘗雪入喉滿餅雖可致洗耳歎無由公自注是日游

崇聖觀俗所謂樓觀也乃尹喜舊宅山脚有授經臺尚在遂與張果之同至大秦寺早食而別有太平宮道士趙宗有抱琴見送至寺作鹿鳴之引乃去又西至延生觀觀後上小山有唐玉真公主修道之遺迹下山而西行十數里南入黑水谷谷中有潭名仙游潭上有寺三倚峻峰面清溪樹林深翠怪石不可勝數潭水以繩繩石數百里尺不得其底以瓦磔投之翔揚徐下食頃乃不見其清澈如此遂宿於中興寺寺中有玉女洞洞中

有飛泉甚甘明日以泉二餅忽憶尋蟻培方冬脫鹿裘山川良甚似水石亦堪

歸至郡又明日乃至府公自注昔與子由游蟻培時方冬洞中温温如二三月

儔惟有泉傍飲無人自獻酬公自注昔與子由游蟻培時方冬洞中温温如二三月

太白山下早行至橫渠鎮書崇壽院壁

馬上續殘夢不知朝日昇亂山橫翠幃落月澹孤燈奔走煩郵吏安

閒愧老僧再游應春春聊亦記吾曾

留題延生觀後山上小堂王注觀後上小山有堂是唐玉真公主修道遺迹本朝端拱元年奉敕賜此額

溪山愈好意無厭上到巉巖第幾尖深谷野禽毛羽怪上方仙子鬢

眉纖不慙弄玉騎丹鳳應逐嫦娥駕老蟾澗草巖花自無主晚來胡

蝶入疎簾

留題仙遊潭中興寺東有玉女洞洞南有馬融讀書室石室過

潭而南山石益奇潭上有橋畏其峻不敢渡終南圖經讀書臺在縣城西一百步

清潭百尺皎無泥山木陰陰谷鳥嘯蜀客曾遊明月峽秦人今在武

起得矣遠

起語道破使
行人一嘅

豈料渭水
回孔聖

陵溪獨攀書室窺巖竇。還訪仙姝款石闥。猶有愛山心未至。不將雙
腳踏飛梯。

石鼻城注見前

平時戰國今無在。陌上征夫自不聞。北客初來試新險。蜀人從此遂
殘山。獨穿暗月朦朧裏。愁渡奔河蒼茫間。漸入西南風景變。道邊修
竹水潺潺。

礪溪石注見前

墨突不暇黔。孔席未嘗煖。安知渭上叟。跪石留雙鬣。一朝嬰世故。辛
苦平多難。亦欲就安眠。旅人譏客懶。

郿塢注見前

衣中甲厚行何懼。塢裏金多退足憑。畢竟英雄誰得似。臍脂自照不
須燈。

樓觀公自注秦始皇立老子廟於觀南晉惠始修此廟

門前古碣臥斜陽。閱世如流事可傷。長有幽人悲晉惠。強修遺廟學
秦皇。丹砂久窖井水赤。白木誰燒厨竈香。聞道神仙亦相過。只疑田
叟是庚桑。

九月二十日微雪懷子由弟二首

岐陽九月天微雪。已作蕭條歲暮心。短日送寒砧杵急。冷官無事屋
廬深。愁腸別後能消酒。白髮秋來已上簪。近買貂裘堪出塞。忽思乘

傳知戀問西琛

江上同舟詩滿篋。鄭西分馬涕垂膺。未成報國慙書劍。豈不懷歸畏
友朋。官舍度秋驚歲晚。寺樓見雪與誰登。遙知讀易東牕下。車馬敲
門定不膺。

病中聞子由得告不赴商州三首

王注子由與先生同舉賢科子由以許直得下第除商州推官而王介甫猶不肯換辭告未即

笑兀如官家

病中聞汝免來商旅。雁何時更著行遠。別不知官爵好。思歸苦覺歲年長。著書多暇真良計。從宦無功謾去鄉。惟有王城最堪隱。萬人如海一身藏。

近從章子聞渠說。公自注章子淳也苦道商人望汝來。說客有靈慙直道。逋翁

久沒厭凡才。夷音僅可通名姓。瘠俗無由辨頸顛。答策不堪宜落此。上書求免亦何哉。

辭官不出意誰知。敢向清時怨位卑。萬事悠悠付杯酒。流年冉冉入

霜鬢。策曾忤世人。嫌汝易可忘。憂家有師此外知。心更誰是夢魂相。覓苦參差。

病中大雪數日未嘗起。觀號令趙薦以詩相屬。戲用其韻答之。經旬臥齋閣。終日親劑和。不知雪已深。但覺寒無奈。一作飄蕭牕紙

次韻無字

一作紙牕明堆壓簷板墮。公自注關中皆以板為簷風颭助凝冽。幃幔困掀一作軒簸。惟思近醇釀。

未敢窺瓌瑋。何時反炎赫。卻欲躬白磨。誰言坐無羶。尚有裘充貨。西鄰歌吹發。促席寒威挫。崩騰踏成逕。繚繞飛入座。人歡瓦先融。飲雋

餅屢臥。嗟予獨愁寂。空室自困坳。欲為後日賞。恐被遊塵浣。寒更報新霽。皎月懸半破。有客獨苦吟。清夜默自課。詩人例窮蹇。秀句出寒

餓。何當暴霜雪。庶以躡郊賀。歲晚相與饋。問為饋歲。酒食相邀呼。為別歲。至除夜達旦不眠。為守歲。蜀之風俗如是。余官於岐下。歲暮思歸而不可得。故為此三詩寄子由。

饋歲

農功各已收。歲事得相佐。為歡恐無及。假物不論貨。山川隨出產。貧

富稱小大。寘盤巨鯉橫。發籠去聲雙兔臥。富人事華靡。綵繡光翻座。貧

淡永

下故先生自去年十二月先赴鳳翔至今年秋子由方告下以老泉傍無侍子奉乞養親三年此所以得告而不赴也

者愧不能微。挈出春磨。官居故人少。里巷佳節過。亦欲舉鄉風。獨唱無人。和。

別歲

故人適千里。臨別尚遲遲。人行猶可復。歲行那可追。問歲安所之。遠在天一涯。已逐東流水。赴海歸無時。東鄰酒初熟。西舍彘亦肥。且為一日歡。慰此窮年悲。勿嗟舊歲別。行與新歲辭。去去勿回顧。還君老與衰。

守歲

欲知垂盡歲。有似赴壑蛇。修鱗半已沒。去意誰能遮。况欲繫其尾。雖勤知奈何。兒童彊不睡。相守夜謹誼。一作譁。晨雞且勿唱。更鼓畏添趨。坐火燈燼落。起看北斗斜。明年豈無年。心事恐蹉跎。努力盡今夕。少年猶可誇。

是守歲元景

和子由踏青

子由踏青詩序眉之東門十數里有山曰墓頭山上有亭榭松竹山下臨大江每正月八日士女相與遊嬉飲酒於其上謂之踏青也

春風陌上驚微塵。游人初樂歲華新。人閒正好路傍飲。麥短未怕游車輪。城中居人厭城郭。喧闐曉出空四鄰。歌鼓驚山草木動。筆瓢散野烏鳶馴。何人聚眾稱道人。遮道賣符色怒嗔。宜蠶使汝蠶。如甕宜畜使汝羊。如麇路人未必信。此語強為買服襪。新春道人得錢徑沽酒。醉倒自謂吾符神。

和子由蠶市

子由詩序眉之二月望日蠶市器於市因作樂縱觀謂之蠶市

蜀人衣食常苦艱。蜀人游樂不知還。千人耕種萬人食。一年辛苦一春閒。閒時尚以蠶為市。共忘辛苦逐欣歡。去年霜降斫秋菽。今年箔積如連山。破瓢為輪土為釜。爭買不翅金與紈。憶昔與子皆童州。年年廢書走市觀。市人爭誇鬪巧智。一作野人啞。遭欺謾詩來。使我感舊事。不悲去國悲流年。

別寫此段記鄉俗言邪邪也

流年之悲乃甚

此而得吾子
教同之今已矣
廟謀之得乃道
著今自嘆其情
事之奇

是直其家所見
大抵以此非妄言
也
滿在二多見不純
要滿也

自愛高論思
後不替矣

起後相侃

和子由苦寒見寄

人生不滿百。一別費三年。三年吾有幾。弃擲理無還。長恐別離中。摧我鬢與顏。念昔喜著書。別來不成篇。細思平時樂。乃為憂所緣。吾從天下士。莫如與子歡。羨子久不出。讀書蟲生蠶。丈夫重出處。不退要當前。西羌解仇隙。猛士憂塞壩。西宣廟謀雖不戰。鹵意久欺天。山西良家子。錦緣貂裘鮮。千金買戰馬。百寶鑿刀環。何時逐汝去。與鹵試周旋。

和子由論書

吾雖不善書。曉書莫如我。苟能通其意。常謂不學可。貌妍容有曠。壁羨何妨楮。端莊雜流麗。剛健含婀娜。好之每自譏。不謂子亦頗。書成輒棄去。繆被旁人裹。體勢本闊落。結束入細麼。子詩亦見推。語重未敢荷。邇來又學射。力薄愁官筭。公自注官箭十二把。吾能十一把箭耳。多好竟無成。不精安

用夥何當盡。屏去萬事付懶惰。吾聞古書法。守駿莫如跛。世俗筆苦驕。眾中強鬼駭。鍾張忽已遠。此語與時左。

記所見開元寺吳道子畫佛滅度以答子由
名畫記吳陽翟人畫初名道子素宗改名道玄下筆有神官至聖王友

西方真人誰所見。衣被七寶從雙狻。音當時修道頗辛苦。柏生兩肘

鳥一作巢肩。初如濛濛隱山玉。漸如濯濯出水蓮。道成一旦就空滅。

奔會四海悲人天。翔禽哀響動林谷。獸鬼踴躍淚迸泉。龐眉深目彼

誰子。遠牀彈指性自圓。隱如寒月墮清晝。空有孤光留故躔。春遊古

寺拂塵壁。遺像久此靈香煙。畫師不復寫名姓。皆云道子口所傳。從

橫固已茂。孫鄧有如巨鱈吞小鮮。來詩所誇孰與此。安得攜挂其旁

觀

和子由寒食

寒食今年二月晦。樹林深翠已生煙。遶城駿馬誰能借。到處名園意

盡便但挂酒壺那計盞偶題詩句不須編忽聞嘯鴟驚羈旅江上何人治廢田

和劉長安題薛周逸老亭周善飲酒未七十而致仕王注劉長安劉敞原文也薛周莫考

近聞薛公子早退驚常流買園招野鶴鑿井動潛蚪自言酒中趣一斗勝涼州翻然拂衣去親愛挽不留隱居亦何樂素志庶可求所亡嗟無幾所得不啻酬青春為君好白日為君悠山鳥奏琴筑野花弄閑幽雖辭功與名其樂實素侯至今清夜夢尚驚冠壓頭誰能載美酒往以大白浮之子雖不識因公可與遊

中隱堂詩并序

岐山宰王君紳其祖故蜀人也避亂來長安而遂家焉其居第園圃有名長安城中號中隱堂者是也予之長安王君以書戒其子弟邀予遊且乞詩甚勤因為作此五篇前地理志京兆尹縣十二其一曰長安高帝五年置帝元年初城六年成

去蜀初逃難遊秦遂不歸園荒喬木老堂在昔人非鑿石清泉激開門野鶴飛退居吾久念長恐此心違徑轉如修蟒坡垂似伏鼈樹從何代有人與此堂高好古嗟生晚偷閒厭久勞王孫早歸隱塵土汗君袍二月驚梅晚幽香此地無依依慰遠客皎皎似吳姝不恨故園隔空嗟芳歲徂春深桃李亂笑汝益羈孤翠石如鸚鵡何年別海壖貢來一作隨南使遠載壓渭舟偏已伴喬松老那知故國遷金人解辭漢汝獨不潸然都城更幾姓到處有殘碑古隧埋蝌蚪崩崖露伏龜安排壯亭榭收拾費金貲岫屢何須到韓公浪自悲

鳳翔八觀并序

鳳翔八觀詩記可觀者八也昔司馬子長登會稽探禹穴不遠千

里而李太白亦以七澤之觀至荊州二子蓋悲世悼俗自傷不見
古人而欲一觀其遺蹟故其勤如此鳳翔當秦蜀之交士大夫之
所朝夕往來此八觀者又皆跬步可至而好事者有不能徧觀焉
故作詩以告欲觀而不知者

石鼓歌

冬十二月歲辛丑我初從政見魯叟舊聞石鼓今見之文字鬱律蛟
蛇走細觀初以指畫肚欲讀嗟如箝在口韓公好古生已遲我今况
又百年後強尋偏傍推點畫時得一二遺八九我車既攻馬亦同其

其魚維鱖貫之柳

公自注其詞云我車既攻我馬亦同又云其魚維何維鱖維鯉何以貫之維揚與柳惟此六句可讀餘多不可通

古器縱橫猶識鼎

眾星錯落僅名斗模糊半已似癡朕詰曲猶能辨跟肘娟娟缺月隱
雲霧濯濯嘉禾秀莨莠漂流百戰偶然存獨立千載誰與友上追軒
顛相唯諾下揖挹一作冰斯同轂穀立候切穀乃候切憶昔周宣歌鴻鴈當時籀

史變蚪蚪厭亂人方思聖賢中興天為生耆耆東征徐鹵闞虓虎北

伏

一作

犬戎隨指嗾

蘇后切

象胥雜沓貢狼鹿方名聯翩賜圭函遂因鼓

聲思將帥豈為考擊煩矇矓何人作頌此崧高萬古斯文齊岵嶇
勞至大不矜伐文武未遠猶忠厚欲尋年歲無甲乙豈有名字記誰

某自從周衰更七國竟使秦人有九有掃除詩書誦法律投棄俎豆

陳鞭祖當年何人佐祖龍上蔡公子牽黃狗登山刻石頌功烈後者

無繼前無偶皆云皇帝巡四國烹滅彊暴救黔首六經既已委灰塵

此鼓亦當遭擊掇傳聞九鼎淪泗工欲使萬夫沈水取暴君縱欲窮

人加神物義不汙秦垢是時石鼓何處避無乃天工令鬼守興亡百

變物自閒富貴一朝名不朽細思物理坐歎息人生安得如汝壽

詛楚文

公自注碑覆於開元寺上下今在太守便廳秦穆公葬於雍臺泉祈年觀下令墓在開元寺之東南數十步則寺豈祈年之故基邪淮南王遷於蜀至雍道病卒則雍非長安此乃古雍也

崢嶸開元寺髮髯祈年觀舊築掃成空古碑埋不爛詛書雖可讀字

坡老不其謂古碑
多此碑甚模

遂因二句頌宣王
何人高褒其臣
也

能寫似小篆之
徑相斯真解人
也

法嗟久換詞云秦嗣王敢使祝用瓚先君穆公世與楚約相捍質之於巫咸萬葉期不叛今其後嗣王乃敢構多難剗胎殺無罪親族遭圍絆計其所稱訴何啻架紂亂吾聞古秦俗面詐背不汗豈惟公子印社鬼亦遭謾遼哉千載後發我一笑一作樂

王維吳道子畫

吳道子見前開元寺注季南名畫記王維字摩詰以詞學知名官至尚書右丞工畫

何處訪吳畫普門與開元開元有東塔摩詰留手痕吾觀畫品中莫如二子尊道子實雄放浩如海波翻當其下手風雨快筆所未到氣已吞亭亭雙林間彩暈扶桑曛中有至人談寂滅悟者悲涕迷者手自捫蠻君鬼伯千萬萬相排競進頭如龜摩詰本詩老佩芷襲芳蓀今觀此壁畫亦若其詩清且敦祇園弟子盡鶴骨心如死灰不復溫門前兩叢竹雪節貫霜根交柯亂葉動無數一一皆可尋其源吳生雖妙絕猶以畫工論摩詰得之於象外有如仙翩謝籠樊吾觀二

公此待抑道子而揚亦必以此形人畫今不可得見無以言之

子皆神俊又於維也歛衽無閒言

維摩像唐楊惠之塑在天柱寺

五代名畫補遺楊惠之與吳道子同師張僧繇筆蹟號為畫友工藝並著而道子聲光獨顯遂焚棄

筆硯發憤專思塑作能奪僧繇畫相與道子爭衡

昔者子輿病且死其友子祀往問之躄躄鑿井自歎息造物將安以我為今觀古塑維摩像病骨磊嵬如枯龜乃知至人外生死此身變化浮雲隨世人豈不頑且好身雖未病心已疲此叟神完中有恃談笑可卻千熊羆當其在時或問法俛首無言心自知至今遺像兀不語與昔未死無增虧田翁俚婦那肯顧時有野鼠銜其髭見之使人每自失誰能與結一作無言師

東湖

吾家蜀江上江水綠如藍邇來走塵土意思殊不堪况當岐山下風物尤可慙有山秃如赭有水濁如泔不謂郡城東數步見湖潭入門

醒世語

通食而致甚

兩露下所濡甘苦
亦待實之曰此
三石

便清奧。恍如夢西南。泉源從高來。隨波走涵涵。東去觸重阜。盡為湖
所貪。但見蒼石螭。開口吐清甘。借汝腹中過。胡為目眈眈。新荷弄晚
涼。輕棹極幽探。飄飄志遠近。偃息遺佩簪。簪一作與深潭有龜。龜一作鱉淺有
螺。與蚌曝晴復戲雨。戢戢多於蠶。浮沈無停餌。倏忽遽滿籃。絲緡雖
強致。瑣細安足數。聞昔周道興。翠鳳棲孤嵐。飛鳴飲此水。照影弄參
差。公自注此古飲鳳池也至今多梧桐。合抱如彭聃。綵羽無復見。上有鸛搏鷓。鷓一作鷓鴣
予生雖晚。好古意所媿。圖書已漫漶。猶復訪僑鄰。卷阿詩可繼。此
意久已含。扶風古三輔。政事豈汝諧。聊為湖上飲。一縱醉後談。門前
遠行客。劫劫無畱驂。問胡不回首。無乃趁朝參。予今正疎懶。官長幸
見函。不辭日游再行。恐歲滿三暮。歸仍倒載鐘鼓已餽餽。

真興寺閣

山川與城郭。漠漠同一形。市人與鴉鵲。浩浩同一聲。此閣幾何高。何

一氣持滿按
真中
僅見

人之所營。側身送落日。引手攀飛星。當年王中令。斫木南山麓。寫真
留閣下。鐵面眼有稜。身強一作長八九尺。與閣兩崢嶸。古人雖暴恣。作事
令世驚。登者尚呀喘。作者何以勝。曷不觀此閣。其人勇且英。

李氏園

公自注李茂貞園也。今為王氏所有。五代史茂貞本姓宋。名文通。唐僖宗間以功拜鳳翔。昭宗時加拜尚書令。封岐王。後唐莊宗同光二年卒。

朝游北城東。回首見修竹。下有朱門家。破牆圍古屋。舉鞭叩其戶。幽
響答空谷。入門所見夥。十步九移目。異花兼四方。野鳥喧百族。其西
引溪水。活活轉牆曲。東注入深林。林深牕戶綠。水光兼竹淨。時有獨
立鵲。林中百尺松。歲久蒼鱗蹙。豈惟此地意。恐關中獨小。橋過南園。
一作浦夾道多喬木。隱如城百雉。挺若舟千斛。陰陰日光淡。黯黯秋氣蓄。
盡東為方池。野鴈雜家鶩。紅梨驚合抱。映島孤雲馥。春光水溶漾。雪
陣風翻撲。其北臨長溪。波聲卷平陸。北山臥可見。蒼翠間硤秃。我時
來周覽。問此誰所築。云昔李將軍。負險乘衰叔。抽錢算閒口。但未推

止此一波

美粥當時奪民田。失業安敢哭。誰家美園囿。藉汲不容贖。此亭破千
家鬱鬱城之麓。將軍竟何事。蟻蟲生刀韜。何嘗載美酒。來此駐車轂。
空使後世人。聞名頸猶縉。公自注俗稱呼皇后園蓋茂貞謂其妻也我今官正閒。屢至因休沐。人
生營居止。竟為何人卜。何當辦一身。永與清景逐。

秦穆公墓

三輔黃圖秦穆宮皇覽曰秦穆公墓在橐泉宮祈年觀下

橐泉在城東。墓在城中無百步。乃知昔未有此城。秦人以泉識公墓。
識音昔公生不謀。孟明豈有死之日。而忍用其良。乃知三子殉公意。亦
如齊之二子。從田橫。古人感一飯。尚能殺其身。令人不復見此等。乃
以所見疑古人。古人不可望。今人益可傷。

和子由聞子瞻將如終南太平宮谿堂讀書

役名則已勤。徇身則已媮。我誠愚且拙。身名兩無謀。始者學書判。近
亦知問因。但知今當為。敢問向所由。士方其未得。惟以不得憂。既得

總核非空詩

又憂失此心。浩難收。譬如倦行客。中路逢清流。塵埃雖未脫。暫憩得
一漱。我欲走南澗。春禽始嚶。吻鞅掌久不決。爾來已徂秋。橋山日月
迫。府縣煩差抽。王事誰敢愬。民勞吏宜羞。中間懼早暵。欲學喚雨鳩。
千夫挽一木。十步八九休。渭水涸無泥。菑堰旋插修。對之食不飽。餘
事更遑求。近日秋雨足。公餘試新芻。劬勞幸已過。朽鈍不任鏹。秋風
欲吹帽。西阜可縱遊。聊為一日樂。慰此百日愁。

將往終南和子由見寄

人生百年寄鬢髮。富貴何啻葭中葶。惟將翰墨畱染濡。絕勝醉倒蛾
眉扶。我今廢學如寒竽。久不吹之澀欲無。歲云暮矣嗟幾餘。欲往南
溪侶。一作旅禽魚秋風吹雨涼。生膚夜長耿耿添漏壺。窮年弄筆衫袖烏。
古人有之我願如。終朝危坐學僧趺。閉門不出閑履屨。下視官爵如
泥淤。嗟我何為久踟躕。歲月宣百與汝居。僕夫起餐秣吾駒。

前篇是未得去
此篇是將去

直字似論矣
極有
佳語便有神

七月二十四日以久不雨出禱礮溪是日宿號縣二十五日晚
自號縣渡渭宿於僧舍曾閣閣故曾氏所建也夜久不寐見壁
有前縣令趙薦留名有懷其人

龕燈明滅欲三更。欹枕無人夢自驚。深谷留風終夜響。亂山銜月半
牀明。故人漸遠無消息。古寺空來看姓名。欲向礮溪問姜叟。僕夫屢
報斗杓傾。

二十六日五更起行至礮溪未明

夜入礮溪如入峽。照山炬火落驚猿。山頭孤月耿猶在。石上寒波曉
更喧。至人舊隱白雲合。神物已化遺蹤蛇。安得夢隨霹靂駕。馬上傾
倒天瓢翻。

是日自礮溪往陽平憇於麻田青峰寺之下院翠麓亭
不到峰前寺。空來渭上村。此亭聊可喜。修徑豈辭捫。谷映朱欄秀。山

含古木尊。路窮驚石斷。林缺見河奔。馬困嘶青草。僧留薦晚飧。我來
秋。日午旱久石牀溫。安得雲如蓋。能令雨滂盆。共看山下稻。涼葉晚
翻翻。

二十七日自陽平至斜谷宿於南山中蟠龍寺

橫槎晚渡碧澗口。騎馬夜入南山谷。谷中暗水響瀧瀧。嶺上疎星明
煜煜。寺藏崑崙底。千萬仞路轉山腰。三百曲風生饑虎嘯空林。月黑驚
麈竄。修竹入門突兀見深殿。照佛青瑩有殘燭。媿無酒食待游人。旋
斫杉松煮溪蕪。板閣獨眠驚旅枕。木魚曉動隨僧粥。起觀萬瓦鬱參
差。日亂千巖散紅綠。門前商賈負椒苳。山後咫尺連巴蜀。何時歸耕
江上田。一夜心逐南飛鵠。

是日至下馬磧憇於北山僧舍有閣曰懷賢南直斜谷西臨五
丈原諸葛孔明所從出師也

南望斜谷口。三山如犬牙。西觀五丈原。鬱鬱屈如長蛇。有懷諸葛公。萬
騎出漢巴。吏士寂如水。蕭蕭聞馬嘶。公才與曹丕。豈止十倍加。顧瞻
三輔間。勢若風卷沙。一朝長星墜。竟使蜀婦髻。山僧豈知此。一室老
煙霞。往事逐雲散。故山依澗斜。客來空弔古。清淚落悲笳。

施註蘇詩卷之二

詩四十五首

起在鳳翔至治平乙巳罷鳳翔
任還京師作施注缺今補

和子由記園中草木十一首

煌煌帝王都。赫赫走羣彥。嗟汝獨何為。閉門觀物變。微物豈足觀。汝
獨觀不倦。牽牛與葵藿。採摘入詩卷。吾聞山東傳。置酒攜嫵婉。富貴
未能忘。聲色聊自遣。汝今又不然。時節看瓜蔓。懷寶自足珍。藝蘭那
計畹。吾歸於汝處。慎勿嗟歲晚。

荒園無數畝。草木動成林。春陽一已敷。妍醜各自矜。蒲萄雖滿架。困
倒不能任。可憐病石榴。花如破紅襟。葵花雖粲粲。蒂淺不勝簪。叢蓼
晚可喜。輕紅隨秋深。物生感時節。此理等廢興。飄零不自由。盛亦非
汝能。

種柏待其成。柏成人已老。不如種叢篁。春種秋可倒。陰陽不擇物。美

惡○隨○意○造○柏○生○何○苦○艱○似○亦○費○天○巧○天○工○巧○有○幾○肯○盡○為○汝○耗○君○看
藜○與○藿○生○意○常○草○草○

萱○草○雖○微○花○孤○秀○能○自○拔○亭○亭○亂○葉○中○一○一○芳○心○插○牽○牛○獨○何○畏○詰
曲○自○牙○蘗○走○尋○荆○與○榛○如○有○宿○昔○約○南○齋○讀○書○處○亂○翠○曉○如○潑○偏○工
貯○秋○雨○歲○歲○壞○籬○落○

蘆○筍○初○似○竹○稍○開○葉○如○蒲○方○春○節○抱○甲○漸○老○根○生○鬢○不○愛○當○夏○綠○愛
此○及○秋○枯○黃○葉○倒○風○雨○白○花○擲○江○湖○江○湖○不○可○到○移○植○苦○勤○的○安○得
雙○野○鴨○飛○來○成○畫○圖○

行○樂○惜○芳○晨○秋○風○常○苦○早○誰○知○念○離○別○喜○見○秋○瓜○老○秋○瓜○感○霜○霰○莖
葉○颯○已○槁○宦○遊○歸○無○時○身○若○馬○繫○阜○悲○鳴○念○千○里○耿耿○志○空○抱○多○憂
竟○何○為○使○汝○玄○髮○縞○
官○舍○有○叢○竹○結○根○問○四○廳○下○為○人○所○徑○土○密○不○容○釘○慙○慙○戒○吏○卒○插

棘○護○中○庭○遶○砌○忽○墮○裂○走○鞭○瘦○玲○瑯○我○常○攜○枕○簟○來○此○蔭○寒○青○日○暮
不○能○去○卧○聽○牕○風○冷○

芎○藭○生○蜀○道○白○芷○來○江○南○漂○流○到○關○輔○猶○不○失○芳○甘○濯○濯○翠○莖○滿○惜
惜○清○露○涵○及○其○未○花○實○可○以○資○筐○篋○秋○節○忽○已○老○苦○寒○非○所○堪○劇○根
取○其○實○對○此○微○物○慙○

自○我○來○關○輔○南○山○得○再○遊○山○中○亦○何○有○草○木○媚○深○幽○菖○蒲○人○不○識○生
此○亂○石○溝○山○高○霜○雪一作雪霜苦○苗○葉○不○得○抽○下○有○千○歲○根○蹙○縮○如○蟠○蚪○長
為○鬼○神○守○德○薄○安○敢○偷○

我○歸○自○南○山○山○翠○猶○在○目○心○隨○白○雲○去○夢○遶○山○之○麓○汝○從○何○方○來○笑
齒○粲○如○玉○探○懷○出○新○詩○秀○語○奪○山○綠○覺○來○已○茫○昧○但○記○說○秋○菊○有○如
採○樵○子○入○洞○聽○琴○筑○歸○來○寫○遺○聲○猶○勝○人○間○曲○

篇○夢○中○甚○愛○之○及○覺○唯
記○一○句○云○蟋○蟀○悲○秋○菊

公○自○注○八○月○十○一○日○夜○宿○府○學○方
和○此○詩○夢○與○弟○游○南○山○出○詩○數○十

野菊生秋澗。芳心空自知。無人驚歲晚。惟有暗蛩悲。花開澗水上。花落澗水湄。菊衰蛩亦蟄。與汝歲相期。楚客方多感。秋風詠江離。落英不滿掬。何以慰朝飢。

周公廟廟在岐山西北七八里廟後百許步有泉依山湧洌異
常國史所謂潤德泉世亂則竭者也

中年復流賜號潤德泉後又涸今其泉復湧澄澹甘潔太宗嘉之

湘山野錄雍熙二年鳳翔奏岐山縣周公廟有泉湧出相傳時平則流亂則竭至大

吾今那復夢周公。尚喜秋來過故宮。翠鳳舊依山碑兀。清泉長與世窮通。至今游客傷離黍。故國諸生詠雨濛。牛酒不來烏鳥散。白楊無數暮號風。

南溪之南竹林中新構一茆堂予以其所處最為深邃故名之
避世堂

猶恨溪堂淺。更穿修竹林。高人不畏虎。避世已無心。隱几顏如病。忘

言兀似一作自瘖。茆茨追上古。冠蓋謝當今。曉夢猿呼覺。秋懷鳥伴吟。暫來聊解帶。屢去欲攜衾。湖上行人絕。堦前暮雪深。應逢綠毛叟。扣戶夜抽簪。

自清平鎮遊樓觀五郡大秦延生仙游往返四日得十一詩寄
舍弟子由同作

樓觀注見前卷

鳥噪猿呼晝閉門。寂寥誰識古皇尊。青牛久已辭轅軻。白鶴時來一作來時訪子孫。山近朔風吹積雪。天寒落日淡孤村。道人應怪遊人衆。汲盡階前井水渾。

五郡

古觀正依林麓斷。居民來就一作說水泉甘。亂溪赴渭爭趨北。飛鳥迎山不復南。羽客衣冠朝上象。野人香火祝春蠶。汝師豈解言符命。山鬼

何知託老聃公自注觀有明皇碑言夢老子告以享國長久之意

授經臺公自注乃南山一峰耳非復有築處

劍舞有神通草聖海山無事化琴工此臺一覽秦川小不待傳經意已空

大秦寺

晃蕩平川盡坡陀翠麓橫忽逢孤塔迴獨向亂山明信足幽尋遠臨風卻立驚原田浩如海滾滾一作畫東傾

仙游潭五首

公自注潭上有寺三二在潭北循黑水而上為東路至南寺渡黑水西里餘從馬北上為西路至北寺東路險不可騎馬而西路隔潭潭水深不可測上以一木為橋不敢過

潭

翠壁下無路何年雷雨穿光搖巖上寺深到影中天我欲然一作屏看龍應抱寶眠誰能一作孤石上危坐試僧禪

南寺

東去愁攀石西來怯渡橋碧潭如見試白塔苦相招野饋慚微薄村沽慰寂寥路窮斤斧絕松桂得干霄

北寺

唐初傳有此亂後不留碑畏虎關門早無村得米遲山泉自入甕野桂不勝炊信美那能久應先學忍飢

馬融石室

未應將軍聘初從季直游絳紗生不識蒼石尚能留豈害依梁冀何須困李侯吾詩慎勿刻猿鶴為君羞

玉女洞

洞裏吹簫子終年守獨幽石泉為曉鏡山月當簾鉤歲晚杉楓盡人歸霧雨愁送迎應鄙陋誰繼楚臣謳

知其所此以子
用符

愛玉女洞中水既致兩餅恐後復取而為使者見給因破竹為契使寺僧藏其一以為往來之信戲謂之調水符
欺謾久成俗關市有契縲誰知南山下取水亦置符古人辨淄澠皎若鶴與鳧吾今既謝此但視符有無常恐汲水人智出符之餘多防竟無及棄置為長吁

自仙游回至黑水見居民姚氏山亭高絕可愛復憩其上

山鷗曉辭谷似報游人起出門猶屢顧慘若去吾里道途險且迂繼此復能幾溪邊有危構歸駕聊復祝愛此山中人縹緲如仙子平生慕獨往官爵同一屣胡為此溪邊眷眷若有埃國恩久未報念此慙且泚臨風浩悲咤萬世同一軌何年謝簪紱丹砂留迅晷

南溪有會景亭處眾亭之間無所見甚不稱其名予欲遷之少西臨斷岸西嚮可以遠望而力未暇特為製名曰招隱仍為詩

以告來者庶幾遷之

飛簷臨古道高榜勸遊人未即令公隱聊須濯路塵蒹葭分聚落烟火傍城闈林缺湖光漏牕明野意新居民惟白帽過客謾朱輪山好畱歸屐風回落醉巾他年誰改築舊製不須因再到吾雖老猶堪作坐賓

凌虛臺

王注在鳳翔縣後園陳希亮知鳳翔時建先生集載凌虛臺記

才高道直
希亮耶
才高多感激道直無往還不如此臺上舉酒邀青山青山雖云遠似亦識公顏崩騰赴幽賞披豁露天慳落日銜翠壁暮雲點烟鬟浩歌清興發放棄末禮刪是時歲云暮微雪灑袍斑吏退迹如掃賓來勇躋攀臺前飛鴈過臺上雕弓彎聯翩向空墜一笑驚塵寰

竹籬

王注竹籬食竹根之鼠也

野人獻竹籬腰腹大如盎自言道傍得採不費置網鷓夷讓圓滑混

沌慙瘦爽。兩牙雖有餘。四足僅能髣。逢人自驚蹶。悶若兒脫襁。念此微陋質。乃几安足枉。就擒太倉卒。羞愧不能饗。南山有孤熊。擇獸行舐掌。

漢陂魚

公自注陂在鄆縣王注杜詩有漢陂行字從水從美以陂中魚故得名漢音美

霜筠細破為雙掩。中有長魚如臥劍。紫荇穿顛氣慘悽。紅鱗照座光磨閃。攜來雖遠鬣尚動。烹不待熟指先染。坐客相看為解顏。香粳飽送如填塹。早歲嘗為荆渚客。黃魚屢食沙頭店。濱江易採不復珍。盈尺輒棄無乃僭。自從西征復何有。欲致南烹嗟久欠。游儵瑣細空自腥。亂骨縱橫動遭砭。故人遠餽何以報。客俎久空驚忽瞻。東道無辭信使頻。西鄰幸有庖虀醢。魚欠切

讀道藏

嗟予亦何幸。偶此琳宮居。宮中何復有。戢戢千函書。盛以丹錦囊。冒

以青霞裾。王喬掌關籥。蚩尤守其廬。乘閒竊掀攬。涉獵豈暇徐。至人悟一言。道集由中虛。心閑反自照。皎皎如芙蕖。千歲厭世去。此言乃籙籙人。皆忽其身。治之用土苴。何暇及天下。幽憂吾未除。

十二月十四日夜微雪明日早往南溪小酌至晚

南溪得雪真無價。走馬來看及未消。獨自披榛尋履迹。最先犯曉過朱橋。誰憐破屋眠無處。坐覺村飢語不驚。惟有暮鴉知客意。驚飛一片落寒條。

九月中曾題二小詩於南溪竹上既而忘之昨日再遊見而錄之

湖上蕭蕭疎雨過。山頭靄靄暮雲橫。陂塘水落荷將盡。城市人歸虎欲行。

誰謂江湖居。而為虎豹宅。焚山豈不能。愛此千竿碧。

司竹監燒葦園因名都巡檢柴貽勗左藏以其徒會獵園下
 官園刈葦歲畱槎深冬放火如紅霞枯槎燒盡有根在春雨一洗皆
 萌芽黃狐老兔最狡捷賣侮百獸常矜誇年年此厄竟不悟但愛蒙
 密爭來家風迴焰卷毛尾勢欲出已被蒼鷹遮野人來言此最樂徒
 手曉一作時出歸滿車巡邊將軍在近邑呼來颯颯從矛又戍兵久閑可
 小試戰鼓雖凍猶堪撾雄心欲搏南澗虎陣勢頗學常山蛇霜乾火
 烈聲爆野飛走無路號且呀迎人截來若一作苦逢箭避犬一作火逸去窮投
 置擊鮮走馬殊未厭但恐落日催棲鷓弊旗仆鼓坐數獲鞍挂雉兔
 肩分慶主人置酒聚狂客紛紛醉語晚更譁燎毛燔肉不暇割飲啖
 直欲追羲媧青邱雲夢古所宅與此何啻百倍加苦遭諫疏說夷羿
 又被賊客嘲淫奢豈如閑官走山邑放曠不與趨朝衙農工已畢歲
 云暮車騎雖少賓殊佳酒酣上馬去不告獵獵霜風吹帽斜

和子由木山引水二首

濁江久不見滄浪江上枯槎遠可將去國尚能三犢載汲泉何愛一
 夫忙崎嶇好事人應笑冷波為歡意自長遙想納涼清夜永牕前微
 月照汪汪

千年古木臥無梢浪卷沙翻去似飄幾度過秋生薛暈至今流潤應
 江潮泫然疑有蛟龍吐斷處人言霹靂焦材大古來無適用不須鬱
 鬱慕山苗

寄題興州鼉太守新開古東池

百畝新池傍郭斜居人行樂路人誇自言官長如靈運能使江山似
 永嘉縱飲座中遺白蛤音蛤幽尋盡處見桃花不堪山鳥號歸去長遣
 王孫苦憶家

華陰寄子由

寫出老儒

三年無日不思歸。夢裏還家旋覺非。臘寒催去東風吹。酒送寒催去。國東風雪滿征衣。三峰已過天浮翠。四扇行看日照扉。里堠消磨不禁盡。速攜家餉勞驂駟。

和董傳留別

王注董傳字至和洛陽人有詩名嘗在鳳翔與東坡相從韓魏公鎮長安傳有詩云古來風義遺才少近世公卿薦士稀韓舉而已卒考

麤繒大布裹生涯。腹有詩書氣自華。厭伴老儒烹瓠葉。強隨舉子踏槐花。囊空不辦尋春馬。眼亂行看擇婿車。得意猶堪誇世俗。詔黃新濕字如鴉。

次韻柳子玉見寄

薄雷輕雨曉晴初。陌上春泥未濺裾。行樂及時雖有酒。出門無侶謾看書。遙知寒食催歸騎。定把鷓鴣載後車。他日見邀須強起。不應辭病似相如。

送曾子固倅越得燕字

王注子固名鞏南豐人嘉祐二年永叔知貢舉子固兄弟四人同登科

夢覺者之多也
語淡言激

醉翁門下士。雜沓難為賢。曾子獨超軼。孤芳陋羣妍。昔從南方來。與翁兩聯翩。翁今自憔悴。子去亦宜然。賈誼窮適楚。樂生老思燕。那因江鱸美。遽厭天庖羶。但苦世論隘。聒耳如蜩蟬。安得萬頃池。養此橫海鱣。

王頤赴建州錢監求詩及草書

我昔識子自武功。寒廳夜語尊酒同。酒闌燭盡語不盡。倦僕立寐僵屏風。丁寧勸學不死訣。自言親受方瞳翁。嗟予聞道不早悟。醉夢顛倒隨盲聾。邇來憂患苦摧剝。意思蕭索如霜蓬。羨君顏色愈少壯。外慕漸少由中充。河車挽水灌腦黑。丹砂伏火入頰紅。大梁相逢又東去。但道何日辭樊籠。未能便乞勾漏集作峒令。官曹似是錫與銅。留詩河上慰離別。草書未暇緣怱怱。一作念念

秀州僧本瑩靜照堂

每事乃更悲道
盡人情

堂名本佳
取詩
總之遂之從
自喜

鳥囚不忘飛馬繫常念馳靜中不自勝不若聽所之君看殿事人無
事乃更悲貧賤苦形勞富貴嗟神疲作堂名靜照此語子謂誰江湖
隱淪士豈無適時資老死不自惜扁舟自娛嬉從之恐莫見况肯從
我為

石蒼舒醉墨堂

王注蒼舒京兆人字才美善行草人謂得草聖三昧官為承事郎通判保安庫嘗為丞相呂公微仲所薦不達而卒

人生識字憂患始姓名麈記可以休何用草書誇神速開卷懍恍令人
愁我嘗好之每自笑君有此病何能瘳自言其中有至樂適意無
異道逢遊近者作堂名醉墨如飲美酒銷百憂乃知柳子語不妄病
嗜土炭如珍羞君於此藝亦云至堆墻敗筆如山邱興來一揮百紙
盡駿馬倏忽踏九州我書意造本無法點畫信手煩推求胡為議論
獨見假隻字片紙皆藏收不減鍾張君自足下方羅趙我亦優不須
臨池更苦學完取絹素充衾裯

送安惇秀才失解西歸

今日樓區那可
追更有味之言
多常謂落第是
好事又何必
年方五公此
合

舊書不厭百回讀熟讀深思子自知他年名宦恐不免今日樓區那
可追我昔家居斷還往著書不復窺園葵謁來東遊慕人爵棄去舊
學從兒嬉狂謀謬算百不遂惟有霜鬢來如期故山松柏皆手植種
行且拱矣歸何時萬事早知皆有命十年浪走寧非癡與君未可較
得失臨別惟有長嗟咨

送任伋通判黃州兼寄其兄孜

王注孜時為簡州平泉令字師聖伋字師中皆名士眉人也東坡謂之大任小任兄弟於慶曆開登第

吾州之豪任公子少年盛壯日千里無媒自進誰識之有才不用今
老矣別來十年學不厭讀破萬卷詩愈美黃州小郡夾谿谷茆屋數
家依竹葦知命無憂子何病見賢不薦誰當恥平原老令更可悲六
十青衫貧欲死桐鄉遺老至今泣潁川大姓誰能箠因君寄聲問消
息莫對黃鶴矜爪觜

施註蘇詩卷之二終

施註蘇詩卷之三

詩四十五首

起熙寧己酉還京師至辛亥乞外除
通判杭州赴任由陳顥過廣陵作

和子由初到陳州見寄二首

道喪雖云久。吾猶及老成。如今各衰晚。那更治刑名。懶惰便樗散。疎狂託聖明。阿奴須碌碌。門戶要全生。
舊隱三年別。杉松好在。吾今尚眷眷。此意恐悠悠。閉戶時尋夢。無人可說愁。還來送別處。雙淚寄南州。

次韻子由綠筠堂

愛竹能延客。求詩剩挂牆。風梢千蠹亂。月影萬夫長。谷鳥驚碁響。山蜂識酒香。只應陶靖節。會聽北牕涼。

送劉攽倅海陵

劉攽字貢父。臨江新喻人。與王介甫論新法不便。介甫怒。斥通判泰州。

君不見阮嗣宗。臧否不挂口。莫誇舌在牙齒牢。是中惟可飲醇酒。讀

此詩豈有介甫
見耶

書不用多作詩不須工海邊無事日日醉夢魂不到蓬萊宮秋風昨夜入庭樹尊絲未老君先去君先去幾時迴劉郎應白髮桃花開不開

送錢藻出守婺州得英字

錢藻字醇老武肅王鏐五世孫熙寧三年以尚書司封郎中開校理出守婺州同舍之士飲錢於觀音院會者凡二十八醇老

為詩二十言以示坐者各取其一言為韻賦詩送之曾壁為之序

老手便劇郡高懷厭承明聊紆東陽綬一濯滄浪纓東陽佳山水未到意已清過家父老喜出郭壺漿迎子行得所願愴恨居者情吾君方急賢日汗坐邇英黃金招樂毅白璧賜虞卿子不少自貶陳義空崢嶸古稱為郡樂漸恐煩敲榜臨分敢不盡醉語醒還驚

送呂希道知和州

呂希道字景純河東人丞相文靖公之孫翰林侍讀學士公綽之子歷知解和滄汝澶湖臺七州

去年送君守解梁今年送君守歷陽一作樞年年送人作太守坐受塵土堆胃腸君家聯翩三將相富貴未已今方將鳳雛驥子生有種毛骨

漸思煩敲榜者
寸新法也

往往傳諸郎觀君岷鬱負奇表便合劍佩趨明光胡為小郡屢奔走征馬未解風帆張我生本自便江海忍恥未去猶徬徨無言贈君有長歎羨哉河水空洋洋

次韻王誨夜坐

愛君東閣能延客顧我閑官不計員策杖頻過知未厭卜居相近豈辭遷莫將詩句驚搖落漸喜樽罍省僕緣待約月明池上宿夜深同看水中天

送文與可出守陵州

文與可名同梓潼人畫竹石妙絕一世得者皆寶之

壁工墨君不解語見之尚可消百憂而况我友似君者素節凜凜欺霜秋清詩健筆何足數逍遙齊物追莊周奪官遣去不自覺曉梳脫髮誰能收江邊亂山赤如赭陵陽正在千山頭君知遠別懷抱惡時遣墨君解我愁

此竹宮人詩所
以移也

送劉道原歸觀南康

劉道原名恕筠州人介甫執政道原在館閣欲引寔條例司固辭是時介甫權震天下人不敢忤而道原憤憤欲與之校又條陳所更法令

不合眾心者至面刺其過介甫怒變色道原不以為意或稱人廣坐對其門生誦言得失無所避遂與之絕此詩端為介甫而發以孔融汲黯比道原曹操張湯况介甫又云雖無尺筆与寸刀口吻排擊含風霜益著其面折之實也

晏嬰不滿六尺長高節萬仞陵首陽青衫白髮不自歎富貴在天那
得忙十年閉戶樂幽獨百金購書收散亡却來東觀弄丹墨聊借舊
史誅姦強孔融不肖下曹操汲黯本自輕張湯雖無尺筆與寸刀口

聊借舊史誅姦
強得寸口過激

吻排擊含風霜自言靜中閱世俗有似不飲觀酒狂衣巾狼籍又屢
舞傍人大笑供干場交朋翩翩去畧盡惟我與子猶徬徨世人共弃
君獨厚豈敢自愛恐子傷朝來告別驚何速歸意已逐征鴻翔匡廬
先生古君子挂冠兩紀鬢未蒼定將文度置膝上喜動隣里烹猪羊
君歸為我道名姓一作幅巾他日容登堂

出題都來陳所乘船上有題小詩八首不知何人有感於余心者聊為和之

蛙鳴青草泊蟬噪垂楊浦吾行亦偶然及此新過雨
鳥樂忘置罟魚樂忘鉤餌何必擇所安滔滔天下是
煙火動村落晨光尚熹微田園處處好淵明胡不歸
我行無疾徐輕楫信漾船畱村市鬧聞發寒波漲容
舟人苦炎熱宿此喬木灣清月未及上黑雲如頽山
萬竅號地籟衝風散天池喧飀瞬息閒還挂斗與箕
潁水非漢水亦作蒲萄綠恨無襄陽兒令唱銅鞮曲
我詩雖云拙心平聲韻和年來煩惱盡古井無由波

次韻張安道讀杜詩

張文定公名方平字安道

大雅初微缺流風困暴豪張為詞客賦變作楚臣騷展轉更崩壞紛
綸閱俊髦地偏蕃怪產源失亂狂濤粉黛迷真色魚鮫易秦牢誰知
杜陵傑名與謫仙高掃地收千軌爭標看兩艘詩人例窮苦天意遣

奔逃塵暗一作人亡鹿。漢馮帝斬鼃，艱危思李牧。述作謝王褒，失意各千里。哀鳴聞九皋，騎鯨遁滄海。捋虎得綈袍，巨筆屠龍手。微官似馬曹，迂疎無事業。醉飽死游遨，簡牘儀刑在。兒童篆刻勞，今誰主文字。公合抱旌旄，開卷遙相憶。知音兩不遭，般斤思郢質。鯤化陋儵濠，恨我無佳句。時蒙致白醪，殷勤理黃菊。未遣沒蓬蒿。

送張安道赴南都留臺

我公古仙伯，超然羨門姿。偶懷濟物志，遂為世所縻。黃龍游帝郊，蕭韶鳳來儀。終然反溟極，豈復安籠池。出入四十年，憂患未嘗辭。一言有歸意，闔府諫莫移。吾君信英睿，搜士及菲茨。無人長者側，何以安子思。歸來掃一室，虛白以自怡。游於物之初，世俗安得知。我亦世味薄，因循鬢生絲。出處良細事，從公當有時。

傅堯俞濟源草堂

傅堯俞字欽之

微官共有田園興，老罷方尋隱退廬。栽種成陰十年事，倉黃欲買百金無。先生卜築臨清濟，喬木如今似畫圖。隣里亦知偏愛竹，春來相與護龍雛。

陸龍圖詵挽詩

陸詵字介夫，餘杭人。以龍圖閣直學士知成都。青苗法出詵言，蜀峽乃耕火種，民食常不足。至種芋充饑，願罷四路使者，并言差役水利事，皆不當。

改詒獨置成都府一路提舉省其三使詩云：挺然直節庇我岷，蓋謂是也。所歷桂延秦鳳，晉真定成都六州。秦鳳未工而改命詩云：六州巷哭蓋總言之爾。

挺然直節庇我岷，謀道從來不計身。屬纊家無十金產，過車巷哭六州民。塵埃輦寺三年別，樽俎岐陽一夢新。他日思賢見遺像，不論宿草更沾巾。

胡完夫母周夫人挽詞

胡完夫名宗愈，常州人。

柏舟高節冠鄉隣，絳帳清風聳搢紳。豈似凡人但慈母，能令孝子作忠臣。當年織屨隨方進，晚節稱觴見伯仁。回首悲涼便陳迹，凱風吹盡棘成薪。

次韻柳子玉過陳絕糧二首

風雨蕭蕭夜晦迷。不須嗚叫強知時。多才久被天公怪。闕食惟應爨婦知。杜叟挽衣那及脛。顏公食粥敢言炊。詩人情味真嘗變。遍試問於今底處一作處。

頴川初別子由二首

神宗青苗法既行。子由度不能救。以書抵介甫。指陳其決不可者。且請補外。介甫大怒。將加以罪。同列止之。除河南推官。會張安道知陳州。辟

為教授。東坡是時亦以論新法為介甫所嫉。通判杭州。出都。來陳。子由送至頴。且同謁歐陽公。而別蓋熙寧四年也。

征帆挂西風。別淚滴清潁。雷連知無益。惜此須臾景。我生三度別。此別尤酸冷。念子似先君。木訥剛且靜。寡辭真吉人。介石乃機警。至今天下士。去莫如子猛。嗟我久病狂。意行無坎井。有如醉且墜。幸未傷

輒醒。從今得閑暇。默坐消日永。作詩解子憂。持用日三省。

近別不改容。遠別涕霑臆。咫尺不相見。實與千里同。人生無別離。別誰知恩愛重。始我來宛邱。牽衣舞兒童。便知有此恨。留我過秋風。秋風亦已過。別恨終無窮。問我何年歸。我言歲在東。離合既循環。憂喜迭相攻。語此長太息。我生如飛蓬。多憂髮早白。不見六一翁。

歐陽少師令賦所蓄石屏

何人遺公石屏風。上有水墨希微蹤。不畫長林與巨植。獨畫峨眉山西雪嶺上。萬歲不長之孤松。崖崩澗絕可望。不可到。孤煙落日相溟濛。含風偃蹇得真態。刻畫始信天有工。我恐畢宏韋偃死。葬號山下骨。可朽爛。心難窮。神機巧思無所發。化為煙霏淪石中。古來畫師非俗士。摹寫物象畧與詩人同。願公作詩慰不遇。無使二子含憤泣幽宮。

陪歐陽公燕西湖王注穎州西湖

謂公方壯鬢似雪。謂公已老光浮頰。竭來湖上飲美酒。醉後劇談猶激烈。湖邊草木新著霜。芙蓉晚菊爭煌煌。插花起舞為公壽。公言百歲如風狂。赤松共游也不惡。誰能忍饑啖仙藥。已將壽夭付天公。彼徒辛苦吾差樂。城上烏棲暮靄生。銀缸畫燭照湖明。不辭歌詩勸公飲。坐無桓伊能撫箏。

十月二日將至渦口五里所遇風雨留宿

長淮久無風。放意弄清快。今朝雪浪滿。始覺平野隘。兩山控吾前。吞吐久不噉。楚快切孤舟繫桑本。終夜舞澎湃。舟人更傳呼。弱纜恃管蒯。平生傲憂患。久矣恬百怪。鬼神欺吾窮。戲我聊一噫。餅中尚有酒。信命誰能戒。

出潁口初見淮山是日至壽州

東坡嘗縱筆書此詩且題云予年三十六赴杭倅過壽作此詩今五十九南遷至度煙雨淒然頗有

引少章詩健

當年氣象也墨蹟在吳興秦氏集作平淮墨蹟作長淮今從墨蹟

我行日夜向江海。楓葉蘆花秋興長。一作淮忽迷天遠近。青山久與船低昂。壽州已見白石塔。短棹未轉黃茆岡。波平風軟望不到。故人久立煙蒼茫。

壽州李定少卿出餞城東龍潭上

山鴉噪處古靈湫。亂沫浮涎遶客舟。未暇然犀照奇鬼。欲將燒燕出潛蚪。使君惜別催歌管。村巷驚呼聚攫猴。此地他年頌遺愛。觀魚并記老莊周。

濠州七絕

塗山

公自注下有繇廟山前有禹會村唐地理志濠州鍾離縣有塗山九域志當塗城塗山氏之邑

川鎖支祁水尚渾。地理汪罔骨應存。樵蘇已入黃熊廟。烏鵲猶朝禹會村。

彭祖廟公自注有雲母山云彭祖所採服也

跨歷商周看盛衰。欲將齒髮鬪蛇龜。空餐雲母連山盡。不見蟠桃著子時。

逍遙臺公自注莊子祠堂在開元寺即墓為堂

常怪劉伶死便埋。豈伊忘死未忘骸。烏鳶奪得與螻蟻。誰信先生無此懷。

觀魚臺九域志濠州有莊子觀魚臺

欲將同異較錨鉶。肝膽猶能楚越如。若信萬殊歸一理。子今知我我知魚。

虞姬墓九域志陰陵城項羽迷失道於此蓋虞姬死所

帳下佳人拭淚痕。門前壯士氣如雲。倉黃不負君王意。只有虞姬與鄭君。

四望亭公自注大和中刺史劉嗣之立李紳以太子賓客分司東都過濠為作記記今存而亭廢者數年矣

頽垣破礎沒柴荆。故老猶言短李亭。敢請使君重起廢。落霞孤鶩換新銘。

浮山洞公自注洞在淮上夏潦不能及而冬不加高故人疑其浮也

人言洞府是鼇宮。升降隨波與海通。共坐船中那得見。乾坤浮水水浮空。

泗洲僧伽塔公自記泗洲大聖傳云和尚何國人也又曰世莫知其所從來云不知何國人也近讀隋書西域傳乃有何國余在惠州忽被命責儋耳太守方子容自攜告身來且語余曰此固前定無可恨吾妻沈素事僧伽謹甚一夕夢和尚告別沈問所往答云當與蘇子瞻同行後七十二日當有命今適七十二日矣豈非前定乎予以謂事之前定者不待夢而知然予何人也而和尚辱與同行得非夙世有少緣契乎參寥有詩誌此事

我昔南行舟繫汴。逆風三日沙吹面。舟人共勸禱靈塔。香火未收旗脚轉。回頭頃刻失長橋。卻到龜山未朝飯。至人無心何厚薄。我自懷私欣所便。耕田欲雨刈欲晴。去得順風來者怨。若使人人禱輒遂。造物應須日千變。我今身世兩悠悠。去無所逐來無戀。得行固願留不

惡每到有求神亦倦退之舊云三百尺澄觀所營今已換不嫌俗士
汗丹梯一看雲山遠淮甸

龜山

九域志泗州盱眙縣龜山鎮

我生飄蕩去何求再過龜山歲五周身行萬里半天下僧臥一菴初
白頭地隔中原勞北望潮連滄海欲東游元嘉舊事無人記故壘摧
頽今在不

發洪澤中塗遇大風復還

九域志楚州淮陰縣洪澤鎮

風浪忽如此吾行欲安歸挂帆卻西邁此計未為非洪澤三十里安
流去如飛居民見我還勞問亦依依攜酒就船賣此意厚莫違醒來
夜已半岸木聲向微明日淮陰市白魚能許肥我行無南北適意乃
所祈何勞弄澎湃終夜搖牕扉妻孥莫憂色更典篋中衣

十月十六日記所見

風高月暗雲水

一作水雲

黃淮陰夜發朝山陽山陽曉霧如細雨炯炯初日

寒無光雲收霧卷已亭午有風北來寒欲僵忽驚飛電穿戶牖迅駛
不復容遮防市人顛沛百賈亂疾雷一聲如頽牆使君來呼晚置酒
坐定已復日照廊恍疑所見皆夢寐百種變怪旋消亡共言蛟龍厭
舊穴魚鼈隨空陂塘愚儒無知守章句論說黑白推何祥惟有主人
言可用天寒欲雪飲此觴

廣陵會三同舍弟各以其字為韻仍邀同賦

劉貢父

劉貢父名敞公有送劉放倅海陵詩見本卷錢公輔字君倚時正在郡賢主人謂君倚也

去年送劉郎醉語已驚眾如今各漂泊筆硯誰能弄我命不在天昇
殼未必中作詩聊遣意老大慵譏諷夫子少年時雄辯輕子貢爾來
再傷弓戢翼念前痛廣陵三日飲相對恍如夢况逢賢主人白酒撥
春甕竹西已揮手灣口猶屢送羨子去安閒吾邦正喧闐

我泊銅梁月三解纜
便因頂个以回最
至明个倒回二十
後此詩為一兩也

孫巨源

孫巨源名洙廣陵人在諫院時王介甫行新法多逐諫官御史巨源心知不可而鬱鬱不能有所言但懇乞補外知海州既會於此東坡與劉貢父劉莘老皆坐論新法以去

巨源既同舍雅相厚又居諫省而此詩云終歲不及門則異趣可見又用柳子厚王孫賅事終以巨源絕交之句其責之深矣

三年客京輦憔悴難具論揮汗紅塵中但隨馬蹄翻人情貴往返不報生禍根坐令平生友終歲不及門南來實清曠但恨無與言不謂廣陵城得逢劉與孫異趣不兩立譬如王孫賅吾儕久相聚恐見疑排根我編類中散子通真巨源絕交固未敢且復東南奔

劉莘老

劉莘老名摯極論新法章數上中丞楊繪亦言其非安石使曾布作十難折之仍詰兩人向背好惡之情繪懼謝罪莘老獨奮曰為人臣豈可履於權執使天子不知利害之實即條對所難以伸其說又云若謂向背則臣所向者義所背者利所向者君又所背者權臣安石大怒將竄嶺外上不聽謫監衡州鹽倉初安石黨友傾一時造作言語以為幾於聖人至是遂以其學亂天下先生詩才在田里云謂此也

江陵昔相遇幙府稱上賓再見明光宮我冠揖搢紳如今三見子坎壈為逐臣朝游雲霄間欲分丞相茵莫落江湖上遂與屈子隣了不見喜愠子豈真可人邂逅成一歡醉語出天真士方在田里自比澗與莘出試乃大謬芻狗難重陳歲晚多霜露歸耕當及辰

卷之三終

投寄畫矣

施註蘇詩卷之四

詩四十七首

起自京口之錢塘以是年十一月抵任通守錢塘作

游金山寺

南唐僧應之頤陀巖記金山昔名浮玉因裴頭陀江際獲金頁元二十一年節帥李錡奏易名金山

我家江水初發源宦游直送江入海聞道潮頭一丈高天寒尚有沙痕在中冷南畔石盤陀古來出没隨濤波試登絕頂望鄉國江南江北青山多霸愁畏晚尋歸楫山僧苦留看落日微風萬頃鞞文細斷霞半空魚尾赤是時江月初生魄二更月落天深黑江心似有炬火明飛焰照山樓鳥驚悵然歸臥心莫識非鬼非人竟何物公自注是夜所見如此山如此不歸山江神見怪驚我頑我謝江神豈得已有田不歸如江水

自金山放船至焦山

潤州圖經焦山焦先所隱故以為名

金山樓觀何耽耽撞鐘擊鼓聞淮南焦山何有有修竹採薪汲水僧

前年奇宕之至
後半乃弱何也

見自來金山不
易游也往遊以
留芳庵自乃太
西任

兩三雲霧浪打人迹絕時有沙戶柳春蠶公自注吳人謂水
中可田者為沙我來金山更畱
宿而此不到心懷慙同游盡返決濁往賦命窮薄輕江潭清晨無風
浪自湧中流歌嘯倚半酣老僧下山驚客至迎笑喜作巴人諛公自注
焦山長
山蔬甘山林饑臥古亦有無田不退寧非貧展禽雖未三見黜叔夜
自知七不堪行當投劾謝簪組為我佳處畱茆菴

甘露寺

潤州園經甘露寺在北固山上唐寶曆中李德裕建公自注欲遊甘露寺有二客相遇遂與偕行
寺有石如羊相傳謂之根石云諸葛亮孔明坐其上與孫仲謀論曹公也大鐵鑊二案銘梁武
帝所鑄畫師子一菩薩二陸探微筆衛公所畱祠堂在寺手植柏合抱矣近
寺僧發古殿基得舍利七粒并石記乃衛公為穆宗皇帝造福所葬者也

江山豈不好獨游情易闌但有相攜人何必素所歡我欲訪甘露當
途無閑官二子舊不識欣然肯聯鞍古郡山為城層梯轉朱欄樓臺
斷崖工地窄天水寬一覽吞數州山長江漫漫卻望大明寺惟見煙
中竿很石臥庭下穹隆如伏羶緬懷臥龍公挾策事瑯鑽一設收獒

次韻子由柳湖感物

子再說走老瞞名高有餘想事往無留觀蕭公古鐵鑊相對空團團
陂陁受百斛積雨生微瀾泗水逸周鼎渭城辭漢盤山川失故態怪
此能獨完僧繇六化人霓衣挂冰紈隱見十二疊觀者疑夸謾破板
陸生畫青猊戲盤跚上有二天人揮手如翔鸞筆墨雖欲盡典型垂
不刊赫赫贊皇公英姿凜以寒古柏手親種挺然誰敢干枝撐雲峰
裂根入石窟蟠雜草得斷碑斬崖出金棺瘞藏豈不牢見伏理可歎
四雄皆龍虎遺迹儼未初方其盛壯時爭奪肯少安廢興屬造物遷
逝誰控搏况彼妄庸子而欲事所難古今共一軌後世徒辛酸聊興
廣武歎不待雍門彈

次韻子由柳湖感物

憶昔子美在東屯數間茆屋蒼山根嘲吟草木調蠻獠欲與猿鳥爭
啾喧子今憔悴眾所棄驅馬獨出無往還惟有柳湖萬株柳清陰與

四雄皆龍虎遺迹儼未初
方其盛壯時爭奪肯少安

子供朝昏胡為譏評不少借生意凌挫難為繁柳雖無言不解慍世
俗乍見應憮然嬌姿共愛春濯濯豈問空腹修蛇蟠朝看濃翠傲炎
赫夜愛疎影搖清圓風翻雪陣春絮亂蠹響啄木秋聲堅四時盛衰
各有態搖落悽愴驚寒温南山孤松積雪底抱凍不死誰復賢

送蔡冠卿知饒州

冠卿與安石議刑名不合遂補外得饒州公送行詩意蓋在此

吾觀蔡子與人游披袒笑語無不可平生儻蕩不驚俗臨事迅澗乃
過我橫前抗穿眾所畏布路金珠誰不裹爾來變化驚何速昔號剛
強今亦頗憐君獨守廷尉法晚歲卻理鄱陽柂莫嗟天驥逐羸牛欲
試良玉須猛火世事徐觀真夢寐人生不信長轆軻知君決獄有陰
功他日老人醜魏顆

次韻楊褒早春

楊褒字之美嘉祐末為國子監直講治平間出通判潁州好收法書蔡君謨多從借榻歐陽公見其女奴彈琵琶有詩云嬌兒兩幅青衣服三脚木

林坐調曲奇書古畫不論價感以錦囊裝玉軸亦可見其人也

窮巷淒涼苦未和君家庭院得春多不辭瘦馬騎衝雪來聽佳人唱
踏莎破恨徑須煩麴蘖增年誰復怨羲娥良辰樂事古難竝白髮青
衫我亦歌細雨郊園聊種菜冷官門戶可張羅放朝三日君恩重睡
美不知身在何

初到杭州寄子由二絕

眼看時事力難勝貪戀君恩退未能遲鈍終須投劾去使君何日換
聾丞

聖明寬大許全身衰病摧頽自畏人莫上岡頭苦相望吾方祭竈請
比隣

次韻柳子玉二首

地爐

細聲蚯蚓發銀瓶擁褐橫眠天未明衰鬢鑷殘歌雪領壯心降盡倒

風旌自稱丹竈。錙銖火倦聽。山城長短更。聞道牀頭唯竹几。夫人應不解卿卿。公自注俗謂竹几為竹夫人

紙帳

亂文龜殼細相連。慣臥青綾恐未便。潔似僧巾白疊布。暖於蠶帳紫茸氈。錦衾速卷持還客。破屋那愁仰見天。但恐嬌兒還惡睡。夜深踏裂不成眠。

臘日游孤山訪惠勤惠思二僧

孤山在西湖上。惠勤餘杭人。東坡通守錢塘見歐陽文忠公於汝陰。而南公曰西湖僧惠勤甚

文而長於詩。子求人於湖山間而不可得。則往從勤乎東坡。到官三日訪勤於孤山之下。遂賦此詩。

天欲雪。雲滿湖樓。臺明滅。山有無。水清出石。石一作魚。可數林深無人鳥。相呼臘日不歸對。妻孥名尋道人實自娛。道人之居在何許。寶雲山前路盤紆。孤山孤絕誰肯廬。道人有道山不孤。紙牕竹屋深自暖。擁褐坐睡依圓蒲。天寒路遠愁僕夫。整駕催歸及未晡。出山迴望雲木

此詩多錯字。景公自注補詩。乃乃復得矣。

合但見野鷗盤浮圖。茲游波薄歡有餘。到家恍如夢蘧蘧。作詩火急追亡逋。清景一失後難摹。

李杞寺丞見和前篇復用元韻答之

獸在藪。魚在湖。一入池檻歸期無。誤隨弓旌落塵土。坐使鞭笞環呻呼。追胥連保罪及孥。公自注近屢獲鹽賊皆坐同保徙其家百日愁歎一日娛。白雲舊有終老約。朱綬豈合山人紉。人生何者非蘧廬。故山鶴怨秋猿孤。何時自駕鹿車去。掃除白髮煩菖蒲。麻鞋短後隨獵夫。射弋狐兔供朝晡。陶潛自作五柳傳。潘閔畫入三峰圖。吾年凜凜今幾餘。知非不去慙衛蘧。歲荒無術歸亡逋。鵠則易畫虎難摹。

再和

東望海。西望湖。山平水遠細欲無。野人疎狂逐魚釣。刺史寬大容歌呼。君恩飽暖及爾孥。才者不閑拙者娛。穿巖度嶺脚力健。未厭山水

如坐其外得皆
邱畫也

相縈紆三百六十古精廬。出游無伴籃輿孤。作詩雖未造藩闕。破悶
豈不賢。携補君才敏。瞻兼百夫。朝作千篇日未晡。揭來湖上得佳句。
從此不看營邱圖。知君篋積富有餘。莫惜錦繡償管籥。窮多鬪險誰
先通。賭取名畫不用摹。

游靈隱寺得來詩復用前韻

君不見錢塘湖。錢王壯觀今已無。屋堆黃金斗量珠。運盡不勞折簡
呼。四方宦游散其孥。官闕畱與閒人娛。盛衰哀樂兩須臾。何用多憂
心鬱紆。谿山處處皆可廬。最愛靈隱飛來孤。喬松百丈蒼髯鬚。擾擾
下笑柳與蒲。高堂會食羅千夫。撞鐘擊鼓喧朝晡。凝香方丈眠氈氍。
絕勝絮被縫海圖。清風徐來驚睡餘。遂超羲皇傲几蘧。歸時棲鴉正
畢逋。孤煙落日不可摹。

戲子由

宛邱先生長如邱。宛邱學舍小如舟。常時低頭誦經史。忽然欠伸屋
打頭斜。風吹帷雨注。面先生不愧傍人羞。任從飽死笑。加朔可為雨
立求秦優。眼前勅礪何足道。處置六鑿須天游。讀書萬卷不讀律。致
君堯舜知無術。勸農冠蓋鬧如雲。送老藿鹽甘似蜜。門前萬事不挂
眼。頭雖長低氣不屈。餘杭別駕無功勞。畫堂五丈容旂旄。重樓跨空
雨聲遠。屋多人少風騷騷。平生所慙今不恥。坐對疲氓更鞭箠。道逢
陽虎呼與言。心知其非口諾唯。居高志下真何益。氣節消縮今無幾。
文章小伎安足程。先生別駕舊齊名。如今衰老俱無用。付與時人分
重輕。

越州張中舍壽樂堂

熙寧五年簽書公事太子中舍張次
山字希元創建康人號能吏

青山偃蹇如高人。時常不肯入官府。高人自與山有素。不待招邀滿
庭戶。臥龍蟠屈半東州。萬室鱗鱗枕其股。背之不見與無同。狐裘反

先生別駕乃舍
而為一

衣無乃魯○張君眼力○觀天奧○能遣荆棘化○堂宇持頭宴坐○不出門收
攬奇秀得十五○才多事少○厭閒寂○臥看雲煙變○風雨筍如玉筋椹如
簪強飲且為山作主○不憂兒輩知此樂○但恐造物怪多取○春濃睡足
午牕明○想見新茶如潑乳○

姚屯田挽詞

京口年來者舊衰○高人淪喪路人悲○空聞韋叟一經在○不見恬侯萬
石時○貧病只知為善樂○逍遙卻恨棄官遲○七年一別真如夢○猶記蕭
然瘦鶴姿○

送岑著作

岑著作梓州人名象求字巖起時以提舉梓州路常平還蜀故詩云惟應故山夢隨子到吾廬

懶者常似靜○靜豈懶者徒○拙則近於直○而直豈拙歟○夫子靜且直○雍
容時卷舒○嗟我復何為○相得歡有餘○我本不違世○而世與我殊○拙於
林間鳩○懶於冰底魚○人皆笑其狂○子獨憐其愚○直者有時信○靜者

不終居○而我懶拙病○不受砭藥除○臨行怪酒薄○已與別淚俱○後會豈
無時○遂恐出處踈○惟應故山夢○隨子到吾廬○

吉祥寺賞牡丹

人老簪花不自羞○花應羞上老人頭○醉歸扶路人應笑○十里珠簾半
上鉤○

吉祥寺僧求閣名

過眼榮枯電與風○久長那得似花紅○上人宴坐觀空閣○觀色觀空色
即空○

和劉道原見寄

劉道原事見第三卷送道原歸觀南康詩注

敢向清時怨不容○直嗟吾道與君東○坐談足使淮南懼○歸去方知冀
北空○獨鶴不須驚夜旦○羣鳥未可辨雌雄○廬山自古不到處○得與幽
人子細窮○

和劉道原詠史

仲尼憂世接輿狂。臧穀雖殊竟兩亡。吳客漫陳豪士賦。桓侯初笑越人方。名高不朽終安用。日飲無何計亦良。獨掩陳編弔興廢。牕前山雨夜浪浪。

和劉道原寄張師民

仁義大捷徑。詩書一旅亭。相夸綬若若。猶誦麥青青。腐鼠何勞嚇。高鴻本自冥。顛狂不用喚。酒盡漸須醒。

送張職方吉甫赴閩漕六和寺中作

杭州圖經六和寺開寶三年建太平興國五年改開化寺

羨君超然鸞鶴姿。江湖欲下還飛去。空使吳兒怨不畱。青山漫漫七閩路。門前江水去掀天。寺後清池碧玉環。君如大江日千里。我如此水千山底。

雨中遊天竺靈感觀音院

蠶欲老。麥半黃。前山後山雨浪浪。農夫輟耒女廢筐。白如仙人在高堂。

和蔡準郎中見邀游西湖三首

夏潦漲湖深更幽。西風落木芙蓉秋。飛雪閣天雲拂地。新蒲出水柳映洲。湖上四時看不足。惟有人生飄若浮。解顏一笑豈易得。主人有酒君應畱。不見錢塘游宦客。朝推囚暮決獄。不因人喚何時休。城市不識江湖幽。如與蟋蟀語春秋。試令江湖處城市。卻似麋鹿游汀洲。高人無心無不可。得坎且止乘流浮。公卿故舊畱不得。遇所得意終年畱。君不見拋官彭澤令。琴無絃中有酒醉欲眠。時遣客休田閒。決水鳴幽幽。插秧未遍麥已秋。相攜燒筍苦竹寺。卻下踏藕荷花洲。船頭斫鮮細縷縷。船尾炊玉香浮浮。臨風飽食得甘寢。肯使細故胷中留。君不見壯士憔悴時。饑謀食渴謀飲。功名有時無罷休。

杭州亦雨亦晴惟觀音是時白衣白圓巾者云即此

和子由柳湖久涸忽有水開元寺山茶舊無花今歲盛開二首
太昊祠東鐵墓西一樽曾與子同攜回瞻郡閣遙飛檻北望檣竿半
隱堤飯豆羹藜思兩鵲飲河嘆水賴長蛻如今勝事無人共花下壺
盧鳥勸提

長明燈下石欄干長共松杉鬪歲寒葉厚有稜犀甲健花深少態鶴
頭丹久陪方丈曼陀雨羞對先生首宿盤雪裏盛開知有意明年開
後更誰看

六月二十七日望湖樓醉書五首

黑雲翻墨未遮山白雨跳珠亂入船卷地風來忽吹散望湖樓下水
如天
放生魚鼈逐人來無主荷花到處開水枕能令山俯仰風船解與月
裏回

烏菱白芡不論錢亂繫青菰裹綠盤一作綠葉忽憶嘗新會靈觀滯留江海
得加餐

獻花游女木蘭橈細雨斜風濕翠翹無限芳洲生杜若吳兒不識楚
辭招

未成小隱聊中隱可得長閑勝暫閑我本無家更安往故鄉無此好
湖山

七月一日出城舟中苦熱

涼飈呼不來流汗方被體稀星乍明滅暗水光瀰瀰香風過蓮芡驚
枕裂魴鯉欠伸宿酒餘起坐濯清泚火雲勢方壯未受月露洗身微
欲安適坐待東方啟

宿餘杭法喜寺後綠野堂望吳興諸山懷孫莘老學士

徙倚秋原上淒涼晚照中水流天不盡人遠思何窮問謀知秦過看

山識禹功公自注餘杭始皇所舍舟也西稻涼初吠蛤柳老半書蟲荷背風翻白
蓮腮雨退紅追游慰遲暮覓句効兒童北望苔谿轉遙憐震澤通烹
魚得尺素好在紫髯翁

宿臨安淨土寺

鷄鳴發餘杭到寺已亭午參禪固未暇飽食良先務平生睡不足急
掃清風宇閉門羣動息香篆起煙縷覺來烹石泉紫筍發輕乳晚涼
沐浴罷衰髮稀可數浩歌出門去暮色入村塢微月半隱山圓荷爭
瀉露相攜石橋上夜與故人語明朝入山房石鏡炯當路昔照熊虎
姿今為猿鳥顧廢興何足平萬世一仰俯

自淨土步至功臣寺

臨安園經功臣山在縣南二里本名大官山吳越王錢氏建為功臣院祥符元年改賜今額

落日岸葛巾晚風吹羽扇松間野步穩竹外飛橋轉神功鑿橫嶺巖
石得巨片直度千人溝下有微流注岡巒蔚回合金碧爛明絢緬懷

異姓王負擔此鄉縣長逢跨下辱屢乞桑間飯誰謂山石頑識此希
世彥凜然英氣逼屹起猶聳戰他年萬騎歸父老恣歡宴錦綉被原
野金珠散貧賤實融既入朝吳芮空記面榮華坐銷歇閱世如郵傳
惟有長明燈依然照金殿

游徑山

眾峰來自天目山勢若駿馬奔平川中塗勒破千里足金鞭玉轡柳
回旋人言山佳水亦佳下有萬古蛟龍淵道人天眼識玉氣結前宴
坐荒山巔精誠貫山石為裂天女下試顏如蓮寒牕暖足來朴朔夜
鉢呪水降蜿蜒雪眉老人朝扣門願為弟子長參禪爾來廢興三百
載奔走吳會輸金錢飛樓湧殿壓山破朝鐘暮鼓驚龍眠晴空偶見
淨海蜃落日下數椽村鷲有生共處覆載內擾擾膏火同烹煎近來
愈覺世議隘每到寬處差安便嗟余老矣百事廢卻尋舊學心茫然

道功跡石
駿馬奔川之勢

問龍乞水歸洗眼欲看細字銷殘年

公自注龍井水洗病眼有効

自徑山回得呂察推詩用其韻招之宿湖上

呂名仲甫字穆仲丞相文穆公蒙正孫

多君貴公子愛山如愛色心隨葉舟去夢遶千山碧新詩到中路令我喜折屐古來軒冕徒操捨兩悲慄數朝辭簪笏兩脚得暫赤歸來不入府卻走湖上宅寵辱吾久忘寧畏官長詰飄然便歸去誰在子思側君能從我游出郭及未黑

宿望湖樓再和

新月如佳人出海初弄色娟娟到湖上澌澌搖空碧夜涼人未寢山靜聞響屐騷人故多感悲秋更慘慄君胡不相就朱墨紛黜赤我行得所嗜十日忘家宅但恨無友生詩病莫訶詰君來試吟詠一作定作鶴頭側改罷心愈疑滿紙蛟蛇黑

夜泛西湖五絕

新月生魄迹未安纔破五六漸盤桓今夜吐艷如半璧游人得向三更看
三更向闌月漸垂欲落未落景特奇明朝人事誰料得看到蒼龍西沒時

奇景異趣
有詩

蒼龍已沒斗斗橫東方芒角昇長庚漁人收筒及未曉船過惟有菰蒲聲

菰蒲無邊水茫茫荷花夜開風露香漸見燈明出遠寺更待月黑看湖光

湖光非鬼亦非仙風恬浪靜光滿川須臾兩兩入寺去就視不見空茫然

施註蘇詩卷之四終

施註蘇詩卷之五

詩六十九首

起熙寧壬子以後通守錢塘作施註缺今補

焦千之求惠山泉詩

茲山定空中乳水滿其腹遇隙則發見臭味實一族淺深各有值方
圓隨所蓄或為雲洶湧或作線斷續或鳴空洞中雜佩聞琴筑或流
蒼石縫宛轉龍鸞蹙餅罌走千里真偽半相瀆貴人高宴罷醉眼亂
紅絲赤泥開方印紫餅截圓玉傾甌共歎賞竊語笑僮僕豈如泉上
僧盥灑自挹掬故人憐我病弱籠寄新韻欠伸北牕下晝睡美方熟
精品厭凡泉願子致一斛

答任師中次韻

公自注來詩勸以詩酒自娛

間裏有深趣常憂兒輩知已成歸蜀計誰借買山貲世事久已謝故
人猶見思平生不飲酒對子敢論詩

沈諫議名遊湖不赴明日得雙蓮於北山下作一絕持獻沈既見和又別作一首因用其韻

湖上棠陰手自栽。問公更得幾回來。水仙亦恐公歸去。故遣雙蓮一夜開。

詔書行捧縷金牋。樂府應歌相府蓮。莫忘今年花發處。西湖西畔北山前。

和歐陽少師會老堂次韻

一時冠蓋盡嚴終。舊德年來豈易逢。聞道堂中延蓋叟。定應牀下拜梁松。蠹魚自曬閑箱篋。科斗長收古鼎鐘。我欲棄官重問道。寸筵何以得春容。

和歐陽少師寄趙少師次韻

朱門有遺啄。千里來燕雀。公家冷如冰。百喙無一諾。平生親友半遷

何太守十月

逝公雖不怪旁人。愕世事如今臘酒醲。交情自古春雲薄。二公凜凜和非同。疇昔心親豈貌從。白鬢相映松間鶴。清句更酬雪裏鴻。何日揚雄一廛足。卻追范蠡五湖中。

監試呈諸試官

我本山中寒苦盜。寸廩文詞雖少作。勉強非天稟。既得旋廢忘。懶情今十稔。麻衣如再著。墨水真可飲。每聞科詔下。白汗如流瀋。此邦東南會多士。敢題品。芻蕘盡蘭蓀。香不數葵荏。貧家見珠貝。眩晃自難審。緬懷嘉祐初。文格變已甚。千金碎全璧。百衲收寸錦。調和椒桂醢。咀嚼沙磧礫。廣眉成半額。學步歸蹕蹕。丑甚切維時老宗伯。氣壓羣兒。凜蛟龍不世出。魚鮪初驚滄。至音久乃信。知味猶食椹。至今天下士。微管幾在。祗謂當千載。後石室祠高睞。爾來又一變。此學初誰諗。權衡破舊法。芻豢笑凡餽。高言追衛樂。篆刻鄙曹沈。先生周孔出。弟

古名作論起法
激昂生態

子淵寤寢卻顧老鈍軀。頑朴謝鐫鏤。諸君况才傑。容我懶且噤。聊欲廢書眠。秋清春午枕。

望海樓晚景五絕 杭州圖經東樓名望海樓在舊治中和堂北 太平寰宇記樓高十八丈唐武德七年置

海工濤頭一線來。樓前指顧雪成堆。從今潮上君須上。更看銀山二

十回。橫風吹雨入樓斜。壯觀應須好句誇。雨過潮平江海碧。電光時掣紫

金蛇。青山斷處塔層層。隔岸人家喚欲磨。江上秋風晚來急。為傳鐘鼓到

西興。樓上誰家燒夜香。玉笙哀怨弄初涼。臨風有客吟秋扇。拜月無人見

晚糲。沙河燈火照山紅。歌鼓喧呼語笑中。為問少年心在否。角巾歌側鬢

如蓬。

試院煎茶

蟹眼已過魚眼生。颼颼欲作松風鳴。蒙茸出磨細珠落。眩轉遶甌飛

雪輕。銀餅湯瀉湯誇第二。未識古人煎水意。公自注古語云煎水不煎茶君不見昔時

李生好客手自煎。貴從活火發新泉。又不見今時潞公煎茶學西蜀。定州花瓷琢紅玉。我今貧病常苦飢。分無玉盃捧蛾眉。且學公家作

茗飲。塲爐石銚行相隨。不用撐腸拄腹文字五千卷。但願一甌常及

睡足日高時。蘭亭蠶紙入昭陵。世間遺跡猶龍騰。顏公變法出新意。細筋入骨如

秋鷹。徐家父子亦秀絕。字外出力中藏稜。嶧山傳刻典刑在。千載筆

法雷陽冰。杜陵評書貴瘦硬。此論和公吾不憑。短長肥瘦各有態。王

公人重茶皆磨碾。細瑛再一益。煮茶。宜復好味。覺茶。公茶錄及公此詩。令人難解。其所以

疑公變王氏法。百。坡肥谷瘦。因宜。有此平允之論。

孫莘老求墨妙亭詩 先生墨妙亭記云熙寧四年十二月高郵縣莘莘老自廣德移守 吳興其明年二月作墨妙亭於府第之北取自漢以來古文遺刻以實之

環飛燕誰敢憎。吳興太守真好古。購買斷缺揮繡繒。龜趺入坐螭隱壁。空齋晝靜聞登登。竒蹤散出走吳越。勝事傳說誇友朋。書來乞詩要自寫。為把栗尾書溪藤。後來視今猶視昔。過眼百世如風燈。他年劉郎憶賀監。還道同時須服膺。

李公擇求黃鶴樓詩因記舊所聞於馮當世者

黃鶴樓前月滿川。抱關老卒飢不眠。夜聞三人笑語言。羽衣著屐響空山。非鬼非人意在仙。石扉三扣聲清圓。洞中鏗鉉落門闕。縹緲入石如飛煙。鷄鳴月落風馭還。迎拜稽首願執鞭。汝非其人骨腥羶。黃金乞得重莫肩。持歸包裹弊席氈。夜穿茆屋光射天。里閭來觀已變遷。似石非石鉅非鉅。或取而有眾忿喧。訟歸有司令幾年。無功暴得喜欲顛。神人戲汝真可憐。願君為考然不然。此語可信馮公傳。

八月十日夜看月有懷子由并崔度賢良

宛邱先生自不飽。更笑老崔窮百巧。一更相過三更歸。古柏陰中看參昴。去年舉君首宿盤。夜傾闔酒赤如丹。今年還看去年月。露冷遙知范叔寒。典衣自種一頃豆。那知積雨生科斗。歸來四壁草蟲鳴。不如王江長飲酒。

公自注王江陳州道人

催試官考較戲作

八月十五夜。月色隨處好。不擇茅簷與市樓。况我官居似蓬島。鳳唼堂前野橘香。劍潭橋畔秋荷老。八月十八潮。壯觀天下無。鷗鵬水擊三千里。組練長驅十萬夫。紅旗青蓋互明滅。黑沙白浪相吞屠。人生會合古難必。此景此行那兩得。願君聞此添蠟燭。門外白袍如立鵠。

八月十七復登望海樓。自和前篇是日榜出與試官兩一作人復

雷五首

樓上煙雲怪不來。樓前飛紙落成堆。非關文字須重看。卻被江山未

以看月看潮催
試官之心不耐煩
耳

以待夕情不著
類考何人

放回

眼昏燭暗細行斜。考閱精彊外已誇。明日失杯君莫怪。早知安足不

成蛇。鬪山遮曉擁千層。睡美初涼撼不膺。昨夜酒行君屢歎。定知歸夢到

吳興

天台桂子為誰香。倦聽空階夜點涼。賴有明朝看潮在。萬人空巷鬪

新糲

秋花不見眼花紅。身在孤舟兀兀中。細雨作寒知有意。未教金菊出

蒿蓬

秋懷二首

苦熱念西風。常恐來無時。及茲遂淒凜。又作徂年悲。蟋蟀鳴我牀。黃

葉投我幃。牕前有棲鵬。夜嘯如狐狸。露冷梧葉脫。孤眠無安枝。熠燿

真懷境

亦有偶。高屋飛相迫。定知無幾見。迫此清霜期。物化逝不留。我興為

嗟咨。便當勤秉燭。為樂戒暮遲。

海風東南來。吹盡三日雨。空堦有餘滴。似與幽人語。念我平生歡。寂

寞守環堵。壺漿慰作勞。裹飯救寒苦。今年秋應熟。過從飽雞黍。嗟我

獨何求。萬里涉江浦。居貧豈無食。自不安畎畝。念此坐達晨。殘燈翳

復吐

哭歐公孤山僧惠思示小詩次韻

故人已為土。衰鬢亦驚秋。猶喜孤山下。相逢說舊游。

梵天寺見僧守誣小詩清遠可愛次韻

杭州圖經梵天寺在鳳凰山

但聞烟外鐘。不見烟中寺。幽人行未已。草露濕芒屨。惟應山頭月。夜

夜照來去。

和陳述古拒霜花

千株掃作一番黃。只有芙蓉獨自芳。喚作拒霜知未稱。細思卻是最宜霜。

和沈立之留別二首

而今父老千行淚。一似當時初去時。不用鐫碑頌遺愛。丈人清德畏人知。

臥聞鏡鼓送歸艎。夢裏恩恩共一觴。試問別來愁幾許。春江萬斛若為量。

公自注去時予在試院

次韻孔文仲推官見贈

我本麋鹿性。諒非伏轅姿。君如汗血馬。作駒已權奇。齊驅大道中。並帶鑿鑿馳。聞聲自決驟。那復受繫維。謂君朝發燕。秣楚日未歇。云何中道止。連蹇驢騾隨。金鞍冒翠錦。玉勒垂青絲。旁觀信美矣。自揣良厭之。均為人所勞。何必陋鹽輜。君看立仗馬。不敢鳴且窺。調習困鞭

箠。僅存骨與皮。人生各有志。此論我久持。他人聞定笑。耶與吾子期。空塔臥積雨。病骨煩撐支。秋草上垣牆。霜葉鳴堦墀。門前自無客。敢作揚雄麾。候吏報君來。弭節江之湄。一對高人談。稍忘俗吏卑。今朝枉詩句。粲如鳳來儀。上山絕梯磴。墮海迷津涯。憐我枯槁質。借潤生華滋。豈效世俗人。洗刮求癩瘕。賢明日登用。清廟歌緝熙。胡不學長卿。預作封禪詞。

湯村開運鹽河中督役

圖經仁和縣湯村鎮市在安仁東鄉去縣四十一里而都鹽倉在天崇宗門裏

居官不任事。蕭散羨長卿。胡不歸去來。滯留愧淵明。鹽事星火急。誰能卹農耕。薨薨曉鼓動。萬指羅溝坑。天雨助官政。泣然淋衣纓。人如鴨與猪。投泥相濺驚。下馬荒堤上。四顧但湖泓。線路不容足。又與牛羊爭。歸田雖賤辱。豈失泥中行。寄語故山友。慎毋厭藜羹。

是日宿水陸寺寄北山清順僧二首

草沒河堤雨暗村。寺藏修竹不知門。拾薪煮藥憐僧病。掃地焚香淨客魂。農事未休侵小雪。佛燈初上報黃昏。年來漸識幽居味。思與高人對榻論。

長嫌鐘鼓聒湖山。此境蕭條卻自然。乞食遠村真為飽。無言對客本非禪。披榛覓路衝泥入。洗足關門聽雨眠。遙想後身窮賈島。夜寒應聳作詩肩。

客位假寐

謁入不得去。兀坐如枯株。豈惟主忘客。令我亦忘吾。同僚不解事。慍色見髯鬚。雖無性命憂。且復忍須臾。

鹽官部役戲呈同事兼寄述古

鹽官縣國經隋開皇九年置杭州鹽官縣縣屬有鹽場十所

新月照水水欲冰。夜霜穿屋衣生稜。野廬半與牛羊共。曉鼓卻隨鴉鵲興。夜來履破裘穿縫。紅頰曲眉應入夢。千夫在野口如林。豈不懷

歸畏嘲弄我。州賢將知人。勞已釀白酒。買豚羔耐寒。努力歸不遠。兩腳凍硬公頰軟。

朱壽昌郎中少不知母所在。刺血寫經求之五十年。去歲得之蜀中以詩賀之。

嗟君七歲知念母。憐君壯大心愈苦。羨君臨老得相逢。喜極無言淚如雨。不羨白衣作三公。不愛白日昇青天。愛君五十著綵服。兒嘯卻得償。當年烹龍為炙玉。為酒鶴髮初生千萬壽。金馬詔書錦作囊。白藤肩輿簾感繡。感君離合我酸辛。此事今無古。或聞長陵謁來見大姊。仲孺豈意逢將軍。開皇苦桃空記面。建中天子終不見。西河郡守誰復譏。顏谷封人羞自薦。

將之湖州戲贈莘老

餘杭自是山水窟。側聞吳興更清絕。湖中橘林新著霜。溪上苔花正

浮雪。願渚茶芽白於齒。梅溪木瓜紅勝頰。吳兒膾縷薄欲飛。未去先說饒涎垂。亦知謝公到郡久。應怪杜牧尋春遲。鬢絲只好對禪榻。湖亭不用張水嬉。

鴉種麥行

霜林老鴉閒無用。畦東拾麥畦西種。畦西種得青猗猗。畦東已作牛尾稀。明年麥熟芒攢掣。農夫未食鴉先啄。徐行俛仰若自矜。鼓翅跳踉工牛角。憶昔舜耕歷山鳥為耘。如今老鴉種麥更辛勤。農夫羅拜鴉飛起。勸農使者來行水。

鹽鹽官絕句四首

南寺千佛閣

古邑居民半海濤。師來構築便能高。千金用盡身無事。坐看香煙遶白毫。

北寺悟空禪師塔

公自注名齊安宣宗微時師知其非凡人鹽官圖經安國寺在縣西北六百五十步祥符元年改令額寺中有悟空塔塔前有古檜存焉

已將世界等微塵。空裏浮花夢裏身。豈為顏龍顏更分別。只應天眼識天人。

塔前古檜

當年雙檜是雙童。相對無言老更恭。庭雪到腰埋不死。如今化作兩蒼龍。

僧爽白雞

公自注養二十餘年常立坐側聽經

斷尾雄雞本畏烹。年來聽法伴修行。還須卻置蓮花漏。老怯風霜恐不鳴。

送張軒民寺丞赴省試

龍飛甲子盡豪英。嘗喜吾猶及老成人。競春蘭笑秋菊。天教明月伴長庚。傳家各自聞詩禮。與子相逢亦弟兄。洗眼上林看躍馬。賀詩先

此必有寄奇

罵人太甚

名淵源清便有

志興

到古宣城

公自注伯父與太平州張侍讀同年此其子

六和寺冲師開山溪為水軒

欲放清溪自在流。忍教冰雪落沙洲。出山定被江潮澗。能為山僧更少留。

和致仕張郎中春晝

投絃歸來萬事輕。消磨未盡祗風情。舊因尊菜求長假。新為楊枝作短行。不禱自安緣壽骨。深藏難汲是詩名。淺斟盃酒紅生頰。細作歌詞穩稱聲。蝸殼卜居心自放。蠅頭寫字眼能明。盛衰閱過君應笑。寵辱年來我亦平。跪履數從圯下老。逸書閒問濟南生。東風屈指無多日。只恐先春鷓鴣鳴。

冬至日獨遊吉祥寺

井底微陽回未回。蕭蕭寒雨濕枯荑。何人更似蘇夫子。不是花時不

後言甚遠

獨來

後十餘日復至

東君意淺著寒梅。千朵深紅未暇裁。安得道人殷七七。不論時節遣花開。

戲贈

惆悵沙河十里春。一番花老一番新。小橋依舊斜陽裏。不見樓中垂手人。

和人求筆跡

麥光鋪几淨無瑕。入夜青燈照眼花。從此刻藤真可弔。半紆春蚓縮秋蛇。

用和人求筆跡韻寄萃老

君不見夷甫開三窟。不如長康號癡絕。癡人自得終天年。智士死智

罪莫雪困窮誰要卿料理舉頭看山笏挂頰野鳧翅重自不飛黃鶴
何事兩翼垂泥中相從豈得久今我不往行恐遲江夏無雙應未去
恨無文字相娛嬉

畫魚歌

公自注湖州道上作按畫胡夢切音義竝同劃以鈎劃魚今三吳水鄉往往有之

天寒水落魚在泥短鈎畫水如耕犁渚蒲拔折藻荇亂此意豈復遺
魚鮓偶然信手皆虛擊本不辭勞幾萬萬一魚中刃百魚驚蝦蟹
奔忙誤跳擲漁人養魚如養雛插竿貫笠驚鶉鷓宣知白挺開如雨
攬水覓魚嗟已疎

吳中田婦歎

公自注和賈收韻

今年粳稻熟苦遲庶見霜風來幾時霜風來時雨如瀉杷頭出茵鎌
生衣眼枯淚盡雨不盡忍見黃穗臥青泥茅苦一月隴上宿天晴穫
稻隨車歸汗流肩頰載入市價賤乞與如糠粃賣牛納稅拆屋炊慮
淺不及明年飢官今要錢不要米西北萬里搖羗兒糞黃滿朝人更
苦不如卻作河伯婦

和邵同年戲贈賈收秀才三首

傾蓋相歡一笑中從來未省馬牛風卜鄰尚可容三徑投社終當作
兩翁古意已將蘭緝佩招詞閑詠桂生叢此身自斷天休問白髮年
來漸不公

朝見新美出舊槎騷人孤憤苦思家五噫處士大窮約三賦先生多

誕誇帳外鶴鳴奩有鏡筒中錢盡案無鮭王川何日朝金闕白晝闌

門守夜叉

公自注時賈欲再娶

生涯到處似檣烏科第無心摘領鬢黃帽刺船忘歲月白衣擔酒慰
鰥孤狙公欺病來分粟水伯知饒為出鱸莫向洞庭歌楚曲煙波渺
渺正愁予

頭勿空回其
奇乃
蓋道場山之
中何山也

游道場山何山

道場山頂何山麓。上徹雲峰下幽谷。我從山水窟中來。尚愛此山看
不。足。陂湖行盡白漫漫。青山忽作龍蛇盤。山高無風松自響。誤認石
齒號驚湍。山僧不放山泉出。屋底清池照瑤席。階前合抱香入雲。月
裏仙人親手植。出山回望翠雲鬟。碧瓦朱欄縹緲間。白水田頭問行
路。小溪深處是何山。高人讀書夜達旦。至今山鶴鳴夜半。我今廢學
不歸山。山中對酒空三歎。

贈孫莘老七絕

嗟予與子久離羣。耳冷心灰百不聞。若對青山談世事。當須舉白便
浮君。
天目山前淥浸裾。碧瀾堂下看銜臚。作堤捍水非吾事。閒送蒼溪入
太湖。

夜來雨洗碧嶺岫。浪湧雲屯遠郭寒。聞有弁山何處是。為君四面竟
求看。

夜橋燈火照溪明。欲放扁舟取次行。暫借官奴遣吹笛。明朝新月到
三更。

三年京國厭藜蒿。長羨淮魚壓楚糟。今日駱駝橋下泊。恣看修網出
銀刀。

烏程霜稻襲人香。釀作春風雪霽光。時復中之徐邈聖。毋多酌我
次公狂。

去年臘日訪孤山。曾借僧牕半日閒。不為思歸對妻子。道人約徑
須還。

莘老葺天慶觀小園有亭北向道士山宗說乞名與詩

春風欲動北風微。歸鴈亭邊送鴈歸。蜀客南遊家最遠。吳山寒盡雪

先晞扁舟去後花絮亂。五馬來時賓從非。惟有道人應不忘。抱琴無語立斜暉。

至秀州贈錢端公安道并寄其弟惠山老一作惠山人

鴛鴦湖邊月如水。孤舟夜榜鴛鴦起。平明繫纜石橋亭。慚愧冒寒鬢御史。結交最晚情獨厚。論心無數今有幾。寂寞抱關歎蕭生。耆老執戟哀揚子。怪君顏采卻秀發。無乃遷謫反便美。天公欲困無奈何。世人共抑真疎矣。毗陵高山錫無骨。陸子遺味泉冰齒。賢哉仲氏早拂衣。占斷此山長洗耳。山頭望湖光潑眼。山下濯足波生指。儻容逸少問金堂。記與嵇康畱石髓。

秀州報本禪院鄉僧文長老方丈

萬里家山一夢中。吳音漸已變兒童。每逢蜀叟談終日。便覺峨眉翠掃空。師已忘言真有道。我除搜句百無功。明年採藥天台去。更欲題

秀州句健起

詩滿浙東

王復秀才所居雙檜二首

吳王池館遍重城。奇草幽花不記名。青蓋一歸無覓處。只畱雙檜待昇平。

凜然相對敢相欺。直幹臨空未要奇。根到九泉無曲處。世間惟有螻龍知。

宋叔達家聽琵琶

數絃已品龍香撥。半面猶遮鳳尾槽。新曲翻從玉連鎖。舊聲終愛鬱輪袍。夢回只記歸舟字。賦罷雙垂紫錦條。何異烏孫送公主。碧天無際鴈行高。

施註蘇詩卷之五終

又於題詩者
乃方外人送也

施註蘇詩卷之六

詩四十九首

時通守錢塘作
施注缺今補

元日次韻張先子野見和七夕寄莘老之作

得○向○牛○女○夕○轉○頭○參○尾○中○青○春○先○入○睡○白○髮○不○遺○窮○酒○社○我○為○敵○詩

壇○子○有○功○縮○頭○先○夏○鼈

公自注見
玉川子

實○腹○鄙○秋○蟲○莫○唱○帶○垂○綠○無○人○臉○斷

紅○舊○交○懷○賀○老○新○進○謝○終○童○袍○鵠○雙○雙○瑞○腰○犀○一○一○通○小○蠻○知○在○否

試○問○囁○嚅○翁

正月九日有美堂飲醉歸徑睡五鼓方醒不復能眠起閱文書

得鮮于子駿所寄古意作雜興一首答之

杭州圖經有美堂在郡城吳山
嘉祐二年梅摯出守杭仁宗賜

詩首章云地有湖山
美因以名堂

衆○人○事○紛○擾○志○士○獨○悄○悄○何○異○琵○琶○絃○常○遭○腰○鼓○鬧○三○杯○忘○萬○慮○醒

後○還○皎○皎○有○如○輶○輻○索○已○脫○重○縈○繞○家○人○自○約○飭○始○慕○陳○婦○孝○可○憐

原巨先○放蕩令誰平○平生嗜羊多○識味肯輕飽○烹蛇啖蛙蛤○頗訝能
稍稍○憂來自不寐○起視天漢渺○闌干玉繩低○耿耿太白曉○

次韻荅章傳道見贈

竝生天地宇○同閱古今宙○視下則有高○無前孰為後○達人千鈞弩○一
弛難再鼓○下士沐猴冠○已繫猶跳驟○欲將駒過隙○坐待石穿溜○君看
漢唐主○宮殿悲麥秀○而况彼區區○何異一醉富○鷄鷓非所養○俯仰眩
金奏○髑髏有餘樂○不博南面后○嗟我昔少年○守道貧非疚○自從出求
仕○役物恐見囿○馬融既依梁○班固亦仕竇○效曠豈不欲○頑質謝鑄鏤○
仄聞長者幸言○婞直非養壽○唾面慎勿拭○出跨當俛就○居然成懶廢○
敢復齒豪右○子如照海珠○網目疎見漏○宏材乏近用○巧舞困短袖○坐
令傾國容○臨老見邂逅○吾衰信久矣○書絕十年舊○門前可羅雀○感予
煩屢叩○願言歌緇衣○子粲還予授○

法惠寺橫翠閣

朝見吳山橫○暮見吳山從○吳山故多態○轉側為君容○幽人起朱閣○空
洞更無物○惟有千步岡○東西作簾額○春來故國歸無期○人言秋悲春
更悲○已泛平湖思濯錦○更看橫翠憶峨眉○雕欄能得幾時好○不獨馮
欄人易老○百年興廢更堪哀○懸知草莽化池臺○遊人尋我舊遊處○但
覓吳山橫處來○

祥符寺九曲觀燈

紗籠擎燭迎門入○銀葉燒香見客邀○金鼎轉丹光吐夜○寶珠穿蟻鬧
連宵○波翻元相激○魚舞湯中不畏焦○明日酒醒空想像○清吟半
逐夢魂銷○

上元過祥符僧可久房蕭然無燈火

門前歌舞鬪分朋○一室清風冷欲冰○不把瑠璃間照佛○始知無盡本

無燈

正月二十一日病後述古邀往城外尋春

屋上山禽苦喚人。檻前冰沼忽生鱗。老來厭伴一作逐紅帶醉。病起空驚白髮新。臥聽使君鳴鼓角。試呼稚子整冠巾。曲欄幽榭終寒窈。一看郊原浩蕩春。

有以官法酒見餉者因用前韻求述古為移厨飲湖上

喜逢門外白衣人。欲膾湖中赤玉鱗。遊舫已糴吳榜穩。舞衫初試越羅新。欲將漁釣追黃帽。未要靴刀抹絳巾。芳意十分強半在。為君先踏水邊春。

飲湖上初晴後雨二首

朝曦迎客宴重岡。晚雨留人入醉鄉。此意自佳君不會。一杯當屬水仙王。

仙王

公自注湖上有水仙王廟

水光潑灑晴方好。山色空濛雨亦奇。欲把西湖比西子。淡粧濃抹總相宜。

往富陽新城李節推先行三日留風水洞見待

前地理志秦分三十六郡富春屬會稽晉太元中改曰富陽

春山礫礫鳴春禽。此間不可無我吟。路長漫漫傍江浦。此間不可無君語。金鯽池邊不見君。追君直過定山村。路人皆言君未遠。騎馬少年清且婉。風巖水穴舊聞名。只隔山溪夜不行。溪橋曉溜浮梅萼。知君繫馬巖花落。出城三日尚逶遲。妻孥怪罵歸何時。世上小兒誇疾走。如君相待令安有。

風水洞二首和節推

杭州圖經洞去錢塘縣舊治五十里在楊村慈宮院洞極大流水不竭洞頂又有洞清風微出故名曰風水洞白樂天長慶三年秋九月來游觀泉石竹木雷詩

風轉鳴空穴。泉幽寫石門。虛心聞地籟。妄意覓桃源。過客詩難好。居僧語不繁。歸瓶得冰雪。清冷慰文園。

山前乳水隔塵凡。山工仙風舞檜杉。細細龍鱗生亂石。團團羊角轉

空巖馮夷窟。宅非梁棟御。寇車與謝轡。銜世事漸艱。吾欲去。一作永隨
二子脫譏讒。

獨遊富陽普照寺

富春真古邑。此寺亦唐餘。鶴老依喬木。龍歸護賜書。連筒春水遠。出
谷曉鐘疎。欲繼江潮韻。何人為起予。

自普照遊二菴

長松吟風晚雨細。東菴半掩西菴閉。山行盡日不逢人。裊裊野梅香
入袂。居僧笑我戀清景。自厭山深出無計。我雖愛山亦自笑。獨往神
傷後難繼。不如西湖飲美酒。紅杏碧桃香覆髻。作詩寄謝採薇翁。本
不避人那避世。

富陽妙庭觀董雙成故宅發地得丹鼎覆以銅盤承以瑠璃盆
盆既破碎丹亦為人爭奪持去今獨盤鼎在耳二首

一妙詩殊
趙作

人去山空鶴不歸。丹亡鼎在世徒悲。可憐九轉功成後。卻把飛昇乞
肉集作芝。
瑠璃擊碎走金丹。無復神光發舊壇。時有世人來舐鼎。欲隨雞犬事
劉安。

新城道中二首

東風知我欲山行。吹斷簷間積雨聲。嶺上晴雲披絮帽。樹頭初日挂
銅鉦。野桃含笑竹籬短。溪柳自搖沙水清。西崦人家應最樂。煮葵燒
筍餉春耕。

身世悠悠我此行。溪邊委轡聽溪聲。散材畏見搜林斧。疲馬思聞卷
旆鉦。細雨足時茶戶喜。亂山深處長官清。人閒岐路知多少。試向桑
田問耦耕。

山村五絕

清幽感慨

竹籬茅屋趁溪斜。春入山村處處花。無象太平還有象。孤煙起處是人家。

煙雨濛濛雞犬聲。有生何處不安生。但令黃犢無人佩。布穀何勞也勸耕。

老翁七十自腰鑣。慙愧春山筍蕨甜。豈是聞韶解忘味。爾來三月食無鹽。

杖藜裹飯去恩恩。過眼青錢轉手空。贏得兒童語音好。一年彊半在城中。

竊祿忘歸我自羞。豐年底事汝憂愁。不須更待飛鳶墮。方念平生馬少游。

湖上夜歸

我飲不盡器。半酣味尤長。籃輿湖上歸。春風吹面涼。行到孤山西。夜

色已蒼蒼。清吟^雜夢寐得句旋已忘。尚記梨花村。依依聞暗香。入城定何時。賓客半在亡。睡眠忽驚覺。繁燈鬧河塘。市人拍手笑。狀如失林麋。始悟山野姿。異趣難自彊。人生安為樂。吾策殊未良。

寒食未明至湖上太守未來兩縣令先在

城頭月落尚嘯烏。烏榜紅舫早滿湖。鼓吹未容迎五馬。水雲先已颺雙鳧。映山黃帽螭頭舫。夾道青煙鵲尾爐。老病逢春只思睡。獨來僧榻寄須臾。

次韻孫莘老見贈時莘老移廬州因以別之

鑪錘一手賦形殊。造物無心敢望渠。我本疎頑固當爾。子猶淪落况其餘。龔黃側畔難言政。羅趙前頭且眩書。公自注莘老見稱政事與書而莘老書至不工惟有一杯酒。慙慙重唱贈離居。

贈別

力不耐煩

刻時之作在後
力中殊

青鳥銜巾久欲飛。黃鶯別主更悲啼。慙慙莫忘分攜處。湖水東邊鳳嶺西。

次韻代雷別

絳蠟燒殘玉笋飛。離歌唱徹萬行啼。他年一舸鷓夷去。應記儂家舊姓西。

月兔茶

環非環。玦非玦。中有迷離玉兔兒。一似佳人帶上月。月圓還缺缺還圓。此月一缺圓何年。君不見鬪茶公子不忍鬪。小團上有雙銜綬帶雙飛鸞。

薄命佳人

雙頰凝酥髮抹漆。眼光入簾珠的皪。故將白練作仙衣。不許紅膏汗天質。吳音嬌軟帶兒癡。無限閑愁總未知。自古佳人多命薄。閉門春

盡楊花落

吉祥寺花將落而述古不至

今歲東風巧剪裁。含情只待使君來。對花無信花應恨。直恐明年便不開。

述古聞之明日即來坐上復用前韻同賦

仙衣不用剪刀裁。國色初含一作金卯酒來。太守問花花有語。為君零落為君開。

李鈴轄坐上分題戴花

二八佳人細馬馱。十千美酒渭城歌。簾前柳絮驚春晚。頭上花枝奈老何。露濕醉巾香掩冉。月明歸路影婆娑。綠珠吹笛何時見。欲把斜紅插皂羅。

於潛令刁同年野翁亭

山翁不出山溪翁長在溪公自注前二
令作三翁亭不如野翁來往溪山間上友麋鹿

下鳧鷖問翁何所樂三年不去煩推擠翁言此間亦有樂非絲非竹

非蛾眉山山人醉後鐵冠落溪女笑時銀櫛低我來觀政問風謠皆云

吠犬足生麓但恐此翁一旦捨此去長使山人索寞溪女嘯公自注天月
山唐道士常

冠鐵冠於潛婦女皆插
大銀櫛長尺許謂之蓮背

於潛女

青帚縞袂於潛女兩足如霜不穿屨簪沙鬢髮絲穿杼蓬沓障前走

風雨老漚宮粧傳父祖至今遺民悲故主苔溪楊柳初飛絮照溪畫

眉渡溪去逢郎樵歸相媚嫵不信姪妻有齊魯

自昌化雙谿館下步尋谿源至治平寺二首

亂山滴翠衣裘重雙澗響空牕戶搖飽食不嫌谿筍瘦穿林間覓野

芎苗卻愁縣令知游寺尚喜漁人爭渡橋正似醴泉山下路桑枝刺

眼麥齊腰

每見田園輒自抬倦飛不擬控扶搖共疑楊惲非鋤豆誰信劉章解

立苗老去尚滄彭澤米夢歸時到錦江橋宦游莫作無家客舉族長

懸似細腰

於潛僧綠筠軒

可使食無肉不可使居無竹無肉令人瘦無竹令人俗人瘦尚可肥

俗士不可醫傍人笑此言似高還似癡若對此君仍大嚼世間那有

揚州鶴

與臨安令宗人同年劇飲

我雖不解飲把盞一作
綠歡意足試呼白髮感秋人令唱黃雞催曉曲與

君登科如隔晨敝袍霜葉空殘綠如今莫問老與少兒子森森如立

竹黃雞催曉不須愁老盡世人非我獨

寶山晝睡

杭州圖經寶山在吳山之南

七尺頑軀走世塵。十圍便腹貯天真。此中空洞渾無物。何止容君數百人。

僧清順新作垂雲亭

江山雖有餘亭榭。若一作難穩登臨。不得要萬象。各偃蹇。惜哉垂雲軒。此地得何晚。天功爭向背。詩眼巧增損。路窮朱欄出。山破石壁很。海門浸坤軸。湖尾抱雲巘。蔥蔥城郭麗。淡淡煙村遠。紛紛烏鵲去。一一漁樵返。雄觀快新獲。微景收昔遁。道人真古人。嘯詠慕嵇阮。空齋臥蒲褶。芒屨每自捆。天憐詩人窮。乞與供詩本。我詩久不作。荒澀旋鋤壟。從君覓佳句。咀嚼廢朝飯。

五月十日與呂仲甫周邠僧惠勤惠思清順可久惟肅義詮同汎湖游北山

三吳雨連月。湖水日夜添。尋僧去無路。激激水拍簷。駕言徂北山。得與幽人兼。清風洗昏翳。晚景分穠纖。縹緲朱樓人。斜陽半疎簾。臨風一揮手。悵焉起遐瞻。世人驚朝市。獨向溪山廡。此樂得有命。輕薄神所殲。

會客有美堂周邠長官與數僧同汎湖往北山湖中聞堂上歌笑聲以詩見寄因和二首時周有服

藹藹君詩似嶺雲。從來不許醉紅裙。不知野屐穿山翠。惟見輕橈破浪紋。頗憶呼盧袁彥道。難邀罵坐灌將軍。公自注皆取其有服也晚風落日元無主。不惜清涼與子分。

載酒無人過子雲。掩關晝臥客書裙。歌喉不共聽珠貫。醉面何因作纈紋。僧侶且陪香火社。詩壇欲斂鸛鵝軍。憑君遍遶湖邊寺。漲淥晴來已十分。

席上代人贈別三首

悽音怨亂不成歌。縱使重来奈老何。淚眼無窮似梅雨。一番勻了一番多。

天上麒麟豈混塵。籠中翡翠不由身。那知昨夜香閨裏。更有偷嗔暗別人。

蓮子擘開須見臆。秋杼杼著盡更無期。破衫卻有重逢處。一飯何曾忘卻時。

唐道人言天目山上俯視雷雨每大雷電但聞雲中如嬰兒聲

殊不聞雷震也

臨安圖經天目山在縣西五十里高二千九百丈周回八百里乃神仙所居有三十六洞天平家字記山有兩湖在左右日故名天目唐道士字子霞嘗作天目山真境錄

已外浮名更外身。區區雷電若為神。山頭只作嬰兒看。無限人間失箸人。

施註蘇詩卷之六終

施註蘇詩卷之七

詩六十三首

時通守錢塘作

追和子由去歲試舉人洛下所寄五首

暴雨初晴樓上晚景

秋後風光雨後山。滿城流水碧潺潺。煙雲好處無多子。及取昏鴉未到閒。

洛邑從來天地中。高高蒼翠北邙紅。風流耆舊消磨盡。只有青山對病翁。

公自注謂富公也

白汗翻漿午景前。雨餘風物便蕭然。應傾半熟鵝黃酒。照見新晴水碧天。

疾雷破屋雨翻河。一掃清風未覺多。應似畫師吳道子。高堂巨壁寫降魔。

客路三年不見山。上樓相對夢魂閒。明朝卻踏紅塵去。羞向清伊照病顏。

過廣愛寺見三學演師觀楊惠之塑寶山朱瑤畫文殊普賢

之與吳道子同時詳首卷維摩像詩注又圖畫見聞誌朱瑤長安人
工畫佛道洛中廣愛寺有文殊普賢像世傳道子畫多瑤筆

寓世身如夢。安閑日似年。敗蒲翻覆臥。破衲再三連。勸客眠風竹。長齋飲石泉。回頭萬事錯。自笑覺師賢。

妙迹苦難尋。茲山見幾層。亂峰螺髻出。絕磴陣雲崩。措意元同畫。觀空欲問僧。莫教林下意。終老歎何曾。

朱瑤唐晚輩。得句法尚雄深。滿寺空遺迹。何人識苦心。長廊敲雨脚。破壁撼鐘音。成壞一作無窮事。他年復弔今。

韓子華石淙莊

韓獻甫公名絳字子華父忠憲公名億平日語子弟進取在於止足寵祿不可過溢以故子華服闋誓墓年五十遽請謝事最後序疏言昔晉王羲之去郡不仕嘗自誓於父母墓前朝廷以其誓苦不復召之臣今志願雖與羲之頗殊然誓於先臣墓前則無異矣區區之志中外士大夫多有知者即非臣今日輕有去就妄干退閑也章屢上終不允後拜觀文殿學士元祐二年以司空檢校太

尉致仕時年七十六矣次年薨此詩多用子華表意石淙莊在許昌唐武后嘗燕於此

絳侯百萬兵。尚畏書牘背。功名意不已。數與危機會。我公抱絕識。凜凜鎮橫潰。欲收伊呂迹。遠與巢由對。誓言雖未從。久已斷諸內。區區為祖懷。頗覺羲之隘。此身隨造物。一葉舞澎湃。田園不早定。歸宿終安在。彼美石淙莊。每到百事廢。泉流知人意。屈折作濤瀨。寒光洗肝鬲。清響跨筇籟。我舊門前客。放言不自外。園中亦何有。蒼蔚可勝計。請公試回首。歲晚餘蒼檜。

立秋日禱雨宿靈隱寺同周徐二令

百重堆案掣身閑。一葉秋聲對榻眠。林下雪霜侵戶月。枕中琴筑落階泉。崎嶇世味嘗應遍。寂寞山栖老漸便。惟有問農心尚在。起占雲漢更茫然。

病中獨遊淨慈謁本長老周長官以詩見寄仍邀遊靈隱因次

韻答之

臥聞禪老入南山。淨掃清風五百間。我與世疎宜獨往。君緣詩好不
容攀。自知樂事年年減。難得高人日日閑。欲問雲公覓心地。要知何
處是無還。公自注楞嚴經云我今示汝無所還地

病中遊祖塔院

紫李黃瓜村路香。烏紗白葛道衣涼。閉門野寺松陰轉。敲枕風軒客
夢長。因病得閑殊不惡。安心是藥更無方。道人不惜塔前水。借與甕
樽自在嘗。

虎跑泉

臨安新志性空禪師居大慈山苦無水忽有神人告曰明日當有水是夜二虎跑地作穴泉水涌出因號虎跑泉

亭亭石塔東峰上。此老初來百神仰。虎移泉眼趁行腳。龍作浪花供
撫掌。至今遊人灌濯罷。臥聽空階環珞響。故知此老如此泉。莫作人
間去來想。

杭州龍井庵亭
詩

季壽又愛寫此
詩

佛日山榮長老方丈五絕

陶令思歸久未成。遠公不出但聞名。山中只有蒼髯叟。數里蕭蕭管
送迎。

千株玉槩攬雲立。一穗珠旒落鏡寒。何處霜眉碧眼客。結為三友冷
相看。

東麓雲根露角牙。細泉幽咽走金沙。不堪土肉埋山骨。未放蒼龍浴
渥洼。

食罷茶甌未要深。清風一榻抵千金。腹搖鼻息庭花落。還盡平生未
足心。

日射西廊午枕明。水沈燒盡碧煙橫。山人睡覺無人見。只有飛蚊遶
鬢鳴。

孤山二詠并引

孤山有陳時柏二株其一為人所薪山下老人自為兒已見其枯矣然堅悍如金石愈於未枯者僧志詮作堂於其側名之曰柏堂堂與白公居易竹閣相連屬余作二詩以記之

柏堂

道人手種幾生前鶴鶻骨龍姿尚宛然雙幹一先神物化九朝三見太平年忽驚華構依巖出乞與佳名到處傳此柏未枯君記取灰心聊伴小乘禪

竹閣

海山兜率兩茫然古寺無人竹滿軒白鶴不畱歸後語蒼龍猶是種時孫兩叢恰似蕭郎筆千畝空懷渭上村欲把新詩問遺像病維摩詰更無言

癸丑春分後雪

雪入春分省見稀半開桃李不勝威應慚落地梅花識卻作漫天柳絮飛不分東君專節物故將新巧發陰機從今造物尤難料更暖須畱御臘衣

與述古自有美堂乘月夜歸

娟娟雲月稍侵軒潏潏星河半隱山魚鑰未收清夜永鳳簫猶在翠微閒淒風瑟縮絃柱香霧淒迷著髻鬟共喜使君能鼓樂萬人爭看火城還

有美堂暴雨

遊人腳底一聲雷滿坐頑雲撥不開天外黑風吹海立浙東飛雨過江來十分潏灩金樽凸千杖敲鐙羯鼓催喚起謫仙泉灑面倒傾鮫室瀉瓊瑰

八月十五日看潮五絕

浙東七字乃奇
於上卷三日錄白
日浴陽力也

定知玉兔十分圓。已作霜風九月寒。寄語重門休上鎖。夜潮留向月中看。

萬人鼓噪懾吳儂。猶似浮江老阿童。欲識潮頭高幾許。越山渾在浪花中。

江邊身世兩悠悠。久與滄波共白頭。造物亦知人易老。故教江水向西流。

吳兒生長狎濤淵。冒利輕生不自憐。東海若知明主意。應教斥鹵變桑田。公自注是時新有旨禁弄潮

江神河伯兩醜雞。海若東來氣吐霓。安得夫差水犀手。三千強弩射潮低。公自注吳越王嘗以弓弩射潮頭與海神戰自爾水不近城

東陽水樂亭。公自注為東陽令王都官擬作又志林云錢塘東陽皆有水樂洞泉流空巖中自然宮商君不學白公引涇東注渭。五斗黃泥一鍾水。又不學哥舒橫行西海。

頭歸來羯鼓打涼。一作梁州但向空山石壁下。愛此有聲無用之清流。流泉無絃石無竅。強名水樂。人人笑慣見山僧。已厭聽多情。海月空留照。洞庭不復來軒轅。至今魚龍舞鈞天。聞道磬囊東入海。遺聲恐在海山間。鏘然澗谷含宮徵。節奏未成君獨喜。不須寫入薰風絃。縱有此聲無此耳。

與周長官李秀才游徑山二君先以詩見寄次其韻二首

少年飲紅帶酒盡推不去。呼來徑山下。試與洗塵霧。癡馬惜障泥。臨流不肖渡。獨有汝南君。從我無朝暮。肯將紅塵腳。暫著白雲屨。嗟我與世人。何異笑百步。功名一破甑。棄置何用顧。更憑陶靖節。往問征夫路。

龍亦戀故居。百年尚來去。至今雨雹夜。殿閣風纏霧。而我棄鄉國。大江忘北渡。便欲此山前。築室安遲暮。又恐太幽獨。晚歲霜入屨。同游

得李生。仄足隨蹇步。孔明不自愛。臨老起三顧。吾歸便卻掃。誰踏門前路。

臨臨安三絕

將軍樹

五代吳越世家臨安里中有大樹錢繆幼時與羣兒戲樹下及贖歸宴父老山林嘗覆以錦號其樹曰衣錦將軍

阿堅澤畔菰蒲節。玄德牆頭羽葆桑。不會世間閑草木。與人何事管興亡。

錦溪

楚人休笑沐猴冠。越俗徒誇翁子賢。五百年間異人出。盡將錦繡裹山川。

石鏡

吳興記臨安縣東五里石鏡山東有石鏡一所徑二尺四寸光照如鏡武肅王錢繆幼時遊此照其形服冕旒如王者狀

山雞舞破半巖雲。菱葉開殘野水春。應笑武都山下土。枉教明月殉佳人。

登玲瓏山

臨安圖經玲瓏山在縣西十二里兩山屹起盤屈九折上通絕頂名曰九折巖行百許步有亭下瞰百里名三休亭

何年僵立兩蒼龍。瘦脊盤盤尚倚空。翠浪舞翻紅罷亞。白雲穿破碧玲瓏。三休亭上工延月。九折巖前巧貯風。脚力盡時山更好。莫將有限趁無窮。

宿九仙山

公自注九仙謂左元放許邁王謝之流

風流王謝古仙真。一去空山五百春。玉室金堂餘漢士。桃花流水失秦人。困眠一榻香凝帳。夢遶千巖冷逼身。夜半老僧呼客起。雲峰缺處湧冰輪。

陌上花 并引

遊九仙山聞里中兒歌陌上花。父老云吳越王妃每歲春必歸臨安。王以書遺妃曰陌上花開可緩緩歸矣。吳人用其語為歌。含思宛轉聽之凄然而其詞鄙野為易之云。

勝力二句是莫
遊山人語之惟乃知
可以著在此

陌上花開蝴蝶飛。江山猶是昔人非。遺民幾度垂垂老。遊女長歌緩緩歸。

陌上山花無數開。路人爭看翠輦來。若為畱得堂堂去。且更從教緩緩回。

生前富貴草頭露。身後風流陌上花。已作遲遲君去會。猶歌緩緩妾回家。

遊東西巖

公自注即謝安東山也東山在會稽上虞縣西南四十五里晉太傅文靖公謝安字安石所居一名謝安山巖然特立於眾峰間拱揖蔽虧如鸞鶴飛舞其巔有謝

公調馬路白雲明月二堂址于嶂林立下視蒼海天水相接蓋絕景也下山出巖徑為國慶寺乃安石故宅安石傳云寓居會稽與王羲之許詢支遁遊出則漁獵山水入則言詠屬文後雖受朝寄然東山之志始末不渝安石孫靈運傳云父祖並葬始寧山中并有故宅及墅故其詩云偶與張邵合久故還東山世說王羲之語劉惔曰若安石東山志立當與天下共推之注引續晉陽秋曰安石家于上虞放情邱壑正在此山自東漢末析上虞之始寧鄉為始寧縣至東晉有南上虞始寧二邑秋陽所載得其實矣汝陰王性之鍾遊東山記刻石國慶攷實甚備性之云今臨安境中亦有東山金陵土山俱非是臨安山則許邁所稱文靖嘗往坐石室臨澹谷謂與伯夷何遜者蓋為海山之遊而非所居之山也

謝公含雅量。世運屬艱難。况復情所鍾。感槩萃中年。正賴絲與竹。陶

寫有餘歡。常恐兒輩覺。坐令高趣闌。獨攜縹緲人。來上東西山。放懷事物外。徒倚弄雲泉。一旦功業成。管蔡復流言。慷慨柏野王。哀歌和清彈。挽鬢起流涕。始知使君賢。意長日月促。臥病已辛酸。慟哭西州門。往駕那復還。空餘行樂處。古木昏蒼煙。

宿海會寺

籃輿三日山中行。山中信美少曠平。下投黃泉上青冥。綫路每與猿猱爭。重樓束縛遭澗坑。兩股酸哀饑腸鳴。北渡飛橋踏彭鏗。繚垣百步如古城。大鐘橫撞千指迎。高堂延客夜不扃。杉槽漆斛江河傾。本來無垢洗更輕。倒牀鼻息四鄰驚。紈_切都感如五鼓。天未明木魚呼粥亮。且清不聞人聲聞履聲。

海會寺清心堂

南郭子綦初喪我。西來達磨尚求心。此堂不說有清濁。遊客自觀隨

淺深兩歲頻為山水役。一谿長照雪霜侵。紛紛無補竟何事。慚愧高人閉戶吟。

徑山道中次韻荅周長官兼贈蘇寺丞

年來戰紛華。頗覺夫子勝。欲求五畝宅。灑掃樂清淨。學道恨日淺。問禪慙聽瑩。聊為山水行。遂此麋鹿性。獨遊吾未果。覓伴誰復聽。吾宗古遺直。窮達付前定。鋪糟醉方熟。灑面呼不醒。奈何效燕蝠。屢欲爭晨暝。不如從我遊。高論發犀柄。谿南渡橫木。山寺稱小徑。公自注太平寺俗號小徑山幽尋自茲始。歸路微月映。南望功臣山。雲外盤飛磴。三更渡錦水。再宿留石鏡。緬懷周與李。能作洛生詠。明朝三子至。詩律嚴號令。籃輿置紙筆。得句輕千乘。玲瓏苦竒秀。名實巧相稱。九仙更幽絕。笑語千山應。空巖側破甕。飛溜灑浮磬。山前見虎迹。候吏鏡鼓競。我生本艱竒。塵土滿釜甑。山禽與野獸。知我久蹭蹬。笑謂候吏還。禦虎吾有命。

夫子勝者向夫子之道而後也

徑山雖云遠。行李稍可併。頗訝王子猷。忽起山陰興。但報菊花開。吾當理歸榜。

汪澤覃秀才久留山中以詩見寄次其韻

季子應嗔不下機。棄家來伴碧雲師。中秋冷坐無因醉。半月長齋未有辭。擲簡搖毫無忤色。公自注汪善書託寫諸人詩投名入社有新詩。飛騰桂籍他年事。莫忘山中採藥時。

再遊徑山

老人登山汗如濯。倒牀困臥呼不覺。覺來五鼓日三竿。始信孤雲天一握。公自注古語云孤雲兩角去天一握平生未省出艱險。兩足慣曾行犖确。含暉亭上望東溟。凌霄峰頭挹南嶽。共愛絲杉翠綠亂。誰見玉芝紅玉琢。白雲何事自來往。明月長圓無晦朔。公自注山有白雲峰明月菴塚上雞鳴猶憶欽。山前鳳舞遠微璞。雪牕馴兔元不死。煙嶺孤猿苦難捉。從來白足傲生死。不怕黃

巾把刀槩榻上雙痕凜然在。劍頭一吷何須角。公自注以上皆山中故事嗟我昏顛頑
晚聞道與世齟齬空多學。靈水先除眼界花。清詩為洗心源濁。騷人
未要逃競病禪老。但喜聞剝啄。此生更得幾句來。從今有暇無辭數。

洞霄宮

上帝高居愍世頑。故畱瓊館在凡間。青山九鎖不易到。作者七人相

對開。公自注論語云作者七人矣今監宮凡七人

庭下流泉翠蛟舞。洞中飛鼠白鴉翻。長松怪石宜
霜鬢。不用金丹苦駐顏。

初自徑山歸述古名飲介亭以病先起

西風初作十分涼。喜見新橙透甲香。遲暮賞心驚節物。登臨病眼怯
秋光。慣眠處士雲菴裏。倦醉佳人錦瑟傍。猶有夢回清興在。臥聞歸
路樂聲長。

明日重九亦以病不赴述古會再用前韻

月入秋帷病枕涼。霜飛夜篔故衾香。可憐吹帽狂司馬。空對親春老
孟光。不作雍容傾坐上。翻成翫麟倚門旁。人間此會論今古。細看茱
萸感歎長。

九日尋臻閣梨遂泛小舟至勤師院二首

白髮長嫌歲月侵。病眸兼怕酒盃深。南屏老宿閑相遇。東閣郎君懶
重尋。試碾露芽烹白雪。休拈霜蘂嚼黃金。扁舟又截平湖去。欲訪孤
山支道林。

湖上青山翠作堆。蔥蔥鬱鬱鬱氣佳哉。笙歌叢裏抽身出。雲水光中洗
眼來。白足赤髭迎我笑。拒霜黃菊為誰開。明年桑苧煎茶處。憶著衰

翁首重迴。

公自注皎然有九日與陸羽煎茶詩羽自號桑苧翁余來年九日去此久矣

九日舟中望見有美堂上魯少卿飲以詩戲之二首

指點雲間數點紅。笙歌正擁紫髯翁。誰知愛酒龍山客。却在漁舟一

忽出健字

葉中

西閣珠簾卷落暉。水沈煙斷佩聲微。遙知通德淒涼甚。擁髻無言怨未歸。

遊諸佛舍一日飲釀茶七盞戲書勤師壁

示病維摩元不病。在家靈運已忘家。何須魏帝一丸藥。且盡盧仝七碗茶。

九日湖上尋周李二君不見君亦見尋於湖上以詩見寄明日乃次其韻

湖上野芙蓉。含思愁脈脈。娟然如靜女。不肯傍阡陌。詩人香未來。霜艷冷難宅。君行逐鷗鷺。出處浩莫測。葦間聞擘音。雲表已飛屐。使我終日尋。逢花不忍摘。人生如朝露。要作百年客。喟彼終歲勞。幸茲一日澤。願言竟不遂。人事多乖隔。悟此知有命。沈憂傷魂魄。

直涼

送杭州杜威陳三椽以絹切一音硯罷官歸鄉

秋風撼撼色音鳴枯蓼。船閣荒村夜悄悄。正當逐客斷腸時。君獨歌呼醉連曉。老夫平生齊得喪。尚戀微官失輕矯。君今憔悴歸無食。五斗未可秋毫小。君言失意能幾時。月皎蝦蟇行復皎。殺人無驗中不快。此恨終身恐難了。狗時所得無幾何。隨手已遭憂患繞。期君正似種宿麥。忍饑待食明年麩。

次韻周長官壽星院同餞魯少卿

瑤璃百頃水仙家。風靜湖平響釣車。寂歷疎松敲晚照。伶俜寒蝶抱秋花。困眠不覺依蒲褐。歸路相將踏桂華。更著綸巾披鶴氅。他年應作畫圖誇。

次韻述古過周長官夜飲

二更鏡鼓動諸鄰。百首新詩閒八珍。已遣亂蛙成兩部。更邀明月作

三人雲煙湖寺家家境燈火沙河夜夜春曷不勸公勤秉燭老來光景似奔輪

述古以詩見責屢不赴會復次前韻

我生孤僻本無鄰老病年來益自珍有對紅裙辭白酒但愁新進笑陳人北山怨鶴休驚夜南畝巾車欲及春多謝清詩屢推轂掃膏那解轉方輪公自注來詩有雲霄蒲輪之句

金門寺中見李西臺與二錢公自注惟漢易唱和四絕句戲用其韻跋之

帝城春日帽簷斜二陸初來尚憶家未肯將鹽下尊菜已應知雪似楊花

平生賀老慣乘舟騎馬風前怕打頭欲問君王乞符竹但憂無蟹有

監州公自注皆世所傳錢氏故事

西臺妙迹繼楊風公自注凝式無限龍蛇洛寺中一紙清詩弔興廢塵埃零

落梵王宮

五季文章墮劫灰升平格力未全回故知前輩宗徐庾數首風似流似玉臺

胡穆秀才遺古銅器似鼎而小上有兩柱可以覆而不蹶以為鼎則不足疑其飲器也胡有詩答之銅器即古爵也

隻耳獸齧環長脣鵝摩喙三趾下銳春蒲短兩柱高張秋菌細君看翻覆俯仰間覆成三角翻兩髻古書雖滿腹苟有用我亦隨世嗟君一見呼作鼎纔注升合已漂逝不如學鷓夷盡日盛酒真良計公自注有古篆

五字不可識

惜此古篆
五字也坡公有
事兼擅推小
後篆猶是古
公事

施注蘇詩卷之七終

施註蘇詩卷之八

詩五十九首

熙寧甲寅在錢塘聞移知密州之命
去杭經常潤道中作 施注缺今補

賀陳述古弟章生子

鬱蔥佳氣夜充閭。始見徐卿第二雛。甚欲去為湯餅客。惟愁錯寫弄
麈書。參軍新婦賢相敵。阿大中郎喜有餘。我亦從來識英物。試教啼
看定何如。

贈治易僧智周

寒牕孤坐凍生銚。尚把遺編照露螢。閣東九師新得妙。夢吞三畫舊
通靈。斷絃挂壁知音喪。公自注師與契嵩
深相知時已逝矣揮麈空山亂石聽。齋罷何須更
臨水。胸中自有洗心經。

張子野年八十五尚聞買妾述古今作詩

錦里先生自笑狂。莫欺九尺鬢眉蒼。詩人老去鴛鴦在。公子歸來鸞

驚忙。柱下相君猶有齒。江南刺史已無腸。平生謬作安昌客。畧遣彭宣到後堂。
皆用姓張事。六不足左可。

書雙竹湛師房二首

我本西湖一作江湖一釣舟。意嫌高屋冷飈飈。羨師此室纔方丈。一炷清香盡日留。

暮鼓朝鐘自擊撞。閉門孤枕對殘缸。白灰旋撥通紅火。臥聽蕭蕭雨一作打牕。

寶山新開徑

藤梢橘刺元無路。竹杖稜鞋不用扶。風自遠來聞笑語。水分流處見江湖。回觀佛骨青螺髻。踏遍仙人碧玉壺。野客歸時山月上。棠梨葉戰暝禽呼。

和述古冬日牡丹四首

一朵妖紅翠欲流。春光回照雪霜羞。化工只欲呈新巧。不放閑花得少休。

花開時節雨連風。卻向霜餘染爛紅。漏泄春光私一物。此心未信出天工。

當時只道鶴林仙。能遣秋花發杜鵑。誰信詩能回造化。直教桑柘放春妍。

不分清霜入小園。故將詩律變寒暄。使君欲見藍關詠。更倩韓郎為染根。

和錢安道寄惠建茶

我官於南。今幾時。嘗盡溪茶與山茗。曾中似記故人面。口不能言。心自省。為君細說我未暇。試評其畧。差可聽。建溪所產雖不同。一天為與君子性。森然可愛不可慢。骨清肉膩和且正。雪花雨脚何足道。

一茶耳。囊中。我。抑權。幸。得。起。此。淺。自。於。生。態。只。實。建。茶。有。何。佳。更。

啜過始知真味永。縱復苦硬終可錄。汲黯少戇寬饒猛。草茶無賴空有名。高者妖邪次頑癩。一作癩體輕雖復強。浮沈性滯偏工嘔。酸冷其間絕品。豈不佳張禹。縱賢非骨鯁。葵花玉鞞不易致。道路幽嶮隔雲嶺。誰知使者來自西。開緘磊落收百餅。嗅香嚼味本非別。透紙自覺光炯炯。糝糠團鳳友小龍。奴隸日注臣雙井。收藏愛惜待佳客。不敢包裹鑽權倖。此詩有味君勿傳。空使時人怒生瘕。

和柳子玉喜雪次韻仍呈述古

詩翁愛酒長如渴。餅盡欲沽囊已竭。燈青火冷不成眠。一夜撫鬢吟喜雪。詩成就我覓歡處。我窮正與君髣髴。曷不走投陳孟公。有酒醉君仍飽德。瓊瑤欲盡天應惜。更遣清光續殘月。安得佳人推素手。笑捧玉盃兩奇絕。艷歌一曲回陽春。坐使高堂生暖熱。

弔天竺海月辯師三首

欲尋遺迹彊沾裳。本自無生可得亡。今夜生公講堂。那滿庭依舊冷如霜。

生死猶如臂屈伸。情鍾我輩一酸辛。樂天不是蓬萊客。憑仗西方作主人。

欲訪浮雲起滅因。無緣卻見夢中身。安心好住王文度。此理何須更問人。

李頎秀才善畫山以兩軸見寄仍有詩次韻答之

平生自是箇中人。欲向漁舟便寫真。詩句對君難出手。雲泉勸我早抽身。年來白髮驚秋速。長恐青山與世新。從此北歸休悵望。囊中收得武陵春。

雪後至臨平與柳子玉同至僧舍見陳尉烈

落帆古戍下。積雪高如邱。強邀詩老出。疎髯散颼颼。僧房有宿火。手

足漸和柔○靜士素寡言○相對自忘憂○銅爐擢烟燄○石鼎浮霜漚○我行雖有程○坐穩且復留○大哉天地間○此生得浮游○

夜至永樂文長老院文時臥病退院

夜聞巴叟臥荒村○來打三更月下門○往事過年如昨日○此身未死得重論○老非懷土情相得○病不開堂道益尊○惟有孤栖舊時鶴○舉頭見客似長言○

柳氏二外甥求筆迹二首

退○筆○如○山○未○足○珍○讀○書○萬○卷○始○通○神○君○家○自○有○元○和○脚○莫○厭○家○雞○更○問○人○

一紙行書兩絕詩○遂良鬢髮已成絲○何當火急傳家法○欲見誠懸筆諫時○

錢安道席上令歌者道服

錢安道名顛為御史諫官

烏府先生鐵作肝○霜風卷地不知寒○猶嫌白髮年前少○故點紅燈雪裏看○他日卜鄰先有約○待君投綬我休官○如今且作華陽服○醉唱儂家七返丹○

除夜野宿常州城外二首

行歌野哭兩堪悲○遠火低星漸向微○病眼不眠非守歲○鄉音無伴苦思歸○重衾脚冷知霜重○新沐頭輕感髮稀○多謝殘燈不嫌客○孤舟一夜許相依○

南來三見歲云徂○直恐終身走道塗○老去怕看新曆日○退歸擬學舊桃符○煙花已作青春意○霜雪偏尋病客鬢○但把窮愁博長健○不辭最後飲屠酥○

元日過丹陽明日立春寄魯元翰

堆盤紅縷細茵陳○巧與椒花兩鬪新○竹馬異時寧信老○土牛明日莫

此生未死得重論
論乃病人一快

辭春西湖弄水猶應早。北寺觀燈欲及辰。白髮蒼顏誰肯記。曉來頻嚏為何人。

古纏頭曲

按先生此詩為琵琶女子作杜詩注纏頭以賞歌舞者

鷓鴣絃鐵撥世無有。樂府舊工惟尚叟。一生喙硬眼無人。坐此困窮今白首。翠環女子年十七。指法已似呼韓婦。驚帆渡海風掣迴。滿面塵沙和淚垢。青衫不逢滄浦客。紅袖謾插曹綱手。爾來一見哀駘佗。便著臂韝躬井臼。我慙貧病百不足。強對黃花飲白酒。轉關渡索動有神雷輒空堂。戰牖四絃一抹擁袂立。再拜十分為我壽。世人只解錦纏頭。與汝作詩傳不朽。

刁同年草堂

不用長竿矯繡衣。南園北第兩參差。青山有約長當戶。流水無情自入池。歲久醱醲渾欲合。春來楊柳不勝垂。主人不用息息去。正是紅

空澗自出

梅着子時。

惠山謁錢道人烹小龍團登絕頂望太湖

踏遍江南南岸山。逢山未免更留連。獨攜天上小團月。來試人間第二泉。石路縈回九龍脊。水光翻動五湖天。孫登無語空歸去。半嶺松聲萬壑傳。

錢道人有詩云直須認取主人翁作兩絕戲之

首斷故應無斷者。冰銷那復有冰知。主人若苦令儂認。認主人人竟是誰。

有主須還更有賓。不如無鏡自無塵。只從半夜安心後。失卻當年覺痛人。

和蘇州太守王規父侍太夫人觀燈之什余時以劉道原見訪滯留京口不及赴此會二首

不覺朱轡輟後塵。爭看繡幃錦纏輪。洛濱侍從三人貴。京兆平反一笑春。但逐東山攜妓女。那知後閣走窮賓。滯留不見榮華事。空作賡詩第七人。

翻翻緹騎走香塵。激激飛濤射火輪。美酒雷連三夜月。豐年傾倒五州春。公目注時浙西皆不安排詩律追彊對。踴躍歸期為惡賓。墮珥遺簪想無限。華胥猶見夢回人。

成都進士杜暹伯升出家名法通往來吳中

欲識當年杜伯升。飄然雲水一孤僧。若教俯首隨韉鎖。料得如今似我能。

公自注椰子玉云通若及第不過似我

虎邱寺

先名海湧山吳越春秋闔閭葬園西發五都之士十萬人作家銅棺三重水銀為池金玉為

入門無平田。石路穿細一作細穿嶺。陰風生澗壑。古木翳潭井。湛露虛誰復。見秋水光耿耿。鐵花秀巖壁。殺氣噤蛙黽。幽幽生公堂。左右立頑礦。

今日虎邱碑年
此致

當年或未信。異類服精猛。胡為百歲後。仙鬼互馳騁。窈然留清詩。讀者為悲哽。東軒有佳致。雲水麗千頃。熙熙覽生物。春意破淒冷。我來屬無事。暖日相與永。喜鵲翻初旦。愁鶯蹲落景。坐見漁樵還。新月溪上影。悟彼良自哈。歸田行可請。

常潤道中有懷錢塘寄述古五首

從來直道不辜身。得向西湖兩過春。沂上已成曾點服。泮宮初采魯侯芹。休驚歲歲年年貌。且對朝朝暮暮人。細雨晴時一百六。畫船鼉鼓莫違民。

草長江南鷺亂飛。年來事事與心違。花開後院還空落。燕入華堂怪未歸。世上功名何日是。樽前點檢幾人非。去年柳絮飛時節。記得金籠放雪衣。

公自注杭人以放鴿為太守壽

浮玉山頭日日風。湧金門外已春融。二年魚鳥渾相識。三月鶯花付

起有力

止前而首佳

與公剝看新翻眉倒暈。未應泣別臉消紅。何人織得相思字。寄與江邊北向鴻。

國艷天嬌酒半醺。去年同賞寄僧簷。但知撲撲晴香軟。誰見森森曉態嚴。穀雨共驚無幾日。蜜蜂未許輒先甜。應須火急回征棹。一片辭枝可得黏。

惠泉山下土如濡。陽羨溪頭米勝珠。賣劍買牛吾欲老。殺雞為黍子來無。地偏不信容高蓋。俗儉真堪著腐儒。莫怪江南苦留滯。經營身計一生迂。

刁景純賞瑞香花憶先朝侍宴次韻

廬山記瑞香花紫而香烈非羣芳之比其始蓋出此山

上苑天桃自作行。劉郎去後幾回芳。厭從年少追新賞。閒對宮花識舊香。欲贈佳人非泛浦。好紉幽佩弔沈湘。鶴林神女無消息。為問何年返帝鄉。

同柳子玉游鶴林招隱醉歸呈景純

鶴林竹林寺也。宋高祖潛龍時常遊寺有黃鶴飛舞因名黃鶴山。鶴林招隱潤州二寺也。

花時臘酒照人光。歸路春風灑面涼。劉氏邊宅霜竹老。戴公山下野桃香。巖頭足練魚天淨。一作泉底真珠濺客忙。安得道人攜笛去。一聲吹裂翠崖岡。

景純見和復次韻贈之二首

解組歸來道益光。坐看百物自炎涼。捲簾堂上檀槽鬧。送客林間檝燭香。淺量已愁當酒怯。非才尤覺和詩忙。何人貪佩黃金印。千柱耽耽瑣北岡。

人間膏火正爭光。每到藏春得暫涼。多事始知田舍好。凶年偏覺野蔬香。谿山勝畫徒能說。來往如梭為底忙。老去此身無處著。為翁栽插萬松岡。

柳子玉亦見和因以送之兼寄其兄子璋道人

不羨腰金照地光。暫時假面弄西涼。晴牕嚙日肝腸煖。古殿朝真屨
袖香。說靜故知猶有動。無閒底處更求忙。先生官罷乘風去。何用區
區賦陟岡。

子玉家宴用前韻見寄復答之

自酌金尊勸孟光。更教長笛奏伊涼。公自注子玉家有笛妓牽衣男女遠太白。扇枕

郎君煩阿香。詩病逢春轉深痼。愁魔得酒暫奔忙。醒時情味吾能說。
日在西南白草岡。

景純復以二篇一言其亡兄與伯父同年之契一言今者唱酬
之意仍次其韻

靈壽扶耒似孔光。感時懷舊一悲涼。蟾枝不獨同攀桂。雞舌還應共
賜香。公自注亦同為郎等是浮休無得喪。麤分憂樂有閒忙。年來世事如波浪。鬱
鬱誰知柏在岡。

儘管汝類者
何意味以此
浪費烟墨矣

屢把鉛刀齒步光。更遭華袞照龐涼。蘇門山上莫長嘯。蒼音葛林中
無別香。燭燼已殘終夜刻。槐花還似昔年忙。背城借一吾何敢。慎莫
尊前替庾岡。

金山寺與柳子玉飲大醉臥寶覺禪榻夜分方醒書其壁

惡酒如惡人。相攻劇刀箭。頽然一榻上。勝之以不戰。詩翁氣雄拔。禪
老語清軟。我醉都不知。但覺紅綠眩。醒時江月墮。撼撼風響變。惟有
一龕燈。二豪俱不見。

大風留金山兩日

塔上一鈴獨自語。明日顛風當斷渡。朝來白浪打蒼崖。倒射軒牕作
飛雨。龍驤萬斛不敢過。漁艇一葉從掀舞。細思城市有底忙。卻笑蛟
龍為誰怒。無事久留童僕怪。此風聊得妻孥許。灤山道人獨何事。半
夜不眠聽粥鼓。

以阻風為快

監洞霄宮俞康直郎中所居四詠

退圃

百文休牽上瀨船。一鉤歸釣縮頭鱸。園中草木春無數。只有黃楊厄
公自注俗說黃楊一歲長一寸遇閏退三寸

逸堂

新第誰來作竝鄰。舊官寧復憶星辰。請君置酒吾當賀。知向江湖拜
散人。

遜軒

冠蓋相望起隱淪。先生那得老江村。古來真遜何曾遜。笑殺踰垣與
閉門。

遠樓

西山煙雨卷疎簾。北戶星河落短簷。不獨江天解空闊。地偏心遠似

似陶潛。

游鶴林招隱二首

郊原雨初霽。春物有餘妍。古寺滿修竹。深林聞杜鵑。睡餘柳花墮。目
眩山櫻然。西牕有病客。危坐看香煙。

行歌白雲嶺。坐詠修竹林。風輕花自落。日薄山半陰。澗草誰復識。聞
香香難尋。時見城市人。幽居惜未深。

書普慈長老壁

公自注
志誠

普慈寺後千竿竹。醉裏曾看碧玉椽。倦客再遊行老矣。高僧一笑故
依然。久參白足知禪味。苦厭黃公聒晝眠。惟有兩株紅百葉。晚來猶
得向人妍。

書焦山綸長老壁

法師住焦山。而實未嘗住。我來輒問法。法師了無語。法師非無語。不

知所答故。君看頭與足。本自安冠履。譬如長鬣人。不以長為苦。一旦
或人問。每睡安所措。歸來被上下一夜著無處。展轉遂達晨。意欲盡
鐻去。此言雖鄙淺。故自有深趣。持此問法師。法師一笑許。

刁景純席上和謝生二首

悞入仙人碧玉壺。一歡那復間親疎。杯盤狼藉吾何敢。車騎雍容子
甚都。此夜新聲聞北里。他年故事紀南徐。欲窮風月三千界。願化天
人百億軀。

縱飲誰能問挈壺。不知門外曉星疎。綺羅勝事齊三閣。賓主設鋒敵
兩都。榻畔煙花嘗歎杜。海中童艸尚追徐。無多酌我公須聽。醉後麤
狂膽滿軀。

留別金山寶覺圓通二長老

沐罷巾冠快晚涼。睡餘齒頰帶茶香。艤舟北岸何時渡。晞髮東軒未

肯忙。康濟此身殊有道。醫治外物本無方。風流二老長還往。顧我歸
期尚渺茫。

施註蘇詩卷之八終

施注蘇詩卷之九

詩六十五首

起自常潤復還杭州尋去杭之密州任作施注缺今補

無錫道中賦水車

翻翻聯聯銜尾鴉。犂犂確確蜿骨蛇。分疇翠浪走雲陣。刺水綠鍼抽稻芽。洞庭五月欲飛沙。鼃鳴窟中如打衙。天公不見老翁一作農泣。喚取阿香推雷車。

杭州牡丹開時僕猶在常潤周令作詩見寄次其韻復次一首

送赴闕

羞歸應為負花期。已見成陰結子時。與物寡情憐我老。遣春無恨賴君詩。玉臺不見朝酣酒。金縷猶歌空折枝。從此年年定相見。欲師老圃問樊遲。

莫負黃花九日期。人生窮達可無時。十年且就三都賦。萬戶終輕千

見水車之無
濟也

首詩。天靜傷鴻猶戢翼。月明驚鵲未安枝。君看六月河無水。萬斛龍
驤到自遲。

蘇州閭邱江君二家雨中飲酒二首 閭邱孝忠字公顯

小圃陰陰徧灑塵。方塘潏潏欲生紋。已煩仙袂來行雨。莫遣歌聲便
駐雲。官對綺羅辭白酒。試將文字惱紅裙。今宵記取醒時節。點滴空
階獨自聞。

五紀歸來鬢未霜。十眉環列坐生光。喚船渡口迎秋女。駐馬橋邊問
素娘。曾把四絃娛白傅。敢將百草鬪吳王。從今卻笑風流守畫戟。空
凝宴寢香。

次韻沈長官三首

家山何在兩忘歸。杯酒相逢慎勿違。不獨飯山嘲我瘦。也應糠覈怪
君肥。

男婚已畢女將歸。累盡身輕志莫違。聞道山中食無肉。玉池清水自
生肥。
造物知吾久念歸。似憐衰病不相違。風來震澤帆初飽。雨入松江水
漸肥。

戲書吳江三賢畫像三首

誰將射御教吳兒。長笑申公為夏姬。卻遣姑蘇有麋鹿。更憐夫子得

西施 公自注 范蠡

浮世功勞食與眠。季鷹真得水中仙。不須更說知機早。直為鱸魚也

即賢 公自注 張翰

千首文章二頃田。囊中未有一錢看。卻因養得能言鴨。驚破王孫金

彈丸 公自注 陸龜蒙

劉孝叔會虎邱時王規父齋素祈雨不至二首 規字孝叔 覲字規父

自注

公此等詩亮
每佳者唱大江
東本傾於也

白簡威猶凜。青山興已穠。鶴閑雲作氍。駝臥草埋峰。跪履若可教。卜鄰應見容。因公問回老。何處定相逢。太常齋未解。不肖對纖穠。只遣三千履。未遊十二峰。林空荅清唱。潭淨寫衰容。歸去瑤臺路。還應月下逢。

過永樂文長老已卒

初驚鶴瘦不可識。旋覺雲歸無處尋。三過門間老病死。一彈指頃去來今。存亡慣見渾無淚。鄉井難忘尚有心。欲向錢塘訪圓澤。葛洪川畔待秋深。

贈張刁二老

張子野湖州烏程人
刁景純潤州丹陽人

兩邦山水未淒涼。二老風流總健彊。共成一百七十歲。各飲三萬六千觴。藏春塢裏鶯花鬧。仁壽橋邊日月長。惟有詩人被磨折。金釵零落不成行。

去年秋偶遊寶山上方。入一小院闐然無人。有一僧隱几低頭讀書。與之語漠然不甚對。問其鄰之僧曰。此雲閣黎也。不出十五年矣。今年六月。自常潤還。復至其室。則死葬數月矣。作詩題其壁。

雲師來寶山。一住十五秋。讀書常閉戶。客至不舉頭。去年造其室。清坐忘百憂。我初無言說。師亦無對酬。今年復扣門。空房但颼颼。云已滅。無餘薪。盡火不留。卻疑此室中。常有斯人。不所遇。孰非夢。事過吾何求。

聽僧昭素琴

至一作溫和無攪醜。至平無按抑。不知微妙聲。究竟從何出。散我不平氣。洗我不和心。此心知有在。尚復此微吟。

僧惠勤初罷僧職

軒軒青田鶴鬱鬱在樊籠既為物所縻遂與吾輩同今未始謝去萬
事一笑空新詩如洗出不受外垢蒙清風入齒牙出語如風松霜髭
茁病骨饑坐聽午鐘非詩能窮人窮者詩乃工此語信不妄吾聞諸
醉翁

遊靈隱高峰塔

武林山記北高峰在靈隱寺後
山有塔記云唐天寶中建

言遊高峰塔蓐食治野裝火雲秋未衰及此初旦涼霧霏巖谷暗日
出草木香嘉我同來人久便雲水鄉相勸小舉足前路高且長古松
攀龍蛇怪石坐牛羊漸聞鐘磬音飛鳥皆下翔入門空有無雲海浩
茫茫惟見聾道人老病時絕糧問年笑不荅但指穴藜牀心知不復
來欲歸更徬徨贈別留匹布今歲天蚤霜

八月十七日天竺山送桂花分贈元素

月缺霜濃細蘂朝乾此花元屬桂堂仙鷲峰子落驚前夜蟾窟枝空

記昔年破滅山一作高僧憐耿介練帶溪女鬪清妍願公採擷紉幽佩莫
遣孤芳老澗邊

捕蝗至浮雲嶺山行疲苦有懷子由弟二首

西來煙陣塞空虛灑遍秋田雨不如新法清平那有此老身窮苦自
拾渠無人可訴烏銜肉憶弟難憑犬寄書自笑迂疎皆此類區區猶
欲理蝗餘

霜風漸欲作重陽熠熠溪邊野菊黃久廢山行疲犖确尚能村醉舞
淋浪獨眠林下夢魂好回首人間憂患長殺馬毀車從此逝子來何
處問行藏

青牛嶺高絕處有小寺人迹罕到

暮歸走馬沙河塘爐煙裊裊十里香朝行曳杖青牛嶺崖泉咽咽千
山靜君勿笑老僧耳聾喚不聞百年俱是可憐人明朝且復城中去

五男

非瘦若安得
此佳句

白雲卻在題詩處

新城陳氏園次鼃補之韻

荒涼廢園秋寂歷幽花晚山城已窮僻况與城相遠我来亦何事徒倚望雲巘不見苦吟人清樽為誰滿

梅聖俞詩中有毛長官者今於潛令國華也聖俞沒十五年而君猶為令捕蝗至其邑作詩戲之

詩翁憔悴老一官厭見首蒼堆青盤歸來羞澀對妻子自比鮎魚緣竹竿今君滯畱生二毛飽聽衙鼓眠黃紬更將嘲笑調朋友人道獼猴騎土牛願君恰似高常侍暫為小邑仍刺史不願君為孟浩然卻遭明主放還山宦遊逢此歲年惡飛蝗來時半天黑羨君封境稻如雲蝗自識人人不識

與毛令方尉游西菩提寺二首

按於潛縣園經毛君賢同尉方君武與東坡於熙寧七年八月廿七日同遊西菩提寺石刻存焉西菩提寺去縣十五里

方經營

推擠不去已三年魚鳥依然笑我頑人未放歸江北路天教看盡浙西山尚書清節衣冠後處士風流水石間一笑相逢那易得數詩狂語不須刪

路轉山腰足未移水清石瘦便能奇白雲自古東西嶺明月誰分上下池黑黍黃梁初熟後朱柑綠橘半甜時人生此樂須天賦莫遣兒郎取次知

聽賢師琴

大絃春溫和且平小絃廉折亮以清平生未識宮與角但聞牛鳴盎中雉登木門前剝啄誰叩門山僧未閑君勿噴歸家且覓千斛水淨洗從前箏笛耳

贈寫真何充秀才

君不見潞州別駕眼如電左手挂弓橫撚箭又不見雪中騎驢孟浩

然。皺眉吟詩肩聳山。饑寒富貴兩安在。空有遺像留人間。此身常擬
同外物。浮雲變化無蹤迹。問君何苦寫我真。君言好之聊自適。黃冠
野服山家容。意欲置我山巖中。勲名將相今何限。往寫褒公與鄂公。
回先生過湖州東林沈氏飲醉以石榴皮書其家東老菴之壁
云西鄰已富憂不足。東老雖貧樂有餘。白酒釀來因好客。黃金
散盡為收書。西蜀和仲聞而次其韻三首。東老沈氏之老自謂
也。湖人因以名之。其子偕作詩有可觀者。按王會回仙碑云熙寧元年八
月十九日湖州歸安縣之東林
有隱君子沈思字持正隱於東林因以東老名焉能釀十八仙白酒一日有客自稱回道人揖長
東老曰知君白酒新熟願求一醉否公命之坐徐觀其目碧色粲然光彩射人與之語無不通究
故知非塵埃中人也因出與飲自日中至暮已飲數斗殊無酒色回曰
久不遊浙中今為子有陰德留詩贈子乃摩席上指皮書字題於蒼壁

素書

符離道士晨興際。華岳先生尸解餘。忽見黃庭丹篆句。猶傳青紙小

朱書

淒涼雨露三年後。髣髴塵埃數字餘。至用榴皮緣底事。中書君豈不
中書

李行中醉眠亭三首

已向閒中作地仙。更於酒裏得天全。從教世路風波惡。賀監偏工水
底眠。

君且歸休我欲眠。人言此語出天然。醉中對客眠何害。須信陶潛未
若賢。

孝先風味也堪憐。肯為周公晝日眠。枕麴先生猶笑汝。枉將空腹貯
遺編。

潤州甘露寺彈箏

多景樓上彈神曲。欲斷哀絃再三促。江妃出聽霧雨愁。白浪翻空動

浮玉公自注金山名喚取吾家雙鳳槽。遣作三峽孤猿號。與君合奏芳春調。啄木飛來霜樹杪。

單同年求德興俞氏聚遠樓三詩三首

雲山煙水苦難親。野草幽花各自春。賴有高樓能聚遠。一時收拾與閒人。

無限青山散不收。雲奔浪卷入簾鉤。直將眼力為疆界。何啻人間萬戶侯。

聞說樓居似地仙。不知門外有塵寰。幽人隱几寂無語。心在飛鴻滅沒閒。

平山堂次王居卿祠部韻

高會日陪山簡醉。狂言屢發次公醒。酒如人面天然白。山向吾曹分外青。江上飛雲來北固。檻前修竹憶南屏。六朝興廢餘邱壠。空使姦

詭奇列右致

毫不可黏帶
自
是榜上好詩

雄笑寧馨

次韻陳海州書懷

鬱鬱蒼梧海上山。公自注東海鬱州山云自蒼梧浮來蓬萊方丈有無閒。舊聞草木皆仙藥。欲

棄妻孥守市闌。雅志未成空自歎。故人相對若為顏。酒醒卻憶兒童事。長恨雙鳧去莫攀。公自注陳曾令鄉邑

次韻陳海州乘槎亭

因話錄云漢書載張騫窮河源言其奉使之遠寔無天河之說惟張華博物志云近世有人居海上每年八月見乘槎來不遠時齋一年種桑之到天河見婦織丈夫飲牛造問嚴君平曰某時客星犯斗牛即此人也後世相傳云得織女支機石持以問君平都是虛無之說今成都嚴真觀有一石呼為支機石云寶曆中予於京都途中逢官差夫遞昇張騫槎先在東都禁中令准詔索有司取進不知何物也前輩詩往往有張騫槎者相襲訛謬矣縱出雜書亦不足據也

人事無涯生有涯。逝將歸釣漢江槎。乘桴我欲從安石。遁世誰能識子嗟。日工紅波浮翠巘。潮來白浪卷青沙。清談羨景雙奇絕。不覺歸鞍帶月華。

次韻孫職方蒼梧山

此山無用之

蒼梧奇事豈虛傳。荒怪還須問子年。遠託鼇頭轉滄海。來依鵬背負青天。或云靈境歸賢者。又恐神功亦偶然。聞道新春恣遠覽。羨君平地作飛仙。

次韻孫巨源寄連水李盛二著作并以見寄五絕

南嶽諸劉豈易逢。相望無復馬牛風。山公雖見無多子。社燕何由戀

塞鴻。

公自注昔與巨源劉貢父劉莘老相遇於山陽自爾契闊惟巨源近者復相見於京口公嘗有詩云有如社燕與秋鴻相逢未穩還相送

高才晚歲終難進。勇退當年正急流。不獨二疏為可慕。他時當有景

孫樓。

公自注巨源近離東海郡有景孫樓

漱石先生難可意。

公自注謂巨源齧檀校尉久無朋。

公自注自謂

應知客路愁無奈。故

遣吟詩調李陵。

公自注謂李居也

雲雨休排神女車。忠州老病畏人誇。詩豪正值安仁在。空看河陽滿

懸花。

公自注盛為邑宰

止此乃清折

膠西未到吾能說。桑柘禾麻不見春。不羨京塵騎馬客。羨他淮月弄舟人。

王莽

漢家殊未識經綸。入手功名事事新。百尺穿成連夜井。千金購得解飛人。

董卓

公業平時勸用儒。諸公何事起相圖。只言天下無健者。豈信車中有布乎。

虎兒

王注此篇當為連姪作

舊聞老蚌生明珠。未省老兔生於菟。老兔自謂月中物。不騎快馬騎蟾蜍。蟾蜍爬沙不甯行。坐令青衫垂白鬢。於菟駿猛不類渠。指揮黃熊駕黑羆。丹砂紫麝不用塗。眼光百步走妖狐。妖狐莫誇智有餘。

不勞搖牙咀爾徒。

除夜病中贈段屯田

王注段釋之也

龍鍾三十九。勞生已強半。歲暮日斜時。還為昔人歎。公自注樂天詩云行年三十九歲暮日斜時
今年一線在。那復堪把玩。欲起強持酒。故交雲雨散。惟有病相尋。空齋為老伴。蕭條燈火冷。寒夜何時旦。倦僕僕觸屏風。饑饉嗅空案。數朝閉閣臥。霜髮秋蓬亂。傳聞使者來。策杖就梳盥。書來苦安慰。不怪造請緩。大夫忠烈後。高義金石貫。要當擊權豪。未肯覩衰懦。一作慙此生何所似。暗盡灰中炭。歸田計已決。此邦聊假館。三徑麤成資。一枝有餘暖。願君更信宿。庶奉一笑粲。

喬太博見和復次韻答之

百年三萬日。老病常居半。其閒互憂樂。歌笑雜悲歎。顛倒不自知。直為神所玩。須臾便堪笑。萬事風雨散。自從識此理。久謝少年伴。逝將

遊無何。豈暇讀城旦。非才更多病。二事可并案。愧煩賢使者。弭節整紛亂。喬侯瑚璉質。清廟嘗薦盥。奮髯百吏走。坐變齊俗緩。未遭甘鷄退。竝進恥魚貫。每聞議論餘。凜凜激貪懦。莫耶當自躍。豈復煩爐炭。便應朝秣越。未暮刷燕館。胡為守故邱。春戀桑榆暖。為君叩牛角。一詠南山粲。

二公再和亦再答之

寒雞知將晨。饑鶴知夜半。亦知老病客。遇節嘗感歎。光陰等敲石。過眼不容玩。親友如搏沙。放手還復散。羈孤每自笑。寂寞誰有伴。元達號神君。高論森月旦。紀明本賢將。汨沒事堆按。欣然肯相顧。夜閣燈火亂。盤空愧不飽。酒薄僅堪盥。雍容水著帽。不怪安石緩。雖無窈窕人。清唱弄珠貫。幸有縱橫舌。說劍起慵懶。二豪沈下位。暗火埋濕炭。豈似草玄人。嘿嘿老儒館。行看富貴逼。炙手借餘暖。應念苦思歸。登

樓賦王粲

雪後書北臺壁二首

黃昏猶作雨。纖纖夜靜無風勢。轉嚴但覺衾裯如潑水。不知庭院已堆鹽。五更曉色未書幌。半夜寒聲落畫簷。試掃北臺看馬耳。未隨埋沒有雙尖。

城頭初日始翻鴉。陌上晴泥已沒車。凍合玉樓寒起粟。光搖銀海眩生花。遺蝗入地應千尺。宿麥連雲有幾家。老病自嗟詩力退。空吟冰柱憶劉叉。

謝人見和前篇二首

已分酒杯欺淺懦。敢將詩力鬪深嚴。漁蓑白好真堪畫。柳絮才高不道鹽。敗履尚存東郭足。飛花又舞謫仙簷。書生事業真堪笑。忍凍孤吟筆退尖。

九陌淒風戰齒牙。銀杯逐馬帶隨車。也知不作堅牢玉。無奈能開頂刻花。得酒彊歡愁底事。閉門高臥定誰家。臺前日暖君須愛。冰下寒魚漸可叉。

鐵溝行贈喬太博名叙字禹功

城東坡隴何所似。風吹海濤低復起。城中病守無所為。走馬來尋鐵溝水。鐵溝水淺不容輜。恰似當年韓與侯。有魚無魚何足道。駕言聊復寫我憂。孤村野店亦何有。欲發狂言須斗酒。山頭落日側金盆。倒著接羅搔白首。忽憶從軍年少時。輕裘細馬不知臂。弓腰箭南山下。追逐長楊射獵兒。老去同君兩憔悴。犯夜醉歸人不避。明年定起故將軍。未肯先誅霸陵尉。

出城送客不及步至溪上二首

送客客已去。尋花花未開。未能城裏去。且復水邊來。父老借問我。使

君安在哉今年好風雪會見麥千堆

春來六十日笑口幾時開會作堂堂去何妨得得來倦遊行老矣舊
隱賦歸哉東望峨眉小廬山翠作堆公自注郡東廬山絕類峨眉而小

蘇州姚氏三瑞堂公自注姚氏世以孝稱

君不見董召南隱居行義孝且慈天公亦恐無人知故令雞狗相哺
兒又令韓老為作詩爾來三百年名與淮水東南馳此人世不乏此
事亦時有楓橋三瑞皆目見天意宛在虞鯨後惟有此詩非昔人君
更往求無價手

莫笑銀杯小荅喬太博

陶潛一縣令獨飲仍獨醒猶將公田二頃五十畝種秫作酒不種杭
我今號為二千石歲釀百石何以醉賓客請君莫笑銀杯小爾來歲
早東海窄會當拂衣歸故邱作書貸粟監河侯萬斛船中著美酒與

君一生長拍浮

送段屯田分得于字

勸農使者古大夫不惜春衫踐泥塗王事靡盬君甚劬奉常客卿虬
兩頰東武縣今天馬駒泮宮先生非俗儒相與野飲四子俱樂哉此
樂城中無溪邊策杖自攜壺腰笏不煩一作須何易于膠西病守老且迂
空齋愁坐紛墨朱四十豈不知頭顱畏人不出何其愚

和段屯田荆林館

南山有佳色無人空自竒清詩為題品草木變芬菲謝女得秀句雷
待中郎歸便當勤鞭策僕倦馬亦饑公自注段有姪女在密

施注蘇詩卷之九終

施註蘇詩卷之十

詩三十七首

詩守高
密作

贈上天竺辯才師

蘇子由辯才法師塔銘畧云師姓徐氏名元淨字無象於潛人生而右肩肉起如聚漆條八十一日乃減十歲出家二十五賜紫及辨才號及其終實八

十有一沈公遺治杭命住上天竺增室幾至萬礎重樓傑閣冠於浙西後遷居龍井東坡守杭作亭風篁巖上名過溪亦曰二老此詩疑倅杭日所作誤置此卷

石草
南北一山門。上下兩天竺。中有老法師。瘦長如鶴鵠。不知修何行。碧眼照山谷。見之自清涼。洗盡煩惱毒。坐令一都會。男女禮白足。我有長頭兒。角頰峙犀玉。四歲不知行。抱負煩背腹。師來為摩頂。起走趁奔鹿。乃知戒律中。妙用謝羈束。何必言法華。佯狂啖魚肉。

游廬山次韻章傳道

塵容已似服轅駒。野性猶同縱壑魚。出入巖壑千仞表。較量筋力十年初。雖無窈窕驅前馬。還有鷓鴣挂後車。莫笑吟詩淡生活。當令阿買為君書。

真如遊山人心
年

盧山五詠

盧敖洞 國經教泰博士避
難此山遂得名

上界足官府。飛昇亦何益。還在此山中。相逢不相識。

飲酒臺

博士雅好飲。空山誰與娛。莫向驪山去。君王不喜儒。

聖燈巖

石室有金丹。山神不知秘。何必露光芒。夜半驚童稚。

三泉

皎皎巖下泉。無人還自潔。不用比三星。清光同一月。

障日峯

長安自不遠。蜀客苦思歸。莫教名障日。喚作小峨眉。

○次韻章傳道喜雨 公自注禱
常山而得

公自注其狀類
峨眉但小耳

去年夏旱秋不雨。海畔居民飲鹹苦。今年春暖欲生蠶。地上戢戢多

於土。預憂一旦開兩翅。口吻如風那肯吐。前時渡江入吳越。布陣橫

空如項羽。 公自注去歲錢塘見飛
蝗自西北來極可畏 農夫拱手但垂泣。人力區區固難禦。撲緣

駿毛 一作尾 困牛馬。咬齧衣服穿房戶。坐觀不救亦何心。秉畀炎火傳自

古。荷鋤散掘誰敢後。得米濟饑還小補。常山山神信英烈。搗駕雷公

訶電母。應憐郡守老且愚。欲把瘡痍手摩撫。山中歸時風色變。中路

已覺商羊舞。夜聽騷騷鬧松竹。朝畦泫泫流膏乳。從來蝗旱必相資。

此事吾聞老農語。庶將積潤掃遺孽。收拾豐歲還明主。縣前已窖八

千斛。 公自注今春及今得
蝗子八千餘解 率以一升完一畝。更看蠶婦過初眠。 公自注蠶一眠
則蝗不復生矣 未

用賀客來旁午。先生筆力吾所畏。 同 踏鮑謝跨徐庾。偶然談笑得

佳篇。便恐流傳成樂府。陋邦一雨何足道。吾君盛德九州普。中和樂

職幾時作。試向諸生選何武。

謝郡人田賀二生獻花

城裏田員外。城西賀秀才。不愁家四壁。自有錦千堆。珍重尤奇品。艱難最後開。芳心因落日。薄艷戰雷。公自注。昨日雷雨。老守仍多病。壯懷先已灰。殷勤此祭者。公自注。賀三朵。攀折為誰哉。玉腕揜紅袖。金樽瀉白醅。何當鑷霜鬢。強插滿頭回。

惜花

吉祥寺中錦千堆。公自注。錢塘花最盛處。前年賞花真盛哉。道人勸我清明來。腰鼓百面如春雷。打徹涼州花自開。沙河塘上插花回。醉倒不覺吳兒吟。豈知如今雙鬢摧。城西古寺沒蒿萊。有僧閉門手自栽。千枝萬葉巧剪裁。就中一叢何所似。馬腦槃盛金縷杯。而我食菜方清齋。對花不飲花應猜。夜來雨雹如李梅。紅殘綠暗吁可哀。公自注。錢塘吉祥寺花為第一。壬子清明賞會最盛。金盤綠盃。

以獻於座者五十三人。夜歸沙河塘。工觀者如山。爾後無復繼也。今年諸家園。園花亦極盛。而龍興僧房一叢亦奇。但衰病牢落。自無以發興耳。昨日雨雹如此。花之存者有幾。可為嘆息也。

和頡教授見寄用除夜韻

我笑陶淵明。種秫二頃半。婦言既不用。還有責子嘆。無絃則無琴。何必勞撫玩。我笑劉伯倫。醉髮蓬莖散。二豪苦不納。獨以錘自伴。既死何用埋。此身同夜旦。孰云二子賢。自結兩重案。笑人還自笑。出口談治亂。一生溷塵垢。晚以道自盥。無成空得懶。坐此百事緩。仄聞頡夫子。講道出新貫。豈無一尺書。恐不記庸懦。公自注。奴亂。陋邦貧且病。數米銖稱。炭慙愧章先生。十日坐空館。袖中出子詩。貪讀酒屢煖。狂言各須慎。勿使輸薪槩。

和子由四首

韓太祝送游太山

偶作郊原十日游。未應回首厭籠囚。但教塵土驅馳足。終把雲山爛漫酬。聞道逢春思濯錦。便須到處覓菟裘。恨君不上東封頂。夜看金

輪出九幽

送春

夢裏青春可得追。欲將詩句絆餘暉。酒闌病客惟思睡。蜜熟黃蜂亦懶飛。芍藥櫻桃俱掃地。公自注病過此二物鬢絲禪榻兩忘機。憑君借取法界觀。一洗人間萬事非。公自注來書云近看此書余未嘗見也

首夏官舍即事

安石榴花開最遲。絳裙深樹出幽菲。吾廬想見無限好。客子倦游胡不歸。坐上一樽雖得滿。古來四事巧相違。令人卻憶湖邊寺。垂柳陰陰晝掩扉。

送李供備席上和李詩

家聲赫奕蓋并涼。也解微吟錦瑟旁。擘水取魚湖起浪。引杯看劍坐生光。風流別後人人憶。才器歸來種種長。不用更貪窮事業。風騷分

付與沈湘

西齋

西齋深且明。中有六尺牀。病夫朝睡足。危坐覺日長。昏昏既非醉。踽踽亦非狂。褰衣竹風下。穆然中微涼。起行西園中。草木含幽香。榴花開一枝。柔棗沃以光。鳴鳩得美蔭。困立志飛翔。黃鳥亦自喜。新音變圓吭。杖藜觀物化。亦以觀我生。師莊切萬物各得時。我生日皇皇。

小兒

小兒不識愁。起坐牽我衣。我欲嗔小兒。老妻勸兒癡。兒癡君更甚。不樂愁何為。還坐愧此言。洗盞當我前。大勝劉伶婦。區區為酒錢。

寄劉孝叔

劉孝叔名述神宗時擢侍御史知雜數論事剴切會與王安石爭獄事不合出知江州踰歲提舉崇禧觀東坡倅杭與孝叔會虎邱和其二詩載第九卷吳興六客堂考

叔其一人也此詩首言征伐之意熙寧三年十一月詔京畿河北京東西路置三十七將將官遂與州郡長吏爭衡故云聯翩三十七將軍走馬西來各開府又立保甲法令諸州籍保甲取民而教之禁令苛急往往去為盜郡縣不敢以聞故云保甲連村團未滿五年立方田均稅法詔司農以條約并式頒之天下歲以九月委令佐分地計量乃善戶帖連莊帳付之以為地符故云方田詭謀紛如雨七年是憲卿建事實法使民自正其家之物產而官為注籍奉使者至新秋

結詩感概

少坡詩中此境六殊

前直于時事多
著此法動謔
且見此篇止信是
貴津收乃若作
而作也

毫天下病之至八年十月乃罷故曰爾未手實降新書云云又曰平生學問止流俗是時安石
凡議其新政者皆以流俗謂之也孝叔年七十二卒給與開錄其風節贈秘閣修撰

君玉有意誅驕酋。破銅山鑄銅虎。聯翩三十七將軍。走馬西來各
開府。南山伐木作車軸。東海取鼉漫戰鼓。汗流奔走誰敢後。恐乏軍
興。汙資一作質斧保甲。連村圍未遍。方田訟牒紛如雨。爾來手實降新書。
扶別根。株窮脉。縷詔書。惻怛信。深厚吏能淺。薄空勞苦。平生學問止
流俗。眾裏筮筭誰比數。忽令獨奏鳳將雛。倉卒欲吹那得譜。况復連
年苦饑饉。剝鬻草木咬泥土。今年雨雪頗應時。又報蝗虫生翅股。憂
來洗盞欲強醉。寂寞虛齋臥空舫。公廚十日不生煙。更望紅帟踏筵
舞。故人屢寄山中信。只有當歸無別語。方將雀鼠偷太倉。未肯衣冠
挂神武。吳興文人真得道。平日立朝非小補。自從四方冠蓋鬧。歸作兩
浙湖山主。高蹤已自雜漁釣。大隱何曾棄簪組。去年相從殊未足。問
道已許設其粗。一作祖逝將棄官往卒業。俗緣未盡那得覩。公家只在雲

谿工上有白雲如白羽。應憐進退苦皇皇。更把安心教初祖。

孔長源挽詩二首

孔長源名延世。宣聖裔。孫以進士第一。元祐間知封州。有遺愛。後知越州。改宣州。未至以為管勾三司理。及遷由司出知潤州。未行卒。長源言

若不能出口及見義慷慨老益自強雖齟齬不以易意工於為文三子皆自教以
學文仲武仲平仲皆有傳國史為時名臣詩云不愧蔡邕碑者曾子固志其墓也

少年才氣冠當時。晚節孤風益自奇。君勝宜為夫子後。林宗不愧蔡
邕碑。南荒尚記誅元惡。東越誰能事細兒。耆舊如今幾人在。為君無
憾為時悲。

小堰門頭柳繫船。吳山堂上月侵筵。潮聲半夜千巖響。詩句明朝萬
口傳。公自注長源自越過杭夜飲有美堂工聯句長源詩
云天目遠隨雙鳳落海門遙慶兩湖趨一坐稱善豈意日斜庚子後。忽驚歲在

已辰年。佳城一閉無窮事。南望題詩淚灑殘。

寄呂穆仲寺丞

孤山寺下水侵門。每到先看醉墨痕。楚相未亡諉笑是。中郎不見典
刑存。公自注抗有伶人善學呂舉措
酷似別後常令作之以為笑君先去踏塵埃陌。我亦來尋桑棗村。回首

長源自有佳
子

西湖真一夢。灰心霜鬢更休論。

余主簿母挽詩

閨庭蘭玉照鄉閭。自昔雖貧樂有餘。豈獨家人在中饋。卻因麟趾識
關雎。雲軒忽已歸仙府。喬木依然擁舊廬。忍把還鄉千斛淚。一時灑
向老萊裾。

送趙寺丞寄陳海州

景疏樓上喚娥眉。君到應先誦此詩。若見孟公投轄飲。莫忘衝雪送
君時。

答陳述古二首

漫說山東第二州。棗林桑泊負春游。城西亦有紅千葉。人老簪花卻
自羞。

小桃破萼未勝春。羅綺叢中第一人。聞道使君歸去後。舞彩歌扇總

生塵

公自注陳有小小
妓述古稱之

張安道樂全堂

列子御風殊不惡。猶被莊生譏數數。步兵飲酒中散琴。於此得全非
至樂。樂全居士全於天。維摩丈室空翛然。平生痛飲今不飲。無琴不
獨今無絃。我公天與英雄表。龍章鳳姿照魚鳥。但令端委坐廟堂。北
狄西戎諉笑了。如今老去苦思歸。小字親書寄我詩。試問樂全全底
事。無全何處更相虧。

張文裕挽詞

張文裕名拔舉進士知益都縣中丞范諷薦其材知萊州掖縣民訴旱於州不
受文裕自為奏上之詔除登萊稅役歷官龍圖直學士戶部侍郎致仕卒年八十

文裕齊州歷城人故有濟南名士句益都
在列外文裕有忠政故有列外生祠句

高才本出朝廷右。能事空推德業餘。每見便聞曹植句。至今傳寶魏
華書。濟南名士新凋喪。劍外生祠已潔除。欲寄西風兩行淚。依然喬
木鄭公廬。

鍾鍊祿

首句自曰叔事

懷西湖寄鼂美叔同年

鼂美叔名端彦時提點兩浙刑獄置司杭州

西湖天下景游者無愚賢淺深隨所得誰能識其全嗟我本狂直早為世所捐獨專山水樂付與寧非天三百六十寺幽尋遂窮年所至得其妙心知口難傳至今清夜夢耳目餘芳鮮君持使者節風采爍雲煙清流與碧巘安有為君妍胡不屏騎從暫借僧榻眠讀我壁間詩清涼洗煩煎策杖無道路直造意所便應逢古漁父葦間自延緣問道若有得買魚勿論錢

和梅戶曹會獵鐵溝

山西從古說三明誰信儒冠也捍城竿上鯨鯢猶未掩公目注近草中狐兔不須驚東州趙叟一作叟飲無敵南國梅仙詩有聲不向如臯閑射雉歸來何以得卿卿公目注是日惟梅趙不射

祭常山回小獵

青蓋前頭點皂旗黃茅岡下出長圍弄風驕馬跑空立趁兔蒼鷹掠地飛回望白雲生翠巘歸來紅葉滿征衣聖明若用西涼簿白羽猶能效一揮

和章七出守湖州二首

章惇字子厚

方丈仙人出渺茫高情猶愛水雲鄉功名誰使連三捷身世何緣得兩忘早歲歸休心共在他年相見話偏長只應未報君恩重清夢時時到玉堂

絳闕雲臺總有名應須極貴又長生鼎中龍虎黃金賤松下龜蛇綠

骨輕公目注君好野火而餌茯苓雲水未渾纓可濯弁峯初見眼應明兩巵春酒真堪羨

獨占人間分外榮

和張子野見寄三絕句

過舊游

教以遊法何回
年之厚也世
張蓋遊山者盡
一涌山詩

夕與會及
佳

香糊酬記

前○生○我○已○到○杭○州○到○處○長○如○到○舊○游○更○欲○洞○霄○為○隱○吏○一○卷○閑○地○且○相○留○

見題壁

狂○吟○跌○宕○無○風○雅○醉○墨○淋○浪○不○整○齊○為○詩○人○一○回○顧○山○僧○未○忍○掃○黃○泥○泥○

竹閣見憶

栢○堂○南○畔○竹○如○雲○此○閣○何○人○是○主○人○但○遣○先○生○披○鶴○氅○不○須○更○畫○樂○天○真○

和蔣夔寄茶

我○生○百○事○常○隨○緣○四○方○水○陸○無○不○便○扁○舟○渡○江○適○吳○越○三○年○飲○食○窮○芳○鮮○金○釐○玉○膾○飯○炊○雪○海○螯○江○柱○初○脫○泉○臨○風○飽○食○甘○寢○罷○一○甌○花○乳○浮○輕○圓○自○從○捨○舟○入○東○武○沃○野○便○到○桑○麻○川○翦○毛○胡○羊○大○如○馬○誰○

此何乃抑揚若

記○鹿○角○腥○槃○筵○厨○中○蒸○粟○理○飯○糞○太○杓○更○取○酸○生○涎○柘○羅○銅○碾○棄○不○用○脂○麻○白○土○須○盆○研○故○人○猶○作○舊○眼○看○謂○我○好○尚○如○當○年○沙○谿○北○苑○強○分○別○水○脚○一○線○爭○誰○先○清○詩○兩○幅○寄○千○里○紫○金○百○餅○費○萬○錢○吟○哦○烹○噍○兩○寄○奇○絕○只○恐○偷○乞○煩○封○纏○老○妻○稚○子○不○知○愛○一○半○已○入○薑○鹽○煎○人○生○所○遇○無○不○可○南○北○嗜○好○知○誰○賢○死○生○禍○福○久○不○擇○更○論○甘○苦○爭○蚩○妍○知○君○窮○旅○不○自○釋○因○詩○寄○謝○聊○相○鐫○

答李邦直

李邦直名清臣蚤以詞藻受人主然志於利祿操持悖繆與鄧温伯章悖諸人銳意紹述正人竄逐幾無唯類後進治其罪貶雷州司戶公等高密時邦直以京東提刑行部至密也東坡七年瘴海僅得生還推原禍本實自邦直發之云

美○人○如○春○風○著○物○物○未○知○羈○愁○似○冰○雪○見○子○先○流○澌○子○從○徐○方○來○吏○民○舉○熙○熙○扶○病○出○見○之○驚○我○一○句○衰○知○我○久○慵○倦○我○起○我○以○新○詩○詩○詞○如○醇○酒○盎○然○熏○四○支○徑○飲○不○覺○醉○欲○和○先○昏○疲○西○齋○有○蠶○風○帳○風○雨○夜○紛○披○放○懷○語○不○擇○撫○掌○笑○脫○頤○別○來○今○幾○何○春○物○已○含○姿○柳○色○

日夜暗○子來竟何時○徐方雖云樂○東山禁游嬉○又無狂太守○何以解
憂思○聞子有賢婦○華堂詠螽斯○盍不倒囊橐○賣劍買蛾眉○不用教絲
竹○唱我新歌詞○

施註蘇詩卷之十終

施註蘇詩卷之十一

詩六十六首

起守高密至得代歸京師卷中有除夜大雪雷州元日早晴
遂行之作按公年譜除夜當是熙寧丙辰元日則丁巳元日也

和文與可洋川園池三十首

唐地理志洋川郡德武德元
年析梁州之西鄉黃金興勢置

湖橋

朱闌畫柱照湖明○白葛烏紗曳履行○橋下龜魚晚無數○識君拄杖過
橋聲○

橫湖

貪看翠蓋擁紅粧○不覺湖邊一夜霜○卷卻天機雲錦段○從教匹練寫
秋光○

書軒

雨昏石硯寒雲色○風動牙籤亂葉聲○庭下已生書帶草○使君疑是鄭
康成○

冰池

不嫌冰雪遶池看。誰似詩人巧耐寒。記取羲之洗硯處。碧琉璃下黑蛟蟠。

竹塢

晚節先生道轉孤。歲寒唯有竹相娛。麤才杜牧真堪笑。喚作軍中十萬夫。

荻浦

雨折霜乾不耐秋。白花黃葉使人愁。月明小艇湖邊宿。便是江南鸚鵡洲。

蓼嶼

秋歸南浦蟋蟀鳴。霜落橫湖沙水清。臥雨幽花無限思。抱叢寒蝶不勝情。

望雲樓

陰晴朝暮幾回新。已向虛空付此身。出本無心歸亦好。白雲還似望雲人。

天漢臺

漾水東流舊見經。銀潢左界上通靈。此臺試向天文窺。閣道中間第幾星。

待月臺

月與高人本有期。挂簷低戶映蛾眉。只從昨夜十分滿。漸覺冰輪出海遲。

二樂榭

此間真趣豈容設。二樂并君已是三。仁智更煩訶妄見。坐令魯叟作瞿曇。

公自注來詩云
二見因妄生

漢泉亭

聞道池亭勝兩川。應須爛醉答雲煙。勸君多揀長腰米。消破亭中萬斛泉。

吏隱亭

吏隱出汝南先賢傳鄭欽事

縱橫憂患滿人間。頗怪先生日日閑。昨夜清風眠北牖。朝來爽氣在西山。

霜筠亭

解箨新篁不自持。嬋娟已有歲寒姿。要看凜凜霜前意。須待秋深粉落時。

無言亭

殷勤稽首維摩詰。敢問如何是法門。彈指未終千偈了。向人還道本無言。

露香亭

亭下佳人錦繡衣。滿身瓔珞綴明璣。晚香消歇無尋處。花已飄零露已晞。

涵虛亭

水軒花榭兩爭妍。秋月春風各自偏。惟有此亭無一物。坐觀萬景得天然。

谿光亭

決去湖波尚有情。卻隨初日動簷楹。谿光自古無人畫。憑仗新詩與寫成。

過谿亭

身輕步穩去忘歸。四柱亭前野竹微。忽悟過谿還一笑。水禽驚落翠毛衣。

披錦亭

煙紅露綠曉風香。燕舞鶯啼春日長。誰道使君貧且老。繡屏錦帳咽笙簧。

禊亭

曲池流水細鱗鱗。高會傳觴似洛濱。紅粉翠娥應不要。畫船來往勝於人。

函苞亭

日日移牀趁下風。清香不盡思何窮。若為化作龜千歲。巢向田田亂葉中。

茶蘼洞

長憶故山寒食夜。野茶蘼發暗香來。分無素手簪羅髻。且折霜蕤浸玉醅。
長憶故山一作半雨半晴

篔簹谷

異物志篔簹生水邊長數尺圍一尺五六寸一節相去六七寸廬陵界有之始興以南尤多

漢川修竹賤如蓬。斤斧何曾赦籜龍。料得清貧饒太守。渭川千畝在胷中。
公有文與可畫篔簹谷偃竹記云與可與其妻游谷中燒笋晚食發函得此詩失笑噴飯滿案

寒蘆港

溶溶晴港漾春暉。蘆笋生時柳絮飛。還有江南風物否。桃花流水鱖魚肥。

野人廬

少年辛苦事犁鋤。剛厭青山遶故居。老覺華堂無意味。卻須時到野人廬。

此君菴

寄語菴前抱節君。與君到處合相親。寫真雖是文夫子。我亦真堂作記人。

香橙徑

金橙縱復里人知。不見鱸魚價自低。須是松江煙雨裏。小船燒燼擣香麈。

南園

不種夭桃與綠楊。使君應欲候農桑。春畦一作晴雨過羅紈膩。夏壠風來餅餌香。

北園

漢水巴山樂有餘。一麾從此首歸塗。北園草木憑君問。許我他年作主無。

寄題刁景純藏春塢

白首歸來種萬松。待看千尺舞霜風。年拋造物陶甄外。春在先生杖屨中。楊柳長齊低戶暗。櫻桃爛熟滴階紅。何時卻與徐元直。共訪襄

陽龐德公

玉盤盂二首 并序

東武舊俗每歲四月大會于南禪資福兩寺以芍藥供佛而今年最盛凡七千餘朵皆重跗累萼繁麗豐碩中有白花正圓如覆盂其下十餘葉稍大承之如槃姿格絕異獨出於七千朵之上云得之於城北蘇氏園中周宰相莒公之別業也而其名俚甚乃為易之

雜花狼籍占春餘。芍藥開時掃地無。兩寺繼成寶瓔珞。一枝爭看玉盤盂。佳名會作新翻曲。絕品難尋舊畫圖。從此定知年穀熟。姑山親見雪肌膚。

花不能言意可知。令君痛飲更無疑。但持白酒勸嘉客。直待瓊舟覆玉彝。負郭相君初擇地。看羊屬國首吟詩。吾家豈與花相厚。更問殘

芳有幾枝

和潞公超然臺

我公厭富貴常苦勲業尋相期赤松子永望白雲岑清風出談笑萬
竅為號吟吟成超然詩洗我蓬之心嗟我本何人麋鹿強冠襟身微
空志大交淺屢言深嗚公如得謝呼我幸寄音但恐酒錢盡煩公揮
橐金

聞喬太博換左藏知欽州以詩招飲

今年果起故將軍幽夢清詩信有神馬革裹屍真細事虎頭食肉更
何人陣雲冷壓黃茅瘴羽扇斜揮白葛巾痛飲從今有幾日西軒月
色夜未新

喬將行烹鵝鹿出刀劍以飲客以詩戲之

破匣哀鳴出素蚪倦看鴟鴞聽呦呦明朝只恐烹烹鶴此去還須卻

佩牛便可先呼報恩子不妨仍帶醉鄉侯他年萬騎歸應好奈有移
文在故邱

次韻劉貢父李公擇見寄二首

白髮相望兩故人眼看時事幾番新曲無和者應思郢論少卑之且
借秦惡歲惡詩人無好語公自注公擇來詩皆道吳中饑苦之事夜長鰈守向誰親公自注貢父近喪妻少

思多睡無如我鼻息雷鳴撼四鄰

何人勸我此間來絃管生衣甌有瑛綠蟻濡脣無百斛蝗蟲撲面已
三回磨刀入谷追窮寇灑涕循城拾棄孩為郡鮮歡君莫歎猶勝塵
土走章臺

寄黎眉州

黎眉州名錡字希聲蜀人志林云希聲治春秋有家法然為人質木遲緩劉貢父戲為黎樣子黎以為指其德不知樣子真是木也一日聯騎出市人有鬻之者大笑幾落馬今吾謫海南所居有此木霜實

膠西高處望西川應在孤雲落照邊瓦屋寒堆春後雪峨眉翠掃雨

餘天治經方笑春秋學好士今無六一賢公自注君以春秋受知歐陽文忠公公自號六一居士且待淵明賦歸去共將詩酒趁流年

和趙郎中捕蝗見寄

趙郎中成伯時以尚書郎倅密州

麥穗人許長穀苗牛可沒天公獨何意忍使蝗蟲發驅攘著令典農事安可忽我僕既胼胝我馬亦款矻飛騰漸云少筋力亦已竭苟無百篇詩何以醒睡兀初如疏畎澮漸若決滌渤往來供十吏腕脫不容歇平生輕妄庸熟視笑魏勃愛君有逸氣詩壇專斬伐民病何時休吏職不可越慎無及世事向空書咄咄

登常山絕頂廣麗亭

西望穆陵關東望琅邪臺南望九仙山北望空飛埃相將叫虞舜遂欲歸蓬萊嗟我二三子狂飲亦荒哉紅帶欲仙去長笛有餘哀清歌入雲霄妙舞織腰回自從有此山白石封蒼苔何嘗有此樂將去復

有梅仿之

徘徊人生如朝露白髮日夜催棄置當何言萬劫終飛灰

薄薄酒二首

并序

膠西先生趙明叔家貧好貧不擇酒而醉常云薄薄酒勝茶湯醜醜婦勝空房其言雖俚而近乎達故推而廣之以補東州之樂府既又以為未也復自和一篇聊以發覽者之一喙云耳

薄薄酒勝茶湯麤布麤勝無裳醜妻惡妾勝空房五更待漏鞞滿霜不如三伏日高睡足北牕涼珠襦玉柙萬人相送歸北邙不如懸鶉百結獨坐負朝陽生前富貴死後文章百年瞬息萬世忙夷齊盜跖俱亡羊不如眼前一醉是非憂樂兩都忘

薄薄酒飲兩鍾麤麤布著兩重美惡雖異醉暖同醜妻惡妾壽乃公隱居求志義之從本不計較東華塵土北牕風百年雖長要有終富死未必輸生窮但恐珠玉留君容千載不朽遭樊崇文章自足欺盲

聾誰使一朝富貴面發紅。達人自達酒何功。世間是非憂樂本來空。

同年王中甫挽詞

王中甫名介三衢人嘉祐六年直言極諫科東坡入三等中甫四等為秘書丞知靜海縣除秘閣校勘熙寧初介甫被召不復辭

中甫寄詩曰草廡三顧動幽蟄蕙帳一空生曉寒蓋有所諷介甫後賦詩云丈夫出處非無意猿鶴從來自不知為中甫發也介甫既得政神宗轉對羣臣中甫進疏云願陛下師心勿師人帝納之以喻介甫且以奏疏示之介甫不樂深闢其言會考開封試與劉貢父言語往復御史劾之罷判鼓院歸館知湖州去郡卒官北祠部郎中

先帝親收十五人

公自注仁宗朝賢良十五人今惟富鄭公張宣徽錢純老及余與舍弟在耳

四方爭看擊鵬鷃如君事業

真堪用顧我衰遲不足論出處陞沈十年後死生契闊幾人存他時

京口尋遺迹宿草猶應有淚痕

七月五日二首

法令所載尋醫為去官入務乃任理詩中所用蓋出此

避諂詩尋醫畏病酒入務蕭條北牕下長日誰與度今年苦炎熱草

木困薰煮况我早衰人幽居氣如縷秋來有佳興秫稻已含露還復

此微吟往和糟牀注

何處覓新秋蕭然北臺上秋來未云幾風日已清亮雲間聳孤翠林

表浮遠漲新棗漸堪剝晚瓜猶可餽西風送落日萬竅含悽愴念當急行樂白髮不汝放

趙郎中見和戲復答之

趙子吟詩如潑水一揮三百八十字奈何效我欲尋醫恰似西施藏

白地趙子飲酒如淋灰一年十萬八千盃若不令君早入務飲竭東

海生黃埃我衰臨政多繆錯羨君精采如秋鶚頗哀老子今日飲為

君坐嘯主畫諾

次韻周邠寄鴈蕩山圖二首

周邠字開祖錢塘人東坡倅杭三年與開祖數從湖山之游見於酬唱故云西湖三載與君同是時開祖

為樂清令鴈蕩山寔在境內

指點先憑採藥翁丹青化出大槐宮眼明小閣浮煙翠齒冷新詩嚼

雪風二華行觀雄陝石九仙今已壓京東公自注將赴河中密通太華九仙在東武奇秀不減鴈蕩也此生的

有尋山分已覺温台落手中

蜀人此理乃對
唐人說西風

西湖三載與君同。馬入塵埃鶴入籠。東海獨來看出日。石橋先去踏長虹。遙知別後添華髮。時向樽前說病翁。所恨蜀山君未見。他年攜手醉郵筒。

送碧香酒與趙明叔教授

趙明叔教授膠西人

聞君有婦賢且廉。勸君慎勿為楚相。不羨紫駝分御食。自遣赤脚踏村釀。嗟君老狂不知愧。更吟醜婦惡嘲謗。諸生聞語定失笑。冬暖號寒臥無帳。碧香近出帝子家。鵝兒破殼酥流盞。不學劉伶獨自飲。一壺往助齊眉餽。

趣甚不謹

趙既見和復次韻答之

長安小吏天所放。日夜歌呼和丞相。豈知後世有何瞞。公自注曹公北海樽前作私釀先生未出禁酒國詩語孤高常近謗幾回無酒欲沽君卻畏有司書簿帳公自注近制公使酒過數法甚重酸寒可笑分一斗。日飲亡足何足哀。盍

更將險語壓衰翁。只恐自是臺無餉。

趙郎中往莒縣逾月而歸復以一壺遺之仍用前韻

東鄰主人游不歸。悲歌夜夜聞春相。門前人鬧馬嘶急。一家喜氣如春釀。王事何曾怨獨賢。室人豈忍交譴謗。大兒踉蹌越門限。小兒咿啞語繡帳。定教舞袖掣伊涼。更想夜庖鳴甕盎。題詩送酒君勿謂。免使退之嘲一餉。

蘇潛聖挽詞

蘇潛聖名泳成都新繁人舉進士知乾州邛州官至職方郎中致仕其子名際亦登第終著作郎

妙齡馳譽百夫雄。晚節忘懷大隱中。悞無華真漢吏。文章爾雅稱吾宗。趨時肯負平生志。有子還應不死同。惟我閑思十年事。數行老淚寄西風。

和鼂同年九日見寄

仰看鸞鵠刺天飛。富貴功名老不思。病馬已無千里志。騷人長負一

淡而執手

不翅忘用也
行遠為

嫌雪少也
細密如杜

不救饑者
民饑也
歸去止市及西

秋悲古來重九皆如此別後西湖付與誰遣子窮愁天有意吳中山
水要清詩

送喬施州王注喬敘字禹功嘗以太博換左藏知欽州其後除知施州

恨無負郭田二頃空有載行書五車江上青山橫絕壁雲間細路躡
飛蛇雞號黑暗通蠻貨蜂鬧黃連採蜜花共怪河南門下客不應萬
里向長沙公自注喬受知於吳丞相而施州風土大類長沙

雪夜獨宿栢仙菴

晚雨纖纖變玉霰小菴高臥有餘清夢驚忽有穿牕片夜靜惟聞瀉
竹聲稍壓冬溫聊得健未濡秋旱若為耕天公用意真難會又作春
風爛漫一作晴

和孔郎中荆林馬上見寄孔宗翰字周翰宣聖五子世孫與東坡密州為代未至以此詩先之

秋禾不滿眼宿麥種亦稀永媿此邦人芒刺在膚肌平生五千卷一

字不救饑方將怨無禱忽復歌繼初堂堂孔北海直氣凜羣兒朱輪
未及郊清風已先馳何以累君子十萬貧與羸滔滔滿四方我行竟
安之何時劍關路春山聞子規

留別雩泉公雩泉記常山西南有泉乃琢石為井作亭其上而名之曰雩泉古者謂吁嗟而求雨曰雩

舉酒屬雩泉白髮日夜新何時泉中天復照泉上人二年飲泉水魚
鳥亦相親還將弄泉手遮日向西秦

留別釋迦院牡丹呈趙倅

春風小院卻一作初來時壁間惟見使君詩應問使君何處去憑花說與
春風知年年歲歲何窮已花似今年人老矣去年崔護若重來前度
劉郎在千里

董儲郎中嘗知眉州與先人游過安邱訪其故居見其子希甫
留詩屋壁

惜至三月月終

白髮郎潛舊使君。至今人道最能文。隻雞敢忘橋公語。下馬來尋董相墳。冬月負薪雖一作那得免。鄰人吹笛不堪聞。死生契闊君休問。灑淚西南向白雲。

起終日及

劉貢父見余歌詞數首。以詩見寄。戲聊次其韻。
十載飄一作漂然未可期。那堪重作看花詩。門前惡語誰傳去。醉後狂歌自不知。刺舌君今猶未戒。灸眉吾亦更何辭。相從痛飲無餘事。正是春容最好時。

除夜大雪留濰州元日早晴遂行中途雪復作

除夜雪相留。元日晴相送。東風吹宿酒。瘦馬兀殘夢。蔥嶢曉光開。旋轉餘花弄。下馬成野酌。佳哉誰與共。須臾晚雲合。亂灑無缺空。鵝毛垂馬駿。自恠騎白鳳。三年東方旱。逃戶連敝棟。老農釋耒歎。淚入饑腸痛。春雪雖云晚。春麥猶可種。敢怨行役勞。助爾歌飯糗。

痛字押得悽

大雪青州道工有懷東武園亭寄孔周翰

超然臺上雪。城郭山川兩奇絕。海風吹碎碧琉璃。時見三山白銀闕。蓋公堂前雪。綠牕朱戶相明滅。堂中美人雪爭妍。粲然一笑玉齒頰。就中山堂雪更奇。青松怪石亂瓊絲。惟有使君游不歸。五更上馬愁斂眉。君不見淮西李侍中。夜入蔡州縛取吳元濟。又不見襄陽孟浩然。長安道上騎驢吟雪詩。何當閉門一作戶飲美酒。無人毀譽東河守。

至濟南李公擇以詩相迎次其韻二首

公擇知湖州東坡以杭倅來會今自高密官滿過濟南而以公擇復名守在焉

弊裘羸馬古河濱。野闊天低糝玉塵。自笑餐氈典屬國。來看換酒謫仙人。宦游到處身如寄。農事何時手自親。剽作新詩與君和。莫因風雨廢鳴晨。

夜擁笙歌雪水濱。回頭樂事總成塵。今年送汝作太守。到處逢君是主人。聚散細思都是夢。身名漸覺兩非親。相從繼燭何須問。蝙蝠飛

送西執事

時日正晨

和孔君亮郎中見贈

偶對先生盡一樽。醉看萬物洵崩奔。優游共我聊卒歲。翫麟如君合倚門。只恐掉頭難久住。應須傾蓋便深論。固知巖勝風流在。又見長身十世孫。

公自注。巖字君巖。弟載字君勝。退之志其墓云。孔世卅八。吾見其孫白而長身。今君亮四十八世矣。

施註蘇詩卷之十二

詩四十首

起丁巳春。雷京師。至四月之官彭城。以後作。

送范景仁游洛中

小人真闇事。閒退豈公難。道大吾何病。言深聽者寒。憂時雖蚤白。住世有還丹。得酒相逢樂。無心所遇安。去年行萬里。蜀路走千盤。投老身彌健。登山意未闌。西游為櫻筍。東道盡鸛鷺。杖屨攜兒去。園亭借客看。折花班竹弄。弄水石樓灘。鬻馬哀憐白。驚雷怯笑韓。蘇書標洞府。

公自注。歐陽永叔嘗游嵩山。日暮於絕壁。松蓋偃天壇。誠與劉夫子重尋靖長官。注劉上見荅蘇成文云。神清之洞。明日復尋不見。松蓋偃天壇。誠與劉夫子重尋靖長官。注劉几云。曾見人嵩山。幽絕處。眼光如掃。意其為靖長官也。送喬全詩引云。靖長官。唐末五代人。得道不死。

次韻景仁雷別

公老我亦衰。相見恨不數。臨行一杯酒。此意重山嶽。歌詞白紵清。琴弄黃鐘濁。詩新眇難和。飲少僅可學。欲參兵部選。有力誰如犖。且作

東諸侯。山城雄鼓角。南游許過我。不憚千里邈。會當聞公來。倒屣髮
一作握

書韓幹牧馬圖

南山之下。沂渭之間。想見開元天寶年。八坊分屯。隘秦川。四十萬匹。
如雲烟。雕駉駉駉。駉駉駉駉。駉駉駉駉。駉駉駉駉。駉駉駉駉。駉駉駉駉。
姿逸德隱。驚頑碧眼。胡兒手足鮮。歲時翦刷。供帝閑。柘袍臨池。侍三
千紅粧。照日光流。淵樓下玉螭吐清寒。往來蹙蹙。踏生飛湍。眾工舐
筆和朱鉛。先生曹霸弟子韓。廐馬多肉尻。臚音誰圓。肉中畫骨誇尤
難。金羈玉勒。繡羅鞍。鞭箠刻烙傷天全。不如此圖。近自然。平沙細草
荒芊綿。驚鴻脫兔爭後先。王良扶策飛上天。何必俯首服短轅。

送魯元翰少卿知衛州

公自密移守河中至京師改徐州時有旨不許入國門寓城外范蜀公因故首句云魯元翰名有開乃爾簡公之姪自亦為杭倅與魯同官魯先代去七卷有壽星寺餞魯少卿詩即元翰也

兄士無處著。寄身范公園。桃花忽成陰。薺麥秀已繁。閉門春晝永。惟
有黃蜂喧。誰人肯攜酒。共醉榆柳村。髯卿獨何者。一月三到門。我不
往拜之。髯來意彌敦。堂堂元老後。亶亶仁人言。憶在錢塘歲。情好均
弟昆。時於冰雪中。笑語作春溫。欲飲徑相覓。夜開叢竹軒。搜尋到筐
筍。鮓醢無復存。每愧煙火中。玉腕親炮燔。別來今幾何。相對如夢魂。
告我當北渡。新詩侑清樽。坡陀太行麓。洶黃河翻。仕宦非不遇。五
畿西北垣。斯民如魚耳。見網則驚奔。皎皎干文清。不如尺水渾。刑政
雖首務。念當養其源。一聞襦袴音。盜賊安足論。

次韻子由送蔣夔赴代州學官

功利爭先變法初。典刑獨守老成餘。窮人未信詩能爾。倚市懸知繡
不如。代北諸生漸在簡。林頭雜說為爬梳。歸來問鴈吾何敢。疾世王
符解著書。

意仍存新法
之不佳

意當視其少
見其牛不坊有寫
須益見其感也
由中畫骨其難
者杜之醉惟是田
亦畫骨蓋非和
者

宿州次韻劉涇

劉涇字巨濟

我欲歸休瑟漸希。舞雩何日著春衣。多情白髮三千丈。無用蒼皮四十圍。晚覺文章真小伎。早知富貴有危機。為君垂涕君知否。千古華

亭鶴自飛

公自注涇之兄汴亦有文死矣

和李邦直沂山祈雨有應

高田生黃埃。下田生蒼耳。蒼耳亦已無。更問麥有幾。蛟龍睡足亦解慙。二麥枯時雨如洗。不知雨從何處來。但聞呂梁百步聲。如雷試上城南望。城北際天菽粟青。成堆饑火燒腸作牛吼。不知待得秋成否。半年不雨坐龍慵。共怨天公不怨龍。今朝一雨聊自贖。龍神社鬼各言功。無功日盜太倉穀。嗟我與龍同此責。勸農使者不汝容。因君作詩先自劾。

和孔密州五絕

龍神社鬼各言功
去拍何人

寫雨效名神

見邨家園畱題

大柿傳聞載酒過。小詩未忍著磚磨。陽關三疊君須祕。公自注來詩有渭城之句除卻膠西不解歌。

春步西園見寄

歲歲開園成故事。年年行樂不辜春。今年太守尤難繼。慈愛聰明惠利人。

東欄梨花

梨花沒白柳深青。柳絮飛時花滿城。惆悵東欄二株雪。人生看得幾清明。

和流杯石上草書小詩

蜂腰鶴膝嘲希逸。春蚓秋蛇病子雲。醉裏自書醒自笑。如今二絕更逢君。

後堂白牡丹

城西千葉豈不好。笑舞春風醉臉丹。何似後堂冰玉潔。游蜂非意不相干。
公自注孔頗有聲妓而客無見者

和趙郎中見戲
公自注趙以徐妓不如東武詩中見戲云只有當時燕子樓

燕子云亡三百秋。卷簾那復似揚州。西行未必能勝此。空唱崔徽上白樓。

我擊藤牀君唱歌。明年六十奈君何。
公自注趙每醉歌畢輒曰明年六十矣醉顛只要裝風景。莫向人前自洗磨。

和子由與顏長道同游百步洪相地築亭種柳

平明坐衙不暖席。歸來閉閣閑終日。臥門客至倒屣迎。两眼蒙籠餘睡色。城東泗水步可到。路轉河洪翻雪白。安得青絲絡駿馬。蹙踏飛波柳下陰下。奮身三丈兩蹄間。振鬣長鳴身自乾。少年狂興久已謝。

此方乃乃常思

但憶嘉陵遠劍關。劍關大道車方軌。君自不去歸何難。山中故人應大笑。築室種柳何時還。

次韻李邦直感舊

騶騎傳呼出跨坊。簿書填委入充堂。誰教按部如何武。只許清樽對孟光。婉婉有時來入夢。溫柔何日聽還鄉。酸寒病守尤堪笑。千步空餘僕射場。

與梁先舒煥泛舟得臨釀字二首

彭城古戰國。孤客勸登臨。汴泗交流處。清潭百丈深。故人輕千里。足蠶來相尋。何以娛佳客。潭水洗君心。

老守厭簿書。先生罷函丈。風流魏晉間。設笑羲皇上。河洪一作洪河忽已過。水色綠可釀。君無輕此樂。此樂清且放。

次韻答邦直子由四首

增收一首公詩案云李清臣寄軾弟軾詩二首批云可求子瞻和軾卻作詩二首和李清臣其內一首首句云五斗塵勞尚足

雷集中失載此詩今附於後又云賦又用弟轍韻與李清臣六首蓋東坡次韻通為八首集中止有四首今收詩案一首猶連其三也按所收詩施本又闕其半無他本可校姑仍之

簿書顛倒夢魂間。知我疎慵肯見原。閑作閉門僧舍冷。病聞吹枕海濤喧。忘懷杯酒逢人共。引睡文書信手翻。欲吐狂言喙三尺。怕君嗔我卻須吞。公自注邦直屢以此見戒

城南短季好交游。箕踞狂歌總自由。尊主庇民君有道。樂天知命我無憂。醉呼妙舞雷連夜。公自注邦直家中舞者甚多閑作清詩斷送秋。蕭灑使君殊不俗。樽前容我攬鬢不。

老弟東來殊寂寞。故人雷飲慰酸寒。草荒城角開新徑。雨入河洪失舊灘。車馬追陪迹未掃。唱酬往復字應漫。此詩更欲憑君改。待與江南子布看。

君雖為我此遲雷。別後淒涼我已憂。不見便同千里遠。退歸終作十年遊。恨無揚子一區宅。懶臥元龍百尺樓。聞道鸚鵡滿臺閣。網羅應不到沙鷗。

回折映宕

五斗塵勞尚足雷。閉關卻欲治幽憂。羞為毛遂囊中穎。口口龍逢地下遊。缺

司馬君實獨樂園
青山在屋上。流水在屋下。中有五畝園。花竹秀而野。花香襲杖屨。竹色侵盞斝。樽酒樂餘春。棋局消長夏。洛陽古多士。風俗猶爾雅。先生臥不出。冠蓋傾洛社。雖云與眾樂。中有獨樂者。和全德不形。所貴知我寡。先生獨何事。四海望陶冶。兒童誦君實。走卒知司馬。持此欲安歸。造物不我捨。名聲逐吾輩。此病天所赭。撫掌笑先生。年來效喑啞。

送顏復兼寄王鞏
顏復字長道魯人父名太初字醇之先師亮公四十七世孫號龜黿先生東坡為叙其文嘉祐中訪遺逸京東以長道應詔試者二十二

人復為第一賜進士出身元祐初入為太常博士遷二史經筵西掖以病改待制未拜而卒鞏字定國

彭城官居冷如水。誰從我遊顏氏子。我衰且病君亦窮。衰窮相守正

褚字奇

事日多則人難及
牛行相君宅莫不
改其攻考也

其理胡為一朝捨我去。輕衫觸熱行千里。問君無乃求之歟。答我不
然。聊爾耳。京師萬事日日新。故人如故。今有幾君。知牛行相君宅扣
門。但覓王居士。清詩草聖俱入妙。別後寄我書連紙。苦恨相思不相
見。約我重陽嗅霜藥。君歸可喚與俱來。未應指目妨進擬。太一老仙
閑不出。公自注張安道為中太一宮使筆安道壻也踵門問道今時矣。因行過我路。幾何願君推
挽加鞭箠。吾儕一醉豈易得。買羊釀一作酌酒從今始。

蝎虎

黃雞啄蝎如啄黍。牕間守宮稱蝎虎。閣中繖尾伺飛蟲。巧捷功夫在
腰膂。跂跂脉脉善緣壁。陋質從來誰比數。今年歲早號蜥蜴。狂走兒
童鬧歌舞。能銜渠水作冰雹。便向蛟龍覓雲雨。守宮努力搏蒼蠅。明
年歲早當求汝。

子由將赴南都與余會宿於逍遙堂作兩絕句讀之殆不可為

懷因和其詩以自解。余觀子由自少曠達。天資近道。又得至人
養生長年之訣。而余亦竊聞其一二。以為今者宦游相別之日
淺。而異時退休相從之日長。既以自解。且以慰子由云。子由逍遙堂詩序云

輟幼從子瞻讀書未嘗一日相舍。既壯將遊宦四方。讀韋蘇州詩。至那知風雨夜。復此對牀眠。惻然感之。乃相約早退。為閑居之樂。故子瞻始為鳳翔幕府。雷詩為別。曰夜雨何時聽蕭瑟。其後子瞻通守餘杭。復移守膠西。而輟滯雷於淮陽。濟南不見者七年。熙寧十年二月始復會於澶。濶之間相從彭城。雷百餘日。時宿於逍遙堂。追感前約。為作二小詩。其一載首卷。與子由別於鄭州。西門詩注其一云。秋未東閣涼如水。客至山公醉。似泥困臥北牕。呼不醒。風吹松竹雨淒淒。

別期漸近不堪聞。風雨蕭蕭已斷魂。猶勝相逢不相識。形容變盡語
音存。

但令朱雀長金花。此別還同一轉車。五百年間誰復在。會看銅狄兩
涘嗟。

雷題石經院三首

蔥蒨門前路。行穿翠密中。卻來堂上看。巖谷意無窮。

形容變盡語
音不相識矣

天橋庭中桂檜枯枝鵲踏消瘦皮纏鶴骨高頂轉龍腰
窈窕山頭井潛通伏澗清欲知深幾許聽轉一作轆轤聲

過雲龍山人張天驥

郊原雨初足風日清且好病守亦欣然肩輿白門道荒田咽蛩蚓村
巷懸黎棗下有幽人居閉門空雀噪西風高正厲落葉紛可掃孤童
臥斜日病馬放秋草墟里通有無垣牆任摧倒君家本冠蓋絲竹鬧
鄰保脫身聲利中道德自濯澡躬耕抱羸疾奉養百歲老詩書膏吻
頰菽水媚翁媪鳥老反饑寒天隨子杞菊自擷萐慈孝董邵南雞狗相乳
抱吾生如寄耳歸計失不蚤故山豈敢忘但恐迫華皓從君好一作種
秫斗酒時自一作勞

贈王仲素寺丞公自注名景純

養氣如養兒棄官如棄泥人皆笑子一作拙事定竟誰迷歸耕獨患貧

問子一作子何所齋尺宅足自庇寸田有餘畦明珠照短褐陋室生虹霓
雖無孔方兄顧有法喜妻彈琴一長嘯不答阮與嵇曹南劉夫子名

與子政齊家有鴻寶書不鑄金裹蹄促膝問道要遂蒙分刀圭不忍
獨不死尺書肯見梯我生本強鄙少以氣自擠孤舟倒江河赤手攬
象犀年來稍自笑雷氣暖下臍苦恨聞道晚意象颯已凄空見孫思
邈區區賦病梨

陽關詞三首

王注三詩各自說事意皆可以陽關之聲歌之乃聚為一處標其題曰陽關三絕云

受降城下紫髯郎戲馬臺前古戰場恨君不取契丹首金甲牙旗歸
故鄉

右贈張繼愿

濟南春好雪初晴行到龍山馬足輕使君莫忘雪谿女時作陽關腸
斷聲

右答李公擇

李公擇先知湖州自湖移濟南公故以書谿女戲之

暮雲收盡溢清寒。銀漢無聲轉玉盤。此生此夜不長好。明月明年何處看。

右中秋月

和孔周翰二絕

再觀邸園留題

小園香霧曉蒙籠。醉手一作守狂詞未必工。魯叟錄詩應有取。曲收彤管

邨廓風

觀淨觀堂效韋蘇州

弱羽巢林在一枝。幽人蝸舍兩相宜。樂天長短三千首。卻愛韋郎五

字詩

京師哭任遵聖

任遵聖名致眉山人二卷有送任伋通判黃州兼寄其兄致作下篇答任師中即伋也

直是設聲哭

此是傳其人多必再述中散狀乎

十年不還鄉兒如日夜長豈惟催老大漸復成凋喪每聞耆舊亡涕泣聲輒放老任况竒逸先子推輩行文章得少一作得譽詩語尤清壯吏能復所長談笑萬夫上自喜作劇縣偏工破豪黨奮髯走猾吏嚼齒對姦將哀哉命不偶每以才得謗竟使落窮山青衫就黃壤宦游久不樂江海永相望退耕本就君時節相勞餉此懷今不遂歸見纍纍葬望哭國西門落日銜千嶂平生惟一子抱負珠在掌見之齟齬中已有食牛量他年如入洛生死一相訪惟有王濬冲心知中散狀

答任師中家漢公

先君昔未仕杜門皇祐初道德無貧賤風采照鄉閭何嘗疎小人小人自閤疎出門無所詣老史自在郊墟門前萬竿竹堂上四庫書高樹紅消黎小池白芙蓉常呼赤脚婢雨中擷園蔬矯矯任夫子罷官還舊廬是時里中兒始識長者車烹雞酌白酒相對歡有餘有如龐

德公往還葛與徐。妻子走堂下。主人竟誰歟。我時年尚幼。作賦慕相如。侍立看君設。精悍實起予。歲月曾幾何。耆老逝不居。史侯最先沒。孤墳拱桑樗。我亦涉萬里。清血滿襟袪。漂流二十年。始悟萬緣虛。獨喜任夫子。老佩刺史魚。威行烏白蠻。解辦請冠裾。方當入奏事。清廟陳璠璵。胡為厭軒冕。歸意不少紓。上蔡有良田。黃沙走清渠。罷亞百頃稻。雍容十年儲。閒隨李丞相。搏射鹿與豬。蒼鷹十斤重。猛犬如黃驢。豈比陶淵明。窮苦自把鋤。我今四十二。衰髮不滿梳。彭城古名郡。乏人偶見除。頭顱已可知。幾何不樵漁。會當相從去。芒鞋老菑畬。念子瘴江邊。懷抱向誰攄。賴我同年友。相歡出同輿。冰盤薦文鮓。鮓自注鮓鮓也或瀘玉笋傾浮蛆。醉中忽思我。清詩綴瓊琚。知我少談一作諧教我時卷舒。世事日反覆。翩如風中旗。雀羅弔廷尉。秋扇悲婕妤。好升沈一何速。喜怒紛眾狙。作詩謝二子。我師甯與遽。

施註蘇詩卷之十二終

施註蘇詩卷之十三

詩四十一首 時守彭城作

初別子由

我少知子由。天資和而清。好學老益堅。表裏漸融明。豈獨為吾弟。要亦何事無。言對空枰。使人之意消。不善無由萌。森然有六女。包裹布與荆。無憂賴賢婦。藜藿等大烹。使子得行意。青衫陋公卿。明日無晨炊。倒牀作雷鳴。秋眠我東閣。夜聽風雨聲。懸知不久別。妙理難一作細評。昨日忽出門。孤舟轉西城。歸來北堂上。古屋空崢嶸。退食悞相從。入門中自驚。南都信繁會。人事水火爭。念當閉閣坐。頽然寄聾盲。妻子亦細事。文章固虛名。會須掃白髮。不復用黃精。

次韻呂梁仲屯田

此皆是子由也
悞相從入西居居也

雨葉風花日夜稀。一杯相屬竟何時。空虛豈敢酬瓊玉。枯朽猶能出
茵芝。門外呂梁從迅急。胸中雲夢自逶迤。待君筆力追靈運。莫負南
臺九日期。

章質夫寄惠崔徽真

崔徽注
已見

玉釵半脫雲垂耳。亭亭芙蓉在秋水。當時薄命一酸辛。千古華堂奉
君子。水邊何處無麗人。近前試看丞相嗔。不如丹青不解語。世間言
語原非真。知君被惱更愁絕。卷贈老夫驚老拙。為君援筆賦梅花。未
害廣平心似鐵。

王鞏屢約九重見。訪既而不至。以詩送將官梁交。且見寄次韻。

答之交。頗文雅。不類武人家。有侍者甚惠麗。

知君月下見傾城。破恨懸知酒有兵。老守亡何惟日飲。將軍競病自
詩鳴。花枝不共秋歌帽。筆陣空來夜斫營。愛惜微官將底用。他年只

好寫銘旌。

臺頭寺雨中送李邦直赴史館分韻得憶字。人字兼寄孫巨源。

二首

霜林日夜西風急。老送君歸百憂集。清歌窈眇入行雲。雲為不行天
為泣。紅葉黃花秋正亂。白魚紫蟹君須憶。憑君說向髯將軍。衰鬢相
逢應不識。

珥筆西歸近紫宸。太平典冊不緣麟。付君此事寧論晉。載我當時舊
過秦。門外想無千斛米。墓中知有百年人。看君兩一作雙眼明如鏡。休把
春秋坐素臣。

代書答梁先

此身與世真悠悠。蒼顏華髮誰汝留。強名太守古徐州。忘歸不如楚
沐猴。魯人豈獨不知邱。躋藉夫子無罪尤。異哉梁子清而脩。不遠千

里從我游。瞭然正色懸雙眸。世之所馳子獨不。一經通明傳節侯。小
楷精絕規摹歐。公自注梁生學歐陽公書我衰廢學懶且媮。畏見問事實長頭。別來紅
葉黃花秋。夜夢見之起坐愁。遺我駸石盆與甌。黑質白章聲琳球。謂
言山石生澗溝。追琢尚可玉。公羞感子佳意能無酬。反將木瓜報珍
投。學如富貴一作賈在博收。仰取俯拾無遺籌。道大如天不可求。修其可
見致其幽。願子篤實慎勿浮。發憤忘食樂忘憂。

九日邀仲屯田為大水所隔以詩見寄次其韻

無復龍山對孟嘉。西來河伯意雄夸。霜風可使吹黃帽。公自注舟人黃樽酒帽土勝水也

那能泛浪花。漫遣鯉魚傳尺素。却將燕石報瓊華。何時得見悲秋老。

醉裏題詩字半斜。

河復并序

熙寧十年秋河決澶淵注鉅野入淮泗自澶魏以北皆絕流而濟

楚大被其害彭門城下水二丈八尺七十餘日不退吏民疲於守
禦十月十三日澶州大風終日既止而河流一丈已復故道聞之
喜甚庶幾可塞乎乃作河復詩歌之道路以致民願而迎神休蓋
守土者之志也

君不見西漢元光元封間。河決瓠子二十年。鉅野東傾淮泗滿。楚人
恣食黃河鱸。萬里沙回封禪罷。初遣越巫沈白馬。河公未許人力窮。
薪芻萬計隨流下。吾君仁聖如帝堯。百神受職河神驕。帝遣風師下
約束。北流夜起澶州橋。東風吹凍收微涿。神功不用淇園竹。楚人種
麥滿河淤。仰看浮槎棲古木。

登望礪亭

此詩墨蹟乃欽宗東宮舊藏今在曾文清家宿嘗刻石餘姚縣治東坡題云僕在彭城大水後登望礪亭偶留此詩已而忘之其後徐人有誦之者徐思之乃知其為僕詩

也集中無之以入河復詩後

河漲西來失舊礪。孤城渾在水光中。忽然歸壑無尋處。千里禾麻一

半空

韓幹馬十四匹

二馬並驅攢八蹄。二馬宛頸駿尾齊。一馬任前雙舉後。一馬却避長
鳴嘶。老髯奚官騎且顧。前身作馬通馬語。後有八匹飲且行。微流赴
吻。若有聲前者既濟出林鶴。後者欲涉鶴俛啄。最後一匹馬中龍。不
嘶不動尾搖風。韓生畫馬真是馬。蘇子作詩如見畫。世無伯樂亦無
韓。此詩此畫誰當看。

有言郡東北荆山下。可以溝畎積水。因與吳正字王尹曹同往。

相視以地多亂石。不果還游。聖女山山有石室如墓。而無棺槨。

或云宋司馬桓魋墓。二子有詩。次其韻二首。按公遊桓山記云元豐二

二三子云云有詩別見
十六卷王注入此悞

側手區區未易遮。奔流一瞬卷千家。共疑智伯初圍趙。猶有張湯欲

漕斜已坐迂疎。未此地分將勞苦送生涯。使君下策真堪笑。隱隱驚

雷響踏車。

茫茫清泗遠孤岑。歸路相將得暫臨。試著芒鞋穿犖确。更然松炬照

幽深。縱令司馬能鑿石。奈一作會有中郎解摸金。強寫蒼崖留歲月。他年

誰識此時心。

贈寫御容妙善師

憶昔射策干先皇。珠簾翠幄分兩廂。紫衣中使下傳詔。跪奉冉冉聞

天香。仰觀眩晃目生暈。但見曉色開扶桑。迎陽晚出步就坐。絳紗玉

斧光照廊野人。不識日月角。彷彿鬢尚記重瞳光。三年歸來真一夢。橋

山松檜淒風霜。天容玉色誰敢畫。老師古寺畫閉一作開房。夢中神授心

有得覺。來信和筆已忘幅。巾常服儼不動。孤臣入門涕自滂。元老侑

坐鬢眉古。虎臣立侍一作侍立冠劍長。平生慣寫龍鳳質。官顧草間猿與麋。

閩信後語好在
吳維中多原名
痕

起法一氣

此似當時隨書
御容非官事也
帶者極本而云夢
神授之教謫之云

先帝名位早出
後卿夫

都人踏破鐵門限。黃金白壁空堆牀。爾來摹寫亦到我。謂是先帝白髮郎。不須覽鏡坐。自了明年乞身歸故鄉。

哭刁景純

刁景純名約丹徒人少卓越刻苦學問能文章始應舉京師與歐陽永叔富彥國聲譽相高下天聖二年登進士第屈於為郎施不大擢士友歎惜而景純未嘗以為恨好急人之難海內識與不識多歸之不治產業賓客故人常滿其門尊酒燕娛無虛時重義輕施有古人之風壽八十四

讀書想前輩。每恨生不蚤。紛紛少年場。猶得見此老。此老如松柏。不受霜雪槁。直從毫末中。自養到合抱。宏材乏近用。千歲自枯倒。文章餘正始。風節貫華皓。平生為人耳。自為薄如縞。是非雖難齊。反覆看愈好。前年旅吳越。把酒慶壽考。扣門無晨夜。百過迹未掃。但知從德公。未省厭邱嫂。別時公八十。後會知難保。昨日故人書。連年喪翁媪。公自注景純妻先亡傷心范橋水。漾漾舞寒藻。華堂不見人。瘦馬空戀草。我欲江東去。斝樽酌行潦。鏡湖無賀監。慟哭稽山道。忍見萬松岡。荒池沒秋草。

答呂梁仲屯田

亂山合沓圍彭門。官居獨在懸水村。公自注懸水村呂梁地名居民蕭條雜麋鹿。小市

冷落無雞豚。黃河西來初不覺。但訝清泗流奔湮。夜聞沙岸鳴壘盜。曉看雪浪浮鵬鷗。呂梁自古喉吻地。萬頃一抔何由吞。坐觀入市卷閭井。吏民走盡餘王尊。計窮路斷欲安適。吟詩破屋愁鳶蹲。歲寒霜重水歸壑。但見屋瓦留沙痕。入城相對如夢寐。我亦僅免為魚鼈。旋呼歌舞雜詼笑。不惜飲醕空餅盆。念君官舍冰雪冷。新詩美酒聊相溫。人生如寄何不樂。任使絳蠟燒黃昏。宣房未築淮泗滿。故道埋滅瘡痍存。明年勞苦應更甚。我當畚鍤先點髡。付君萬指伐頑石。千鎚雷動蒼山根。高城如鐵洪口快。談笑卻掃看崩奔。農夫掉臂免狼顧。秋穀布野如雲屯。還須更置軟脚酒。為君擊鼓行金樽。

張寺丞益齋

張寺丞名恕字忠甫文定公安道子

張子作齋舍。而以益為名。吾聞之夫子。求益非速成。譬如遠游客。日

張寫世境亦
所以鼓其相助
之氣也

夜事征行。今年適燕薊。明年走蠻荆。東觀盡滄海。西涉渭與涇。歸來閉戶坐。八方在軒庭。又如學醫人。識病由飽更。風雨晦明淫。跛躄瘖聾。盲虛實在其脉。靜躁在其情。榮枯在其色。壽夭在其形。苟能閱千人。望見知死生。為學務日益。此言當自程。為道貴日損。此理在既盈。願言書此詩。以為益齋銘。

荅孔周翰求書與詩

身閑曷不長閉口。天寒正好深藏手。吟詩寫字有底忙。未脫多生宿塵垢。不蒙譏訶子厚疾。反更刻畫無鹽醜。征西自有家雞肥。太白應驚飯山瘦。與君相從知幾日。東風待得花開否。撥棄萬事勿復設。百觚之後那詞一作酒辭。

送李公恕赴闕

君才有如切玉刀。見之凜凜寒生毛。願隨壯士斬蛟蜃。不願腰間纏

岩壑。屏障公才家。以此終得亦不可對針。

錦條用違其才志不展。坐與胥吏同疲勞。忽然眉上有黃氣。吾君漸欲收英髦。立談左右俱動色。一語徑破千言牢。我頃分符在東武。脫畧萬事惟嬉遨。盡壞屏障通內外。仍呼騎曹為馬曹。君為使者見不問。反更勤飲持雙螯。酒酣箕坐語驚眾。雜以嘲諷窮詩騷。世上小兒多忌諱。獨能容我真賢豪。為我買田臨汶水。逝將歸去誅蓬蒿。安能終老塵土下。俯仰隨人如桔槔。

春菜

蔓菁宿根已生葉。莖牙戴土拳如蕨。爛蒸香薺白魚肥。碎點青蒿涼餅滑。宿酒初消春睡起。細履幽畦掇芳辣。茵陳甘菊不負渠。鱸鱠堆槃纖手抹。北方苦寒今未已。雪底波稜如鐵甲。豈如吾蜀富冬蔬。霜葉露芽寒更茁。久拋松葛猶細事。苦筍江豚那忍說。明年投劾徑須歸。莫待齒搖并髮脫。

思屏殆成金。此就須說。說未為日。有味可。

送鄭戶曹鄭戶曹名瑾彭城人

遊遍錢塘湖上山歸來文字帶芳鮮
羸僮瘦馬從吾飲陋巷何人似
子賢公業有田常乏食廣文好客竟無羶
東歸不趁花時節開盡春風誰與妍

虔州八境圖八首并序

南康八境圖者太守孔君之所作也君既作石城即其城上樓觀
臺榭之所見而作是圖也東望七閩南望五嶺覽羣山之參差俯
章貢之奔流雲烟出沒草木蕃麗邑屋相望雞犬之聲相聞觀此
圖也可以茫然而思粲然而笑慨然而歎矣蘇子曰此南康之一
境也何從而八乎所自觀之者異也且子不見夫日乎其旦如紫
其中如珠其夕如破壁此豈三日也哉苟知夫境之為八也則凡
寒暑朝夕雨暘晦明之異坐作行立喜怒哀樂之接於吾目而感

於吾心者有不可勝數者矣豈特八乎如知夫八之出乎一也則
夫四海之外詛詭譎怪禹貢之所書鄒衍之所談相如之所賦雖
至千萬未有一者也後之君子必將有感於斯焉乃作詩八章
題之圖上

坐看奔湍一作難遶石樓使君高會百無憂三犀竊鄙秦太守八詠聊同

沈隱侯

濤頭寂寞打城還章貢臺前暮靄寒勸客登臨無限思孤雲落日
是長安

白鵲樓前翠作堆縈雲嶺路若為開故人應在千山外不寄梅花遠
信來

朱樓深處日微明早蓋歸時酒半醒薄暮樵漁人去盡碧谿青嶂遠
螺亭

序既著
詩亦傳
既眉
遂趣

使君那暇日參禪。一望叢林一悵然。成佛莫教靈運後。著鞭從使祖

生先。卻從塵外望塵中。無限樓臺煙雨濛。山水照人迷向背。只尋孤塔認

西東。煙雲縹緲鬱孤臺。積翠浮空雨半開。想見之罘觀海市。絳宮明滅是

蓬萊。回峰亂嶂鬱參差。雲外高人世得知。誰向空山弄明月。山中木客解

讀孟郊詩二首

吟詩。夜讀孟郊詩。細字如牛毛。寒燈照昏花。佳處時一遭。孤芳擢荒穢。苦

孤芳之理是車吟
身分公美身使
活故官之性不郊
詩也

消膏何將苦將兩耳聽。此寒蟲號不如且置之。飲我玉色一作醪

我憎孟郊詩。復作孟郊語。饑腸自鳴喚。空壁轉飢鼠。詩從肺腑出。出

輒愁肺腑有。如黃河魚出膏。以自煮。尚愛銅斗歌。鄙語頗近古。桃弓

射鴨罷。獨速短蓑一作莎舞。不憂踏船翻。踏浪不踏土。吳姬霜雪白。赤腳

浣白紵。嫁與踏浪兒。不識離別苦。歌君江湖曲。感我長羈旅。

訪張山人得山中字二首

魚龍隨水落。猿鶴喜君還。舊隱邱墟外。新堂紫翠間。野麋馴杖屨一作履

幽桂出榛菅。灑掃門前路。山公亦愛山。公自注張故居為大水所壞新下此室故居之東

萬木鏤雲龍。公自注山名天留與戴公。路迷山向背。人在灤西東。薺麥餘春

雪。櫻桃落晚風。入城都不記。歸路醉眠中。

送孔郎中赴陝郊孔郎中宗翰已見十一卷荆林馬上見寄詩注此詩疑其自密移陝過徐州與先生會也

驚風擊面黃沙走。西出崤函脫塵垢。使君來自古徐州。聲震河潼殷

關右十里長亭聞鼓角。一川秀色明花柳。北臨飛檻卷黃流。南望青山如峴首。東風吹開錦繡谷。淥水翻動葡萄酒。訟庭生草數開樽。過客如雲牢閉口。

與梁左藏會飲傅國博家

將軍破賊自草檄。論詩說劍俱第一。彭城老守本虛名。識字劣能欺項籍。風流別駕貴公子。欲把笙歌暖鋒鏑。紅旆朝開猛士噪。翠帷暮卷佳人出。東堂醉臥呼不起。嗚鳥落花春寂寂。試教長笛傍耳根。一聲吹裂堦前石。

寒食日答李公擇三絕次韻

從來蘇李得名雙。只恐全齊笑陋邦。詩似懸河供不辦。故欺張籍隴頭瀧。簿書罄鼓不知春。佳句相呼賴故人。寒食德公方上冢。歸來誰主復

誰賓

巡城已困塵埃昧。執扑仍遭蟻蝨緣。欲脫布衫攜素手。試開病眼點

黃連

公目注來詩謂僕布衫督役

約公擇飲是日大風

先生生長匡廬山。山中讀書三十年。舊聞飲水師顏淵。不知治劇乃所便。偷兒夜探赤白丸。奮髯忽逢朱子元。半年羣盜誅七百。誰信家書藏九千。春風無事秋月閑。紅糒執樂豪且妍。紫衫玉帶兩部全。琵琶一抹四十絃。客來留飲不計錢。齊人愛公如子產。兒嘯臥路呼不還。我慙山郡空雷連。牙兵部吏笑我寒。邀公飲酒公無難。約束官奴買花鈿。薰衣理鬢夜不眠。曉來顛風塵暗天。我思其由豈坐慳。作詩媿謝公。笑謹歸來瑟縮愈不安。要當陵公八百里。豪氣一洗儒生酸。坐上賦戴花得天字。

清明初過酒闌珊折得奇葩晚更妍春色豈關吾輩事老狂聊作坐
中先醉吟不耐歌紗帽起舞從教落船結習漸消畱不住卻須還與
散花天

夜飲次韻畢推官

簿書叢裏過春風酒聖時時且復中紅燭照庭嘶騷裏黃雞催曉唱
玲瓏老來漸減金釵興醉後空驚玉筋工公自注畢善篆月未上時應蚤散免
教壑谷問吾公

施註蘇詩卷之十三終

施註蘇詩卷之十四

詩三十五首時守彭城洎戊午元豐改元作

續麗人行并引

李仲謀家有周昉畫背面欠伸內人極精戲作此詩張彥遠名畫記周昉字景玄官至宣州長

史多在渾郭功臣家圖畫又云周昉善畫子女

深宮無人春日長沈香亭北百花香美人睡起薄梳洗燕舞鶯囀空
斷腸畫工欲畫無窮意背立東風初破睡若教回首卻嫣然陽城下
蔡俱風靡杜陵饑客眼長寒蹇驢破帽隨金鞍隔花臨水時一見只
許腰肢背後看心醉歸來茅屋底方信人間有西子君不見孟光舉
案與齊眉何曾背面傷春嘯

聞李公擇飲傅國博家大醉二首

兒童拍手鬧黃昏應笑山公醉習園縱使先生能一石主人未肯獨

雷髡

不肖惺惺騎馬迴。玉山知為玉人顏。紫雲有語君知否。莫喚分司御史來。

起伏龍行并引

徐州城東二十里有石潭。父老云與泗水通。增損清濁相應不差。時有河魚出焉。元豐元年春旱。或云置虎頭潭中。可以致雷雨。用其說作起伏龍行。

何年白竹千鈞弩。射殺南山雪毛虎。至今顱骨帶霜牙。尚作四海毛蟲祖。東方久旱千里赤。三月行人口生土。碧潭近在古城東。神物所蟠誰敢侮。上敬蒼石擁巖竇。下應清河通水府。眼光作電走金虵。鼻息為雲擢煙縷。當年負圖傳帝命。左右羲軒詔神禹。爾來懷寶但貪眠。滿腹雷霆瘖不吐。赤龍白虎戰明日。公自注是月丙辰明日庚寅倒卷黃河作飛雨。

似石潭本有虎迹者引理始有朕字句耶

嗟我豈樂聞兩雄。有勳徑須煩一怒。

聞公擇過雲龍張山人輒往從之公擇有詩戲用其韻

我生固多憂。肉食常苦墨。軒然就一笑。猶得好飲力。聞君過雲龍。對酒兩靜默。急攜清歌女。出郭及未昃。一歡難力致。邂逅有勝特。喧蜂集晚花。亂雀啁叢棘。山人樂此耳。寂寞誰侍側。何當求好人。聊使治要襪。使君自孤憤。此理誰相值。不如學養生。一氣服千息。

送李公擇

嗟余寡兄弟。四海一子由。故人雖云多。出處不我謀。弓車無停招。逝去勢莫留。僅存今幾人。各在天一陬。有如長庚月。到曉爛不收。宜我與夫子。相好手足侔。比年兩見之。賓主更獻酬。樂哉十日飲。衍衍和不流。論事到深夜。僵仆鈴與驪。頗嘗見使君。有客如此不。欲別不忍言。慘慘集百憂。念我野夫兄。知名三十秋。已得其為人。不待風馬牛。

他年林下見，傾蓋如白頭。

送荀芍藥與公擇二首

久客厭鹵饌。

公自注蜀人謂東北人鹵子

枵然思南烹。故人知我意，千里寄竹萌。駢頭

玉嬰兒，一一脫錦褌。庖人應未識，旅人眼先明。我家拙廚饌，彘肉毛

蕪菁送與江南客。燒煮配香粳。

今日忽不樂，折盡園中花。園中亦何有，芍藥裊殘葩。久旱復遭雨，紛

披亂泥沙。不折亦安用，折去還可嗟。棄擲亮未能，送與謫仙家。還將

一枝春，插向兩髻丫。

和孫莘老次韻

去國光陰春雪消，還家蹤迹野雲飄。功名正自妨行樂，迎送纔堪博

早朝。雖去友朋親吏卒，卻辭讒謗得風謠。今年我亦江南去，不問繁

雄與寂寥。

游張山人園

壁間一軸煙蘿子，盆裏千枝錦被堆。清慣與先生為酒伴，不嫌刺史亦

顏開。纖纖入麥黃花亂，颯颯催詩白雨來。聞道君家好井水，歸軒乞

得滿餅回。

杜介熙熙堂

崎嶇世路最先回，窈窕華堂手自開。咄咄何曾書怪事，熙熙長覺似

春臺。白砂碧玉味方永，黃紙紅旗心已灰。遙想閉門投轄飲，鷓鴣絃鐵

撥響如雷。

次韻答劉涇

吟詩莫作秋蟲聲，天公恠汝鈎物情。使汝未老華髮生，芝蘭得雨蔚

青青。何用自燭以出聲，細書千紙雜真行。新音百變口如鶯，異義蠶

起弟子爭。舌翻濤瀾卷齊城，萬卷堆胸兀相撐。以病為樂子未驚，我

有至味非煎烹。是中之樂吁難名。綠槐如山閣廣庭。飛蟲繞耳細而清。敗席展轉臥見經。一作驚亦自不一作不自嫌翠織成。意行信足無溝坑。不識五郎呼作卿。吏民哀我老不明。相戒無復煩鞭刑。時臨泗水照星星。微風不起鏡面平。安得一舟如葉輕。臥聞郵籤報水程。尊羹羊酪不須評。一飽且救饑腸鳴。

攜妓樂游張山人園

大杏金黃小麥熟。墮粟乳鵲拳新作。故將俗物惱幽人。細馬紅粧滿山谷。提壺勸酒意雖重。杜鵑催歸聲更速。酒闌人散卻關門。寂歷斜陽挂疎木。

種德亭并引

處士王復家於錢塘。為人多技能而醫尤精。期於活人而已。不志於利。築室候潮門外。治園圃作亭榭。以與賢士大夫游。惟恐不及。

然終無所求人。徒知其接花莢果之勤。而不知其所種者德也。乃以名其亭。而作詩以遺之。

小圃旁城郭。閉門芝木香。名隨市人隱。德與佳木長。元化善養性。倉公多禁方。所活不可數。相逢旋相忘。但喜賓客來。置酒花滿堂。我欲東南去。再觀雙檜蒼。山茶想出屋。湖橋應過牆。木老德亦熟。吾言豈荒唐。

文與可有詩見寄云。待將一段鵝谿絹。掃取寒梢萬尺長。次韻答之。

為愛鵝谿白蠶光。掃殘雞距紫毫鈿。世間那有千尋竹。月落庭空影許長。

聞辯才法師復歸上天竺以詩戲問

道人出山去。山色如死灰。白雲不解笑。青松有餘哀。忽聞道人歸。鳥

語山容開神光出寶髻法雨洗浮埃想見南北山花發前後臺寄聲
問道人借禪以為詎何所聞而去何所見而回道人笑不答此意安
在哉昔年本不住今者亦無來此語竟非是且食白楊梅

和子由送將官梁左藏仲通

雨足誰言春麥短城堅不怕秋濤卷日長惟有睡相宜半脫紗巾落
紈扇芳草不鋤當戶長珍禽獨下無人見覺來身世都是夢坐久枕
痕猶著面城西忽報故人來急掃風軒炊麥飯公自注徐州所出伏波論兵初
矍鑠中散設仙更清遠南都從事亦學道不邱腸空誇腦滿問羊他
日到金華應許相將游閬苑

次韻秦觀秀才見贈秦與孫莘老李公擇甚熟將入京應舉秦觀

高郵人初字太虛後改字少游

夜光明月非所投逢年遇合百無憂將軍百戰竟不侯伯郎一斗得

睡味清細
之乃集錄身

涼州翹關負重非無力十年不入紛華域故人坐上見君文謂是古
人吁莫測新詩說盡萬物情硬黃小字臨黃庭故人已去君未到空
吟河畔草青青誰謂他鄉各異縣天遣君來破吾願一聞君語識君
心短李髯孫眼中見江湖放浪久全真忽然一鳴驚倒人縱橫所值
一作無不可知君不怕新書新千金散帚那堪換我亦淹留豈長算山
中既未決同歸我聊爾耳君其漫

僕曩於長安陳漢卿家見吳道子畫佛碎爛可惜其後十餘年
復見之於鮮于子駿家則已裝背完好子駿以見遺作詩謝之

米元章畫史云蘇子瞻家收吳道子畫佛及侍者誌公十餘人破碎甚而當
面一手精彩動人照不加墨口淺深暈成故最如活元章所記即此畫也

貴人金多身復閑爭買書畫不計錢已將鐵石充逸少公自注法帖大王書中
有殷鐵石字鐵石累武

帝時更補朱繇為道元公自注世所收吳道子煙薰屋漏裝玉軸鹿皮蒼壁知誰
畫多朱繇筆也賢吳生畫佛本神授一作夢中化作飛空仙覺來落筆不經意神妙獨

王字國三陽耶

有子海岳為

到秋毫顛昔我長安見此畫。歎息至寶空潛然。素絲斷續不忍看。已作蝴蝶飛。聯翩君能收拾為補綴。體質散落嗟神全。誌公髣髴見刀尺。修羅天女猶雄妍。如觀老杜飛鳥句。腕字欲補知無緣。問君乞得良有意。欲將俗眼為洗湔。貴人一見定羞怍。錦囊千紙何足捐。不須更用博麻縷。付與一炬隨飛煙。

雨中過舒教授舒名換字堯夫公守徐堯夫時為教授

疎疎簾外竹。瀏瀏竹間雨。牕扉靜無塵。几硯寒生霧。美人樂幽獨。有得緣無慕。坐依蒲褐禪。起聽風甌語。客來沒無有。灑掃涼冠屢。濃茗洗積昏。妙香淨無慮。歸來北堂閣。一一微螢度。此生憂患中。一餉安閑處。飛鳶悔前笑。黃犬悲晚悟。自非陶靖節。誰識此間趣。

次韻舒教授寄李公擇

草書妙絕吾所兄。真書小低猶抗行。論文作詩俱不敵。看君談笑收

降旌去年逾月方出畫。公自注予去年留齊月餘為君劇飲幾濡首。今年過我雖少留。

寂寞陶潛方止酒。省注此行公擇病酒夕不飲別時流涕攬君鬢。懸知此懽墮空虛。松

下縱橫餘屐齒。門前輾轉想君車。怪君一身都是德。近之清潤淪肌

骨。細思還有可恨時。不許藍橋見傾國。公自注公擇有婢名雲英屢欲出不果

又送鄭戶曹鄭戶曹名僅字彥能彭城人是時為冠氏令

水繞彭城樓。山圍戲馬臺。古來豪傑地。千歲有餘哀。隆準飛上天。重

腫亦成灰。白門下呂布。大星隕臨淮。尚想劉玄德。興置酒此徘徊。爾來

苦寂寞。廢圃多蒼苔。河從百步響。山到九里回。山水自相激。夜聲轉

風雷蕩蕩清河壩。黃樓我所開。秋月墮城角。春風搖酒杯。遲去君為

坐客。新詩出瓊瑰。樓成君已去。人事固多乖。他年君倦游。白首賦歸

來。登樓一長嘯。使君安在哉。

次韻黃魯直見贈古風二首

黃魯直名庭堅分寧人與張文潛秦少游晁無咎俱出蘇門天下號元祐四學士而魯直之名幾配

揚筆奇健

結復實遠

次韻采或羅
佳此乃遊羅舟
笑

東坡故稱蘇黃云附魯直古詩一日江梅有佳實託根桃李場桃李終不言朝露借恩光孤
芳忌皎潔冰雪空自香古來和鼎實此物升廟廊歲月坐成晚煙雨青已黃得升桃李盤以
遠初見嘗終然不可口柳葉官道傍但使本根在棄捐果何傷二日青松出洞壑十里聞風聲
上有百尺絲下有千歲苓小草有遠志相依在平生醫和不並世深根且固蒂人言可醫國何
則殊氣味固相似
用大早計小大才

嘉穀臥風雨。稂莠登我場。陳前漫方丈。玉食慘無光。大哉天宇間。美
惡更臭香。君看五六月。飛蚊殷回廊。茲時不少假。俛仰霜葉黃。期君
蟠桃枝。千歲終一嘗。顧我如苦李。全生依路旁。紛紛不足愠。悄悄徒
自傷。

空山學仙子。妄意笙簫聲。千金得奇藥。開視皆豨苓。不知市人中。自
有安期生。今君已度世。坐閱霜中蒂。摩挲古銅人。歲月不可計。閱風
安在哉。要君相指似。

次韻答舒教授觀余所藏墨

異時長笑王會稽。野鴛臙腥汗刀几。暮年卻得庾安西。自厭家雞題

六紙。二子風流冠當代。顧與兒童爭愷喜。秦王十八已龍飛。嗜好晚
將蛇蚓。比我生百事不挂眼。時人繆說云。工此世間有癖念。誰無傾
身障麓。尤堪鄙。一生當著幾緗履。定心肯為微物起。此墨足支三十
年。但恐風霜侵髮齒。非人磨墨墨磨人。錦應未聲墨先取。逝將振衣
歸故國。數畝荒園自鋤理。作書寄君君莫笑。但覓來禽與青李。一螺
點漆便。有餘萬竈燒。松何處使君不見。永寧第中擣龍麝。列屋閑居
清且美。倒暈連眉秀嶺浮。雙鴉畫鬢香雲委。時聞五斛賜蛾絲。不惜
千金求獺髓。聞君此詩當大笑。寒牕冷硯冰生水。

送鄭戶曹賦席上果得榘子

彼美玉山果。粲為金槃實。瘴霧脫蠻溪。清樽奉佳客。客行何以贈。一
語當加璧。祝君如此果。德膏以自澤。驅攘三彭仇。已我心腹疾。願君
如此木。凜凜傲霜雪。斲為君倚几。滑淨不容削。物微興不淺。此贈毋

輕擲

送胡掾

亂葉和淒雨。投空如散絲。流年一如此。遊子去何之。節義古所重。艱危方自茲。他年著清德。仍復畏人知。

答仲屯田次韻

秋來不見漢波岑。千里詩盟忽重尋。大木百圍生遠籟。朱絃三歎有遺音。清風卷地收殘暑。素月流天掃積陰。欲遣何人賡絕唱。滿階桐葉候蟲吟。

密州宋國博以詩見紀在郡雜詠次韻答之

吾觀二宋文字。字字照縑素。淵源皆有考。奇嶮或難句。後來邈無繼。嗣子其殆庶。胡為尚流落。用舍真有數。當時苟悅可。慎勿笑杖屨。斷臆誰赴抹。袖手良優裕。山城辱吾繼。缺短煩遮護。昔年繆陳詩。無人聊

瓦注。于今賡絕唱。外重中已懼。何當附家集。擊壤追咸濩。

答范淳甫

范淳甫名祖禹成都華陽人公自注來詩有張僕射李臨淮之句

吾州下邑生劉季。誰數區區張與李。重瞳遺迹已塵埃。惟有黃樓臨

泗水。

公自注郡有聽事俗謂之霸王聽相傳不可生僕拆之以蓋黃樓

而今太守老且寒。俠氣不洗儒生酸。猶勝

白門窮呂布。欲將鞍馬事曹瞞。

次韻答王定國

每得君詩如得書。宣心寫妙書不如。眼前百種無不有。知君一以詩驅除。傳聞都下十日雨。青泥沒馬街生魚。舊雨來人今不來。悠然獨酌臥清虛。我雖作郡古云樂。山川信美非吾廬。願君不廢重九約。念此衰冷勤呵噓。

芙蓉城并引

世傳王迴子高與仙人周瑤英游芙蓉城元豐元年三月余始識

子高問之信然乃作此詩極其情而歸之正亦變風止乎禮義之意也

胡微之作王子高芙蓉城傳略王迥字子高度部員外郎王路之次子初遇女自言周太尉女語王曰我於人間未盡嗜欲未盡緣以冥契當侍中憤是以奉尋非一朝一夕之分也又王初見周懼不敢覆更深困甚視牕戶掩闌及入解衣開屏憐間有喘息聲乃適女郎已脫衣而臥天明口口口餘香不散自是朝去夕至凡百餘日又周云即預朝列王曰朝帝耶不言其詳由此候去不來者數日忽一夕夢周道服而至謂王曰我居幽癖君能一往否喜而從之但覺其身飄然與周同舉須臾過一嶺及一門珍禽佳木清流怪石殿閣金碧相照遂與王自東箱門入循廊至一殿亭甚雄壯下有三樓相視而聳亦甚雄麗廊間半開周忽入王少雷須臾周與一女即至周曰三山之事息乎曰雖已息奈情何於是拊掌而去遂巡東廊之門啟有女流道裝而出者百餘人立於庭下俄聞殿工卷簾有美丈夫一人朝服憑几而庭下之女循次而上少頃憑几者起簾復下諸女流亦復不見周遂命王登東廂之樓上有酒具憑欄縱觀山川清秀梁上有碑題曰碧雲其字則真語八龍雲篆王未及下一女郎復登是樓年可十五容色嬌媚亦周之比周曰此芳卿也與我最相愛芳卿蓋其字耳夢之明日周來王語以夢周笑曰芳卿之意甚勤也王問何地周曰芙蓉城也曰憑几者誰三山之事何謂周皆不對問芳卿何姓曰與我同王感其事作詩遺周云又虞曹公狀其事以奏帝春花秋月悵愴悲泣而去周臨別雷詩云久事屏幃不暫闕今朝離意尚闌珊臨行惟有相思淚滴在羅衣一半斑按芙蓉城傳施氏注散入句下王注錄之亦不詳衡未見全傳又無他本可校茲從施氏句注中掇拾出之未免白字脫落殘闕多有而先生是詩大概未用其意不可略也乃拊著之如此

芙蓉城中花冥冥誰其主者石與丁珠簾玉樓翡翠屏雲舒霞卷千
傳停中有一人長眉青姁如微雲沒疎星往來三世空鍊形竟坐誤

不解以此詩
何意且奈何
去時

讀黃庭經天門夜開飛爽靈無復白日乘雲輶俗緣千劫磨不盡翠
被冷落淒餘馨因過緱山朝帝廷夜聞笙簫弭節聽飄然而來誰使
令皎如明月入牕櫺忽然而去不可執寒衾虛幌風泠泠仙宮洞房
本不局夢中同躡鳳皇翎徑度萬里如奔霆玉樓浮空聳亭亭天書
雲篆誰所銘遠樓飛步高矜嶺仙風鏘然韻流鈴遠遶形開如醉醒
芳卿寄謝空丁寧一朝覆水不返銚羅巾別淚空熒熒春風花開秋
葉零世間羅綺紛臙腥此身流浪隨滄溟偶然相值兩浮萍願君收
視觀三庭勿與嘉穀生蝗螟從渠一唸三千齡下作人間尹與邢

和鮮于子駿鄆州新堂月夜二首公自注前次韻後不次

去歲游新堂春風雪消後池中半篙水池上千尺柳佳人如桃李胡
蝶入衫袖山川今何許疆野一作界已分宿歲月不可思駛若船放溜繁
華真一夢寂寞兩榮朽惟有當時月依然照杯酒應憐船上人坐穩

不知漏
明月入華池。反照池上堂。堂中隱几人。心與水月涼。風螢已無迹。露
草時有光。起觀河漢流。步屣響長廊。名都信繁會。千指調絲簧。先生
病不飲。童子為燒香。獨作五字詩。清絕如韋郎。詩成月漸側。皎皎兩
相望。

送將官梁左藏赴莫州

王注莫州文安郡理鄭縣唐開元中以鄭字類鄭改為莫乃公孫瓚之易京也

燕南垂北趙北際。其間不合大如礪。至今父老哀公孫。烝土為城鐵
作門。城中積穀三百萬。猛士如雲驕不戰。一旦鼓角鳴地中。帳下美
人空掩面。豈如千騎平時來。笑譚警教生風雷。葛巾羽扇紅塵靜。投
壺雅歌清燕開。東方健兒虓虎樣。泣涕懷思廉恥將。彭城老守亦淒
然。不見君家雪兒唱。
施註蘇詩卷之十四終

施註蘇詩卷之十五

詩四十二首

時守彭城作

次韻子由送趙屺歸觀錢塘遂赴永嘉

趙屺字景仁清獻公子由蔭登第通判温州

歸舟轉河曲。稍見楚山蒼。候吏來迎客。吳音已帶鄉。言從謝康樂。先
獻魯靈光。已擊三千里。何須四十強。風流丰刺史。清絕校書郎。到郡
詩成集。尋谿水濺裳。芒鞋隨採藥。蠶紙記流觴。海靜蛟鼉出。山空草
木長。宦游無遠近。民事要更嘗。願子傳家法。他年請尚方。

中秋月三首

殷勤去年月。澹灑古城東。憔悴去年人。臥病破牕中。徘徊巧相覓。窈
窕穿房櫺。月豈知我病。但見歌樓空。撫枕三歎息。扶杖起相從。天風
不相哀。吹我落瓊宮。白露入肺腑。夜吟如秋蟲。坐令太白豪。化為東
野窮。餘年知幾何。佳月豈屢逢。寒魚亦不睡。竟夕相唼。切宜檢嗎。

信修好

六年逢此月。五年照離別。公自注中秋有月凡六年矣惟去歲與子由會於此歌君別離曲。滿坐為淒咽。
留都信繁麗。此會豈易擲。鎔銀百項湖。挂鏡千尋闕。三更歌吹罷。人
影亂清樾。歸來北堂下。寒光翻露葉。喚酒與婦飲。念我向兒說。豈知
衰病後。空盞對梨栗。但見古河東。蒹麥如鋪雪。欲和去年曲。復恐心
斷絕。

舒子在汶上。閉門相對清。公自注舒煥試舉人鄆州鄭子向河朔。公自注鄭僅赴北京戶曹孤舟連夜行。

頽子雖咫尺。兀如在牢局。公自注頽起未徐試舉人趙子寄書來。水調有餘聲。公自注今日得趙果卿書

猶記余在東武中秋所作水調歌頭悠哉四子心。共此千里明。明月不解老。良辰難合并。回頭

坐上人。聚散如流萍。嘗聞此宵月。萬里同陰晴。公自注故人史生為余言嘗見海賈云中秋有月則是歲珠多而國賈人

常以此候之雖相去萬里他日會合相問則陰晴無不同者天公自著意。此會那可輕。明年各相望。俯仰古今

古情

中秋見月寄子由

順子居學寫去
自注清史

明月未出羣山高。瑞光萬丈生白毫。一杯未盡銀闕滿。亂雲脫壞如

崩濤。誰為天公洗眸子。應費明河千斛水。遂令冷看世間人。照我湛

然心不起。西南大星如彈丸。角尾奕奕蒼龍蟠。今宵注眼看不見。更

許螢火爭清寒。何人艤舟臨古汴。千燈夜作魚龍變。曲折無心逐浪

花。低昂赴節隨歌板。公自注是夜賈客舟中放水燈青熒滅沒轉前山。浪颭風迴豈復堅。

明月易低人易散。歸來呼酒更重看。堂前月色愈清好。咽咽寒螿鳴

露草。卷簾推戶寂無人。牕下呶啞惟楚老。公自注近有南都從事莫羞貧一孫名楚老

對月題詩有幾人。明朝人事隨日出。恍然一夢瑤臺客。

答王鞏公自注鞏將見過有詩自謂惡客戲之

汴泗遠吾城。城堅如削鐵。中有李臨淮。號令肝膽裂。古來彭城守。未

省怕惡客。惡客云是誰。祥符相公孫。是家豪逸生。有種千金一擲。頗

黎盆連車載酒來。不飲外酒嫌其村。子有千餅酒。我有萬株菊。任子

滿頭插團團見花不見日。醉中插花歸。花重壓折軸。問客何所須。客言我愛山。青山自遶郭。不要買山錢。此外有黃樓。樓下一河水。美哉洋洋乎。可以療饑并洗耳。彭城之游樂復樂。客惡何如主人惡。

次韻王定國馬上見寄

昨夜霜風入袂衣。曉來病骨更支離。踈狂似我人誰顧。坎軻憐君志未移。但恨不攜桃葉女。尚能來趁菊花時。南臺二謝人無繼。直恐君詩勝義熙。公自注二謝從宋武帝九月燕戲馬臺

與頓起孫勉泛舟探韻得未一作味字

牕前堆梧桐。牀下鳴絡緯。佳人尺書到。客子中夜喟。朝來一樽酒。晤語聊自慰。秋蠅已無聲。霜蟹初有味。當為壯士飲。背裂須礫蝟。勿作兒女懷。坐念蟪蛄畏。山城亦何有。一笑瀉肝胃。泛舟以娛君。魚鼈多可餽。縱為十日飲。未遽主人費。吾儕俱老矣。耿耿知自貴。寧能傍門

押字款字穩
上字似耳

戶啼笑雜。狸狒要將百篇詩。一吐千丈氣。蕭條歲行暮。迨此霜雪未。明朝出城南。遺跡觀楚魏。西風迫吹帽。金菊亂如雪。泚願君勿言歸。輕別吾所諱。

次韻答頓起二首

挽袖推腰踏破紳。舊聞攜手上天門。相逢應覺聲容似。欲話先驚歲月奔。新學已皆從許子。諸生猶自畏何蕃。殿廬直宿真如夢。猶記憂時策萬言。公自注頓君及第時余為殿試編排官見其答策語頗直其後與子由試舉人西京既罷回登嵩山絕頂嘗見其時唱詩十餘首頓詩中及之

十二東秦比漢京。去年古寺共題名。公自注去歲見之於青州早衰怪我遽如許。苦學

憐君太瘦生。茅屋擬歸田二頃。金丹終掃雪千莖。何人更似蘇司業

和遍新詩滿洛城

九日黃樓作

去年重陽不可說。南城夜半千漚發。水穿城下作雷鳴。泥滿城頭飛

海內名者務也

雨滑黃花白酒無人問。日暮歸來洗鞞鞞。豈知還復有今年。把酒對
花容一呷。莫嫌酒薄紅粉陋。終勝泥中千柄錡。黃樓新成壁未乾。清
河已落霜初殺。朝來白露如細雨。南山不見千尋刺。樓前便作海茫
茫。樓下空聞櫓鴉軋。薄寒中人老可畏。熱酒澆腸氣先壓。煙消日出
見漁村。遠水鱗鱗山鬱鬱。牛轄切詩人猛士雜龍虎。公自注坐客三十餘人多知名之士楚舞吳
歌亂鵝鴨。一杯相屬君勿辭。此景何殊泛清雪。

太虛以黃樓賦見寄作詩為謝

我在黃樓上。欲作黃樓詩。忽得故人書。中有黃樓詞。黃樓高十丈。下
建五丈旗。楚山以為城。泗水以為池。我詩無係句。萬景驕莫隨。夫子
獨何妙。雨雹散雷椎。雄詞雜今古。中有屈宋姿。南山多磬石。清滑如
流脂。朱蠟為摹刻。細妙分毫釐。佳處未易識。當有來者知。

九日次韻王鞏

我醉欲眠君罷休。已教從事到青州。鬢霜饒我三千丈。詩律輸君一
百籌。聞道郎君閉東閣。且容老子上南樓。相逢不用忙歸去。明日黃
花蝶也愁。

送頓起

客路相逢難為樂。常不足。臨行挽衫袖。更賞折殘菊。佳人亦何念。悽
斷陽關曲。酒闌不忍去。共接一寸燭。留君終無窮。歸駕不免促。岱宗
已在眼。一往繼前躅。天門四十里。夜看扶桑浴。回頭望彭城。大海
浮一粟。故人在其下。塵土相蹴蹴。惟有黃樓詩。千古配淇澳。公自注頓起有詩記黃樓本末

送孫勉

昔年罷東武。曾過北海縣。白河翻雪浪。黃土如烝麩。桑麻冠東方。一
熟天下饑。是時累饑饉。常苦盜賊變。每憐追胥官。野宿風裂面。君為
淮南秀。文采照金殿。公自注君嘗考中進士第一人胡為事奔走。投筆腰羽箭。更被鬻參

軍豪篇來督戰公自注其兄莘老以詩寄之皆言戰事親程三郡士。玉石不能銜。欲知君得人。失者亦稱善。君才無不可。要欲經百鍊。吾詩堪咀嚼。聊送別酒噉。

李思訓畫長江絕島圖

縹緲時睹神仙之序自然巖巖之幽時人謂之李將軍也

唐張彥遠名畫記李思訓宗室也林甫之伯父畫稱一時之妙官至左武衛大將軍其畫山水樹石筆格遒勁滌瀟瀟瀟雲霞

山蒼蒼江茫茫大孤小孤江中央崖崩路絕猿鳥惟有喬木攬天長。客舟何處來棹歌中流聲抑揚沙平風軟望不到孤山久與船低昂。峩峩兩煙鬟曉鏡開新粧舟中賈客莫漫狂小姑前年嫁彭郎。

次韻答王鞏

我有方外客。顏如瓊之英。十年塵土窟。一寸冰雪清。竭來從我游。坦率見真情。顧我無足戀。戀此山水清。新詩如彈丸。脫手不暫停。昨日放魚回。衣巾滿浮萍。今日扁舟去。白酒載烏程。山頭見月出。江路聞鼃鳴。莫作孺子歌。滄浪濯吾纓。吾詩自堪唱。相子權歌聲。

張安道見示近詩

人物一衰謝。微言難重尋。殷勤永嘉末。復聞正始音。清談未足多。感時意殊深。少年有奇志。欲和南風琴。荒林蝸蝨一作蝨廢沼蛙蠃淫。遂欲掩兩耳。臨文但噫噤。蕭然王郎子。來自緱山陰。公自注其婿王鞏攜來云見浮邱伯吹簫明月峯。遺聲落淮泗。蛟鼉為悲吟。願公正王度。祈招繼惜惜。

次韻王鞏顏復同泛舟

沈郎清瘦不勝衣。邊老便便帶十圍。躑躅身輕山上走。謹呼船重醉中歸。舞腰似雪金釵落。談辯如雲玉麈揮。憶在錢塘正如此。回頭四十二年非。

次韻張十七九日贈子由

干戈萬槊擁笳籬。九日清樽豈復持。公自注是日南都教使按兵官事無窮何日了。菊花有信不吾欺。逍遙瓊館真堪羨。取次塵纓未可縻。迨此暇時須痛

宏洲三後

飲他年長劍挂君頭

次韻王鞏獨眠

居士身心如槁木。旅館孤眠體生粟。誰能相思琢白玉。服藥千朝償一宿。天寒日短銀燈續。欲往從之車脫軸。何人吹斷參差竹。泗水茫茫鴨頭綠。

次韻王鞏雷別

去國已八年。故人今有誰。當時交游內。未數蔡克兒。豈無知我者。好爵半已縻。爭為東閣吏。不顧北山移。公子表獨立。與世頗異馳。不辭千里遠。成此一段奇。蛾眉亦可憐。無奈思餅師。無人伴客寢。惟有支牀龜。君歸與何人。文字相娛嬉。持此調張子。一笑當脫頤。

登雲龍山

醉中走上黃茅岡。滿岡亂石如羣羊。岡頭醉倒石作牀。仰看白雲天

浩漭少味

茫茫歌聲落谷。秋風長路。人舉首東南望。拍手大笑使君狂。

次韻僧潛見贈

僧道潛字夢參於潛人能文章尤喜為詩嘗有句云風蒲化獵弄輕柔欲立蜻蜓不自由五月臨平山下路藕花無數滿汀洲過先生於彭城甚

愛之以書告文與可謂其詩句清絕與林逋上下而通了道義見之令人蕭然蘇黃門每稱其體製絕類儲光羲非近時詩僧所能及

道人胸中水鏡清。萬象起滅無逃形。獨依古寺種菊。菊要伴騷人餐落英。人間底處有南北。紛紛鴻鴈何曾冥。閉門坐穴一禪榻。頭上歲月空崢嶸。今年偶出為求法。欲與慧劍加礪礪。雲衲新磨山水出。霜髭不剪兒童驚。公侯欲識不可得。故知倚市無傾城。秋風吹夢過淮水。想見橘柚垂空庭。故人各在天一角。相望落落如晨星。彭城老守何足顧。棗林桑野相邀迎。千山不憚荒店遠。兩脚欲趁飛猿輕。多生綺語磨不盡。尚有宛轉詩人情。猿吟鶴唳本無意。不知下有行人行。空階夜雨自清絕。誰使掩抑啼孤惇。我欲仙山掇瑤草。傾筐坐嘆何時盈。簿書鞭林扑晝填。委煮茗燒栗宜宵征。乞取摩尼照濁水。共

以寄隱

看落月金盆傾

次韻潛師放魚

法師說法臨泗水。無數天花隨麈尾。勸將淨業種西方。莫待夢中呼起起。哀哉若魚竟坐口。遠愧知己幾穉生醴。况逢孟簡對盧仝。不怕校人欺子美。疲民尚作魚尾赤。數罟未除吾類泚。法師自有衣中珠。不用辛苦沙泥底。

與舒教授張山人參寥師同遊戲馬臺書西軒壁兼簡顏長道

二首

古寺長廊院院行。此軒偏慰旅人情。楚山西斷如迎客。汴水南來故遶城。路失玉鉤芳草合。林亡白鶴古泉清。波游何以娛庠老。坐聽郊原琢磬聲。

竹杖芒屨取次行。下臨官道見人情。天寒菽粟猶栖畝。日暮牛羊自

入城。沽酒獨教陶令醉。題詩誰似皎公清。更尋陋巷顏夫子。乞取微言繼此聲。

滕縣時同年西園

人皆種榆柳。坐待十畝陰。我獨種松柏。守此一片心。君看閭里閑。盛衰日駸駸。種木不種德。聚散如飛禽。老時吾不識。用意一何深。知人得數士。重義忘千金。西園手所開。珍木來千岑。養此霜雪根。遲彼鸞鳳吟。池塘得流水。龜魚自浮沉。幽桂日夜長。白花亂青衿。豈獨蕃草木。子孫已成林。拱把不知數。會當出千尋。樊侯種梓漆。壽張富華簪。我作西園詩。以為里人箴。

次韻王庭老和張十七九日見寄

霜葉投空省。啁籬上樓筋。力强扶持對。花把酒未甘。老膏面染鬢。聊自欺無事。亦知君好飲。多才終恐世。相縻請看平日銜。杯口會有金

推為控頤

次韻參寥師寄秦太虛三絕句時秦君舉進士不得

秦郎文字固超然○漢武憑虛意欲仙○底事秋來不得解○定中試與問諸天○

一尾追風抹萬蹄○昆崙玄圃謂朝隳○回看世上無伯樂○卻道鹽車勝月題○

得喪秋毫久已冥○不須聞此氣崢嶸○何妨卻伴參寥子○無數新詩咳唾成○

與參寥師行園中得黃耳草

造化何時取眾香○法筵齋鉢久淒涼○寒蔬病甲誰能採○落葉一作空畦半已荒○老楮忽生黃耳菌○故人兼致白芽薑○蕭然放箸東南去○又入春山筍蕨鄉○

百步洪 并引

王定國訪余於彭城一日棹小舟與顏長道攜盼英卿三子游泗水北上聖女山南下百步洪吹笛飲酒乘月而歸余時以事不得往夜著羽衣佇立黃樓上相視而笑以為李太白死世間無此樂三百餘年矣定國既去逾月復與參寥師放舟洪下追懷曩游已為陳迹喟然而嘆故作二詩一以遺參寥一以寄定國且視顏長

道舒堯文邀同賦云

長○洪○斗○落○生○跳○波○輕○舟○南○下○如○投○梭○水○師○絕○叫○鳧○起○亂○石○一○線○爭○
嗟○磨○有○如○兔○走○鷹○隼○落○駿○馬○下○注○千○丈○坡○斷○絃○離○柱○箭○脫○手○飛○電○過○
隙○珠○翻○荷○四○山○眩○轉○風○掠○耳○但○見○流○沫○生○千○澗○嶮○中○得○樂○雖○一○快○何○
異○水○伯○夸○秋○河○我○生○乘○化○日○夜○逝○坐○覺○一○念○逾○新○羅○紛○紛○爭○奪○醉○夢○
裏○豈○信○荆○棘○埋○銅○駝○覺○來○俯○仰○失○千○劫○回○視○此○水○殊○委○蛇○君○看○岸○邊○

寫景法何難
以喻序量而不
足始後

四行板任濟乃

此首蛇足已甚

蒼石工古來篙眼如蜂窠但應此心無所住造物雖駛如吾何回船
上馬各歸去多言說說師所呵
佳人未肯回秋波幼與欲語防飛梭輕舟弄水買一笑醉中盪槳肩
相磨不學長安閭里俠貂裘夜走騰脂坡獨將詩句擬鮑謝涉江
共採秋江荷不知詩中道何語但覺兩頰生微渦我時羽服黃樓上
坐見織女初斜河歸來笛聲滿山谷明月正照金巨羅奈何捨我入
塵土擾擾毛羣欺臥馳不念空齋老病叟退食誰與同委蛇時未洪
上看遺迹忍見履齒青苔窠詩成不覺雙淚下悲吟相對惟羊何欲
遣佳人寄錦字夜寒手冷無人呵

送參寥師

上人學苦空百念已灰冷劍頭惟一吷焦穀無新穎胡為逐吾輩文
字爭蔚炳新詩如玉屑出語便清警退之論草書萬事未嘗屏憂愁

靜室之論
私論

不平氣一寓筆所騁頗怪浮屠人視身如邱井頽然寄淡泊誰與發
豪猛細思乃不然真巧非幻影欲令詩語妙無厭空且靜靜故了羣
動空故納萬境閱世走人間觀身臥雲嶺鹹酸雜取好中有至味永
詩法不相妨此語更當請

夜過舒堯文戲作

名煥字堯文時為教授見本卷中秋月注

先生堂上霜月苦弟子讀書喧兩廡推門入室書縱橫蠟紙燈籠晃
雲母先生骨清少眠臥長夜默坐數更鼓耐寒石研欲生冰得火銅
餅如過雨郎君欲出先自贊坐客斂衽誰敢侮明朝阮籍過阿戎應
作羲之羨懷祖

十月十五日觀月黃樓席上次韻

中秋天氣未應殊不用紅紗照坐隅山下白雲橫匹素水中明月臥
浮圖未成短棹還三峽已約輕舟泛五湖為問登臨好風景明年還

憶使君無。

答王定民

王定民字佐才東
陳人俊民弟也

開緘奕奕滿銀鈎。書尾題詩語更遒。八法舊聞宗長史。五言今復擬蘇州。筆蹤好在畱臺寺。旗隊遙知到石溝。欲寄鼠須并蠶紙。請君章草賦黃樓。

卷之五校而黃樓
待之傳於今者有
身何外公何以休
矣

次韻王庭老退居見寄二首

王庭老
字伯敬

浪蘂浮花不辨春。歸來方識歲寒人。回頭自笑風波地。閉眼聊觀夢幻身。北牖已安陶令榻。西風還避庾公塵。更搔短髮東南望。試問今誰裏舊巾。

接果移花看補籬。腰鎌手斧不妨持。上都新事長先到。老圃閑談未易欺。釀酒閉門開社甕。殺牛畱客解耕縻。何時得見纖纖玉。右手持杯左捧頤。

次韻顏長道送傅倅

兩見黃花掃落英。南山山寺遍題名。宗成不獨依岑范。魯衛終當似弟兄。去歲雲濤浮汴泗。與君泥土滿衣纓。如今別酒休辭醉。試聽雙洪落後聲。

施註蘇詩卷之十五終

施註蘇詩卷之十六

詩四十八首

起在彭城至元豐已未移守吳興作

雲龍山觀燒得雲字

丁女真水妃。寒山便火耘。隕霜知已殺。坯戶聽初焚。束緼方熠燿。敲
 石俄氤氳。落點甘泉烽。橫煙楚塞氛。窮虵上喬木。潛蛟躡浮雲。驚飛
 墮傷雁。狂走迷癡麇。谷蟄起蜩燕。山妖竄夔獫。野竹爆哀聲。幽桂飄
 冤芬。悲同秋。照蟹快。若夏燎。蚊火牛入燕。壘燧象奔吳。軍崩騰。井陘
 口。萬馬皆朱幘。搖曳驪山陰。諸姨爛紅裙。方隨長風卷。忽值絕澗分。
 我本山中人。習見匪獨聞。偶從二三子。來訪張隱君。君家亦何有。物
 象移朝曛。把酒看爐飛。爐空庭落續。紛行觀農事。起畦壟如縷。紋細
 雨發春頰。嚴霜倒秋黃。始知一炬加。洗盡狐兔羣。

和田國博喜雪

月去而不得波
趣何也

疇昔月如晝。曉來雲暗天。玉花飛半夜。翠浪舞明年。螟螣無遺種。流
亡積占田。歲豐君不樂。鐘磬幾時編。公自注田
有暇不樂

祈雪霧豬泉出城馬工作贈舒堯文

三年走吳越。踏遍千重山。朝隨白雲去。暮與棲鴉還。翩如得木狢。飛
步誰能攀。一為符竹累。坐老敲榜閒。此行亦何事。聊散腰脚頑。浩蕩
城西南。亂山如玳環。山下野人家。桑柘雜榛菅。歲晏風日暖。人牛相
對閑。薄雪不蓋土。麥苗稀可刪。願君發豪句。嘲詼破天慳。

次韻舒堯文祈雪霧豬泉

長笑蛇醫一寸腹。銜水吐電何時足。蒼鵝無罪亦可憐。斬頸橫盤不
敢哭。豈知泉下有豬龍。臥枕雷車踏陰軸。前年太守為旱請。雨點隨
人如撒菽。公自注傳欽之
曾禱此泉得雨太守歸國龍歸泉。至今人詠淇園綠。我今又復
罹此旱。凜凜疲民在溝瀆。卻尋舊跡叩神泉。坐客仍攜王子淵。公自注
欽之時

客惟舒
在矣

看草中和樂職頌。新詩妙語慰華顛。曉來泉上東風急。須上冰
珠老蛟泣。怪詞欲逼龍飛起。嶮韻不量吾所及。行看積雪厚埋牛。誰
與春工掀百蟄。此時還復借君詩。餘力汰輶仍貫笠。揮毫落紙勿言
疲。驚龍再起震天匙。

石炭

彭城舊無石炭。元豐元年十二月始遣人訪獲於州之西南白土
鎮之北。冶鐵作兵犀利勝常云。

君不見前年雨雪行人斷。城中居民風裂鬣。濕薪半束抱衾稠。日暮
敲門無處換。豈料山中有遺寶。磊落如磬礫。音萬車炭。流膏迸液無
人知。陣陣腥風自吹散。根苗一發浩無際。萬人鼓舞千人看。投泥潑
水愈光明。爍玉流金見精悍。南山栗林漸可息。北山頑鑛何勞鍛。為
君鑄作百鍊刀。要斬長鯨為萬段。

人日獵城南會者十人以身輕一鳥過槍急萬人呼為韻得鳥

字 京東第三將雷勝隴西人以勇敢應募得官武力絕人騎射敏妙按閱於徐徐人欲觀其能公為小獵城西是日小雨南晴土潤風和觀者數千人公作獵會詩序

兒童笑使君憂慍長悄悄誰拈白接羅令跨金驄裏東風吹濕雪手
冷怯清曉忽發兩鳴鶻虛交相趁飛蠶小放弓一長嘯目送孤鴻矯吟
詩忘鞭轡不語頭自掉歸來仍脫粟鹽豉煮芹蓼何似雷將軍兩眼
霜鵲皎黑頭已為將百戰意未了馬工倒銀瓶得兔不暇燎少年負
奇志躡躑百憂繞回首英雄人老死已不少青春還一夢餘年真過
鳥莫上呼鷹臺平生笑劉表

將官雷勝得過字代作

胡騎入雲中一作急烽連夜過短刀穿鹵陣濺血貂裘澗一來輦轂下
愁悶惟欲臥今朝從公獵稍覺天宇大一雙鐵絲箭未發手先唾射
殺雪毛狐腰間餘一箇

臺頭寺步月得人字

風吹河漢掃微雲步屨中庭月趁人浥浥爐香初泛夜離離花影欲
搖春遙知金闕同清景想見羶車碾暗塵回首舊遊真是夢一簪華
髮岸綸巾

臺頭寺送宋希元

相從傾蓋只今年送別南臺便黯然入夜更歌金縷曲他時莫忘角
弓篇公自注是日與宋君同載松寺中三年不顧東鄰女公自注取宋玉二頃方求負郭田公自注取季子我欲歸
休君未可茂先方議斲龍泉

種松得徠字公自注其四在懷古堂其六在石經院

春風吹榆林亂英飛作堆荒園一雨過戢戢千萬栽青松種不生百
株望一枚一枚已有餘氣壓千畝槐野人易斗粟云自魯徠徠魯人
不知貴萬竈飛青煤束縛同一車胡為乎來哉泣然解其縛清泉洗

就雷將軍平生
隋波

浮埃枝傷葉尚困。生意未肯回。山僧老無子。養護如嬰孩。坐待走龍
蛇。清陰滿南臺。孤依裂山石。直幹排風雷。我今百日客。公自注時去
替不百日養此
千歲材。後冬無消息。雙鬢日夜摧。古今一倏仰。作詩寄餘哀。

作書寄王晉卿。忽憶前年寒食北城之游。走筆為此詩。王晉卿名詵
太原人。徙開

對能詩善畫。以選尚魏國賢惠公主。毋宣仁高后於神宗
為同產。晉卿慕東坡。與相游。從嘗為作寶繪堂記。

北城寒食烟火微。落花胡蝶作團飛。王孫出游樂忘歸。門前驄馬紫
金鞵。吹笙帳底煙霏霏。行人舉頭誰敢睇。扣門狂客君不麾。更遣傾
城出翠帷。書生老眼省見稀。畫圖但覺周昉肥。別來春物已再菲。西
望不見紅日圍。何時東山歌采薇。把盞一聽金縷衣。

往在東武與人往。反作繁字韻詩四首。今黃魯直亦次韻見寄。
復和答。

符堅破荊州。止獲一人半。中郎老不遇。但喜識元歎。我今獨何幸。文

林泉伴喜羅
覓押韻字奇
趣

字厭奇玩。又得天下和。相從百憂散。陰求我輩人。規作林泉伴。寧當
待老垂。老倉卒收。一旦不見。梁伯鸞空對孟光案。才難不其然。婦如
廁周亂。世豈無作者。於我如既醜。一作獨喜誦君詩。咸韶音節緩。夜光
一已多。矧獲纍纍貫。相思君欲瘦。不往我真懦。吾儕春微祿。寒夜抱
寸炭。何時定相過。徑就我手館。飄然東南去。江水清且暖。相與訪名
山。微言師忍繁。

雪齋公自注杭僧法言
作雪山於齋中

君不見我眉山。西雪千里北望城。成都如井底。春風百日吹。不消五
月行人如凍蟻。紛紛市人爭奪中。誰信言公似贊公。人間熱惱無處
洗。故向西齋作雪峰。我夢扁舟入吳越。長廊靜院燈如月。開門不見
人與牛。公自注言見寄
云林下閣看水牯牛惟見空庭滿山雪。

以雙刀遺子由。子由有詩次其韻。

百卷在日者羅
包學許多

賣刀匣不見。但見龍省環。何曾斬蛟蛇。亦未切琅玕。胡為穿窬輩。見之要領寒。吾刀不汝問。有媿在其肝。念此力自藏。包之虎皮斑。湛然如古井。終歲不復瀾。不憂無所用。憂在用者難。佩之非其人。匣中即長歎。我老眾所易。屢遭非意干。惟有王玄通。堦庭秀芝蘭。知子後必大。故擇刀所便。屠狗非不用。一歲六七神。欲試百鍊剛。要須更泥蟠。作詩銘其背。以待知者看。

游栢山會者十人。以春水滿四澤。夏雲多奇峰。為韻得澤字。東郊欲尋春。未見鶯花迹。春風在流水。鳧鴈先拍拍。孤帆信溶漾。弄此半篙碧。艤舟栢山下。長嘯理輕策。彈琴石室中。幽響清磔磔。弔彼泉下人。野火失枯腊。悟此人間世。何者為真宅。暮回步洪散。坐洪上石愧。我非王襄子。淵有見客臨。流吹洞簫水。月照連壁此。歡真不枳。回首歲月隔。想像斜川游。作詩繼彭澤。

戴道士得四字代作戴日祥江南人也

少小家江南。寄跡方外士。偶隨白雲出。賣藥彭城市。雪霜侵鬢髮。塵土汗冠袂。賴此三尺桐。中有山水意。自從夷夏亂。七絲一作絃久已弃。一作廢心知鹿鳴三。不及胡琴四。使君獨慕古。嗜好與眾異。共弔栢廳宮。一灑孟嘗淚。歸來鎖塵匣。獨對斷絃喟。挂名石壁間。寂寞千歲事。

次韻田國博部夫南京見寄二絕

歲月翩翩下坂輪。歸來杏子已生人。深紅落盡東風惡。柳絮榆錢不當春。

火冷錫稀杏粥稠。青裙縞袂餉田頭。大夫行役家人怨。應羨居鄉馬少游。

月夜與客飲杏花下真蹟草書在武寧宰吳節夫家今刻於黃州先生詩話僕在徐州王子立子敏皆館於子蜀人張師厚未過二王方年少吹洞簫飲酒杏花下杏花飛簾散一作報餘春。明月入戶尋幽人。塞初步月踏花影。炯如流水。

涵青蘋。花間置酒清香發。爭挽長條落香雪。山城薄酒不堪飲。勸君且吸杯中月。洞簫聲斷月明中。惟憂月落酒杯空。明朝卷地春風惡。但見綠葉栖殘紅。

送蜀人張師厚赴殿試二首

忘歸不覺鬢毛斑。好事鄉人尚往還。斷嶺不遮西望眼。送君直過楚王山。

雲龍山下試春衣。放鶴亭前送落暉。一色杏花三十里。新郎君去馬如飛。

再次韻答田國博部夫還二首

西郊黃土沒車輪。滿面風埃笑路人。已放役夫三萬指。從教積雨洗殘春。

枝上稀疎地上稠。忍看紅糝落牆頭。風流別乘多才思。歸趁西園秉

燭游

田國博見示石炭詩有鑄劍斬佞臣之句次韻答之

楚山鐵炭皆奇物。知君欲斫姦邪窟。屬鏤無眼不識人。楚國何曾斬無極。玉川狂直古遺民。救月裁詩語最真。千里妖蠶一寸鐵。地上空愁蟻蝨臣。

答郡中同僚賀雨

水旱行十年。饑疫遍九土。奇窮所向惡。歲歲祈晴雨。雖非為己求。重請終愧古。鬼神亦知我。老病入腰膂。何曾拜向人。此意難不許。重雲萋已合。微潤先流楚。蕭蕭止還作。坐聽及三鼓。天明將吏集。泥土滿鞞屨。登城望楚麥。綠浪風掀舞。愧我賢友生。雄篇闢新語。君看大熟歲。風雨占十五天。無功祈禳何足數。渡河不入境。豈若無蝗虎。而況刑白鵝。下策君勿取。

公指即

罷徐州往南京馬上走筆寄子由五首

吏民莫扳援。歌管莫凄咽。吾生如寄耳。寧獨為此別。別離隨處有。悲惱緣愛結。而我本無思。此涕誰為設。紛紛等兒戲。鞭輻遭割截。道邊雙石人。幾見太守發。有知當解笑。撫掌冠纓絕。父老何自來。花枝裏長紅。洗盞拜馬前。請壽使君公。前年無使君。魚鱉化兒童。舉鞭謝父老。正坐使君窮。窮人命分惡。所向招災凶。水來非吾過。去亦非吾功。

古汴從西來。迎我向南京。東流入淮泗。送我東南行。暫別復還見。依然有餘情。春雨一作風漲微波。一夜到彭城。過我黃樓下。朱欄照飛甍。可憐洪上石。誰聽月中聲。

前年過南京。麥老櫻桃熟。今來舊游處。櫻麥半黃綠。歲月如宿昔。人事幾反覆。青衫老從事。坐穩生髀肉。聯翩閱三守。迎送如轉轂。歸耕

何時決田舍我已卜

卜田向何許。石佛山南路。下有爾家川。千畦種秔餘。徐山泉宅龍蜃。平地走膏乳。異時畝一金。近欲為逃戶。逝將解簪紱。賣劍買牛具。故山豈不懷。廢宅生蒿穰。便恐桐鄉人。長初仲卿墓。

次韻曹九章見贈

遽瑗知非我所師。流年已似手中著。正平獨肯從文舉。中散何曾斬孝尼。賣劍買牛真欲老。得錢沽酒更無疑。雞豚異日為同社。應有千篇唱和詩。

書泗州孫景山西軒

落日明孤塔。青山繞病身。知君向西望。不愧塔中人。

過淮三首贈景山兼寄子由

好在長淮水。十年三往來。功名真已矣。歸計亦悠哉。今日風憐客。平

好在平...

至楊羅會甚
於吏民

石言里為石
止後寧

時浪作堆晚來洪澤口。捍索響如雷。
過淮山漸好。松檜亦蒼然。藹藹藏孤寺。泠泠出細泉。故人真吏隱。小
檻帶巖偏。卻望臨淮市。東風語笑傳。
回首淮陽幕。簿書高沒人。何時桐柏水。一洗庾公塵。此去漸佳境。獨
游長慘神。待君詩百首。來寫浙西春。

舟中夜起

微風蕭蕭吹菰蒲。開門看雨月滿湖。舟人水鳥兩同夢。大魚驚竄如
奔狐。夜深人物不相管。我獨形影相娛嬉。暗潮生渚平寒。蛩落月挂
柳看懸蛛。此生忽忽憂患裏。清境過眼能須臾。雞鳴鐘動百鳥散。船
頭擊鼓還相呼。

余去金山五年而復至次舊詩韻贈寶覺長老

誰能十酒博西涼。但愛齋厨法政香。舊事真成一夢過。高譚為洗五

酒房

夜景寫得
超妙

年。怕清風。偶與山阿曲。明月聊隨屋角。加稽首願師憐。久客直將歸
路指茫茫。

遊惠山并引

余昔為錢塘倅。往來無錫未嘗不至。惠山既去五年。復為湖州與
高郵秦太虛杭僧參寥同至。覽唐處士王武陵竇羣朱宿所賦詩。
愛其語清簡蕭然。有出塵之姿。追用其韻各賦三首。

夢裏五年過。覺來雙鬢蒼。還將塵土足。一步漪瀾堂。俯窺松桂影。仰
見鴻鶴翔。炯然肝肺閒。已作冰玉光。虛明中有色。清淨自生香。還從
世俗去。永與世俗忘。

薄雲不遮山。疎雨不濕人。蕭蕭松徑滑。策策芒屨新。嘉我二三子。皎
然無緇磷。勝游豈殊昔。清句仍絕塵。弔古泣舊史。疾譏歌小旻。哀哉
扶風子。難與巢許鄰。寶覺羣

敲火發山泉。烹茶避林樾。明牕傾紫盞。色味兩奇絕。吾生眠食耳。一飽萬想滅。頗笑玉川子。饑弄三百月。豈如山中人。睡起山花發。一甌誰與共。門外無來轍。

贈惠山僧惠表

行遍天涯意未闌。將心到處遣人安。山中老宿依然在。案上楞嚴已不看。欹枕落花餘幾片。閉門新竹自千竿。客來茶罷空無有。盧橘楊梅尚帶酸。

贈錢道人

書生苦信書。世事仍臆度。不量力所負。輕出千鈞諾。當時一快意。事過有餘怖。不知幾州鐵。鑄此一大錯。我生涉憂患。常恐長罪惡。靜觀殊可喜。腳淺猶容卻。而況錢夫子。萬事初不作。相逢更何言。無病亦無藥。

明後著半山

遊興句易健

與秦太虛參寥會于松江而關彥長徐安中適至分韻得風字

二首

吳越溪山興未窮。又扶衰病過垂虹。浮天自古東南水。送客今朝西北風。絕境自忘千里遠。勝游難復五人同。舟師不會雷連意。擬看斜陽萬頃紅。

二子緣詩老更窮。人間無處吐長虹。平生睡足連江雨。盡日舟橫擘岸風。人年來三黜。慣天教我輩一樽。同知君欲寫長相憶。更送銀盤尾鬣紅。

次韻關令送魚

舉網驚呼得巨魚。饒涎不易忍流酥。更煩赤腳長鬣老。來聽西風十幅蒲。

次韻秦太虛見戲耳聾

君不見詩人借車無可載。畱得一錢何足賴。晚年更似杜陵翁。右臂雖存耳先聵。人將蟻動作牛鬪。我覺風雷真一噫。聞塵掃盡根性空。不須更枕清流派。大朴初散失渾沌。六鑿相攘更勝敗。眼花亂墜酒生風。口業不停詩有債。君知五蘊皆是賊。人生一病今先差。瘥全楚但憊切恐此心終未了。不見不聞還是礙。今君疑我特佯聾。故作嘲詩窮嶮怪。須防額癢出三耳。莫放筆端風雨快。

端午遍遊諸寺得禪字

肩輿任所適。遇勝輒畱連。焚香引幽步。酌茗開淨筵。微雨止還作。小牕幽更妍。盆山不見日。草木自蒼然。公詩話自云非至吳越不見此景也忽登最高塔。眼界窮大千。卞峯照城郭。震澤浮雲天。深沈既可喜。曠蕩亦所便。幽尋未云畢。墟落生晚煙。歸來記所歷。耿耿清不眠。道人亦未寢。孤燈同夜禪。

得鎖田徑至
健足

送劉寺丞赴餘姚

中和堂後石楠樹。與君對牀聽夜雨。玉笙哀怨不逢人。但見香煙橫碧縷。謳吟思歸出無計。坐想蟋蟀空房語。明朝開鑠放觀潮。豪氣正與潮爭怒。銀山動地君不看。獨愛清香生雲霧。一作雪別來聚散如宿昔。城郭空存鶴飛去。我老人間萬事休。君亦洗心從佛祖。手香新寫法界觀。眼淨不觀覩。登伽女。餘姚古縣亦何有。龍井白泉甘勝乳。千金買斷顧渚春。似與越人降日注。

施註蘇詩卷之十六終

施註蘇詩卷之十七

詩四十一首

起元豐二年己未守吳興即以是年八月攝赴臺獄十二月謫官黃州泊庚申春自京師赴黃作

李公擇過高郵見施大夫與孫莘老賞花詩憶與僕去歲會于彭門折花餽筍故事作詩二十四韻見戲依韻奉答亦以戲公

擇云

汝陽真天人。絹帽著紅槿。纏頭三百萬。不買一笑哂。共誇青山峰。曲
流盡。寂莫兩詩人。殘紅對櫻筍。饑腸得一醉。妙語傳不泯。君來恨不
與去更復相牽引。我老心已灰。空煩扇餘燼。天游照六鑿。虛室掃充
物。懸知色竟空。那復嗜烏吻。蕭然一方丈。居士老龐蘊。散花從滿袂。
不答天女問。故人猶故目。怨句寫餘恨。疑我此心在。遮防費欄楯。應

止所押韻
少莫之

虞已斃蛇折尾時一蠹。仄聞孟光賢。未學處仲忍。公自注開閣放
出事見本傳寄招應
已足。左右侍雲鬢。何時花月夜。羊酒謝不敏。此生如幻耳。戲語君勿
愠。應同亡是公。一對子虛听。

王鞏清虛堂

清虛堂裏王居士。閉眼觀身一作如止水。水中照見萬象空。敢問堂中
誰隱几。吳興太守老且病。堆案滿前長渴睡。願君勿笑反自觀。夢幻
去來殊已長。疑安石恐不免。未信犀首終無事。勿將一念住清虛。居
士與我蓋同耳。

和孫同年卞山龍洞禱晴

吳興連月雨。釜甑生魚蛙。往問卞山龍。曷不安厥家。梯空尚巉絕。俯
視驚谿砑。神井湧雲蓋。陰崖垂鮮花。交流百道泉。赴谷走羣蛇。不知
落何處。隱隱如縲車。我來叩石戶。飛鼠翻白鴉。寄語洞中龍。睡味豈

不嘉。雨師少弭節。雷師亦停槌。積水得反壑。稻苗出泥沙。農夫免菜
色。龍亦飽豚豕。看君擁黃紬。高臥放晚衙。

乘舟過賈收水閣收不在見其子三首

賈收字耘
老吳興人

愛酒陶元亮。能詩張志和。青山來水檻。白雨滿漁蓑。淚垢添丁面。貧
低舉案蛾。不知何所樂。竟夕獨酣歌。

嫋嫋風蒲亂。猗猗水荇長。小舟浮鴨綠。大杓瀉鵝黃。得意詩詩酒。社
終身魚稻鄉。樂哉無一事。何處不清涼。

曳杖青苔岸。繫船枯柳根。德公方上塚。季路獨畱言。已占蒲魚港。更
開松菊園。從茲來往數。兒女自鷹門。

次韻孫秘丞見贈

感慨清哀似變風。老於詩句耳偏聰。迂疎自笑成何事。冷淡誰能用
許功。不怕飛蚊如立豹。肯隨白鳥過垂虹。吟哦相對忘三伏。擬泛冰

秘老何人乃得
此亦

谿入雪宮

與客游道場何山得鳥字

清谿到山盡。飛路盤空小。紅亭與白塔。隱見喬木杪。中休得小菴。孤絕寄雲表。洞庭在北戶。雲水天渺渺。菴僧俗緣盡。淨業洗未了。十年畫雀鵲竹。益以詩自繞。高堂儼像設。禪室各深窈。奔泉何處來。華屋過谿沿。何山隔幽谷。去路清且悄。長松度翠蔓。絕壁掛嘯鳥。我友自杭來。尚歎所歷少。歸途風雨作。一洗紅日燎。俄驚萬竅號。黑霧卷蓬蓼。舟人紛變色。坐羨輕鷗矯。我獨喚酒杯。醉死勝流殍。書生例強很。造物空煩擾。更將掀舞勢。把燭畫風篠。美人為破顏。正似腰支嬈。明朝更陳迹。清景墮空杳。作詩記餘歡。萬古一昏曉。

僕去杭五年吳中仍歲大饑疫故人往往逝去聞湖上僧舍不復往日繁麗獨淨慈本長老學者益盛作詩寄之

強恨亦太恨

直從新零散

來往三吳一夢間。故人半作冢纍纍。獨依舊社傳真法。要與遺民度厄年。趙叟近聞還印綬。竺翁先已反林泉。何時策杖相隨去。任性逍遙不學禪。

船趁風 并引

吳中梅雨既過。颯然清風彌旬。歲歲如此。湖人謂之船趁風。是時海舶初回。云此風自海上與舶俱至。云爾。

三句已過黃梅雨。萬里初來船趁風。幾處縈回度山曲。一時清駛滿江東。驚飄蔌蔌先秋葉。喚醒昏昏嗜睡翁。欲作蘭臺快哉賦。卻嫌分別問雄雉。

丁公默送蝓蚌

溪邊石蟹小如錢。喜見輪囷赤玉盤。半殼含黃宜點酒。兩螯斫雪勸加餐。蠻珍海錯聞名久。怪雨腥風入座寒。堪笑吳興饒太守。一詩換

得兩尖團

生輝可羨

寄風未之尚

名此一皆自号
及不

送孫著作赴考城兼寄錢醇老李邦直二君於孫處有書見及
使君閑如雲欲出誰有伴清風獨無事一笑亦可喚來從白蘋洲吹
我明月觀門前遠行客青衫流白汗問子何息息王事不可緩故人
錢與李清廟兩圭瓚蔚為萬乘器尚記溝中斷子亦東南珍價重不
可算別情何以慰酒盡對空案維持一榻涼勸子巾少岸此風那復
有塵土飛灰炭欲寄二大夫發發不可絆

泛舟城南會者五人分韻賦詩得人皆苦炎字四首

城中樓閣似魚鱗不見清風起白蘋試選苔溪最深處仍呼我輩不
羈人窺船野鶴何曾下見燭飛蟲空自馴遠郭荷花一千頃誰知六
月下塘春

苦熱誠知處處皆何當危坐學心齋海螯要共詩人把谿月行遭霧

雨霏鄉國飄零斷書信弟兄流落隔江淮便應築室苔谿上荷葉遮
門水浸堦

紫鱗鱸魚賤如土得錢相付何曾數碧筒時作象鼻彎白酒微帶荷
心苦運肘風生看斫鱠隨刀雪落驚飛縷不將醉語作新詩飽德應
慙腹如鼓

橋上游人夜未厭共依水檻立風簷樓中煮酒初嘗笑月夜新糲半
出簾南郭清游繼顏謝北牕歸臥等羲炎人間寒熱無窮事自笑疎
頑不受疢

贈王郎一首

作王郎夜飲井水此詩墨蹟刻石成都帖而集中失
載王郎乃子由婿子立也是時從先生於吳興

吳興六月水泉温千頃菰蒲聚鬪蛟此井獨能深一丈口口一作如我
亦知君

次韻李公擇梅花

詩人固長貧。日午饑未動。偶然得一飽。萬象因嘲弄。尋花不論命。愛雪長忍凍。天公非不憐。聽飽即喧闐。君為三郡守。所至滿賓從。江湖常在眼。詩酒事豪縱。奉使今折磨。清比於陵仲。永懷茶山下。攜妓修春貢。更憶檻泉亭。插花雲髻重。蕭然臥瀟麓。愁聽春禽啼。忽見早梅花。不飲但孤諷。詩成獨寄我。字字愈頭痛。嗟君本侍臣。筆墨從上雍。脫鞵吟芍藥。給札賦雲夢。何人慰流落。嘉驀天為種。杯傾笛中吟。帽拂果下鞞。感時念羈旅。此意吾儕共。故山亦何有。桐花集么鳳。君亦憶匡廬。歸掃藏書洞。何當種此花。各抱漢陰甕。

送淵師歸徑山

我昔嘗為徑山客。至今詩筆餘山色。師住此山三十年。妙語應須得山骨。谿城六月水雲蒸。飛蚊猛捷如花鷹。美師方丈冰雪冷。蘭膏不動長明燈。山中故人知我至。爭來問訊今何似。為言百事不如人。兩

眼猶能書細字

送表忠觀錢道士歸杭 并引

通教自杭來。見余於吳興。問觀亦卒工乎。曰未也。杭人比歲不登。莫有助我者。余曰異哉。杭人重施輕財。是不獨為福田。今歲成矣。其行乎。及還作詩送之。

集中不載此引。道主吳大錢之弟子也。嘗見墨迹。今錄公表忠觀碑。載趙抃知杭州言。故吳越國王錢氏墳廟在錢塘臨安者。皆蕪廢不。治請以妙因院為現使錢氏之孫為道士。曰自然者。居之以守其墳。廟詔許之。改妙因為表忠觀。錢道士即碑中名自然者。號通教大師。

先生舊德在民心。著令稱忠上意深。墮淚行看會。禱下挂名爭。欲刻碑陰。淒涼破屋塵凝坐。憔悴雲孫雪滿簪。未信諸豪容郭解。卻從他縣施千金。

次韻周開祖長官見寄 墨迹藏吳興向氏前題云次韻奉和樂清開祖長官見寄後題云元豐二年六月十三日吳興郡齋作旋見兒童迎

俯仰東西閱數州。老於歧路豈伶優。初聞父老推謝令。旋一作見見兒童

細侯墨迹作已見當是續改此一字

迎細侯政拙年年祈水旱。民勞處處避嘲謳。河吞巨野那容塞。盜入
蒙山不易搜。仕道固應慙孔孟。扶顛未可責求由。漸謀田舍猶懷祿
未脫風濤且傍洲。惘惘可憐真喪狗。時時相觸是虛舟。劫來震澤都
如夢。只有苔溪可倚樓。齋釀酸甜如蜜水。樂工零落似風鷗。疑作遠思
顏柳并諸謝。近憶張陳與老劉。公自注謂張子野陳令舉劉孝叔風定軒牕飛豹脚。雨餘欄
檻上蝸牛。舊游到處皆蒼蘚。同甲惟君尚黑頭。憶昔湖山共尋勝。相
逢杯酒兩忘憂。醉看梅雪清香過。夜棹風船駭汗流。百首共成山上
集。三人俱作月中游。海南未起垂天翼。淵底仍依徑寸麻。已許春風
歸過我。預憂詩筆老難酬。此生歲月行飄忽。晚節功名亦謬悠。犀首
正緣無事飲。馮驩應為有魚留。從今更踏青州麴。薄酒知君笑督郵。
林子中以詩寄文與可及余與可既沒追和其韻
斯人所甚厭。投弁每不受。欲其少須臾。奪去惟恐後。云誰尸此職。無

5 可至 金 不 考 畢 行 也 山 言 莊 視

乃亦假守賦。才有巨細無異斛。與斗胡不安其分。但聽物所誘。時來
各飛動。意合無妍醜。坐令雞栖車。長載朱伯厚。平生無一旅。既死吃
萬口自聞與。可胸臆生堆阜。懸知臨絕意。要我一執手。相望五百里。
安得自其牖。遺文付來招。後事待諸友。伶俜嵇紹孤。老病孟光偶。世
人賤目見。爭笑千金帚。君詩與楚詞。識者當有取。但知愛墨竹。此歎
吾已久。故人多厚祿。能復哀君否。不見林與蘇。饑寒自奔走。

與王郎昆仲及兒子邁遠城觀荷花登峴山亭晚入飛英寺分

韻得月明星稀四首

吳興統記峴山在州南五里本名顯山晉吳興太守段康於山上起顯亭後改曰峴山亭

昨夜雨鳴渠。曉來風襲月。蕭然欲秋意。谿水清可啜。環城三十里。處
處皆佳絕。蒲蓮浩如海。時見舟一葉。此間真避世。青筠低白髮。相逢
欲相問。已逐鷺鷥沒。
清風定何物。可愛不可名。所至如君子。草木有嘉聲。我行本無事。孤

四 到 作

寫之如夢
夜自明如
老淫也

舟任斜橫中流自偃何適與風相迎舉杯屬浩渺樂此兩無情歸來
兩谿間雲水夜自明
苔水如漢水鱗鱗鴨頭青吳興勝襄陽萬瓦浮青冥我非羊叔子愧
此峴山亭悲傷意則同歲月如流星從我兩王子高鴻插修翎湛輩
何足道當以德自銘
吏民憐我懶鬪訟日已稀能為無事飲可作不夜歸復尋飛英游盡
此一寸暉撞鐘履聲集顛倒雲山衣我來無時節杖屨自推扉莫作
使君看外似中已非

城南縣尉水亭得長字

兩尉鬱相望東西百步場揮旗蒲柳市伐鼓水雲鄉已作觀魚檻仍
開射鴨堂全家依畫舫極目亂紅粧激激波頭細疎疎雨脚長我來
閑濯足谿漲欲浮牀澤國山圍裏孤城水影傍欲知歸路處葦外記

風檣

與胡祠部游法華山

陂湖欲盡山為界始見寒泉落高派道人未放出泉山曲折虛堂瀉
清快使君年老尚兒戲綠棹紅船舞澎湃一笑翻杯水濺裙餘歡濯
足波生隘長松攬天龍起立蒼藤倒谷雲崩壞仰穿蒙密得清曠一
覽震澤吁可怪誰云四萬八千頃渺渺東盡日所曬歸塗千里盡風
荷清唱一聲聞露漣公目注是日樂工有作此聲者嗟予少小慕真隱白髮青衫天所械
忽逢佳士與名山何異枯楊便馬疥君猶鸞鶴偶飄墮六翮如雲豈
長鍛不將新句紀茲游恐負山中清淨債

又次前韻贈賈耘老

具區吞滅三州界浩浩湯湯納千派從來不著萬斛船一葦漁舟恣
奔快仙壇古洞不可到空聽餘瀾鳴湃湃今朝偶上法華嶺縱觀始

覺人寰隘。山頭臥碣，弔孤冢。下有至人，僵不壞。空餘白棘，網秋蟲。無復青蓮出幽怪。我來徙倚長松下，欲掘茯苓親洗曬。聞道山中富奇藥，往往靈芝雜菴蕪。詩人空腹待黃精，生事只看長柄杓。公自注：今年有，蟲食葉不甚為害。白花半落紫穠香。攘臂欲助磨鎌鋤，安得山泉變春酒，與子一洗尋常債。

趙閑道高齋冷齋夜話趙閑道休官歸老三衢作高齋居之與鍾山佛慧禪師為方外交

見公奔走謂公勞，聞公隱退云公高。公心底處有高下，夢幻去來隨所遭。不知高齋竟何義，此名之設緣吾曹。公年四十已得道，俗緣未盡餘伊輩。功名富貴俱逆旅，黃金知繫何人袍。超然已了一大事，挂冠而去真秋毫。坐看猿猴落置罔，兩手未肯置所操。乃知賢達與愚陋，豈直相去九牛毛。長松百尺不自覺，企而羨者蓬與蒿。我欲贏糧往問道，未應舉臂詞一作辭盧敖。

送俞節推

公自注：尚之子尚字退翁，按俞節推名溫，又湖州烏程人。又汝尚字退翁，第進十倉書，劍南西川判官。趙清獻公守蜀，入輒相對清談，竟暮王介甫當國，患一時故老不同，已或言退翁清望可寘之御史。即名諸京師，既知所以薦，用意力辭得免，還家苦貧，又從清獻於青州，遂以屯田郎中致仕。子由寄其詩首云：不作清時言事官，歸途逾年忽告其妻黃曰：人生七十者稀，吾與夫人皆以過之，可往矣。黃曰：我先去，退翁曰：善。後三日黃沐浴化去，退翁明日各諸子告曰：吾亦行矣。微隱凡而終，孫華老以為事類龐公，表其墓而奏，少階乃書之。

吳興有君子，淡如朱絲琴。一唱三太息，至今有遺音。嗟余與夫子，相避如辰參。公自注：退翁官於蜀，余在京師，余歸而退翁去，及余官於吳興，則退翁亡矣。猶喜見諸郎，窈然清且深。異時多良士，末路喪初心。我生不有命，其有枉尺尋。

次韻答孫侔

孫侔字少述，湖州人。十年身不到朝廷，欲伴騷人賦落英。但得低頭拜東野，不辭中路伺淵明。艤舟苔害人安在，卜築江淮計已成。千里論文一言足，與君蓋亦不須傾。

重寄

陸務觀云：孫少述一字正之，與荆公交最厚，故荆公別少述詩云：應須一曲干回首，西去論心有幾人。又云：子今去此未何時，後有不可誰與窺。規其相與如此，及荆公當國數年不復相聞。人謂二公之交遂睽，故公詩云：劉貢父亦有詩曰：不負興公遂初賦，更傳中散絕交書。

凜然高節照時人。不信微官解挽君。蔣濟謂能來阮籍。薛宣真欲吏朱雲。好詩衝口誰能擇。俗子疑人未遣聞。乞取千篇看俊逸。不將輕比鮑參軍。

次韻和劉貢父登黃樓見寄并寄子由二首

清派連淮上。黃樓冠海隅。一作隅此詩尤偉麗。夫子計魁梧。公自注劉為人短小世俗輕

瑚璉。巾箱襲武夫。坐令乘傳遽。奔走為儲須。邂逅我已失。登臨誰與

俱。貧貧倉氏粟。身聽治家撫。會合難前定。歸休試後圖。腴田未可覓

公自注本買田於泗上近已不遂矣窮鬼卻須呼。二水何年到。雙洪不受臚。至今清夜夢。飛轡

策天吳。公自注此詩寄劉

與子皆去國。十年天一弔。數竒逢惡歲。計拙集枯梧。好士餘劉表。窮

交憶灌夫。不矜持漢節。猶喜攬桓須。清句金絲合。高樓雪月俱。吟哦

出新意。指畫想前樞。公自注子由初赴南京送之出東門登城上覽山川之勝云此地可作樓觀於是始有改築之意自寫千言賦。新裁六

幅圖。公自注近以絹自寫子由黃樓賦為六幅圖甚妙傳看一坐聳。勸著尺書呼。莫使騷人怨。東游不到

吳。公自注此詩寄子由

陳州與文郎逸民飲別攜手河堤工作此詩

白酒無聲滑瀉油。醉行堤上散吾愁。春風料峭羊角轉。河水渺綿瓜

蔓流。君已思歸夢已峽。我能未到說黃州。此生聚散何窮已。未忍悲

歌學楚囚。

子由自南都來陳三日而別

夫子自逐客。尚能哀楚囚。奔馳二百里。徑來寬我憂。相逢知有得。道

眼清不流別。來未一年落盡驕。氣浮嗟我晚。聞道款啟如孫休。至言

難久服。放心不自收。悟彼知識妙。藥應所投。納之憂患場。磨以百

日愁。冥頑雖難化。鑄發亦已周。平時種種心。次第去莫留。但餘無所

還。永與夫子游。此別何足道。大江東西州。畏蛇不下榻。睡足吾無求。

近者著已注
子由自南都來陳三日而別
他人學子同也

便為齊安民。何必歸故邱。

正月十八日蔡州道上遇雪次子由韻二首

蘭菊有生意。微陽回寸根。方憂集暮雪。復喜迎朝暉。憶我故居。浮光動南軒。松竹半傾瀉。未數葵與萱。三徑瑤草合。一餅井花溫。至今行吟處。尚餘履鳥痕。一朝出從仕。永媿李仲元。晚歲益可羞。犯雪方南奔。山城買廢圃。手自披。長使齊安人。指說故侯園。

鉛膏染髭頰。旋露霜雪根。不如閉目坐。丹府夜自暝。誰知憂患中。方寸寓羲軒。大雪從壓屋。我非兒女萱。平生學踵息。坐覺兩鞵溫。下馬作雪詩。滿地鞭箠痕。佇立望原野。悲歌為黎元。道逢射獵子。遙指狐兔奔。蹤迹尚可原。窟穴何足掀。寄謝李丞相。吾將反邱園。

過新息畱示鄉人任師中

公自注任時知瀘州亦坐事對獄

昔年嘗羨任夫子。卜居新息臨淮水。恠君便爾忘故鄉。稻熟魚肥信

清美。竹陂鴈起天為黑。公自注小竹陂在縣北桐柏煙橫山半敝。公自注桐柏廟在縣南知君坐受

兒女因悔不先歸。弄清泚。塵埃我亦失收身。此行踴躍尤可鄙。寄食方將依白足。附書未免煩黃耳。往雖不及來。有年詔恩儻許歸田里。卻下關山入蔡州。為買烏犍三百尾。公自注黃州出水牛

過淮

朝離新息縣。初亂一水碧。暮宿淮南村。已渡千山赤。磨颺號古戍。霧雨暗破驛。回頭梁楚郊。永與中原隔。黃州在何許。想像雲夢澤。吾生如寄耳。初不擇所適。但有魚與稻。生理已自畢。獨喜小兒子。少小事安佚。相從艱難中。肝肺如鐵石。便應與晤語。何止寄衰疾。公自注時家在子由處獨兒子邁南來

黃州何處也
公自注
公自注

施註蘇詩卷之十八

詩五十三首

起元豐三年庚申以後在黃州作

書磨公詩後

并引也

磨音奴昆反香有太史令郭磨

過加祿鎮南二十五里大許店休馬於逆旅祁宗祥家見壁上幅紙題詩云滿院秋光濃欲滴老僧倚杖清松側只怪高聲問不磨頭余踏破蒼苔色其後題云滄水僧寶磨宗祥謂余此光黃間狂僧也年百三十死於熙寧十年既死人有見之者宗祥言其異事甚多作是詩以識之磨公本名清戒俗謂之戒和尚云

磨公昔未化來往淮山曲壽逾兩甲子氣壓諸尊宿但嗟濁惡世不受龍象蹴我來不及見悵望空遺躅霜顛隱白毫鏤骨埋青玉皆云似達磨隻履還西竺壁間餘清詩字勢頗拔俗為吟五字偈一洗凡眼肉

游淨居寺 并引

詩集列免漢

淨居寺在光山縣南四十里大蘇山之南小蘇山之北寺僧居仁
 為余言齊天保中僧惠思過此見父老問其姓曰蘇氏又得二山
 名乃歎曰吾師告我遇三師蘇則住遂留結菴而父老竟無有蓋
 山神也其後僧智顛見思於此山而得法焉則世所謂思大和尚
 智者大師是也唐神龍中道岸禪師始見寺於其地廣明庚子之
 亂寺廢於兵火至乾興中乃復而賜名曰梵天云
 十載游名山自製山中衣願言畢婚嫁攜手老翠微不悟俗緣在失
 身蹈危機刑名非夙學陷穽損積威遂恐生死隔永與雲山違今日
 復何日芒屨自輕飛稽首兩足尊舉頭雙涕揮靈山會未散八部猶
 光輝願從二聖往一洗千劫非衰回竹溪月空翠搖煙霏鐘聲自送
 客出谷猶依依回首吾家山歲晚將焉歸

梅花二首

春來幽谷水潺潺的皜梅花草棘間一夜東風吹石裂半隨飛雪渡
 關山

何人把酒慰深幽開自無聊落更愁幸有清谿三百曲不辭相送到
 黃州

戲作種松

我昔少年日種松滿東岡初移一寸根瑣細如插秧二年黃茅下一
 一攢麥芒三年出蓬艾滿山散牛羊不見十餘年想作龍蛇長夜風
 波浪碎朝露珠璣香我欲食其膏已伐百本桑公自注煮松脂法用桑柴灰水人事多乖

連神藥竟渺茫竭來齊安野夾路須髯蒼會開龜蛇窟不惜斤斧瘡
 縱未得伏苓且當拾流肪奎盜百出入皎然散飛霜槁死三彭仇澡
 換五穀腸青骨凝綠髓丹田發幽光白髮何足道要使雙瞳方卻後

發言

行相期之遠也
以不待公矣

五百年騎鶴還故鄉

萬松亭并引

麻城縣令張毅植萬松於道周以訖行者且以名其亭去未十年而松之存者十不及三四傷來者之不嗣其意也故作是詩

十年栽種百年規好德無人助我儀

公自注古語云一年之計樹之以穀十年之計樹之以木百年之計樹之以德

縣令

若同倉庾氏亭松應長子孫棧天公不救斧斤厄野火解憐冰雪姿為問幾株能合抱殷勤記取角弓詩

張先生并序

先生不知其名黃州故縣人本姓盧為張氏所養陽狂垢污寒暑不能侵常獨行市中夜或不知其所止往來者欲見之多不能致余試使人召之欣然而來既至立而不言與之言不應使之坐不可但俯仰熟視傳舍堂中久之而去夫孰非傳舍者是中意竟何

有乎然余以有思惟心追躡其意蓋未得也

熟視空堂竟不言故應知我未天全
有來傳舍人皆悅能致先生子亦賢脫屣不妨眠
糞屋流漸爭看浴冰川士廉豈識桃
稚妙妄意稱量未必然

陳季常所蓄朱陳村嫁娶圖

朱陳村在徐州豐縣白樂天詩徐州古豐縣有村曰朱陳去縣百餘里桑麻青氣氳機梭聲軋軋牛鱸走

紛紛女汲澗水男採山上薪縣遠官事少山深人俗淳有財不行商有丁不入軍家家守村業白頭不出門田中老與幼相見何欣欣一村惟兩姓世世為婚姻親疎居有族少長游有羣黃雞無白頭歡會不隔旬生者不遠別嫁娶先近隣死者不遠葬墳墓多遠村既安生与死不苦形与神所以多壽考往往見元孫

何年顧陸丹青手畫作朱陳嫁娶圖
聞道一村惟兩姓不將門戶買

崔盧

我是朱陳舊使君勸耕曾入杏花村
而今風物那堪畫縣吏催錢夜打門

少年時嘗過一村院見壁上有詩云
夜涼疑有雨院靜似無僧

不知何人詩也宿黃州禪智寺僧皆不在夜半雨作偶記此詩故作一絕

佛燈漸暗饑鼠出山雨忽來修竹鳴知是何人舊詩句已應知我此時情

初到黃州

自笑平生為口忙老來事業轉荒唐長江遠郭知魚美好竹連山覺
筍香逐客不妨買外置詩人例作水曹郎只慚無補絲毫事尚費官
家壓酒囊公自注檢校官例折支多得退酒袋

定惠院寓居月夜偶出

幽人無事不出門偶逐東風轉良夜參差玉宇飛木末繚繞香煙未
月下江雲有態清自媚竹露無聲浩而如瀉已驚弱柳萬絲垂尚有
殘梅一枝亞清詩獨吟還自和白酒已盡誰能借不辭青春忽忽過

起任出逸玉宇
蓋指寺林為玉

但恐懽意年年謝自知醉耳愛松風會棟霜林結茅舍浮浮大甑長
炊玉瀟瀟小槽如壓蔗真味老更濃醉裏狂言醒可怕閉門一作但當
謝客對妻子倒冠落佩從嘲罵

次韻前篇

去年花落存徐州對月酣歌美清夜公自注去年花下對月與張君厚
王子中兄弟飲酒作韻字韻詩今年黃州
見花發小院閉門風露下萬事如花不可期餘年似酒那禁瀉憶昔
扁舟沂巴峽落帆樊口高桅亞長江衮衮空自流白髮紛紛寧少借
竟無五畝繼沮溺空有千篇凌鮑謝至今歸計負雲山未免孤衾眠
客舍少年辛苦真食蓼老境安閑一作清閑如咬蔗饑寒未至且安居憂患
已空猶夢怕穿花踏月飲村酒免使醉歸官長罵

安國寺浴

老來百事懶身垢猶念浴衰髮不到耳尚煩月一沐山城足薪炭煙

霧蒙湯谷塵垢能幾何。脩然脫羈櫓。披衣坐小閣。鬢髮臨修竹。心困
萬緣空。身安一牀足。豈惟忘淨穢。兼以洗榮辱。默歸母多談。此理觀
要熟。

安國寺尋春

臥聞百舌呼春風。起尋花柳村村。同城南古寺。修竹合小房。曲檻歌
深紅。看花歎老憶年少。對酒思家愁老翁。病眼不羞雲母亂。鬢絲強
理茶煙中。遙知二月玉城外。玉仙洪福花如海。薄羅勻霧蓋。新粧快
馬爭風鳴。雜珮玉川先生真可憐。一生耽酒終無錢。病過春風九十
日。獨抱添丁看花發。

寓居定惠院之東雜花滿山有海棠一株土人不知貴也

江城地瘴蕃草木。只有名花苦幽獨。嫣然一笑竹籬間。桃李漫山總
麤俗。也知造物有深意。故遣佳人在空谷。自然富貴出天姿。不待金

波瀾外逸

盤薦華屋朱唇得酒暈。生臉翠袖卷紗紅。映肉林深霧暗曉。光遲日
暖風輕。春睡足。雨中有淚亦愴悽。愴月下無人更清淑。先生食飽無
一事。散步逍遙自捫腹。不問人家與僧舍。拄杖敲門看修竹。忽逢絕
艷照衰朽。歎息無言指病目。陋那何處得此花。無乃好事移西蜀。寸
根千里不易到。御子飛來定鴻鵠。天涯流落俱可念。為飲一樽歌此
曲。明朝酒醒還獨來。雪落紛紛那忍觸。

次韻樂著作野步

老來幾不辨西東。秋後霜林且強紅。眼暈見花真是病。耳虛聞蟻定
非聰。酒醒不覺春彊半。睡起常驚日過中。植杖偶逢為黍客。披衣閑
詠舞雩風。仰看落葉收松粉。俯見新芽摘杞叢。楚雨還昏雲夢澤。吳
潮不到武昌宮。公自注黃州對岸武昌縣有孫權故宮廢興古郡詩無數。寂寞閑廳易粗通。解
組歸來成二老。風流他日與君同。

二月二十六日雨中熟睡至晚強起出門還作此詩意思殊昏
昏也

卯酒困三杯。午餐便一肉。雨聲來不斷。睡味清且熟。昏昏覺還臥。展
轉無由足。彊起出門行。孤夢猶可續。泥深竹雞語。村暗鳩婦哭。明朝
看此詩。睡語應難讀。

雨晴後步至四望亭下魚池上遂自乾明寺前東岡上歸二首
雨過浮萍合。蛙聲滿四隣。海棠真一夢。梅子欲嘗新。拄杖閑挑菜。鞦
韆不見人。殷勤木芍藥。獨自殿餘春。

高亭廢已久。下有種魚塘。暮色千山入。春風百草香。市橋人寂寂。古
寺竹蒼蒼。鸛鶴來何處。號鳴滿夕陽。

雨中看牡丹三首

霧雨不成點。映空疑有無。時於花上見。的皪走明珠。秀色洗紅粉。暗

香生雪膚。黃昏更蕭瑟。頭重欲相扶。

明日雨當止。晨光在松枝。清寒入花骨。蕭蕭初自持。午景發濃艷。一
笑當及時。依然暮還斂。亦自惜幽姿。

幽姿不可惜。後日東風起。酒醒何所見。金粉抱青子。千花與百草。共
盡無妍鄙。未忍汗泥沙。牛酥煎落蘂。

次韻樂著作送酒

少年多病怯杯觴。老去方知此味長。萬斛羈愁都似雪。一壺春酒若
為湯。

次韻樂著作天慶觀醮

濁世紛紛有下臨。夢尋飛步五雲深。無因上到通明殿。只許微聞玉
佩音。

王齊萬秀才寓居武昌縣劉郎洲正與伍洲相對伍子胥奔吳

所從渡江也

君家稻田冠西蜀。擣玉揚珠三萬斛。塞江流枿起書樓。碧瓦朱欄照山谷。傾家取樂不論命。散盡黃金如轉燭。惟餘舊書一百車。方舟載入荆江曲。江上青山亦何有。伍洲遙望劉郎藪。明朝寒食當過君。請殺耕牛壓私酒。與君飲酒細論文。酒酣訪古江之濱。仲謀公瑾不須弔。一酹波神英烈君。

公自注杭州伍子胥廟封英烈王

杜沂游武昌以酴醾花菩薩泉見餉二首

酴醾不爭春。寂寞開最晚。青蛟走玉骨。羽蓋蒙珠幘。不粧艷已絕。無風香自遠。淒涼吳宮闕。紅粉埋故苑。至今微月夜。笙簫未翠巘。餘妍入此花。千載尚清婉。怪君呼不歸。定為花所挽。昨宵雷雨惡。花盡君應返。

君言西山頂。自古流白泉。上為千牛乳。下有萬石鉛。不媿惠山味。但

無陸子賢。願君揚其名。庶託文字傳。寒泉比吉土。清濁在其源。不食我心慚。於泉非所患。嗟我本何有。虛名空自纏。不見子柳子。餘愚汗谿山。

陳季常自岐亭見訪郡中及舊州諸豪爭欲邀致之戲作陳孟

公詩一首

孟公好飲寧論斗。醉後闔門防客走。不妨閑過左阿君。百謫終為賢太守。老居閭里自浮沈。笑問伯松何苦心。忽然載酒從陋巷。為愛楊雄作酒箴。長安富兒求一過。千金壽君君笑唾。汝家安得客孟公。從來只識陳驚坐。

游武昌寒谿西山寺

連山蟠武昌。翠木蔚樊口。我來已百日。欲濟空搔首。坐看鷗鳥沒。夢逐麇麇走。今朝橫江來。一葦寄衰朽。高設反巨浪。飛屨輕重阜。去人

美入吳楚如陶
都生經

曾幾何絕壁寒谿吼風泉兩部樂松竹三益友徐行欣有得芝朮在
蓬莠西上九曲亭泉山皆培塿卻看江北路雲水渺何有離離見吳
宮莽莽真楚數空傳孫郎石無復陶公柳爾來風流人惟有漫浪與
買田吾已決乳水况宜酒所須修竹林深處安井臼相將踏勝絕更
裏三日糗

武昌銅劍歌并引

供奉官鄭文嘗官於武昌江岸裂出古銅劍文得之以遺余冶鑄
精巧非鍛冶所成者

雨餘江清風卷沙雷公躡雲捕黃虵虵行空中如枉矢電光煜煜燒
虵尾或投以塊鏗有聲雷飛上天虵入水水上青山如削鐵神物欲
出山自裂細看兩脅生碧花猶是西江老蛟血蘇子得之何所為
蒞彈鋏詠新詩君不見凌烟功臣長九尺腰間玉具高挂頭

定惠院顯師為余竹下開嘯軒

嘯鳩催天明喧喧相詆譙暗蛩泣夜永唧唧自相弔飲風蟬至潔長
吟不改調食土蚓無腸亦自終夕叫鳶貪聲最鄙鵲喜意可料皆緣
不平鳴慟哭等嘻笑阮生已麤率孫子亦未妙道人開此軒清坐默
自照衝風振河海不能號無竅累盡吾何言風來休自嘯

石芝并引

元豐三年五月十一日癸酉夜夢游何人家開堂西門有小園古
井井上皆蒼石石上生紫藤如龍虵枝葉如赤箭主人言此石芝
也余率爾折食一枝眾皆驚笑其味如雞蘇而甘明日作此詩

空空明月清且新幽人睡息來初勻了然非夢亦非覺有人夜呼祁
孔賓披衣相從到何許朱欄碧井開瓊戶忽驚石上堆龍虵玉芝紫
筍生無數鏘然敲折青珊瑚味如蜜藕和雞蘇主人相顧一撫掌滿

堂坐客皆盧胡亦知洞府嘲輕脫終勝藉康羨王烈神山一合五百年風吹石髓堅如鐵

今年正月十四日與子由別於陳州五月子由復至齊安以詩迎之

夜雨何時結蕭瑟
澤南州睽離動作三年計牽挽當為十日留早晚青山映黃髮相看萬事一時休

遷居臨臯亭

我生天地間一蟻寄大磨區區欲右行不抹風輪左雖云走仁義未免違一作遲寒餓劍米有危炊鉞擅無穩坐豈無佳木山水借眼風雨過歸田不待老勇決凡幾個幸茲廢棄餘疲馬解鞍馱全家占江驛絕境天為破饑貧相乘除未見可弔賀澹然無憂樂苦語不成些蘇下切

曉至巴口迎子由

去年御史府舉動觸四壁幽幽百尺井仰天無一席隔牆聞歌呼自恨計之失留詩不忍寫苦淚漬紙筆餘生復何幸樂事有今日江流鏡面淨煙雨輕幕幕孤舟如鳧鷖點破千頃碧聞君在磁湖欲見隔咫尺朝來好風色旗尾西北擲行當中流見笑眼清光溢此邦疑可老修竹帶泉石欲買柯氏林茲謀待君必

與子由同游寒谿西山

散人出入無町畦朝游湖北暮淮西高安酒官雖未上兩脚垂欲穿塵泥與君聚散若雲雨共惜此日相提攜千搖萬元到樊口一箭放灑先鳧鷖層層草木暗西嶺瀏瀏霜雪鳴寒谿空山古寺亦何有歸路萬頃青玻璃我今漂泊等鴻鴈江南江北無常栖幅巾不擬過城市欲踏徑路開新谿公自注路有直入寒谿不過武昌者卻憂別後不忍到見子行迹空餘

治他可喜

題是後考好

悽○吾○儕○流○落○豈○天○意○自○坐○迂○濶○非○人○擠○行○逢○山○水○輒○羞○歎○此○去○未○免○
勤○鹽○齏○何○當○一○遇○李○八○百○公自注李八百在筠州相○哀○白○髮○分○刀○圭○

次韻答子由

平○生○弱○羽○寄○衝○風○此○去○歸○飛○識○所○從○好○語○似○珠○穿○一○一○妄○心○如○膜○退○
重○重○山○僧○有○味○寧○知○子○瀧○使○吏○無○言○只○笑○儂○尚○有○讀○書○清○淨○業○和○容○
春○睡○敵○千○鍾○

和何長官六言

作○邑○君○真○伯○厚○去○官○我○豈○曼○容○一○廛○願○託○仁○政○六○字○難○賡○變○風○

五○噫○已○出○東○洛○三○復○願○比○南○容○學○道○未○逢○潘○盎○公自注南海謂狂為盎潘近世得道者也草○書○猶○

似○楊○風○

石○渠○何○須○反○顧○水○驛○幸○相○足○容○長○江○大○欲○見○庇○探○支○入○月○涼○風○
清○風○初○號○地○籟○明○月○自○寫○天○容○貧○家○何○以○娛○客○但○知○抹○月○披○風○

青○山○自○是○絕○色○無○人○誰○與○為○容○說○向○市○朝○公○子○何○殊○馬○耳○東○風○

觀張師正所蓄辰砂

將○軍○結○髮○戰○蠻○溪○篋○有○殊○珍○勝○象○犀○漫○說○玉○牀○收○一作箭鏃何○曾○金○鼎○

識○刀○圭○近○聞○猛○士○收○丹○穴○欲○助○君○王○鑄○裏○蹠○多○少○空○巖○人○不○見○自○隨○

初○日○吐○虹○蜺○

五禽言 并引

梅○聖○俞○嘗○作○四○禽○言○余○謫○黃○州○寓○居○定○惠○院○遠○舍○皆○茂○林○修○竹○荒○
池○蒲○葦○春○夏○之○交○鳴○百○族○土○人○多○以○其○聲○之○似○者○名○之○遂○用○聖○俞○
體○作○五○禽○言○

按梅聖俞詩集四禽言則竹雞婆餅焦提胡蘆杜鵑也一日泥滑滑苦竹岡雨蕭蕭馬上郎馬嘯凌競雨又急此鳥為君應斷腸二日邊餅焦兒不食爾父向何之爾母山頭化為石山頭化石可奈何遂作微禽嘯不息三曰提胡蘆沽美酒風為賓樹為友山花撩亂目前開勸爾今朝千萬壽四曰不如歸去春山雲暮萬木兮參天蜀天兮何處人言有翼可歸飛安用悲嘯向高樹

使○君○向○蘄○州○更○唱○蘄○州○鬼○我○不○識○使○君○寧○知○使○君○死○人○生○作○鬼○會○不○

見非隨手可得
六百字句化

免使君已老知何晚公自注王元之自黃移新州聞曉鳥問其名或對曰此名新州鬼元之惡之果卒於新

南山昨夜雨西谿不可渡谿邊布穀兒勸我脫破袴不辭脫袴谿水寒水中照見催租瘢公自注土人謂布穀為脫卻破袴

去年麥不熟扶彈規我肉今年麥上場處處有殘粟豐年無象何處尋聽取林間快活吟公自注此鳥名云麥飯熟即快活

力作力作蠶絲一百箔壠上麥頭昂林間桑子落願儂一箔千兩絲縑絲得蛹飼爾雛公自注此鳥聲云蠶絲一百箔

姑惡姑惡姑不惡妾命薄君不見東海孝婦死作三年乾不如廣漢龐姑去卻還公自注姑惡水鳥也俗云婦以姑虐死故其声云

次韻子由病酒肺疾發

憶子少年時肺病疲坐臥喊呀或終日勢若風雨過虛陽作浮漲客冷仍下墮妻孥恐悵望膾炙不登坐終年禁晚食半夜發清餓胃強

鬲苦滿肺斂腹輒破三彭恣啖嚙二豎官逋播寸田可治生誰勸耕

黃稌公自注新法方田謂黃稌為上腴探懷得真藥不待君臣佐初如雪花積漸作櫻桃大

隔牆聞三嘯隱隱如轉磨自茲失故疾陽唱陰軌和神仙多歷試中

路或坎坷平生不盡器痛飲知無奈舊人眼看盡老伴餘幾個殘年

一斗粟待子同春簸云何不自珍醉病又一挫真源結梨棗世味等

糠莖耕耨當待穫願子勤自課相將賦遠遊仙語不用些

正月廿日往歧亭郡人潘古郭三人送余於女玉城東禪莊院志林黃州東十五里有永安城俗謂之女玉城

十日春寒不出門不知江柳已搖村稍聞泱泱流冰谷盡放青青沒

燒痕數畝荒園畱我住半瓶濁酒待君溫去年今日關山路細雨梅

花正斷魂

鐵拄杖并引

柳真齡字安期閩人也家寶一鐵拄杖如柳栗木牙節宛轉天成中空有簧行輒微響柳

押韻何活

在公若漁志
筆

云得之浙中相傳王審知以遺錢鏐以賜一僧柳偶得之以遺余作此詩謝之
柳公手中黑蛇滑千年老根生乳節忽聞鏗然爪甲聲四坐驚顧知
是鐵含簧腹中細泉語迸火石工飛星裂公言此物老有神自昔閩
王餉吳越不知流落幾人手坐看變滅如春雪忽然贈我意安在兩
脚未許甘衰歇便尋轍迹訪崆峒徑渡洞庭探禹穴披榛覓藥採芝
菌刺虎鋸蛟獨蛇蝎會教化作兩錢錐歸來見公未華髮問我鐵君
無恙否取出摩挲向公說

與潘三失解後飲酒

千金弊帚人誰買半額蛾眉世所妍顧我自為都眊眊憐君欲鬪小
婢娟青雲豈易量他日黃菊猶應似去年醉裏未知誰得喪滿江風
月不論錢

施註蘇詩卷之十八終

施註蘇詩卷之十九

詩七十三首時在黃州作

東坡八首

并引按東坡在黃岡山下州治東百餘步先生僂耳手澤云杞人馬正卿作太學生清
若氣節學耆者既不喜博士亦忌之余少時偶至其齋中書杜子美秋雨歎壁上初無
意也而正卿即日辭歸不復出至今白
首窮餓守節如故詩中馬生即其人也

余至黃州二年日以困匱故人馬正卿哀予乏食為於郡中請故
營地數十畝使得躬耕其中地既久荒為茨棘瓦礫之場而歲又
大旱墾闢之勞筋力殆盡釋耒而歎乃作是詩自愍其勤庶幾來
歲之入以忘其勞焉

廢壘無人顧顏垣滿蓬蒿誰能捐筋力歲晚不償勞獨有孤旅人天
窮無所逃端來拾瓦礫歲旱土不膏崎嶇草棘中欲刮一寸毛喟然
釋耒嘆我廩何時高
荒田雖浪莽高庠各有適下隲種秔稌東原蒔棗栗江南有蜀士桑

佳
題
為
詩
自

果已許乞好竹不難栽但恐鞭橫逸仍須卜佳處規以安我室家童
燒枯草走報暗井出一飽未敢期瓢飲已可必

自昔有微泉來從遠嶺背穿城過聚落流惡壯蓬艾去為柯氏陂十
畝魚蝦會歲旱泉亦竭枯萍粘破塊昨夜南山雲雨到一犁外注然
尋故瀆知我理荒蒼泥芥有宿根一寸嗟獨在雪茅何時動春鳩行

可膾公自注蜀人貴為芥
芽膾雜鳩肉為之

種稻清明前樂事我能數毛空暗春澤鉞水聞好語公自注蜀人以細雨為雨毛
稻初生時農夫相語鉞出矣

分秧及初夏漸喜風葉舉月明看露上一一珠垂縷秋來霜穗重顛

倒相撐挂但聞畦隴閒蚱蜢如風雨公自注蜀中稻熟時蚱蜢羣
飛田間如小蝗狀而不害稻新春便入甑玉

粒照筐筥我久食官倉紅腐等泥土行當知此味口腹吾已許

良農惜地加幸此十年荒桑柘未及成一麥庶可望投種未逾月覆

塊已蒼蒼農父告我言勿使苗葉昌君欲富餅餌要須縱牛羊再拜

農家圖並所
不到

謝苦言得飽不敢忘

種棗期可剝種松期可斲事在十年外吾計亦已懸十年何足道千

載如風電舊聞李衡奴此策疑可學我有同舍郎官居在瀟岳公自注李
公擇也

遺我三寸甘照坐光卓犖百栽儻可致當及春冰渥想見竹籬間青

黃垂屋角

潘子久不調沽酒江南村郭生本將種賣藥西市垣古生亦好事恐

是押牙孫家有十畝竹無時容叩門我窮交舊絕三子獨見存從我

於東坡勞餉同一餐可憐杜拾遺事與朱阮論吾師卜子夏四海皆

弟昆潘名大臨字郊老滎陽人郭生名
遺汾陽人古生名耕道新平人

馬生本窮士從我二十年日夜望我貴求分買山錢我今反累生借

耕輟茲田刮毛龜背上何時得成羶可憐馬生痴至今夸我賢眾笑

終不悔施一當獲千

題織錦圖上回文三首

春晚落花餘碧草。夜涼低月半枯桐。人隨遠鴈邊城暮。雨暎疎簾繡閣空。

紅手素絲千字錦。故人新曲九回腸。風吹絮雪愁縈骨。淚灑縑書恨見郎。

羞看一首回文錦。錦字似文君。別恨深頭白。自吟悲賦客。斷腸愁是斷絃琴。

姪安節遠來夜坐三首

南來不覺歲崢嶸。坐撥寒灰聽雨聲。遮眼文書元不讀。伴人燈火亦多情。嗟予潦倒無歸日。今汝嗟跼已半生。免使韓公悲世事。白頭還對短燈檠。心衰面改瘦崢嶸。相見惟應識舊聲。永夜思家在何處。殘年知汝遠。

此詩與序家已二套話了

何若次新

來情畏人默。坐成癡鈍。問舊驚呼半死生。夢斷酒醒山雨絕。笑看饑鼠上燈檠。落第汝為中酒味。吟詩我作忍饑聲。便思絕粒真無策。苦說歸田似不情。腰下牛閑方解佩。洲中奴長足為生。大弦一弛何緣鼓。已覺翻飜不受檠。

冬至日贈安節

我生幾冬至。少小如昨日。當時事父兄。上壽拜脫膝。十年閱凋謝。白髮催衰疾。瞻前惟兄三。顧後子由一。近者隔濤江。遠者天一壁。今朝復何幸。見此萬里姪。憶汝總角時。啼笑為梨栗。今來能慷慨。志氣堅鐵石。諸孫行復爾。世事何時畢。詩成卻超然。老淚不成滴。

岐亭道上見梅花戲贈季常

蕙死蘭枯菊亦摧。返魂香入嶺頭梅。數枝殘綠風吹盡。一點芳心雀

啾開野店初嘗竹葉酒。江雲欲落豆稽灰。行當更向釵頭見。病起烏雲正作堆。

樂全先生生日以鐵拄杖為壽二首

先生真是地行仙。住世因循五百年。每向銅人話疇昔。故教鐵杖鬪清堅。入懷冰雪生秋思。倚壁蛟龍護晝眠。遙想人天會。方丈眾中驚倒野狐禪。

二年相伴影隨身。踏遍江湖草木春。槌石舊痕猶作眼。閉門高節欲生鱗。畏塗自衛真無敵。捷徑爭先卻累人。遠寄知公不嫌重。筆端猶自斡千鈞。

杭州故人信至齊安

昨夜風月清。夢到西湖上。朝來聞好語。扣戶得吳餉。輕圓白曬荔。脆醃紅螺醬。更將西安茶。勸我洗江瘴。故人情義重。說我必西向。一年

夕人足何

兩僕夫千里問無恙。相期結書社。

公自注故人相約釀錢顧僕夫一歲再至黃

未怕供詩帳。

公自注僕頃以詩得罪有司移

杭取境內所留詩杭州供數百首謂之詩帳

還將夢魂去。一夜到江漲。

公自注江漲杭州橋名

送牛尾狸與徐使君

公自注時大雪中

風卷飛花自入帷。一樽遙想破愁眉。泥深厭聽雞頭鶻。公自注蜀人謂泥滑滑為雞頭鶻酒淺欣嘗牛尾狸。通印子魚猶帶骨。披綿黃雀漫多脂。殷勤送去煩纖手。為我磨刀削玉肌。

四時詞

春雲陰陰雪欲落。東風和冷驚簾幙。漸看遠水綠生漪。未放小桃紅入萼。佳人瘦盡雪膚肌。眉斂春愁知為誰。深院無人剪刀響。應將白紵作春衣。

垂柳陰陰日初永。蔗漿酪粉金盤冷。簾額低垂紫燕忙。蜜脾已滿黃蜂靜。高樓睡起翠眉嚬。枕破斜紅未肯勻。玉腕半揎雲碧袖。樓前知

有斷腸人。

新愁舊恨眉生綠。粉汗餘香在。新竹象牀素手熨寒衣。爍爍風燈動。華屋夜香燒罷掩重局。香霧空濛月滿庭。抱琴轉軸無人見。門外空聞裂帛聲。

霜葉蕭蕭鳴屋角。黃昏淡一作薄。夜風搖動鎮帷屏。酒醒夢回聞雪落。起來呵手畫雙雅。醉臉輕勻襯眼霞。真態生香誰畫得。玉奴纖手嗅梅花。

太守徐君猷通守孟亨之皆不飲酒以詩戲之

徐君猷名大受東海人孟亨之名震東平人舉進士

東坡未黃州二君為守伴厚禮之無遷謫意君猷秀惠到屋杯觴流行多為賦詞滿去而祖坡有祭文挽詞意甚悽惻亨之寓毗陵坡自黃過常有同游僧舍詩載二十三卷

孟嘉嗜酒相温笑。徐邈狂言孟德疑。公獨未知其趣爾。臣今時復一中之。風流自有高人識。通介寧隨薄俗移。二子有靈應撫掌。吾孫還有獨醒時。

詩格甚別

雪後到乾明寺遂宿

門外山光馬亦驚。堦前屐齒我先行。風花誤入長春苑。雲月長臨不夜城。未許牛羊傷至潔。且看鴉鵲弄新晴。更須攜被留僧榻。待聽摧簷瀉竹聲。

伯父送先人下第歸蜀詩云人稀野店休安枕。路入靈關穩跨

驢。安節將去為誦此句因以為韻作小詩十四首送之

索漠齊安郡。從來著放臣。如何風雪裏。更送獨歸人。瘦骨寒將斷。衰髯摘更稀。未甘為死別。猶恐得生歸。日上氣曠江。雪晴光眩野。記取到家時。鋤耰吾正把。月明穿破裘。霜氣澀孤劍。歸來閉戶坐。默數來時店。諸兄無可寄。一語會須酬。晚歲俱黃髮。相看萬事休。故人如念我。為說瘦癯癯。尚有身為患。已無心可安。

德字好

吾兄喜酒人。今汝亦能飲。一杯歸誦此。萬事即鄴枕。
東阡在何許。寒食江頭路。哀哉魏城君。宿草荒新墓。
臨分亦泣然。不為窮途泣。東阡時一到。莫遣牛羊入。
我夢隨汝去。東阡松柏青。卻入西州門。永愧北山靈。
乞播何足羨。負米可忘艱。莫為無車馬。含羞入劍關。
我坐名過實。謹詳自招損。汝幸無人知。莫厭家山穩。
竹筍與練帶。隨時畢婚嫁。無事苦相思。征鞍還一跨。
萬里卻來日。一菴仍獨居。應笑謀生拙。團團如磨驢。

次韻和王鞏六首

君設陽朔山。不作一錢直。巖藏兩頭虺。瘴落千仞翼。
訝雲舜陟。暫來已可畏。覽鏡憂面黑。況子三年囚。苦霧變飲食。
吉人終不死。仰荷天地德。我來黃岡下。歌枕江流碧。
江南武昌山。向我如

志以單不討逸
詩也

以下四言不

咫尺春蔬黃土軟。凍筍蒼崖圻。此行我累君。乃反得安宅。遙知丹穴
近。為斲句漏石。他年分刀圭。名字掛仙籍。公自注鞏許
惠桂州丹砂
少年帶刀劍。但識從軍樂。老大服犁鋤。解佩付鎔鑠。雖無獻捷功。會
賜力田爵。敲冰春搗紙。刈葦秋織箔。林斬冬炭竹。塢收夏籜四時
俯有取。一飽天所酌。君生統綺間。欲學非其脚。左右玉纖纖。束薪誰
為縛。勿令聞此語。翠黛頰將惡。笑我一間茅。婦姑紛六鑿。
欲結千年實。先摧二月花。故教窮到骨。要使壽無涯。久已逃天網。何
須服日華。賓州在何處。為子上栖霞。
鄰里有異趣。何妨傾蓋新。殊方君莫厭。數面自成親。默坐無餘事。回
光照此身。他年赤墀下。玉立看垂紳。
平生我亦輕餘子。晚歲人誰念此翁。巧語屢曾遭意。汝庾詞聊復託。
芎藭子還可責。同元亮。妻卻羞賢勝。敬通若問我。貧天所賦。不因遷

謫始囊空

君家玉臂貫銅青。下客何時見目成。勤把鉛黃記宮樣。莫教絃管作
蠻聲。熏衣漸歎衙香少。擁髻遙憐夜語清。記取北歸攜過我。南江風
浪雪山傾。公自注君自南江赴任不一過我

記夢回文二首 并引

十二月二十五日大雪始晴。夢人以雪水烹小團茶。使美人歌以
飲。余夢中為作回文詩。覺而記其一句云：亂點餘花唾碧衫。意用
飛燕故事也。乃續之為二絕句云：

醜顏玉盃捧纖纖。亂點餘花唾碧衫。歌咽水雲凝靜院。夢驚松雪落
空巖。
空花落盡酒傾缸。日上山融雪漲江。紅焙淺甌新火活。龍團小碾鬪
晴牕。

三朶花 并引

房州通判許安世以書遺余言：吾州有異人，常戴三朶花，莫知其
姓名。郡人因以三朶花名之。能作詩，皆神仙意，又能自寫真人有
得之者，許欲以一本見惠，乃為作此詩。

學道無成鬢已華。不勞千劫漫烝砂。歸來且看一宿覺。未暇遠尋三
朶花。兩手欲遮瓶裏雀。四條深怕井中蛇。畫圖要識先生面。試問房
陵好事家。

次韻陳四雪中賞梅 陳四即季常

臘酒詩催熟。寒梅雪鬪新。杜陵休歎老。韋曲已先春。獨秀驚凡目。遺
英臥逸民。高歌對三白。遲暮慰安仁。

正月二十日與潘郭二生出郊尋春。忽記去年是日同至女王
城作詩乃和前韻。

東風未肯入東門。走馬還尋去歲村。人似秋鴻未有信。事如春夢了無痕。江城白酒三杯釀。野老蒼顏一笑溫。已約年年為此會。故人不用賦招魂。

是日偶至野人汪氏之居。有神降於其室。自稱天人李全字德通。善篆字。用筆奇妙。而字不可識。云天篆也。與余言有所會者。復作一篇。仍用前韻。

酒渴思茶漫扣門。那知竹裏是仙村。已聞龜策通神語。更看龍蛇落筆痕。色瘁形枯應笑屈。道存目擊豈非溫。歸來獨掃空齋臥。猶恐微言入夢魂。

浚井

古井沒荒萊。不食誰為側。餅罌下兩綆。蛙蚓飛百尺。腥風被泥滓。空響聞點滴。上除青青芹。下洗鑿鑿石。露濡愧童僕。杯酒暖寒栗。白水

漸泓滯。青天落寒碧。云何失舊穢。底處來新潔。井在有無中。無來亦無失。

紅梅三首

怕愁貪睡獨開遲。自恐冰容不入時。故作小紅桃杏色。尚餘孤瘦雪霜姿。寒心未肯隨春態。酒暈無端上玉肌。詩老不知梅格在。更看綠葉與青枝。

公自注石曼卿紅梅詩云認桃無綠葉辨香有青枝

雪裏開花卻是遲。何如獨占上春遲。時也知造物含深意。故與施朱發妙姿。細雨裛殘千顆淚。輕寒瘦損一分肌。不應便雜天桃杏。數一作點微酸已著枝。

幽人自恨探春遲。不見檀心未吐時。丹鼎奪胎那是寶。公自注朱砂紅銀謂之不奪胎色玉人頰頰更多姿。抱叢暗藥初含子。落穠盞穠香已透肌。乞與徐熙新畫樣。竹間璀璨出斜枝。

和子由寄題孔平仲草菴

逢人欲覓安心法。到處先為問道菴。盧子不須從若士。蓋公當自過曹參。羨君美玉經三火。笑我枯桑困八蠶。猶喜大江同一味。故應千里共清甘。

二蟲

君不見水馬兒。步步逆流水。大江東流日千里。此蟲趑趑長在此。君不見鷄盪堆。決起隨衝風。隨風一去宿何許。逆風還落蓬蒿中。二蟲愚知俱莫測。江邊一笑無人識。

陳季常見過三首

陳季常名慥。父希亮。字公弼。其先自京兆遷於眉。公弼知鳳翔。公始筮仕。為簽書判官。相從二年。公至黃。季常數從之游。既為公弼作傳。又為季常作方子傳。

仕宦常畏人。退居還喜客。君來輒館我。未覺雞黍窄。東坡有奇事。已種十畝麥。但得君眼青。不辭奴飯白。送君四十里。只使一帆風。江邊千樹柳。落我酒杯中。此行非遠別。此

真奇事

樂固無窮。但願長如此。來往一生同。

聞君開龜軒。東櫪俯喬木。人言君畏事。欲作龜頭縮。我知君不然。朝飯仰賜谷。餘光幸分我。不死安可獨。

寒食雨二首

自我來黃州。已過三寒食。年年欲惜春。春去不容惜。今年又苦雨。兩月秋蕭瑟。臥聞海棠花。泥污燕脂雪。暗中偷負去。夜半真有力。何殊病少年。病起頭已白。

春江欲入戶。雨勢未止。小屋如漁舟。濛濛水雲裏。空庖煮寒菜。破灶燒溼葦。那知是寒食。但感烏銜紙。君門深九重。墳墓在萬里。也擬哭途窮。死灰吹不起。

徐使君分新火

臨臯亭中一危坐。三見清明改新火。溝中枯木應笑人。鑽斫不然誰

似此偷兒乘雨
倚橋花盡也

感信澤紙

似我黃州使君憐久病。分我五更紅一朶。從來破釜躍江魚。只有清
詩嘲飯顆。起攜蠟炬。遠空屋。欲事煎烹。無一可為公。分作無盡燈。照
破十方昏暗鎖。

次韻答元素

并引 元素姓楊名繪 九卷有分贈元素桂花詩

余舊有贈元素詞云。天涯同是傷流落。元素以為今日之先兆。且
悲當時六客之存亡。六客蓋張子野。劉孝叔。陳令舉。李公擇。及元
素與余也。

不愁春盡絮隨風。但喜丹砂入頰紅。流落天涯先有識。摩挲金狄會
當同。蘧蘧未必都非夢。了了方知不落空。莫把存亡悲六客。已將地
獄等天宮。

蜜酒歌 并引

西蜀道人楊世昌善作蜜酒。絕醇釀。余既得其方。作此歌以遺之。

真珠為漿。玉為醴。六月田夫汗流漉。不如春蠶自生香。蜂為耕耘。花
作糝。一日小沸魚吐沫。二日眩轉清光活。三日開壑香滿城。快瀉銀
瓶不須撥。百錢一斗濃無聲。甘露微濁醖。醍清君不見。南園採花蜂
似雨。天教釀酒醉先生。先生年來窮到骨。問人乞米。何曾得。世間萬
事真悠悠。蜜蜂大勝監河侯。

又一首答二猶子與王郎見和

脯青苔。炙青蒲。爛蒸鵝鴨。乃瓠壺。煮豆作乳脂。為酥。高燒油燭。斟蜜
酒。貧家百物初何有。古來百巧出窮人。搜羅假合亂天真。詩書與我
為麴蘖。醞釀老夫成。搢紳質非文。是終難久。脫冠還作扶犁叟。不如
蜜酒無煖寒。冬不加甜。夏不酸。老夫作詩殊少味。愛此三篇如酒美。
封胡羯末已可憐。不知更有王郎子。

謝陳季常惠一措巾 措巾 威切

夫子曾中萬斛寬。此巾何事小團團。半升僅渡淵明酒。二寸纔容子夏冠。好戴一作帶黃金雙得勝。休教一作可憐白苧一生酸。臂弓腰箭何時去。直上陰山取可汗。

贈黃山人

面頰照人元自赤。眉毛覆眼見來烏。倦游不擬談玄牝。示病何妨出白鬚。絕學已生真定慧。說禪長笑老浮屠。東坡若肯三年住。親與先生看藥爐。

問大冶長老乞桃茶栽東坡

周詩記苦荼。茗飲出近世。初緣厭梁肉。假此雪昏滯。嗟我五畝園。桑麥苦蒙翳。不令寸地閑。更乞茶子甄。飢寒未知免。已作太飽計。庶將通有無。農末不相戾。春來凍地裂。紫筍森已銳。牛羊煩呵叱。筐筥未敢睨。江南老道人。齒髮日夜逝。他年雪堂品。空記桃花裔。

魚蠻子

江淮水為田。舟楫為室居。魚鰕以為糧。不耕自有餘。異哉魚蠻子。本非左衽徒。連排入江住。竹瓦三尺廬。於焉長子孫。戚施且侏儒。擘水取魴鯉。易如拾諸途。破釜不著鹽。雪鱗芼青蔬。一飽便甘寢。何異獮與狙。人閒行路難。踏地出賦租。不如魚蠻子。駕浪浮空虛。空虛未可知。會當算舟車。蠻子叩頭泣。勿語桑大夫。

弔李臺卿并引

李臺卿字明仲。廬州人。貌陋甚。性介不羣。而博學強記。罕見其比。好左氏有史學。考正同異。多所發明。知天文律曆千載之日。可坐數也。軾謫居黃州。臺卿為麻城主簿。始識之。既罷居於廬。而曹光州演甫以書報其亡臺卿光州之妻黨也。

我初未識君。人以君為笑。垂頭老鶴雀。煙雨霖七竅。弊衣未過我。危

言三子無父
博而直者
傳世儒理
可歎惜也

坐若持釣。褚哀半面新。酸幾一語妙。徐徐步其瀾。極望不可微。卻觀
元嫵媚。士固難輕料。看書眼如月。罅隙靡不照。我老多遺忘。得君如
再少。從橫通雜藝。甚博且知要。所恨言無文。至老幽不耀。其生世莫
識。已死誰復弔。作詩遺故人。庶解俗子譏。

曹既見和復次其韻

造物本兒嬉。風噫雷電笑。誰令妄驚怪。失七號萬竅。人人走江湖。一
一操網釣。偶然連六鰲。便為此手妙。空令任公子。三歲蹲海徼。長貧
固不詞。辭一死實未料。難將著草算。除用佛眼照。何人嗣家學。恨子
兒尚少。嗟我與曹君。衰老世不要。空言今無救。奇志後必耀。吟君五
字詩。義重千金弔。收藏慎勿出。免使羣兒譏。

施註蘇詩卷之十九終

施註蘇詩卷之二十

詩四十九首

起在黃州盡元豐七年甲子量移汝州作

次韻孔毅父集古人句見贈五首

孔毅父名平仲家世見第十卷父長源挽詞注

羨君戲集他人詩。指呼市人如使兒。天邊鴻鵠不易得。便令作對隨
家雞。退之驚笑子美泣。問君久假何時歸。世間好句世人共。明月自
滿千家墀。

紫駝之峰人莫識。雜以雞豚真可惜。今君坐致五侯鯖。盡是程膺與
熊白。路旁拾得半段槍。何必開鑪鑄矛戟。用之如何在我耳。入手當
令君喪魄。

天下幾人學杜甫。誰得其皮與其骨。劃如太華當我前。跛牂欲上驚
嶺岬。名章俊語分交衡。無人巧會當時情。前生子美只君是。信手拈
得俱天成。

此是河若多
假

詩人雕刻閑草木。搜抉肝腎神應哭。不如默誦千萬首。左抽右取談笑足。夜吟石鼎聲悲秋。可憐好事與劉侯。何醉一醉百不問。我欲眠矣君歸休。

膏明蘭臭俱自焚。象牙翠羽戕其身。多言自古為數窮。微中有时堪解紛。癡人但數羊羔兒。不知何者是左慈。千章萬卒非我急。走捉君應已遲遲。

六年正月二十日復出東門仍用前韻

亂山環合水侵門。身在淮南盡處村。五畝漸成終老計。九重新掃舊巢痕。豈惟見慣沙鷗熟。已覺來多釣石溫。長與東風約今日。暗香先返玉梅魂。

食甘

一雙羅帕未分珍。林下先嘗愧逐臣。露葉霜枝翦寒碧。金槃玉指破

新掃舊巢痕
若蓋陰山是後遺
用之詩矣

芳辛清泉漉漉先流齒。香霧霏霏欲喚人。坐客殷勤為收子。千奴一掬奈吾貧。

大寒步至東坡贈巢三

巢三名谷字元脩眉山入嘗舉進士京師東坡責黃州谷走江淮因與之遊及二蘇用於朝谷未嘗一見逮黃嶺嶺海慨然自眉山徒步訪之至

梅州遺文定書曰我萬里步行見公不自意全令至梅州文定驚喜曰此非今世人古之人也既見相泣時谷年七十三復見文忠於海南文定止之不可至新會蠻隸竊其裳裝獲於新州谷從之病死於新

春雨如暗塵。春風吹倒人。東坡數間屋。巢子誰與鄰。空牀斂敗絮。破竈鬱生薪。相對不言寒。哀哉知我貧。我有一瓢酒。獨飲良不仁。未能賴我頰。聊復濡子唇。故人千鐘祿。馭吏醉吐茵。那知我與子。坐作寒螿呻。努力莫怨天。我爾皆天民。行看花柳動。共享無邊春。

元修菜

并引

菜之美者有吾鄉之巢。故人巢元修嗜之。余亦嗜之。元修云使孔北海見當復云吾家菜耶。因謂之元修。菜余去鄉十有五年。思而不可得。元修適自蜀來。見余於黃。乃作是詩。使歸致其子。而種之。

東坡之下云

世說楊脩九歲甚聰慧孔君平詣其父父不在兒為設果孔指楊梅以戲兒曰此是君家果應聲答曰未聞孔雀是君家禽

彼美君家菜。鋪田綠茸茸。豆莢圓且小。槐牙細而豐。種之秋雨餘。擢秀繁霜中。欲花而未萼。一一如青蟲。是時青裙女。採擷何恩恩。丞之復湘之。香色蔚其饒。點酒鹽豉。縷橙芼薑蔥。那知雞與豚。但恐放箸空。春盡苗老。耕翻煙雨叢。潤隨甘澤化。暖作青泥融。始終不我力。與糞壤同。我老忘家舍。楚音變兒童。此物獨嫵媚。年繫余胃。君歸致其子。囊盛勿函封。張騫移首瘖。適如葵菘。馬援載薏苡。羅生等蒿蓬。懸知東坡下。堦鹵千鍾。長使齊安民。指此說兩翁。

二月三日點燈會客

江上東風浪接天。苦寒無賴破春妍。試開雲夢羔兒酒。快瀉錢塘藥玉船。蠶市光陰非故國。馬行燈火記當年。冷煙濕雪梅花在。畱得新春作上元。

點燈查

上巳日與二三子攜酒出游隨所見輒作數句明日集之為詩

故詞無倫次

先生志林記此日出游云黃州定慧院東小山上海棠一株特繁茂每歲盛開時必為置酒已五醉其下矣今年便與參寥及二三子訪焉則園已易王主雖市井人然以

余故稍加倍治山工多老和木花白而圓香色皆不凡以余故亦得不飲復憩於尚氏之第尚所居竹林花木皆可喜醉臥閣上稍坐客崔成者彈雷琴作悲風曉角鈔鈔然意謂非人間也晚乃出

城東入何氏韓氏竹園遂置酒竹陰下興盡乃徑歸元豐七年三月初二日也

薄雲霏霏不成雨。杖藜曉入千花塢。柯邱海棠吾有詩。獨笑深林誰敢侮。三杯卯酒人徑醉。一枕春睡日亭午。竹間老人不讀書。畱我閉門誰教汝。出簷聚枳十圍大。寫真素壁千蛟舞。東坡作塘今幾尺。攜酒一勞農工苦。卻尋流水出東門。壞垣古塹花無主。臥開桃李為誰對。立鵝鵲相媚嫵。開樽藉草勸行路。不惜春衫汙泥土。褰裳共過春草亭。扣門卻入韓家園。轆轤繩斷井深鞦韆。索挂人何所。映簾空復小桃枝。乞漿不見磨門女。南山古臺臨斷岸。雪陣翻空迷仰俯。故人餽我玉葉。火冷煙消誰為煮。崎嶇束縵下荒徑。姪姪隔花聞好

語更隨落景盡餘樽。卻旁孤城得僧宇。主人勸我洗足。倒牀不復
聞鐘鼓。明朝門外泥一尺。始悟三更雨。如許平生所向無一遂。茲游
何事天不阻。固知我友不終窮。豈弟君子神所予。

日日出東門

日日出東門。步尋東城游。城門抱關卒。笑我此何求。我亦無所求。駕
言寫我憂。意適忽忘返。路窮乃歸休。懸知百歲後。父老說故侯。古來
賢達人。此路誰不由。百年華屋千載歸。山邱何事羊公子。不肖過

西州

南堂五首

齊安拾遺夏漢口之側本水驛有亭曰臨臯
郡人以驛之高陴上築南堂為先生游息

江上西山半隱堤。此邦臺館一時西。南堂獨有西南向。臥看千帆落
淺谿。

暮年眼力嗟猶在。多病顛毛卻未華。故作明憲書小字。更開幽室養

丹砂

他時夜雨困移牀。坐厭愁聲點客腸。一聽南堂新瓦響。似聞東塢小
荷香。

山家為割千房蜜。稚子新畦五畝蔬。更有南堂堪著客。不憂門外故
人車。

掃地燒香閉閣眠。簟紋如似水帳如煙。客來夢覺知何處。挂起西牕
接浪天。

次韻子由種杉竹

吏散庭空雀噪簷。閉門獨宿夜厭厭。似聞黎棗同時種。應與杉篁刻
日添。糟麴有神熏不醉。雪霜誇健巧相沾。先生坐待清陰滿。空使人
人歎滯淹。

孔毅父妻挽辭

此理非多人不

敢出

惜事真切

石中人亦天厚
強福皆明年渠

結禱記初歡。同穴期晚歲。擇夫得溫嶠。生子勝王濟。高風相賓友。古義仍兄弟。從君吏隱中。窮達初不計。云何抱沈疾。俯仰便一世。幽陰淒房櫳。芳澤在中袂。百年縱得滿。此路行亦逝。那將有限身。長瀉無益涕。君文照今古。不比山石脆。當觀千字誅。寧用百金瘞。

次韻孔毅父久旱已而甚雨三首

先生為楊道士書一帖云僕謫居黃岡綿竹武都山道士楊世昌子京自廬山來過余口口乃去其人

善畫山水能鼓琴曉星歷骨色及作執筆影通知黃白藥術可謂藝矣明日當舍余去為之悵然浮圖不三宿木下真以楊道士元豐六年五月八日東坡居士書又一帖云十月十五日夜與楊道士泛舟赤壁飲醉夜半有一鶴自江南來翅如車輪嘎然長鳴掠余舟而西不知其為何祥也聊復記云按次毅父韻第三首載西州楊道士凡數聯因此帖知為世昌詩中又言善吹洞簫其自廬山從公蓋壬戌之夏前赤壁賦云客有吹洞簫者殆是楊也先生先嘗為賦蜜酒歌後赤壁賦云適有孤鶴橫江東未觀此帖蓋非常言夢一道士者豈即世昌姑托以夢耶先生道大才高不容於時憂患平生如陳季常某元修張中吳子野輩獨相從於涼離困厄之中其姓名遂不沒於千載今世昌籍此復有傳於後世夫豈偶然二帖書在蜀院筆畫其精宿嘗以入石云

何物我生無田食破硯爾來硯枯磨不出去年太歲空在酉傍舍壺漿不容乞今年旱勢復如此歲晚何以黔吾突青天蕩蕩呼不聞况

欲稽首號泥佛。蠶中蜥蜴尤可笑。跂跂脈脈何等秩。陰陽有時雨有數。民是天民天所自。郵我雖窮苦不如人。要亦自是民之一。形容雖是喪家狗。未肯弭耳爭投骨。倒冠落幘謝朋友。獨與蚊雷共圭華。故人嗔我不開門。君視我門誰肯屈。可憐明月如潑水。夜半清光翻我室。風從南來非雨候。且為疲人洗蒸鬱。褰裳一和快哉謠。未暇饑寒念明日。

去年東坡拾瓦礫。自種黃桑三百尺。今年刈草蓋雪堂。日炙風吹面如墨。平生懶惰今始悔。老大勸農天所直。沛然例賜三尺雨。造化無心悅難測。四方工下同一雲。甘靈不為龍所隔。公自注俗有分龍日蓬蒿下濕迎曉來。燈火新涼催夜織。老夫作罷得甘寢。臥聽牆東人響屐。奔流未已坑谷平。折葦枯荷恣漂溺。腐儒麤糲支百年。加耕不受眾目憐。破陂漏水不耐旱。人加未至求天全。會當作塘徑千步。橫斷西北遮山

身並天不亦
寧生四力年
而華特保志自
喜

泉四鄰相率助舉杵人人知我囊無錢明年共看決渠雨饑飽在我
寧闕天誰能保我田間飲醉倒惟有支頭甄
天公號令不再出十日愁霖併為一君家有田水冒田我家無田憂
入室不如西州楊道士萬里隨身惟兩膝沿流不惡泝亦佳一葉扁
舟任飄突山芎麥麩都不用泥行露宿終無疾夜來饑腸如轉雷旅
愁非酒不可開楊生自言識音律洞簫入手清且哀不須更待秋井
榻見人白骨方銜杯

初秋寄子由

百川日夜逝物我相隨去惟有宿昔心依然守故處憶在懷遠驛閉
門秋暑中藜羹對書史揮汗與子同西風忽淒厲落葉穿戶牖子起
尋袂衣感歎執我手朱顏不可恃此語君莫疑別離恐不免功名定
難期當時已悽斷况此兩衰老失塗既難追學道恨不蚤買田秋已

物我相隨去
若

磨

議築室春當成雪堂風雨夜已作對牀聲

和黃魯直食筍

飽食有殘肉饑食無餘菜紛然生喜怒似被狙公賣爾來誰獨覺凜
凜白下宰公自注太和古白下也時魯直知吉州太和縣一飯在家僧至樂甘不壞多生味蠹簡食筍乃
餘債蕭然映樽俎未肯雜松芥君看霜雪姿童稚已耿介胡為遭暴
橫三嗅不忍噉朝來忽解籜勢迫風雷噫尚可餉三間飯筒纏五采

聞子由為郡僚所摠恐當去官

少學不為身宿志固有在雖然敢自必用舍置度外初若相我發
迹造宏大豈敢負所付捐軀欲投會寧知事大繆舉步得狼狽我已
無可言墮甌難追悔子雖僅自免雞肋安足賴低回畏罪苦龜勉敢
言退若人疑或使為子得微罪時哉歸去未共抱東坡耒

次韻王鞏南遷初歸二首

身必不如此
身

問君謫南賓。野葛食幾尺。逢人瘴髮黃。入市胡眼碧。年不易過坐。
睨倚天壁。歸來貌如故。妙語仍破鎬。那廢詩酒亦未妨。禪寂願為
尚書郎。還賜上方馬。
江家舊池臺。修竹圍一尺。歸來萬事非。惟見秦淮碧。平生痛飲處。遺
墨鴉栖壁。西來故父客。金印雜鳴鏞。三槐老更茂。花絮春寂寂。中微
未可料。家廟藏赤舄。

孔毅父以詩戒飲酒問買田且乞墨竹次其韻

酒中真復有何好。孟生雖賢未聞道。醉時萬慮一掃空。醒後紛紛如
宿草。十年措洗見真妄。石女無兒焦穀槁。此身何異貯酒瓶。滿軌予
人空自倒。武昌痛飲豈吾意。性不違人遭客惱。君家長松十畝陰。借
我一卷聊洗心。我田方寸耕不盡。何用百頃糜千金。枕書熟睡呼不
起。好學憐君工雜擬。且將墨竹換新詩。潤色何須待東里。

寫神

任師中挽辭

任師中名汲已見前注師中為新息命民愛之買田而居後通判黃州知瀘州
沒於遂州其在齊安常游於定惠院既去郡人名其亭曰任公東坡遷齊安人

知其與師中善也復為師中卷曰師中
必未訪予將贈於是穎濱為作此

大任剛烈世無有。疾惡如風朱伯厚。小任溫毅老更文。聰明慈愛小
馮君。兩任才行不須說。疇昔並友吾先人。相看半作晨星沒。可憐太
白與殘月。大任先去冢未乾。小任相繼呼不還。強記一樽生死別。樽
中有酒應酸。貴賤賢愚同盡耳。君家不盡緣賢子。人間得喪了無
憑。只有天公終可倚。

子由作二頌頌石臺長老問公手寫蓮經字如黑蟻且誦萬遍
脅不至席二十餘年予亦作二首

眼前擾擾黑虬蟬。口角霏霏白唾珠。要識吾師無礙處。試將燒卻看
瞋無。

眼睛心地兩虛圓。脅不沾牀二十年。誰信吾師非不睡。睡蛇已死得

安眠

鄧忠臣母周挽辭

鄧忠臣字春思潭州湘陰人

微生真草木。無處謝天力。慈顏如春風。不見桃李實。古今抱此恨。有志俯仰失。公子豈先知。戰戰常惜日。吾君日月照。委曲到肝鬲。哀哉人子心。吾何愛一邑。家庭拜前後。粲然發笑色。豈比黃壤下。焚瘞千金壁。若人道德人。視此亦戲劇。聊償曾閔意。遽與仙佛寂。孤纍臥江渚。永望墳墓隔。作詩相楚挽。感動淚再滴。

徐君猷挽辭

君猷名大受。終於黃州事見十九卷。戲君猷不飲酒詩註

一舸南游遂不歸。清江赤壁照人悲。請看行路無從涕。盡是當年不忍欺。雪後獨來栽柳處。竹間行復採茶時。山城散盡樽前客。舊恨新愁只自知。

和蔡景繁海州石室

蔡景繁名承禧。事見二十二卷。蔡景繁官舍小閣詩。向注東坡在黃有答景繁云。胸山臨海石室。信如所論。前某嘗攜家一游。時有胡

容開名改

琴婢就中作護。索涼州。凜然有水車鐵馬之聲。婢去久矣。因公復起一。若果游此。必有新篇當破戒。奉和也。又云海。上奇觀。恨不與公游。大篇或可追賦。景繁往游。既賦詩。坡為屬和。前所述皆指石

曼卿後車胡琴云。云皆帖中語意。又前年開閣云。云即所謂婢去久矣。因公復起一念。用此帖為証。而詩乃繁然因公復起一念實。陳鴻長恨傳楊妃語也。

芙蓉仙人舊游處

公自注石曼卿也

蒼藤翠壁初無路。戲將桃核裹黃泥。石間散

擲如風雨。坐令空山作錦繡。倚天照海花無數。花間石室可容車。流

蘇寶蓋。窺靈宇。何年霹靂起神物。玉棺飛出王喬墓。當時醉臥動千

日。至今石縫餘糟醕。山人一去五十年。花老室空誰作主。手植數松

今偃蓋。蒼髯白甲低瓊戶。我來取酒酌先生。後車仍載胡琴女。一聲

冰鐵散巖谷。海為瀾。松為舞。爾來心賞復何人。持節中郎醉無伍。獨

臨斷岸。呼出日。紅波碧巘相吞吐。徑尋我語覓餘聲。拄杖彭鏗叩銅

鼓。長篇小字遠相寄。一唱三歎神悽楚。江風海雨入牙頰。似聽石室

胡琴語。我今老病不出門。海山巖洞知何許。門外桃花自開落。牀頭

酒甕生塵土。前年開閣放柳枝。今年洗心參佛祖。夢中舊事時一笑。

坐覺俯仰成今古願君不用刻此詩東海桑田真旦暮

和秦太虛梅花

西湖處士骨應槁只有此詩君壓倒東坡先生心已灰愛君詩被花
惱多情立馬待黃昏殘雪消遲月出蚤江頭千樹春欲闌竹外一枝
斜更好孤山山下醉眠處點綴羣腰紛不掃萬里春隨逐客來十年
花送佳人老去年花開我已病今年對花還草草不知風雨卷春歸
收拾餘香還畀昊

再和潛師

化工未議蘇羣槁先向寒梅一傾倒江南無雪春瘴生為散冰花除
熱惱風清月落無人見洗糝自趁霜鐘蚤惟有飛來雙白鷺玉玗瓊
枝鬪清好吳山道人心似水眼淨塵空無可掃故將妙語寄多情橫
機欲試東坡老東坡習氣除未盡時復長篇書小草且撼長條冷落

英忍饑未擬窮呼昊

椒欖

紛紛青子落紅鹽正味森森苦且嚴待得微甘回齒頰已輸崖蜜十
分甜

海棠

東風渺渺一作泛崇光香霧空濛一作霏月轉廊只恐夜深花睡去故一作燒
高燭照紅粧

東坡

雨洗東坡月色清市人行盡野人行莫嫌犖确坡頭路自愛鏗然曳
杖聲

生日王郎以詩見慶次其韻并寄茶二十一片

折揚新曲萬人趨獨和先生于為于但信積藏終自售豈知盃脫本

初於懷抱正
切是梅花詩乃
真是西湖梅花
惜公而仍待也

海棠

有坡字之辨

無樵。竭從冰叟來游宦。有伴臞仙亦號儒。棠棣竝為天下士。芙蓉曾到海邊郭。不嫌霧谷靈松柏。終恐虹梁荷棟桴。高論無窮如鋸屑。小詩有味似連珠。感君生日遙稱壽。祝我餘年老不枯。未辦報君青玉案。建谿新餅截雲腴。

別黃州

病瘡老馬不任鞿。猶向君王得敝幃。一作惟桑下豈無三宿戀。樽前聊與一身歸。長腰尚載撐腸米。闊領先裁蓋瘻衣。投老江湖終不失。來時莫遣故人非。

過江夜行武昌山上聞黃州鼓角

清風弄水月銜山。幽人夜渡吳王峴。黃州鼓角亦多情。送我南來不辭遠。江南又聞出塞曲。半雜江聲作悲健。誰言萬方聲一槩。鼉憤龍愁為余變。我記江邊枯柳樹。未死相逢真識面。他年一葉泝江來。還

吹此曲相迎餞。

自興國往筠宿石田驛南廿五里野人舍

谿上青山三百疊。快馬輕衫來一抹。倚山修竹有人家。橫道清泉知我渴。芒鞋竹杖自輕軟。蒲薦松牀亦香滑。夜深風露滴中庭。惟有孤螢自開闔。

將至筠先寄遲适遠三猶子

露宿風飡六百里。明朝飲馬南江水。未見豐盈犀角兒。先逢玉雪王郎子。公自注時道逢王郎於建昌方北行也對牀欲作連夜語。念汝還須戴星起。夜來夢見小於菟。公自注遠小名虎兒猶是髣髴垂兩耳。憶過濟南春未動。三子出迎殘雪裏。我

時移守古河東。酒肉淋漓渾舍喜。而今憔悴一羸馬。逆旅擔夫相汝爾。出城見我定驚嗟。身健窮愁不須恥。我為廼翁留十日。掣電一歡何足恃。惟當火急作新詩。一醉兩翁勝酒美。

用園字

仍全之得此多何也

端午游真如遲遠從子由在酒局

一與子由別卻數七端午身隨絲絲繫心與昌歎苦今年疋馬來佳
節日夜數兒童我至典衣具雞黍水餅既懷鄉飯筒仍慙楚謂言必
一醉快作西川語寧知是官身糟麴困熏煮獨攜三子出古剎訪禪
祖高設付梁羅公自注梁羅遲遠小名也詩律到阿虎歸來一調笑慰此長齟齬

別子由三首兼別遲

宿守都梁得東平康師孟元祐二年三月刻二蘇公所與九帖於洛陽城書別子由第二詩而題其後云元豐七年余自黃遷汝往別子由於筠作

數詩雷別此其一也其後雖不過洛而此意未忘因康君即中歸洛書以贈之元祐元年三月十日執筆

知君念我欲別難我今此別非他日風裏楊花雖未定雨中荷葉中
終不濕三年磨我費百書一見何止得雙璧願君亦莫歎留滯六十
小劫風雨疾

先君昔愛洛城居我今亦過嵩山麓水南下宅一作築吾豈敢試向伊川
買修竹又聞緱山好泉眼傍市穿林瀉冰玉一作想茅軒一作簷照水開

真酒意

兩翁相對清如鵲

兩翁歸隱非難事惟要傳家好兒子憶昔汝翁如汝長筆頭一落三
千字世人聞此皆大笑慎勿生兒兩翁似不知檇櫟薦明堂何似鹽
車壓千里

初別子由至奉新作

雙鵲先我來飛上東軒背書隨好夢到人與佳節會一觀歡難把玩
回首了無在卻渡來時谿斷橋號淺瀨茫茫暑天闊藹藹孤城背青
山眊矐中落日淒涼外盛衰豈吾意離合非所礙何以解我憂廢了
一事大

一事大

施註蘇詩卷之二十終

施註蘇詩卷之二十一

詩五十四首

起甲子四月以後離黃州至金陵道中作

同年程筠德林求先墳二詩

思成堂

詩商頌賚我思成注云神靈未至我致齋之所思則用成

宰樹連山谷。祠堂照路隅。養松無觸鹿。助祭有馴烏。歸夢先寒食。兒啼到白須。遙知隣里化。醉叟道爭扶。

歸真亭

述異記盧府君墓在館陶銘曰盧府君歸真之室

舊笑桓司馬。今師鄭大夫。不知徂歲月。空覺老楸梧。祭禮傳家法。孫名載版圖。會看千字誄。木杪見龜趺。

過建昌李野夫公擇故居

李野夫名莘公擇之兄嘗為江西轉運副使

彭蠡東北源。盧阜西南麓。何人修水土。種此一雙玉。思之不可見。破宅餘修竹。四隣戒莫犯。十畝森似束。我來仲夏初。解籜呈新綠。幽鳥

想得出處

初者非他為
他年計也為甚

向我鳴野人留我宿。裊裊不忍去。微月挂喬木。遙想他年歸。解組巾
一幅對牀老兄弟。夜雨鳴竹屋。臥聽隣寺鐘。書牕有殘燭。

初入廬山三首

青○山○若○無○素○偃○蹇○不○相○親○要○識○廬○山○面○他○年○是○故○人○
自昔懷清賞。神游杳藹間。如今不是夢。真箇是廬山。

公自注山
南山面也

芒屨青竹杖。自挂百錢游。可怪深山里。人人識故侯。

圓通禪院先君舊遊也。四月二十日晚至宿焉。明日忌日也。乃

手寫寶積獻蓋頌佛一偈。以僧長老僊公僊撫掌笑曰。昨夜夢

寶蓋飛下。著處輒出火。豈此祥乎。乃作是詩。院有蜀僧宣建事

訪長老識先君云

石耳峰頭路接天。梵音堂下月臨泉。此生初飲廬山水。他日徒參雪

寶禪。袖裏寶書猶未出。夢中飛蓋已先傳。何人更識嵇中散。野鶴昂

藏未是仙。

子由在筠作東軒記。或戲之為東軒長老。其壻曹煥往筠。余作

一絕句送曹。以戲子由。遭過廬山。以示圓通慎長老。慎欣然亦

作一絕送客出門。歸入室。跌坐化去。子由聞之。仍作二絕。一以

答余。一以答慎。明年余過圓通。始得其詳。乃追次慎韻。

君到高安幾日回。一時斗數舊塵埃。贈君一籠牢收取。盛取東軒長

老來。

右送曹詩

大士何曾有生死。小儒底處覓窮通。偶留一咲干山上。散作人間萬

竅風。

右和慎詩

余過溫泉壁上有詩云。直待眾生總無垢。我方清冷混常流。問人

云長老可遵作遵已退居圓通亦作一絕
石龍有口口無根自在流泉誰吐吞若信眾生本無垢此泉何處覓
寒溫

世傳徐凝瀑布詩云一條界破青山色至為塵陋又偽作樂天詩
稱羨此句有賽不得之語樂天雖涉淺易然豈至是哉乃戲作一絕
帝遣銀河一派垂古來惟有謫仙詞飛流濺沫知多少不與徐凝洗
惡詩

書李公擇白石山房

偶尋流水上崔嵬五老蒼顏一笑開若見謫仙煥寄語匡山頭白早
歸來

贈東林總長老

廬山在江州南三十里東林又在山南五里晉道遠所居規制廣袤水石深怪古
迹無窮西林即永法師所居規制稍不及東林元豐三年詔華江洲東林律居為
禪席觀文殿學士王公詔出守南昌欲延寶覺禪師寶覺常總自代總知之宵遁去王公檄諸郎求訪得之新淦深
山中遂應命其徒相語曰達公嘗有識記云吾滅七百年後有肉身大士華居道場今符其語矣事見僧寶傳

健

溪聲便是廣長舌山色豈非清淨身夜來八萬四千偈他日如何舉
似人

題西林壁

橫看成嶺側成峰遠近高低各不同一作無不識廬山真面目只緣身在此
山中

廬山二勝并引

余遊廬山南北得十五六奇勝殆不可勝紀而懶不作詩獨擇其
尤佳者作二首

開先漱玉亭

廬山記山中瀑布十餘處香爐峯與雙劍峯在瀑布旁水
源在五老峰頂西入康王谷為水簾東為開先之瀑布

高巖下赤日深谷來悲風擘開青玉峽飛出兩白龍亂沫散霜雪古
潭搖清空餘流滑無聲快瀉雙石砌我來不忍去月出飛橋東蕩蕩
白銀闕沈沈水精宮願隨琴高生腳踏赤鯨公手持白芙蓉跳下清

真游山人修那
禪杖

寫得像

冷中。

徑之鍊

真淵源

言款殊邪
逸不始極坊

栖賢三峽橋子由棲賢僧堂記元豐三年余過廬山入棲賢谷谷中多大石及葉相倚水行石間其聲如雷震又如千乘車行者震掉不能自持雖三峽之險不過也故橋曰三峽
吾聞太山石積日穿綫溜况此百雷霆萬世與石鬪深行九地底嶮
出三峽右長輪不盡谿欲滿無底竇跳波翻潛魚震響落飛狖清寒
入山骨草和盡堅瘦空濛煙靄間瀕洞金石奏彎彎飛橋出激激半
月穀玉淵神龍近雨雲亂晴晝垂錦得清甘可嚙不可漱

陶驥子駿佚老堂

文舉與元禮尚得稱世舊淵明吾所師夫子乃其後桂冠不待年亦
豈為五斗我歌歸來引公自注余增損淵明引去未以就律謂之引未引千載信尚友相逢黃卷中何
似一杯酒君醉我且歸明朝許來否
我從廬山來目送孤飛雲路逢陸道士知是千歲人試問當時友虎
谿已埃塵似聞佚老堂知是幾世孫能為五字詩仍戴漉酒巾人呼

靖節自號葛天民

和李太白并引

李太白有潯陽紫極宮感詩秋詩紫極宮今天慶觀也道士胡洞
微以石本示余蓋其師卓珉之所刻珉有道術節義過人今亡矣
太白詩云四十九年非一往不可復今余亦四十九感之次其韻
玉芝一名瓊田草洞微種之七八年矣云更數年可食許以遺余
故并記之

寄臥虛寂堂月明浸疎竹冷然洗我心欲飲不可掬流光發永歎自
惜非余獨行年四十九還此北牕宿緬懷卓道人白首寓醫卜謫仙
固遠矣此士亦難復世道如奕棋變化不容覆惟應玉芝老待得蟠
桃熟

次韻道潛留別

參寥從先生於黃期年先生移汝同游廬山乃還於潛山中

茅年留三月

為聞廬岳多真隱。故就高人斷宿攀。已喜禪心無別語。尚嫌剃髮有詩班。異同更莫疑三語。物我終當付八還。到後與君開北戶。舉頭三十六青山。

岐亭五首 并引

元豐三年正月余始謫黃州至岐亭北二十五里山上有白馬青蓋來迎者則余故人陳慥季常也為留五日賦詩一篇而去明年正月復往見之季常使人勞余於中塗余久不殺恐季常之為余殺也則以前韻作詩為殺戒以遺季常自爾不復殺而岐亭之人多化之有不食肉者其後數往見之往必作詩詩必以前韻凡余在黃四年三往見季常季常七來見余蓋相從百餘日也七年四月余量移汝州自江淮徂雒送者皆止慈湖而季常獨至九江乃復用前韻通為五首以贈之

詩味切法

昨日雲陰重。東風融雪汁。遠林草木暝。近舍煙火濕。下有隱君子。嘯歌方自得。知我犯寒來。呼酒意頗急。撫掌動隣里。遠村捉鵝鴨。房櫓鏘器聲。蔬果照巾幕。久聞萋蒿美。初見新芽赤。洗盞酌鵝黃。磨刀削熊白。須臾我徑醉。坐睡落巾幘。醒時夜向闌。唧唧銅餅泣。黃州豈云遠。但恐朋友缺。我當安主君。亦無此客朝。來靜菴中。惟見峰巒集。我哀籃中蛤。閉口護殘汁。又哀網中魚。開口吐微濕。剗腸彼交病。過分我何得。相逢未寒溫。相勸此最急。不見盧懷慎。烝壺似烝鴨。坐客皆忍笑。髡然發其鬢。不見王武子。每食刀几赤。琉璃載烝朶。中有人乳白。盧公信寒陋。衰髮得滿幘。武子雖豪華。未死神已泣。先生萬金壁。護此一蟻缺。一年如一夢。百歲真過客。君無廢此篇。嚴詩編杜集。君家蜂作窠。歲歲添漆汁。我身牛穿鼻。卷舌聊自濕。二年三過君。此行真得得。愛君似劇孟。扣門知緩急。家有紅頰兒。能唱綠頭鴨。行當

醉倒豬與鴨
不取侮矣

隔簾見。花霧輕。幕幕為我取黃封。親拆官泥赤。仍須煩素手。自點葉
家白。樂哉無一事。十年不蓄憤。閉門弄添丁。哇一作笑雜呱泣西方正
苦戰。誰補將師缺。披圖見八陣。合散更平主客。不須親戎行。坐論教
君集。

酸酒如蠶湯。甜酒如蜜汁。三年黃州城。飲酒但飲濕。我如更揀擇。一
醉豈易得。幾思壓茅柴。禁網日夜急。西隣推壘盜。醉倒豬與鴨。君家
大如掌。破屋無遮幕。何從得此酒。冷面妒君赤。定應好事人。干石供
李白。為君三日醉。蓬髮不暇憤。夜深欲逾垣。臥想春壘泣。君奴亦笑
我。鬢齒行禿缺。三年已四至。歲歲遭惡客。人生幾兩屐。莫厭頻來集。
枯松強鑽膏。槁竹欲瀝汁。兩窮相值遇。相哀莫相濕。不知我與君。交
游竟何得。心法幸相語。頭然未為急。願為穿雲鵲。莫作將雛鴨。我行
及初夏。煮酒暎疎幕。故鄉在何許。西望千山赤。茲遊定安歸。東泛萬

頃白。一歡寧復再。起舞花墮幘。將行出苦語。不用兒女誇。吾非固多
矣。君豈無一缺。各念別時言。閉戶謝眾客。空堂淨掃地。虛白道所集。

郭祥正家醉畫竹石壁。工郭作詩為謝。且遺二古銅劍。郭祥正字功
又當塗人
空腸得酒芒。角出肝肺槎。牙生竹石森。然欲作不可回。吐向君家雪
色壁。平生好詩仍好畫。書牆浣壁長遭罵。不瞋不罵喜有餘。世間誰
復如君者。一雙銅劍秋水光。兩首新詩爭劍銳。劍在牀頭詩在手。不
知誰作蛟龍吼。

龍尾硯歌 并引

余舊作鳳唼石硯銘。其畧云。蘇子一見名鳳唼。坐令龍尾羞牛後。
已而求硯於歛歛人。云子自有鳳唼。何以此為。蓋不能平也。奉議
郎方君彥德有龍尾大硯。奇甚。謂余若能作詩。少解前語者。當奉
餉。乃作此詩。

按先生集載鳳唼硯銘。有三其銘序云。北苑龍焙山如翔鳳。平飲之狀。當其味有
石蒼黑而玉色。熙寧中太原王頤以為硯。余欽之曰。鳳唼。又延平志考異云。延平

硯材產所崎者為上東坡得之喜甚遠目為鳳珠又云硯崎石在劍浦縣東三十里東坡取名鳳珠者此也

黃琮白琥天不惜。顧恐貪夫死懷璧。君看龍尾豈石材。玉德金聲寓於石。與天作石來幾時。與人作硯初不詞。辭詩成鮑謝石何與。筆落鍾王硯不知。錦茵玉匣俱塵垢。搆練支牀亦何有。况瞋蘇子鳳珠銘。戲語相嘲作牛後。碧天照水風吹雲。明牕大几清無塵。我生天地一閑物。蘇子亦是支離人。麤言細語都不擇春蚓秋蛇隨意畫。願從蘇子老東坡。仁者不用生分別。

張近幾仲有龍尾子石硯以銅劍易之

張近幾仲開封人

詩都怪字

我家銅劍如赤蛇。君家石硯蒼壁楸而靈。君持我劍向何許。大明宮裏玉佩鳴衝牙。我得君硯亦安用。雪堂牕下爾雅箋蟲魚。二物與人初不異。飄落高下隨風花。蒯緱玉具皆外物。視草草玄無等差。君不見秦趙城易壁。指圖睨柱相矜誇。又不見二生妾換馬。驕鳴啜泣思

其家。不如無情兩相與。永以為好譬之桃李與瓊華。

張作詩送硯反劍乃和其詩卒以劍歸之

贈君長銖君當歌。每食無魚歎委蛇。一朝得見暴公子。櫛具欲與冠爭義。豈比杜陵貧病叟。終日長鏡隨短蓑。斬蛟刺虎老無力。帶牛佩犢吏所訶。故將換硯豈無意。恐君瑯琊傷天和。作詩反劍亦何謂。知君欲以詩相磨。報章苦恨無好語。試向君硯求餘波。詩成劍往硯應笑。那將屋漏供懸河。

去歲九月二十七日黃州生子遜小名幹兒頎然穎異至今年

七月二十八日病亡於金陵作二詩哭之

吾年四十九。羈旅失幼子。幼子真吾兒。眉角生已似。未期觀所好。踰躑逐書史。搖頭卻梨栗。似識非分恥。吾老常鮮歡。賴此一笑喜。忽然遭奪去。惡業我累爾。衣薪那免俗。變滅須臾耳。歸來懷抱空。老淚如

瀉水

我淚猶可拭日遠當日忘。母哭不可聞欲汝與俱亡。故衣尚懸架。漲乳已流牀。感此欲忘生。一臥終日僵。中年忝聞道夢幻講已詳。儲藥如邱山臨病更求方。仍將恩愛刃割此衰老腸。知迷欲自反一慟送餘傷。

葉濤致遠見和二詩復次其韻公自注濤顛倒元韻

平生無一女誰復嘆耳耳。滯留生此兒足慰周南史。那知非真實造物聊戲爾煩惱初無根。恩愛為種子煩公為假說。反復相指似欲除苦海浪先乾愛河水棄置一寸鱗悠然笑侯喜為公寫餘習。餅壘一時取聞公少已悟拄杖久倚牀笑我老而癡負鼓欲求亡。庶幾東門子柱史安敢望嗜毒戲猛獸慮患先不詳囊破蛇已走尚未省齧傷妙哉

兩篇詩洗我干結腸。黠蠶不作蠶未老輒自僵。永謝湯火厄冷然超無加

次荆公韻四絕

青李扶疎禽自來清真逸少手親栽。深紅淺紫從爭發雪白鵝黃也鬪開

斫竹穿花破綠苔。小詩端為覓橙栽。細看造物初無物春到江南花自開

騎驢渺渺入荒陂想見先生未病時。勸我試求三畝宅從公已覺十年遲

甲第非真有閑花亦偶栽。聊為清淨供卻對道人開。公自注荆公病後捨宅作寺

張庖民挽辭張庖民字翔父金陵人元豐五年卒於曹溪

東晉巾車令西京執戟郎。甘心向山水結髮事文章。故自輕千戶何

保身得句

望此病者云

曾羨一囊天高鬼神惡。骨朽姓名芳。庾嶺銘旌暗。秦淮舊宅荒。吾詩不用刻。妙語有黃香。公自注黃魯直為危民作哀辭

次韻葉致遠見贈

葉致遠名濤處州龍泉人舉進士始從王介甫學為文詞哲宗立擢掌外制是時貶削元祐正一時語命林希首當其任用以致身三府濤復劾希奪筆醜詆士論鄙之

欲求五畝寄樵蘇。所至遲留似賈胡。信命不須歌去汝。逢人未免嘆猶吾。人皆勸我杯中物。我獨憐君屋上烏。一伎文章何足道。要言一作知摩詰是文殊。

次韻杭人裴維甫

餘杭門外葉飛秋。尚記居人挽去舟。一別臨平山上塔。五年雲夢澤南州。淒涼楚些緣吾發。邂逅秦淮為子留。寄謝西湖舊風月。故應時許夢中游。

次韻段縫見贈

段縫字約之居金陵

季子東周負郭田。須知力穡是家傳。細思種蕘五十本。大勝取禾三

一味蕭寂

百廩若得與君連。北巷故應終老忘。西州短衣匹馬非。吾輩只擬關門不問天。

題孫思邈真

先生一去五百載。猶在峨眉西崦中。自為天仙足官府。不應尸解坐蟲蟲。

戲作鮪魚一絕

粉紅石首仍無骨。雪白河豚不藥人。寄語天公與河伯。何妨乞與水精鱗。

同王勝之游蔣山

王勝之名益柔河南人用蔭入官范文正公未識面以館閣薦之除其賢校理預蘇子美奏解會作殿殿中司與近臣合攻之言其當誅諱忠獻為仁宗言少年狂語何

足深治天下大事不少而獨攻一王益柔此其意不在傲也帝感悟但黜監復州酒後歷知制誥直學士院連守大郡至江寧纔一日移南都故詩云到郡席不煖居民空惘然坡偕勝之過儀真再和此詩介甫時居金陵數與坡游歎息謂人曰不知更幾百年方有如此人物既賦此詩介甫亟取讀至峰多巧障日江遠欲浮天乃撫几曰老夫平生作詩無此一句

到郡席不暖。居民空惘然。好山無十里。遺恨恐他年。欲款南朝寺。同

華多厚日殊
於存山未似也

登北郭船。朱門收畫戟。紺宇出青蓮。公自注荆公以宅為寺夾路蒼髯古。迎人翠麓偏。龍腰蟠故國。鳥爪寄曾巔。竹杪飛華屋。松根泣細泉。峰多巧障日。江遠欲浮天。畧約橫秋水。浮屠插暮煙。歸來踏人影。雲細月娟娟。

至真州再和二首

王勝之是時年七十二東坡纔四十九故云語舊已忘年勝之至南都未幾而卒

老手王摩詰。窮交孟浩然。論詩曾伴直。話舊已忘年。北上難陪驥。東行且趁船。離亭花暎肉。醉眼鷺窺蓮。柁轉三山沒。風回五兩偏。荒祠過瓜步。古甃墮松巔。聞道清香閣。新菊白玉泉。莫教門掩夜。坐待月流天。小院檀槽鬧。空庭樺燭煙。公詩便堪唱。為付小嬋娟。

公顏如雪柏。千載故依然。笑我無根柳。空中不待年。官留歸闕旆。坐待逆風船。特許門傳箭。一作鑰那知箭起蓮。相逢月上後。小語坐西偏。流落千帆側。追思百尺巔。躬耕懷谷口。水石羨平泉。茅屋歸元亮。霓裳醉樂天。行聞宣室召。歸近御爐烟。未用歌池工。隨宜教李娟。

次韻答寶覺

芒屨竹杖布行纏。遮莫千山更萬山。從來無脚不解滑。誰信石頭行路難。

眉子石硯歌贈胡閻

君不見見成都畫手開十眉。橫雲卻月爭新奇。游人指點小嚙處。中有漁陽胡馬嘶。又不見王孫青瑣橫雙碧。腸斷浮空遠山色。書生性命何足論。坐費千金買消渴。爾來喪亂愁天公。請向君家書硯中。小牕虛幌相嫵媚。令君曉夢生春紅。毗耶居士設空處。結習已空花不住。試教天女為磨鉛。千偈瀾翻無一語。

以玉帶施元長老元以衲帶相報次韻二首

病骨難堪玉帶圍。鈍根仍落箭鋒機。欲教乞食歌姬院。故與雲山舊衲衣。

此帶闕人如傳舍。流傳到我亦悠哉。錦袍錯落真相稱。乞與佯狂老萬回。

次韻滕元發許仲途秦少游

二公詩格老彌新。醉後狂吟許野人。坐看青邱吞澤芥。自慙黃潦薦谿蘋。兩邦旌燾光相照。十畝鋤犁手自親。何似秦郎妙天下。明年獻頌請東巡。

送金山鄉僧歸蜀開堂

撞鐘浮玉山。迎我三千指。眾中聞磬效。未語知鄉里。我非箇中人。何以默識子。振衣忽歸去。隻影千山裏。涪江與中泠。共此一味水。冰盤薦琥珀。何似糖霜美。

送沈達赴廣南

嗟我與君皆丙子。四十九年窮不死。君隨幕府戰西羌。夜渡冰河斫

雲壘。飛塵漲天箭灑甲。歸對妻孥真夢耶。我謫黃岡四五年。孤舟出沒煙波裏。故人不復通問訊。疾病飢寒疑死矣。相逢握手一大笑。白髮蒼顏畧相似。我方北渡脫重江。君復南行輕萬里。功名如幻何足計。學道有牙真可喜。句漏丹砂已付君。汝陽麝盎吾何恥。君歸趁我鷄黍約。買田築室從今始。

豆粥

君不見庠沲流澌車折軸。公孫倉黃奉豆粥。濕薪破竈自燎衣。饑寒頓解劉文叔。又不見金谷敲冰草木春。帳下烹煎皆美人。萍蘆豆粥不傳法。咄嗟而辨石季倫。干戈未解身如寄。聲色相纏心已醉。身心顛倒自不知。更識人間有真味。豈如江頭千頃雪。色蘆茅簷出沒晨煙孤。地碓春杭光似玉。沙餅煮豆軟如酥。我老此身無著處。賣書來問東家住。臥聽鷄鳴粥熟時。蓬頭曳履君家去。

施註蘇詩卷之二十一終

施註蘇詩卷之二十二

詩五十一首

時如汝州

秦少游夢發殯而葬之者云是劉發之柩是歲發首薦秦以詩賀之劉涇亦作因次其韻

君看三代士執雉本以殺身為小補居官死職戰死綏夢尸得官真古語五行勝已期為官官如草木吾如土仕而未祿猶賔客待以純臣蓋非古餽焉曰獻寡君豈比公卿相爾汝世衰道微士失已得喪悲歡反其故草袍蘆箬相嫵媚飲食嬉游事羣聚曲江船舫月燈毬是謂舞殯而歌墓看花走馬到東野餘子紛紛何足數二生年少兩豪逸詩酒不知軒冕苦故令將仕夢發棺勸子勿為官所腐塗車芻靈皆假設著眼細看君勿誤時來聊復一飛鳴進隱不須煩五舉

金山夢中作

自注此及古
論羅非本包
上日中安致
東野貧可惜
去馬何足謝

誤借修

誤近歲佩

江東賈客未綿裘。會散金山月滿樓。夜半潮來風又熟。臥吹簫管到揚州。

次韻周種惠石鈿周種字仁熱御史秩之弟公先曾舉元州教授元祐三年種上疏乞以王安石配享神宗公兩上章自劾乞正綳舉之舉種後由此致身從棠云

銅腥鐵澀不宜泉。愛此蒼然深且寬。蟹眼翻波湯已作。龍頭拒火柄猶寒。薑新鹽少茶初熟。水漬雲蒸餅未乾。自古玉牛多折足。要知無脚是輕安。

次韻蔣穎叔蔣穎叔名之奇宜興人

月明驚鵲未安枝。一棹飄然影自隨。江上秋風無限浪。枕中春夢不多時。瓊林花草聞前語。罨畫谿山指後期。公自注蔣詩記及第時瓊林苑宴坐中所言且約同卜居陽羨豈敢便為雞黍約。玉堂金殿要論思。

龜山辯才師

此生念念浮雲改。寄語長淮今好在。故人宴坐虹梁南。新河巧出龜

與會

山背木魚呼客振。林莽鐵鳳橫空飛。綵繪忽驚堂宇變。雄深坐覺風雷生。磬欬羨師游戲浮漚間。笑我榮枯彈指內。嘗茶看畫亦不惡。問法求詩了無礙。千里孤帆又獨來。五年一夢誰相對。何當來世結香火。永與名山躬井磴。

贈潘谷志林賣墨者潘谷余不識其人然聞其所為非市井人也墨既精妙而價不二子或不持錢求墨不計多少與之此豈徒然者哉余嘗與詩云一朝入海尋李白空看人間畫

墨仙一日忽取欠墨錢秀焚之飲酒三日發狂浪走遂赴井死人下視之蓋跌坐井中手尚持數珠也

潘郎曉踏河陽春。明珠白璧驚市人。那知望拜馬蹏下。曾中一斛泥與塵。何似墨潘穿破褐。琅琅翠餅敲玄笏。布衫漆黑手如龜。未嘗冰壺貯秋月。世人重耳輕目前。區區張李爭媿妍。一朝入海尋李白。空看人間畫墨仙。

徐大正閑軒徐大正字得之因其先君獻守黃州守始從公游秦少游為作閑軒記

冰蠶不知寒。火鼠不知暑。知門地已覺。非閑居侶。君看東坡翁。懶散

張季皆治墨者
考也一朝尋李
白為跌井磴矣
之考

誰比數。形骸墮醉夢。生事委塵土。蚤眠不見燈。晚食或欺午。臥看甌
取盜。坐視麥漂雨。語希舌頰強。行少腰脚僂。五年黃州城。不蹋黃州
鼓。人言我閑客。置此閑處所。問閑作何味。如眼不自覩。頗訝徐孝廉
得閑能幾許。介子願奉使。翁歸備文武。應緣不耐閑。名字挂庭宇。我
詩為閑作。更得不閑語。君如汗血駒。轉盼略燕楚。莫嫌鑾輅重。終勝
鹽車苦。

蒜山松林中可卜居。余欲僦其地。地屬金山。故作此詩與金山

元長老

魏王大瓠無人識。種成何翅實。五石不辭破。作兩大尊。只憂水淺江
湖窄。我材濩落本無用。虛名驚世終何益。東方先生好自譽。伯夷子
路并為一。杜陵布衣老且愚。信口自比契與稷。暮年欲學柳下惠。嗜
好酸醎不相入。金山也是不羈人。蚤歲聞名晚相得。我醉而嬉欲仙
去。旁人笑倒山謂實。問我此生何所歸。笑指浮休百年宅。蒜山幸有
閑田地。招此無家一房客。

王仲父哀辭

并引

仁宗朝以制策登科者十五人。軾忝冒時尚有富彥國。張安道。錢
子飛。吳長文。夏公酉。陳令舉。錢醇老。王中父。并軾與家弟轍九人
存焉。其後十有五年。哭仲父於密州。作詩弔之。則子飛長文。令舉
歿矣。又八年。軾自黃州量移汝海。與中父之子沈之相遇於京口。
相持而泣。則十五人者。獨三人存耳。蓋安道及軾與家弟而已。嗚
呼。悲夫。乃復次前韻以遺沈。之時沈之亦以臯謫家於錢塘云。
生芻不獨比前人。東藁端能廢謝鯤。子達想無身後念。吾衰不復夢
中論。已知毅豹為均死。未識荆凡定孰存。堪笑東坡癡鈍老。區區猶
記刻舟痕。

蔡景繁官舍小閣

十九卷有和蔡海州石室詩蔡景繁名承禧臨川人中華祐進士第嘉祐

嘉章言廷諍前後十數竟罷去又論用兵交趾不可與爭且夕利所遣北軍難以深入論中人李憲不宜主兵柄皆人所難言者後出為淮南轉運副使置司楚州東坡謫黃實存部內獨孝慰藉行部訪之製詞示坡坡以簡謝云此古人長短句詩也試勉繼之晚即面呈又云寄惠奇篇伏讀驚聳李太白自言名章俊語絡繹間起正如此耳謹已和一首并藏篋中吳日當奉呈也和篇皆失其傳與景繁諸帖集亦不載後傳其孫擇言東坡自黃移汝以元豐七年至日過山陽登西閣時景繁方行部既賦此詩且以帖與景繁云西閣詩不敢不作然未敢便寫板上閣名亦思之未有佳者蔡謨蔡廓名父子也晉宗問第一流輒以仰比公家不知可否坡帖云西閣而集本作東閣其義理曉然而誤乃如此神宗元豐五年一新官制遷進廷臣六年以殿前司廨舍地為尚書省自今僕射以下至員外郎聽事凡屋四千餘間故詩云文昌新構滿鸚鵡都邑正喧收杞梓坡以十二月朔至泗州景繁以是月得疾卒坡為文祭之有云子有賢子汗血之駿天哀子窮以是饋贖景繁國史無傳文集亦未之見子居厚事祔陵為諫官仕至戶部侍郎

使君不獨東南美。典刑尚記先君子。戲嘲王叟短轆車。肯為徐郎書紙尾。三年弭節江湖上。和首放懷風月裏。手開西閣坐虛明。目淨東谿照清泚。素琴濁酒容一榻。落霞孤鶩供千里。大舫何時繫門柳。小詩屢欲書牋紙。文昌新構滿鸚鵡。都邑正喧收杞梓。相逢一醉豈有命。南來寂寞君歸矣。

高郵陳直躬處士畫鴈二首

陳直躬偕之子也故家故饒財而借與其弟獨喜學畫其後役日以進家日以微遂以為業士大夫既喜

其畫且愛其為人往往稱之直躬亦世其學云見高郵志

野鴈見人時。未起意先改。君從何處看得此。無人態無乃槁木形。人禽兩自在。北風振枯葦。微雪落瓊瓏。慘澹雲水昏。晶瑩沙礫碎。弋人悵何慕。一舉渺江海。眾禽事紛爭。野鴈獨閑潔。徐行意自得。俯仰若有節。我衰寄江湖。老伴雜鵝鴨。作書問陳子。曉景畫苔雪。依依聚圓沙。稍稍動斜月。先鳴獨鼓翅。吹亂蘆花雪。

和王存二首

公自注存字甫子按王存字元龍父安國字平甫介甫之弟幼敏悟以文章稱於世神宗賜對問卿兄秉政外論謂何曰恨知人不明聚斂大急耳為秘閣校理屢以新法力

諫其兄惡呂惠卿之姦數推抑之惠卿得政因鄭俠工書遂陷平父奪官教歸田里年四十七復官命下而卒

異時長怪謫仙人。舌有風雷筆有神。聞道騎鯨游汗漫。憶嘗捫蝨話悲辛。氣吞餘子無全目。詩到諸郎尚絕倫。白髮故交空掩卷。淚河東注問蒼旻。

娟娟春風送度關。娟娟霜月照生還。遲留歲暮江淮上。來往君家伯仲間。未厭冰灘吼新洛。且看松雪媚南山。野梅官柳何時動。飛蓋長橋待子閑。

次韻張琬

是時有兩張琬一韓城人父昇樞密使歸老嵩少元祐初琬自齊州倅求便親養兩易衛尉丞以才權知秀州崇寧間為廣東轉運副使移京東西路又一鄱陽人治平二年登第詩中有臨淮自古多奇士之句臨淮乃泗邑疑自有一張琬而二人者皆非也姑載於此以俟知者正之

新洛霜餘兩岸隆。塵埃舉袂識西風。臨淮自古多名士。樽酒相連一作從樂寓公。半日偷閑歌嘯裏。百年暗盡往來中。知君不向窮愁老。尚有清詩氣吐虹。

次韻王定國南遷回見寄

王暈銅花蝕秋水。要知須悍石相礪砥。十年冰蘖戰膏梁。萬里煙波濯紈綺。歸來詩思轉清激。百丈空潭數魴鯉。逝將桂浦擷蘭蓀。不記槐堂收劍履。卻思庾嶺今何在。更說彭城真夢耳。公自注來詩述彭城舊游君知先竭

其詩亦人得
其自亦亦得
其至

是甘非我願。得全如苦李。安心不復九回腸。至道終當三洗髓。廣陵陽羨何足較。公自注余買田陽羨未詩以為不如廣陵只有無何真我里。樂全老子今禪伯。公自注謂張安道也定學電機鋒不容擬心通豈復問云何印可聊須答如是相逢為我話。雷滯桃花春漲孤舟起。

贈梁道人

採藥壺公處處過。笑看金狄手摩挲。老人大父識君久。造物小兒如子何。寒盡山中無歷日。雨斜江上一漁蓑。神仙護短多官府。未厭人間醉踏歌。

雍秀才畫草蟲八物

促織

月叢號耿耿。露葉泣溥溥。夜長不自暖。那憂公子寒。

蟬

人耳殊短
駘肖

蛻形濁汗中羽翼便翾好秋來閒何闊已抱寒莖稿

蝦蟇

睥目知誰瞋瞠腹空自脹慎勿困蜈蚣飢蛇不放

蟻娘

洪鐘起暗室飄瓦落空庭誰言轉丸手能作殷牀一作雷聲

天水牛

兩角徒自長空飛不服箱為牛竟何事利吻穴枯桑

蝟虎

跂跂有足蛇脈脈無角龍為虎君勿笑食盡蠆尾蟲

蝸牛

腥涎不滿殼聊足以自濡升高不知回竟作黏壁枯

鬼蝶西陽雜俎鬼蝶一足著木如乾木葉

雙眉卷鐵絲兩翅暈金碧初來花爭妍忽去鬼無迹

泗州南山監倉蕭淵東軒二首

偶隨樵父採都梁公自注南山名都梁山出都梁香故也竹屋松扉試乞漿但見東軒堪隱几不

知公子是監倉谿中亂石牆垣古山下寒蔬七箸香我是江南舊游

客挂冠知有老蕭郎

北望飛塵苦晝霾洗心聊復寄東齋珍禽聲好猶思越野橋香清未

過淮有信微泉來遠嶺無心明月轉空階一官倉庾真堪老坐看松

根落斷崖

泗州除夜雪中黃師是送酥酒二首

自此詩以下至書劉君射堂凡七詩墨蹟刻於成都府治續帖中其後跋云過

泗州作此數詩偶此佳紙精墨寫之以遺旌德君元豐八年正月十日東坡居士書旌德蓋王夫人也墨蹟刻本與集本間有不同今皆從刻石本黃師是名實

暮雪紛紛投碎米春流活活一作咽走黃沙舊游似夢徒能說遷一作客如

僧豈有家冷硯欲書先自凍孤燈何事獨成一一作花使君半夜分酥酒

驚起妻孥一笑譁

關右土酥黃似酒。揚州雲液卻如酥。欲從元放覓拄杖。忽有麴生來坐隅。對雪不堪令飽煖。隔船應已厭歌呼。明朝積玉深三尺。高枕牀頭尚一壺。

章錢二君見和復次韻答之

黃昏已作風翻絮。半夜猶驚月在沙。照汴玉峰明佛剎。隔淮雲海暗人家。來年有信迎三白。蒼筤無香散六花。欲喚阿咸來守歲。林烏櫪馬鬪謹一作譁。

分無纖手裁春勝。更有新詩點蜀酥。醉裏冰髭失纓絡。夢回布被起廉隅。君應旅睫寒生暈。我亦飢腸夜自呼。明日南山春色動。不知誰佩紫微壺。

正月一日雪中過淮謁客回作二首

十里清淮上。長堤轉雪龍。冰崖落屐齒。風葉亂裘茸。萬頃穿銀海。千尋渡玉峰。從來脩月手。合在廣寒宮。攢眉有底恨。得句不妨清。霽霧開寒谷。饑鴉舞雪城。橋聲春市散。塔影暮淮平。不用殘燈火。船牕夜即明。

書劉君射堂

集本云劉乙新作射堂。公自注乙父嘗知眉州。

蘭玉當年刺史家。雙鞬馳射笑穿花。而今白首閑驄馬。只有清樽照畫蛇。寂寂小軒蛛網遍。陰陰垂柳鴈行斜。手柔弓燥春風後。置酒看君中戟牙。

孫莘老寄墨四首

徂徠無老松。易水無良工。珍材取樂浪。妙手惟潘翁。公自注潘谷作墨。雜用高麗煤。魚肥熟萬杵。犀角盤雙龍。墨成不敢用。進入蓬萊宮。蓬萊春晝永。玉殿明房櫺。金戩灑飛白。瑞霧縈長虹。遙憐醉侍常。侍一笑開天容。

初畫非公所
妙過韓公處
美
以所得好以
刻劉也

故公好畫墨
故宜得此道
三篇詩
竟墨香盈

凡
秀色如湯眼
五字包場許
多若冊評改

谿石琢馬肝。刻藤開玉版。噓噓雲霧出。奕奕龍蛇縮。此中有何好。秀色紛滿眼。故人歸天祿。古漆窺蠹簡。偷糜給尚方。老手擅編刻。分餘幸見及。流落一歎赧。

我貧如饑鼠。長夜空齧齧。瓦池研竈煤。葦管書柿葉。近者唐夫子。遠

致烏玉珎。公自注唐林夫寄張過墨半丸先生又繼之。圭璧爛箱篋。晴牕洗硯坐。蚯蚓稍蟠結。便有好事人。敲門求醉帖。

吾窮本坐詩。久服朋友戒。五年江湖上。閉口洗殘債。今來復稍稍快

癢如爬疥。先生不譏訶。又復寄詩械。幽光發奇思。點黠出荒怪。詩成自一笑。故疾逢鰕蟹。

詩戒奇

留題蘭皋亭

雪後東風未肯和。叩門遷客夜經過。不知舊竹生新筍。但見清伊換濁河。無復往來乘下澤。聊同笑語說東坡。明年我亦開三徑。寂寂兼

無雀可羅

和人見贈

只寫東坡不著名。此身已是一長亭。壯心無復春流起。衰鬢從教病葉零。知有雪兒供筆硯。應嗤竈婦洗盆餅。回來索酒公應厭。京口新

傳作客經

和田仲宣見贈

頭白江南醉司馬。寬心時復喚殷兄。寒潮不應淮無信。客路相隨月有情。未許低頭拜東野。徒言共飲勝公榮。好詩惡韻那容和。刻燭應須便置觥。

和王勝之三首

城上湖光暖欲波。美人唱我踏春歌。魯公賓客皆詩酒。誰是神仙張志和。

豆兒在八別離
非是名可少的

齊釀如澠漲綠波。公詩句句可絃歌。流觴曲水無多日。更作新詩繼永和。
要知太守憐孤客。不惜陽春和俚歌。坐睡樽前呼不應。為公雕琢損天和。

記夢并叙

樂全先生夢人以詩三篇示之。字皆旁行而不可識。旁有人道衣古貌為讀。其中一篇云。人事且常在。留質悟圓閒。凡四句。覺而忘其二。以告其客蘇軾。軾以私意廣之云。

圓閒有物物閒空。豈有圓空入井中。不信天形真箇樣。故應眼力自先窮。連環易一作解如神手。萬竅猶號未濟風。稽首問公公大笑。本來誰礙更求通。

寄蘄簞與蒲傳正

蒲傳正名宗孟。閬州新井人。嘗以書寄東坡云。晚年學道有所得。坡答之曰。聞所得甚高。然有二事持勸。一曰慈。二曰儉。此詩云。霧帳

銀床牙籤。玉局云云。亦可見其奉養矣。坡姪女歸其子。淑傳正守長安。其婦冬月開戶以酥滴花菓設客。一客二十釘用已。輒更以此諸婦滴酥。日夜不輟。

蘭谿美箭不成笛。離離玉筋排霜脊。千溝萬縷自生風。入手未開先慘慄。公家列屋閑蛾眉。珠簾不動花陰移。霧帳銀牀初破睡。牙籤玉局坐彈碁。東坡病叟長羈旅。凍臥饑吟似饑鼠。倚賴春風洗破衾。一夜雪寒披故絮。火冷燈青誰復知。孤舟兒女自嗷嗷。皇天何時反炎燠。愧此八尺黃琉璃。願君淨掃清香閣。臥聽風漪聲滿榻。習習還從兩腋生。請公乘此朝閭闔。

寄怪石石斛與魯元翰

山骨裁方斛。江珍拾淺灘。清池上几案。碎月落杯盤。老去懷三友。平生困一簞。堅姿聊自傲。秀色亦堪餐。好去髯卿舍。憑將道眼看。東坡最後供霜雪。照人寒。

漁父四首

雨形空在志
云時

漁父飲誰家去魚蟹一時分付酒無多少醉為期彼此不論錢數
漁父醉蓑衣舞醉裏卻尋歸路輕舟短棹任斜橫醒後不知何處
漁父醒春江午夢斷落花飛絮酒醒還醉醉還醒一笑人間今古
漁父笑輕鷗舉漠漠一江風雨江邊騎馬是官人借我孤舟南渡

施註蘇詩卷之二十二終

施註蘇詩卷之二十三

詩四十八首

起常州居住泊赴登州道中作是歲元豐乙丑先生五十施注缺今補

李憲仲哀詞

并序

同年友李君諱惇字憲仲賢而有文不幸早世軾不及與之遊也
而識其子廌有年矣廌自陽翟見予於南京泣曰吾祖母邊母馬
前母張與君之喪皆未葬貧不敢以饑寒為戚顧四喪未舉死不
瞑目矣適會故人梁先吉老聞余當歸耕陽羨以絹十匹絲百兩
為贖辭之不可乃以遺廌曰此亦仁人之魄也既又作詩以告知
君與廌者庶幾皆有以助之廌年二十五其文曄然氣節不凡此

豈終窮者哉

大夢行當覺百年物未滿還哀已逝人長眠寄孤館念我同年生意
長日月短鹽車困騏驥烈火廢圭瓊後生有奇骨出語已精悍蕭然

是同年友聲
情

野鶴姿誰復識中散○有生寓大塊○死者誰不歎○嗟君獨久客○不識黃
土煖○推衣助孝子○一概滋湯旱○誰能脫左驂○大事不可緩

贈眼醫王生彥若

鍼頭如麥芒○氣出如車軸○間關絡脈中○性命寄毛粟○而况清淨眼○內
景含天燭○琉璃貯沆瀣○輕脆不任觸○而子於其間○來往施鋒鏃○笑談
紛自若○觀者頸為縮○運鍼如運斤○去翳如拆屋○常疑子善幻○他技雜
符祝○子言吾有道○此理君未矚○形骸一塵垢○貴賤兩草木○世人方重
外妄見○瓦與玉○而我初不知○刺眼如刺肉○君看目與翳○是翳要非目
目翳尚二物○易分如麥菽○寧聞老農夫○去草更傷穀○鼻端有餘地○肝
膽分楚蜀○吾於五輪間○蕩蕩見空曲○如行九軌道○竝驅無擊轂○空花
誰開落○明月自朏音朏請問樂全堂○忘言老尊宿公自注彥若樂全先生門下醫也

與歐育等六人飲酒

極重知人止是
見可物不忽自身

忽驚春色二分空○且看樽前半丈紅○苦戰知君便白羽○倦遊憐我憶
黃封○年來齒髮老未老○此去江淮東復東○記取六人相會處○引杯看
劍生生風

觀杭州鈴轄歐育刀劍戰袍

青綾衲衫暖襯甲○紅線勒帛光遶脅○禿襟小袖雕鷲盤○大刀長劍龍
蛇桺○兩軍鼓譟屋瓦墜○紅塵白羽紛相雜○將軍恩重此身輕○笑履鋒
銳如一插○書生只肯坐帷幄○談笑毫端弄生殺○叫呼擊鼓催工竿○猛
士應憐小兒黠○試問黃河夜偷渡○掠面驚沙寒霎霎○何如大艦日高
眠○一枕清風過蒼雲

王伯敬所藏趙昌花四首

歐陽歸田錄近世名畫趙昌花寫生逼真而筆法較俗珠無克格致然時亦未有其比圖畫見關志趙昌字昌之廣漢人王畫花果時稱絕倫

梅花

南○行○渡○關○山○沙○水○清○練○練○行○人○已○愁○絕○日○暮○集○微○霰○慙○慙○小○梅○花○鬢

鬢吳姬面。暗香隨我去。回首驚千片。至今開畫圖。老眼淒欲泣。幽懷不可寫。歸夢君家倩。

黃葵

弱質困夏永。竒姿蘇曉一作晚涼。低昂黃金盃。照曜初日光。檀心自成暈。翠葉森有芒。古來寫生人。妙絕誰似昌。晨糲與午醉。真態含陰陽。君看此花枝。中有風露香。

芙蓉

清飈已拂林。積水漸收潦。溪邊野芙蓉。花水相媚好。坐看池蓮盡。獨伴霜菊稿。幽姿強一笑。莫景迫摧倒。淒涼似貧女。嫁晚驚衰早。誰寫少年容。樵人劍南老。

山茶

蕭蕭南山松。黃葉墮勁風。誰憐兒女花。散火冰雪中。能傳歲寒姿。古

來惟邱翁。趙叟得其妙。一洗膠粉空。掌中調丹砂。染此鶴頂紅。何須誇落墨。獨賞江南工。

寄吳德仁兼簡陳季常

東坡先生無一錢。十年家火燒。凡鉛黃金可成河。可塞只有霜鬢一作鬢。無由玄龍邱居士。亦可憐。空談說有夜不眠。忽聞河東師子吼。拄杖落手心茫然。誰似濮陽公子賢。飲酒食肉自得仙。平生寓物不留物。在家學得忘家禪。門前罷亞十頃田。清溪遶屋花連天。溪堂醉臥呼不醒。落花如雪春風顛。我遊蘭谿訪清泉。已辨布襪青行纏。稽山不一作不是無賀老。我自晝興盡回酒船。恨君不識顏平原。恨我不識元魯山。銅駝陌上會相見。握手一笑三千年。

題王逸少帖

顛張醉素兩禿翁。追逐世好稱書工。何曾夢見王與鍾。妄自粉飾欺

盲聾有如市倡抹青紅。妖歌嫚舞眩兒童。謝家夫人淡丰容。蕭然自有林下風。天門蕩蕩驚跳龍。出林飛鳥一掃空。為君草書續其終。待我他日不忿忿。

先生之愛西湖
以此

序初諸碑存而
字如石度可見
必必有蓋亦深
於書律者

書林逋詩後

逋字君復杭州錢塘人
仁宗賜謚和靖先生

吳儂生長湖山曲。呼吸湖光飲山綠。不論世外隱君子。傭奴販婦皆冰玉。先生可是絕俗人。神清骨冷無由俗。我不識君曾夢見。瞳子瞭然光可燭。遺篇妙字處處有。步遶西湖看不足。詩如東野不言寒。書似西臺差少肉。平生高節已難繼。將見死微言猶可錄。自言不作封禪書。更有悲吟白頭曲。公自注逋臨終詩云茂陵異日求遺草猶喜初無封禪書我笑吳人不好事。好作祠堂傍修竹。不然配食水仙王。一盞寒泉薦秋菊。

和仲伯達

歸山歲月苦無多。尚有丹砂奈老何。繡谷只應花自染。鏡潭長與月

相磨。君方傍海看初日。我已橫江擊素波。人不我知斯我貴。不須雷雨起龍梭。

春日

鳴鳩乳燕寂無聲。日射西牕潑眼明。午醉醒來無一事。只將春睡賞春賞晴。

贈袁陟

袁陟字世弼豫章人自號遜翁
有集子卷嘉祐開終秘書丞

是身如虛空。萬物皆我儲。胡為強分別。百金買田廬。不見袁夫子。神馬載尻輿。游乎無何有。一飯不願餘。官湖為我池。學舍為我居。何以遺子孫。此身自蘆蓀。薰風暗楊柳。秋水淨芙蓉。藁應觀我知。子不怪子知魚。

蘇子容母陳夫人挽詞

名頌字子容元祐
中為尚書左丞

蘇陳甥舅真冰玉。正始風流起頽俗。夫人尚節稱其家。凜凜寒松映

修竹鷄鳴為善日日新八十年如一晨豈惟室家宜壽母實與朝
廷生異人忘軀狗國乃吾子三任何曾知慍喜不須擁笏彊垂魚我
視去來皆夢爾誦詩相挽真區區墓碑千字多遺餘他年太史取家
傳知有珎昭續漢書

歸宜興留題竹西寺三首

宜興常州屬縣竹西寺在揚州杜牧詩誰知竹西路歌吹是揚州再見

十年歸夢寄西風此去真為田舍翁剩覓蜀岡新井水要攜鄉味過
江東

道人勸飲雞蘇水童子能煎鶯粟湯暫借藤牀與瓦枕莫教孤負竹
風涼

此生已覺都無事今歲仍逢大有年山寺歸來聞好語野花啼鳥亦
欣然

孟震同遊常州僧舍三首

孟震字亨之東平人嘗為黃州通判

好詩印括方有
罕也

年來轉覺此生浮又作三吳浪漫游忽見東平孟君子夢中相對說

黃州

湛湛清池五月寒小山無數碧巔岼穉杉戢戢三千本且作凌雲合
抱看

知君此去便歸耕笑指孤舟一葉輕待向三茅乞靈雨半篙流水送
君行

贈常州報恩長老二首

碧玉盃盛紅馬腦井花水養石菖蒲也知法供無窮盡試問禪師得
飽無

老懷初不許薦福老懷真巧便淨慈兩本更尖新憑師為作鐵門限準備人間請
話人

次韻答賈耘老

老懷初不許
僧也

五年一夢南司州。饑寒疾病為子憂。東來六月井無水。仰看古堰橫
奔牛。平生管鮑子知我。今日陳蔡誰從邱。夜航爭渡泥水澀。牽挽直
欲來瓜州。自言嗜酒得風痺。故鄉不敢居溫柔。定將泛愛救溝壑。衰
病不復從前樂。今年太守真臥龍。笑語炎天出冰雹。時低九尺蒼鬢
髯。過我三間小池閣。故人改觀爭來賀。小兒不信猶疑錯。為君置酒
飲且哦。草間秋蟲亦能歌。可憐老驥真老矣。無心更秣天山禾。

墨花并引

世多以墨畫山水竹石人物者。未有畫花者也。汴人尹白能之。為

賦一首

造物本無物。忽然非所難。花心起墨暈。春色散毫端。縹緲形纔具。扶
疎態自完。蓮風起顛一作畫傾倒。杏雨半摧殘。獨有狂居士。求為黑牡丹。兼
書平子賦。歸向雪堂看。

淡古十自侍

送竹几與謝秀才

平生長物擾天真。老去歸田只此身。畱我同行木上座。贈君無語竹
夫人。但隨秋扇年年在。莫鬪瓊枝夜夜新。堪笑荒唐玉川子。莫年家
口若為親。

溪陰堂

白水滿時雙鷺下。綠槐高處一蟬吟。酒醒門外三竿日。臥看溪南十
畝陰。

次韻許遵

蒜山渡口挽歸艍。朱雀橋邊看道裝。供帳已應煩百兩。擊鮮無久溷
諸郎。問禪時到長干寺。載酒閒過綠野堂。此味只憂兒輩覺。逢人休
道北牕涼。

贈章默并序

臥看溪陰堂
一好景

千古曰病
章默居士字志明生公侯家才性高爽棄家求道不蓄妻子與世無累而父母與兄之喪貧不能舉以是眷眷世間不能無求於人余深哀其志既有以少助之又取其言為詩以贈其行庶幾有哀之者

章子親未葬。餘生抱羸疾。朝吟噎鄰里。夜淚腐茵席。前年黑花生。今歲白髮出。身隨日月逝。恨與天地畢。願求不毛田。親築長夜室。難從王孫裸。未忍夏后聖。五陵多豪士。百萬付一擲。心知義財難。甘就貧友乞。不辭毛粟施。行自邱山積。此志苟朝遂。夕死真不戚。誓求無生理。不踐有為迹。棄身尸院林。烏鳶任狼藉。

送穆越州

穆名珣字東美

江海相忘十五年。羨公松柏蔚蒼顏。四朝耆舊冰霜後。兩郡風流水石間。舊政猶傳蜀父老。先聲已振越溪山。樽前俱是蓬萊守。莫放高

樓雪月間

贈葛葦

竹椽茅屋半摧傾。肯向蜂窠寄此生。長恐波頭卷室去。欲將船尾載君行。小詩試擬孟東野。大草閑臨張伯英。消遣百年須底物。故應憐我不歸耕。

贈王寂

與君暫別不須嗟。俯仰歸來鬢未華。記取江南烟雨裏。青山斷處是君家。

南都妙峰亭

千尋挂雲闕。十頃含風灣。開門弄清泚。照見雙銅環。池臺半禾黍。桃李餘榛菅。無人肯回首。日暮車班班。史君非世人。心與古佛閒。時要聲利客。來洗塵埃顏。新亭在東阜。飛宇臨通闌。古甃磨翠壁。霜林散

烟鬟孤雲抱商邱。芳草連杏山。俯仰盡法界。逍遙寄人寰。亭亭妙高峰。了了蓬艾間。五老壓彭蠡。三峰照潼關。均為拳石小。配此一掬慳。煩公為標指。免使勤躋攀。

神宗皇帝挽詞三首

文武固天縱。欽明又日新。化民何止聖。妙物獨稱神。政已三王上。言皆六籍醇。巍巍本無象。刻畫愧孤臣。

未易名堯德。何須數舜功。小心仍致孝。餘事及平戎。典禮從周舊。官儀與漢隆。誰知本無作。千古自承風。

接統真千歲。膺期止一章。周南稍畱滯。宣室遂淒涼。病馬空嘶櫪。枯葵已泣霜。餘生臥江海。歸夢泣嵩邙。

金山妙高臺

我欲乘飛車。東訪赤松子。蓬萊不可到。弱水三萬里。不如金山去。清

善詞

仙風起舉

身如邱多
身如邱多
身如邱多
身如邱多

風半帆。耳中有妙高臺。雲峰自孤起。仰觀初無路。誰信平如砥。臺中老比丘。碧眼照牕几。巉巉玉為骨。凜凜霜入齒。機鋒不可觸。千偈如翻水。何須尋德雲。即此比丘是長生。未暇學。請學長不死。

贈杜介并序

元豐八年七月二十五日杜幾先自浙東還與余相遇於金山話天台之異以詩贈之

杜探夢境
列一底少味
我夢遊天台。橫空石橋小。秋風吹茵露。翠濕香娟娟。應真飛錫過。絕澗度雲鳥。舉意欲從之。翛然已松杪。微言粲珠玉。未說意先了。覺來如墮空。耿耿牕戶曉。羣生陷迷網。獨達從古少。杜叟子何人。長嘯萬物表。妻孥空四壁。振策念輕裘。矯遂為赤城遊。飛步凌縹緲。問禪不歸舍。屢為瓠壺繞。何人識此志。佛眼自照瞭。我夢君見之。卓爾非魔媯。仙葩發茗椀。剪刻分葵蓼。從今更不出。閉戶閑騷裏。時從佛頂巖。

馳下雙蓮沼

次韻孫莘老斗野亭寄子由在邵伯堰

寰宇記邵伯堰在揚州廣陵縣云謝安所築按安傳及至新城築堞

於城北人追思之名為台伯堞然則所謂新城豈乃廣陵耶

落帆謝公渚。日脚東西平。孤亭得小憩。暮景含餘清。坐待斗與牛。錯
落挂南甕。老僧如夙昔。一笑意已傾。新詩出故人。舊事疑前生。吾生
心往來。送老海上城。逢人輒自哂。得魚不忍烹。似聞績溪老。復作東
都行。小詩如秋菊。艷艷霜中明。過此感我言。長篇發春榮。

送楊傑并序

無為子嘗奉使登太山絕頂雞一鳴見日出又嘗以事過華山重
九日飲酒蓮華峰上今乃奉詔與高麗僧統游錢塘皆以王事而
從方外之樂善哉未曾有也作是詩以送之

天門夜上賓出日。萬里紅波半天赤。歸來平地看跳丸。一點黃金鑄

紫鍾鍊

秋橋大華峰頭作重九天風吹灑黃花酒浩歌馳下腰帶鞶醉舞崩
崖一揮手神游八極萬緣虛下視蚊雷隱汗渠大千一息八十返笑
厲東海騎鯨魚三韓王子西求法鑿齒彌天兩勅敵過江風急浪如
山寄語舟人好看客

次韻送徐大正

公自注嘗與余約卜鄰於江淮間將赴登州同舟至山陽以詩見送留別

別時酒醞照燈花。知我歸期漸有涯。去歲渡江萍似斗。今年竝海棗
如瓜。多情明月邀君共。無價青山為我賒。千首新詩一竿竹。不應空
釣漢江槎。

楊康功有石狀如醉道士為賦此詩

楚山固多稜。青者黠而壽。化為狂道士。山谷恣騰踴。誤入華陽洞。竊
飲茅君酒。君命囚巖間。巖石為械杻。松根絡其足。藤蔓縛其肘。蒼苔
昧其目。叢棘哽其口。三年化為石。堅瘦敵瓊玖。無復號雲聲。空餘舞

杯手樵夫見之笑。抱賣易升斗。楊公海中仙。世俗那得友。海邊逢姑射。一笑微俛首。胡不載之歸。用此頑且醜。求詩紀其異。本末得細剖。吾言豈妄云。得之亡是與。

迨作淮口遇風戲用其韻

我詩如病驥。悲鳴向衰草。有兒真驥子。一噴羣馬倒。養氣勿吟哦。聲名忌太早。風濤借筆力。勢逐孤雲掃。何如陶家兒。遠舍覓梨棗。君看押彊韻。已勝郊與島。

次韻徐積

徐積字仲車

殺雞未肯邀季路。裹飯先須問子來。但見中年隱槐市。豈知平日賦蘭臺。海山入夢方東去。風雨留人得暫陪。若說峨眉眼前事。故鄉何處不堪回。

元豐七年有詔京東淮南築高麗亭館密海二州騷然有逃亡

者明年軾過之歎其壯麗留一絕云

人無。簷楹飛舞垣牆外。桑柘蕭條斤斧餘。盡賜昆邪作奴婢。不知償得此人無。

過密州次韻趙明叔喬禹功

先生依舊廣文貧。老守時遭醉尉嗔。汝輩何曾堪一笑。吾儕相對復三人。黃雞唱曉淒涼曲。白髮驚秋見在身。一別膠西舊朋友。扁舟歸釣五湖春。

再過常山和昔年留別詩

偃僂山前叟。迎我如迎新。那知夢幻軀。念念非昔人。江湖久放浪。朝市誰相親。卻尋泉源去。桃花逢避秦。

再過超然臺贈太守霍翔

超然臺在密州舊因城以為臺公守密州葺而新之自為之記

昔飲雩泉別常山。天寒歲在龍蛇間。山中兒童拍手笑。問我西去何

此公未了之類
皆以房之窪
君

當還十年不赴竹馬約。扁舟獨與魚蓑閒。重來父老喜我在。扶挈老
幼相遮攀。當時襁褓皆七尺。而我安得留朱顏。問令太守為誰歟。護
羌充國鬢未斑。公自注。翔自言在熙河作屯田有功。躬持牛酒勞行役。無復杞菊嘲寒慳。超然
置酒尋舊迹。尚有詩賦鏡堅頑。孤雲落日在馬耳。照耀金碧開煙鬟。
卻當以扶。淇自古北流水。跳波下瀨鳴玦環。願公談笑作石埭。坐使城
郭生溪灣。

施註蘇詩卷之二十四

詩四十三首

起自登州還朝。汨元祐丙寅。改元在西掖。作本卷用王鞏韻。送其姪震。以後詩如千首。施註缺。今補。

海市 并引

予聞登州海市舊矣。父老云。常出於春夏。今歲晚不復見矣。予到
官五日而去。以不見為恨。禱於海神。廣德王之廟。明日見焉。乃作

此詩

東○加○雲○海○空○復○空○羣○仙○出○沒○空○明○中○滂○搖○浮○世○生○萬○象○豈○有○則○闕○歲
珠○宮○心○知○所○見○皆○幻○影○敢○以○耳○目○煩○神○工○歲○寒○水○冷○天○地○閉○為○我○起
蟄○鞭○魚○龍○重○樓○翠○阜○出○霜○曉○異○事○驚○倒○百○歲○翁○人○間○所○得○容○力○取○世
外○無○物○誰○為○雄○率○然○有○請○不○我○拒○信○我○人○厄○非○天○窮○潮○陽○太○守○南○遷
歸○喜○見○石○廩○堆○祝○融○自○言○正○直○動○山○鬼○豈○知○造○物○哀○龍○鍾○信○詹○一○笑
豈○易○得○神○之○報○汝○亦○已○豐○斜○陽○萬○里○孤○鳥○沒○但○見○碧○海○磨○青○銅○新○詩

詩成多起

綺語亦安用相與變滅隨東風

登州孫氏松堂

萬松誰種已樵樵半嶺蒼雲映此邦露重珠瓊蒙翠蓋風來石齒碎
寒江浮空兩竹橫南閣倒景扶桑射北牕坐待夕烽傳海嶠重城歸
去踏逢逢

過萊州雪後望三山

東海如碧環西北卷登萊雲光與天色直到三山回我行適冬仲薄
雪收浮埃黃昏風絮定半夜扶桑開參差太華頂出沒雲濤堆安期
與羨門乘龍安在哉茂陵秋風客勸爾麾一杯帝鄉不可期楚些招
歸來

遺直坊并引

富公之客李君諱常登人也故太守李公諱師中榜其閭曰遺直

而其子大方求詩於軾為賦一首

使君不浪出羔鴈親扣門先生但清坐薤水已多言當時邦人化市
無晨飲豚歲月曾幾何客主皆九原曾經有遺歎楚些無歸魂我作
遺直詩過者式其藩

次韻趙令鏐

趙令鏐字伯堅一云字景既熙寧中以
諸衛將軍對策學士院改職方員外郎

東坡已報六年穰惆悵紅塵白首郎枕上谿山猶可見門前冠蓋已
相望故人年少真瓊樹落筆風生戰堵牆端向甕間尋吏部老來專
以醉為鄉

次韻王定國得穎倅二首

仙風入骨已殘凌雲秋水為文不受塵一噫因應號地籟餘波猶足
挂天紳買牛但自捐三尺射鼠何勞挽六鈞莫向百花潭上去醉翁
不見與誰親

滔滔四海我知津。每媿先生植杖耘。自少多言晚聞道。從今閉口不
論文。灑翻白獸樽中酒。歸煮青泥坊底芹。要識老僧無盡處。牀前牛
蟻不曾聞。

次韻趙令鏐惠酒

神仙無石髓。生世悲暫寓。坐待玉膏流。千載真旦暮。青州老從事。高
工非所部。惠然肯見從。知我憎市醅。開竝自洗盞。看核誰與具。門前
聽剝啄。烹魚得尺素。

送范純粹守慶州

范純粹字德孺文正公之季子哲宗即位以直龍圖閣京東轉運副使代其兄忠宣公
守慶請棄所侵西夏地日爭地未棄則邊隙無時可除於是遂四若而夏人服始聖後

以柔地故又坐堂銅屢起屨仆終龍圖閣直學士此詩言文正公在
仁宗時李元昊叛命訖以計降之德孺守慶州竟如先生所期云

和。大。古。難。論。用。論。高。常。近。近。君。看。趙。魏。老。乃。為。滕。大。夫。浮。雲。無。根。蒂。
黃。潦。能。須。臾。知。經。幾。成。敗。得。見。真。賢。愚。羽。旄。照。城。闕。設。笑。安。邊。隅。當
年。老。使。君。赤。手。降。於。菟。諸。郎。更。何。事。折。箠。鞭。其。雛。吾。知。鄧。平。叔。不。關。

月支胡

次韻王震

攜文過我治平間。霧豹當時始一班。聞道吹噓借餘論。故教流落得
生還。清篇帶月來霜夜。妙語先春發病顏。詩酒暮年猶足用。竹林高
會許時攀。

次韻王定國謝韓子華過飲

楚有孫叔敖。長城隱千里。哀哉練帶子。負薪躡破履。豈無故交親。逝
去如覆水。不如老優孟。談笑託諧美。世家不可恃。如倚折足几。祥符
有賢相。手握天下砥。懿敏亦名公。三貴德爵齒。蓋棺今幾日。公子誰
料理。誰要卿料理。欲說且止止。宅相開府公。久為蒼生起。如何垂老
別。冰盤餽蒼耳。二嫌妨鶚薦。相對發微訛。新詩如彈丸。脫手不移晷。
我亦老賓客。苦語落紈綺。莫辭三工章。有道貧賤恥。

惠崇春江晚景二首

圖畫見開志建陽僧惠崇尤工小景為寒汀遠渚蕭蕭虛曠之象人所難到

竹外桃花兩三枝。春江水暖鴨先知。蒹葭滿地蘆花短。正是河豚欲上時。

兩兩歸鴻欲破羣。依依還似北歸人。遙知朔漠多風雪。更待江南半月春。

次韻周邠

周邠字開祖已見第六卷公倅杭相與倡酬故結句云

南遷欲舉力田科。三徑初成樂事多。豈意殘年踏朝市。有如疲馬畏陵坡。羨君同甲心方壯。笑我無聊鬢已皤。何日西湖尋舊賞。沒煙疎雨暗漁蓑。

次韻胡完夫

胡完夫名宗愈晉陵人副樞宿之姪

青衫別淚尚瀾斑。十載江湖困抱關。老去上書還北闕。朝來拄笏看西山。相從杯酒形骸外。笑說平生醉夢間。萬事會須涖伯始。白頭容

我占清閑。

次韻錢穆父

欽宗在東宮時所藏東坡帖甚富多有宸翰金題即位後出二十軸賜吳少宰元中元中為曾文清姝婿以十軸歸之今藏於元孫戶部郎樂道葉宿為餘姚

嘗刻石縣齋墨蹟云病客未從飯顛山集本作遷客一言置我老劉閒集本作二劉諸家所註皆引石勒載記云朕當在二劉之間耳先生自註云公行軼告詞引董仲舒劉向事此註集本亦不載今補穆父名魏吳越讓王諸孫五歲日誦十言十三歲制舉業成既中秘閣選廷對入等矣會王介甫惡孔經父策罷科不得第以蔭入官神宗召對將任以清要介甫知其必不附已命叔鹽鐵判官元祐初拜中書舍人故有故人飛上金鑿殿之句哲宗蒞政入翰林章子厚當軸憾其時昔謫詞有快快非少主之臣經歷無大臣之節二語罷知池州以卒後追復就國閣學士

老入明光踏舊班。染須那復唱陽關。故人飛上金鑿殿。病客來從飯顛山。大筆推君西漢手。一言置我老劉閒。便須置酒呼同舍。看賜飛龍出帝閑。

次韻穆父舍人再贈之什

此首集本不載今補入是時先生為起居舍人故用唐志所載起居郎執筆記錄事

詔語春溫昨夜班。屋頭鳴鵙便關關。游仙夢覺即臨愧。賀雨詩成雲滿山。憐我白頭來仗下。看君黃氣發眉間。鳳池故事同機務。火急開樽及尚閑。

再次韻答完夫穆父

公自注二公自言
先世同在西掖

掖垣老吏一作識郎君並轡天街兩絕塵。汗血固應生有種。夜光那復
困無因。豈知西省深嚴地。也著東坡病瘦身。免使謫仙明月下。狂歌
對影只三人。

次韻答滿思復

滿思復字中行元豐末為左司郎中哲宗即位東坡自登州召入為郎禮部尚
書擢起居舍人中行並命為起居郎又同省而中行為東陽人故有跛祥隨赤

驥號高卷
有顏之句

自甘茅屋老三門。豈意彤廷綴兩班。紙落雲煙供醉後。詩成珠玉看
朝還。誰言載酒山無賀。記取嘯烏巷有顏。但恐跛祥隨赤驥。青雲飛
步不容攀。

送戴蒙赴成都玉局觀將老焉

拾遺被酒行歌處。野梅官柳西郊路。聞道華陽版籍中。至今尚有城
南杜。我欲歸尋萬里橋。水花風葉暮瀟瀟。芋魁徑尺誰能盡。禮木三

年已足燒。百歲風狂定何有。羨君今作峨眉叟。縱未家生執戟郎。也
應世出埋輪守。莫欺老病未歸身。玉局他年第幾人。會待子由清興
發。還須雪夜去尋君。

送陳睦知潭州

陳睦字和叔嘉祐六年第進士初和叔為兩浙提刑嘗勸襄氏婢夏
沈美香獄差秀州倅張若濟重勸夏沈香遂坐死杜陳戚三樣亦得衝

替語在第七卷公時倅抗賦詩送之云殺人無驗中不快此恨終身恐難了蓋指和叔若
濟云茲送和叔所述者止少時登臨相從而己並無一語及其人則不與之意可見

華清縹渺浮高棟。上有繡林藏石甕。一杯此地初識君。千巖夜工同
飛鞚。君時年少面如玉。一飲百觚嫌未痛。白鹿泉頭山月出。寒光滌
眼如流汞。朝元閣上酒醒時。臥聽風鸞鳴鐵鳳。舊游空在人何處。二
十三年真一夢。我得生還雪髯滿。君亦老嫌金帶重。有如社燕與秋
鴻。相逢未穩還相送。洞庭青草渺無際。天柱紫蓋森欲動。湖南萬古
一長嗟。付與騷人發嘲弄。

用前韻答西掖諸公見和

雙猊蟠礎龍纏棟。金井轆轤鳴曉鑿。小殿垂簾碧一作玉鈎。大宛立仗青絲鞚。風馭賓天雲雨隔。孤臣忍淚肝腸痛。羨君意氣風生坐。落筆縱橫盤走汞。上樽日日瀉黃封。賜茗時時開小鳳。閉門憐我老太玄。給札看君賦雲夢。金奏不知江海眩。木瓜屢費瓊瑤重。宣惟蹇步困追攀。已覺侍史疲奔送。春還宮柳腰支活。雨一作水入御溝鱗甲動。借君妙語發春容。願我風琴不成弄。

次韻王觀正言喜雪

王觀字明叟泰州如皋人第進士元祐初呂正獻范忠宣薦其可大任擢右正言進司諫極言當位者姦邪害正使一二元老不得行其志章數十上公論建之公時為右史故云我方執筆待君猶伏閣爭云云

聖人與天通。有詔寬獄市。好語夜喧街。濕雲朝覆砌。紛然退朝後。色映宮槐媚。欲誇剪刻工。故上朱藍袂。我方執筆待一作侍未敢書上瑞。君猶伏閣爭高論。亦少慰霏霏。止還作盎盎。風與氣神龍。久潛伏。一怒勢必倍。行當見三白。拜舞謹萬歲。歸來飲君家。酣詠追既醉。

和蔣發運

之奇字類叔宜與人

夜語翻千偈。書來又一言。此身真佛祖。何處不羲軒。船穩江吹坐。樓空月入樽。遙知思我處。醉墨在頽垣。

送表弟程六知楚州

公母成國太夫人程氏眉山著姓其姪之才字正輔第二之元字德孺第六即楚州也之印字懿叔第七

炯炯明珠照雙壁。當年三老蘇。程石里人下道避鳩杖。刺史迎門倒靛髯。我時與子皆兒童。狂走從人覓梨栗。健如黃犢不可恃。隔過白駒那暇惜。醴泉寺古垂橘柚。石頭山高暗松櫟。諸孫相逢萬里外。一笑未解千憂集。子方得郡古山陽。老手生風謝刀筆。我正含毫紫微閣。病眼昏花困書檄。莫教印綬繫餘年。去掃墳墓當有日。功成頭白早歸來。共藉梨袍作寒食。

和人假山

上黨攬天碧玉環。絕河千里抱商顏。試觀煙雨三峰外。都在靈仙一

後到山碧台台
人凌楚

掌間造物何如童子戲。寫真聊發使君閑。何當挈取西征去。畫作圍
林六曲山。

送王伯敬守虢

王伯敬名廷老

華山東麓秦遺民。當時依山來避秦。至今風俗含古意。柔桑淶水招
行人。行人掉臂不回首。爭入峭函土囊口。惟有使君千里來。欲飲三
堂無事酒。三堂本來一事無。日長睡起聞投壺。牀頭硯石開雲月。澗
底松根斲雪腴。山棚盜散人安寢。勸買耕牛發陳廩。歸來只作水衡
卿。我欲攜壺就君飲。

道者院池工作

下馬逢佳客。攜壺傍小池。清風亂荷葉。細雨出魚兒。井好能冰齒。茶
甘不上眉。歸塗更蕭瑟。真箇解催詩。

次韻子由送千之姪

茶若皺眉甘則
不亦特微也

請仙竄夜郎。子美耕東屯。造物豈不惜。要令工語言。王郎年少日。文
如餅水翻。爭鋒雖剽甚。聞鼓或驚奔。天欲成就之。使觸羝羊藩。孤光
照微陋。耿如月在盆。歸來千首詩。傾瀉五石樽。卻疑彭澤在。頗覺蘇
州煩。君看騶忌子。廉折配春溫。知音必無人。壞壁挂桐孫。

用王鞏韻送其姪震知蔡州

王震字子發文正公旦曾孫子發時為給事中故云夕郎

九門插天開。萬馬先朝屯。舉鞭紅塵中。相見不得言。夜走清虛宿。扣
門驚鵲翻。君家汾陽家。永巷車雷奔。夕郎方不夕。列戟以自藩。相逢
開月閣。畫簷低金盆。至今夢中語。猶舉燈前尊。阿戎修玉牒。未憚筆
削煩。君歸助獻納。坐繼岑與溫。我客二子閒。不復尋諸孫。
首注子美詩云叔門多傳者且復尋諸孫

虢國夫人夜游圖

佳人自輕玉花驄。翩如驚燕踏飛龍。金鞭爭道寶釵落。何人先入明
光宮。宮中羯鼓催花柳。玉奴絃索花奴手。坐中八姨真貴人。走馬來

看不動塵。明眸皓齒誰復見。只有丹青餘淚痕。人間俯仰成今古。吳公臺下雷塘路。當時亦笑張麗華。不知門外韓擒虎。

用舊韻送魯元翰知洛州

我在東坡下。躬耕三畝園。君為尚書郎。坐擁百吏繁。鳴蛙與鼓吹。等是俗物喧。永謝十年舊。老死三家村。惟君締袍信。到我羅雀門。緬懷故人意。欲使薄夫敦。新年到宣室。白首代堯言。相逢問前輩。所見多後一作昆。道館雖云樂。冷卿當復溫。還持刺史節。卻駕朱輪軒。黃髮方用事。白鬢少存嗣。聖真生知拯。民如救燔初。囚羽淵魄。盡返湘江魂。坐憂東郡決。老守思王尊。北流桑柘沒。故道塵埃翻。知君一寸心。可敵千步坦。流亡自栖止。老幼忘崩奔。得閑閉閣坐。勿使道眼渾。聊乘應捨筏。直泝無生源。歸來成二老。夜榻當重論。

次韻朱光庭初夏

朝罷人人識鄭崇。直聲如在履聲中。臥聞疎響梧桐雨。獨詠微涼殿閣風。諫苑君方績承業。醉鄉我欲訪無功。陶然一枕誰呼覺。牛蟻初除病後聰。

次韻朱光庭喜雨

久苦趙盾日。欣逢傳說霖。坐知千里足。初覺兩河深。破屋常持傘。無薪欲爨琴。清詩似庭燎。雖美未忘箴。

奉敕祭西太一和韓川韻四

東軒筆錄太一宮舊在京城西蘇村謂之西太一熙寧初詔作宮於京城之東西隅謂之中太一

聖主新除秘祝。侍臣來乞豐年。壽宮神君欲至。半夜靈風肅然。玉璽親題御筆。金童來侍天香。禮罷祝融參乘。前驅已過衡湘。解劍獨行殘月。披衣困臥清風。夢蝶猶飛旅枕。粥魚已響枯桐。陂水初含曉漲。稻花半作秋香。皂蓋卻迎朝日。紅雲正繞宮牆。

西太一見王荆公舊詩偶次其韻二首

王荆公詩云柳葉鳴蜩綠暗荷花落日紅酣三十六陂春水白頭相見江

南二十年前此地父兄持我東西今日重來白首尋舊迹都迷先生見此兩絕注日久之曰此老野狐精也遂和之後魯直亦和四首

但有樽中若下何須墓上征西聞道烏衣巷口而今烟草萋迷秋草川源淨麗雨餘風日清酣從此歸耕劍外何人送我池南

施註蘇詩卷之二十四終

施註蘇詩卷之二十五

詩四十九首時在翰林作

次韻子由送陳侗知陝州

誰能如鐵牛橫身負黃河滔天不能沒尺筆未易訶世俗自無常徐公故遠逾別來不可說事與浮雲多當時無限人毀譽即墨阿虛聲了無實夜蟲鳴機梭相逢一笑外奈此白髮何天驥皆籟雲長鳴飽芻禾王庭旅百實大貝隨弓戈君獨一麾去欲賡五袴歌甘棠古樂國白酒金叵羅知君不久留治行中新科過客足賔喜東堂記分醵此外但坐嘯後生工揣摩

送賈納倅眉二首

當年入蜀歎空回未見峨眉眉眉再來童子遙知頌襦袴使君先已洗樽罍公自注李大夫眉之賢守也鹿頭北望應逢鴈人日東郊尚有梅公自注人日出東郊渡江游驀頭山眉之故事也我老

接首句

不堪歌樂職後生試覓子淵和

老翁山下玉淵回手植青松三萬栽父老得書知我在蓬蒿親手為

君開試看一一龍蛇舞更聽蕭蕭風雨哀便與甘棠同不剪蒼髯白

甲待歸來

公自注先君墓于墓頭山之東二十餘里地名老翁泉君許為一往感歎之深故及之

送程建用

程建用字彞仲眉山

先生本舌耕文字浩千頃空倉付公子坐待發苔穎十年困新說兒

女爭捕影鑿垣種蒿蓬嘉穀誰復省空餘南陔意太息北堂冷織履

隨方進採薪教幸遲辛勤守一經菽水賢五鼎今年聞起廢魯史復

光景公子亦改官三就繁馬頸歸來一笑粲素髮颯垂領會看金花

詔湯沐奉朝請天公不吾欺壽與龜鶴永

次韻李修孺雷別二首

十年流落敢言歸魚鳥江湖只自知豈意青天掃雲霧盡呼黃髮翁

安○危○風○流○吾○子○真○前○輩○人○物○他○年○記○一○時○我○欲○折○繻○留○此○老○緇○衣○誰

作好賢詩

此○生○別○袖○幾○回○麾○夢○裏○黃○州○空○自○疑○何○處○青○山○不○堪○老○當○年○明○月○巧

相○隨○窮○通○等○是○思○家○意○衰○病○難○堪○送○客○悲○好○去○江○魚○煮○江○水○劍○南○歸

路有姜詩

次韻黃魯直赤目

誦○詩○得○非○子○夏○學○紬○史○正○作○邱○明○書○天○公○戲○人○亦○薄○相○畧○遣○幻○翳○生

明○珠○賴○君○年○來○屏○鮮○腴○百○年○燈○光○同○一○如○書○成○自○寫○蠅○頭○表○端○就○君

王○寬○鏡○湖

和周正孺墜馬傷手

周正孺名尹成都人

平○生○學○道○已○神○完○豈○復○兒○童○私○自○憐○醉○墜○何○曾○傷○內○守○色○憂○當○為○念

先○傳○書○空○漸○覺○新○詩○健○把○蟹○行○看○樂○事○全○賣○卻○老○驄○為○酒○直○大○呼○鄉

友作新年

戲周正孺二絕

折臂三公未可知。會當千鎰訪權奇。勸君鬻駱猶閑事。腸斷閨中楊柳枝。

天廡新放玉鼻驂。故人共飲亦常情。相如雖老猶能賦。換馬還應繼二生。

題文與可墨竹并引

故人文與可為道師王執中作墨竹且謂執中勿使他人書字待蘇子瞻來令作詩其側與可既沒八年而軾始還朝見之乃賦一首
斯人定何人。游戲得自在。詩鳴草聖餘。兼入竹三昧。時時出木石。荒怪軼象外。舉世知珍之。賞會獨余最。知音古難合。奄忽不少待。誰云死生隔。相見如龔隗。

潘推官母李氏挽辭

南浦淒涼老逐臣。東坡還往盡幽人。杯棹一作慣作陶家客。絃誦嘗叨孟母鄰。尚有升堂他日約。豈知負土一阡新。今年我欲江湖去。暮雨連山宰樹春。

玉堂栽花周正孺有詩次韻

故山桃李半荒榛。麤報君恩便乞身。竹簟暑風招我老。玉堂花藥為誰春。纖纖翠蔓詩催發。皎皎霜葩髮鬪新。只有來禽青李帖。他年畱與學書人。

杜介送魚

新年已賜黃封酒。舊老仍分鱸尾魚。陋巷關門負朝日。小園除雪得春蔬。病妻起斫銀絲鱸。稚子謹尋尺素書。醉眼朦朧覓歸路。松江煙雨晚踈踈。

送杜介歸揚州

再入都門萬事空。閑看清洛漾東風。當年帷幄幾人在。回首觚稜一
夢中。採藥會須逢薊子。問禪何處識龐翁。歸來鄰里應迎笑。新長淮
南舊桂叢。

狄詠石屏

狄詠樞密使武襄公青之
子與先生同館伴遠使

霏霏點輕素。眇眇開重陰。風花亂紫翠。雪外有煙林。雪近勢方壯。林
遠意殊深。會有無事人。支頤識此心。

和黃魯直燒香二首

四句燒香偈。子隨香遍滿。東南不是聞。思所及。且令鼻觀先參。
萬卷明窻小字。眼花只有爛斑。一炷煙消火冷。半生身老心閑。

再和

公自注來詩言飲
酒畫竹石草書

置酒未逢休沐。便同越北燕南。且復歌呼相和。隔牆知是曹參。

丹青已自前世。竹石時窺一斑。五字還當靖節。數行誰似高閑。

武昌西山

并引 鄧潤甫字溫伯建昌人宣仁簾聽以字行改字聖求紹聖間始復
名指宗親致溫伯首開紹述遂基宗社之禍拜尚書左丞居位財兩月薨

嘉祐中翰林學士承旨鄧公聖求為武昌令常游寒溪西山山中
人至今能言之軼謫居黃岡與武昌相望亦常往來谿山間元祐
元年十一月二十九日考試館職與聖求會宿玉堂偶話舊事聖
求嘗作元次山窪樽銘刻之巖石因為此詩請聖求同賦當以遺

邑人使刻之銘側

春江漲蒲萄。醅武昌官柳。知誰裁憶從樊口。載春酒步上西山尋
野梅。西山一上十五里。風駕兩腋飛崔嵬。同游因臥九曲嶺。寒衣獨
到吳王臺。中原北望在何許。但見落日低黃埃。歸來解劍亭前路。蒼
崖半入雲濤堆。浪翁醉處今尚在。石臼杯一作杯音
薄候切飲無樽壘爾來古
意誰復嗣。公有妙語畱山隈。至今好事除草棘。常恐野火燒蒼苔。當

時相望不可見。玉堂正對金鑾開。豈知白首同夜直。臥看椽燭高花
摧。江邊曉夢忽驚斷。銅鑲玉鎖鳴春雷。山人帳空猿鶴怨。江湖水生
鴻鴈來。請公作詩寄父老。往和萬壑松風哀。

再用前韻

朱顏發過如春醅。曾中黎棗初未裁。丹砂未易掃白髮。赤松卻欲參
黃梅。寒溪本自遠公社。白蓮翠竹催依崔嵬。當時石泉照金象。神光
夜發如五臺。飲泉鑿面得真意。坐視萬物皆浮埃。欲收暮景返田里。
遠沂江水窮離堆。還朝豈獨羞老病。自嘆才盡傾空罍。諸公渠渠若
夏屋。吞吐風月清隅隈。我如廢井久不食。古甕缺落生陰苔。數詩往
復相感發。汲新除舊寒光開。遙知二月春江闊。雪浪倒卷雲峰摧。石
中無聲水亦靜。云何解轉空山雷。公自注。盡應物詩云。水性本云靜。石
中無聲。如何兩相激。雷轉空山驚。欲就諸公評
此語。要識憂喜何從來。願求南宗一勺水。往與屈賈湔餘哀。

押韻有字

老龐者有
指伊何人

野雞著身

送楊孟容

墨跡刻石成都府治題
云送楊體先知廣安軍

我家峨眉陰。與子同一邦。相望六十里。共飲玻璃江。江山不違人。遍
滿千家牕。但苦牕中人。寸心不自降。子歸治小國。洪鐘噓微撞。我留
侍玉座。弱步敬豐扛。後生多高才。名與黃童雙。石甬入州府。故人
餘老龐。殷勤與問訊。愛惜霜眉龐。何以待我歸。寒醅發春缸。

見子由與孔常父唱和詩。輒次其韻。余昔在館中。同舍出入。輒
相聚飲酒賦詩。近歲不復講。故終篇及之。庶幾諸公稍復其舊
亦太平盛事也。

君先曾東家。門戶照千古。文章固應爾。須鬣餘似處。雖非蒙俱狀。尚
肖歷國苦。誦書口瀾翻。布穀雜杜宇。十年困奔走。櫛沐飽風雨。吾道
其非邪。野處豈兕虎。霸陵閑老將。柏直口尚乳。自君兄弟還。鼎立知
有補。蓬山耆舊散。故事誰刪去。來迎馮翊傳。出餞會稽組。吾猶及前

輩詩酒盛冊府願君倡此風揚解斯杜舉

趙令晏雀白大圖幅徑三丈

圖經見聞志雀白濠梁人工畫花竹毛熙寧初命與艾宣畫垂拱殿御展竹鶴各一扇白為首出

扶桑大蠶如蠶盎天女織綃雲漢上往來不遣鳳銜梭誰能鼓臂投
三丈人間刀尺不敢裁丹青付與濠梁雀風蒲半折寒鴈起竹間的
爍寒江梅畫堂粉壁翻雲幙十里江天無處著好臥元龍百尺樓笑
看江水拍天流

次韻張昌言給事省宿

張昌言名問兩為河北轉運知滄州新法之行獨不阿時好元祐初為秘書監使河北相度水事過永靜軍奏乞減價糶本軍寄糶

斛計四十餘萬石救郡民饑朝廷從之還為給事中故有朔野按行猶雀躍之句未幾致仕而卒年七十五按昌言本襄陽人种世衡遺以汝州田十頃薛弗受當是徙居於先生亦常欲居汝故云待向崧陽求水竹一犁煙雨伴公歸

馮顛久已敬殘雪我眼何曾眩落暉朔野按行猶雀躍東臺暝坐覺

鳥飛

公自注道家有鳥飛入兔宮之說

謾誇年少容吾在

公自注樂天詩云猶有誇張少年處笑呼張文舉殷兄

若鬪樽前舉世稀

待向崧陽求水竹一犁煙雨伴公歸

次韻三舍人省工

公自注三月二十九日作明日駕幸景靈宮

紛紛榮瘁何能久雲雨從來翻覆手恍如一夢墮枕中卻見三賢起

江右

公自注曾子開劉貢父孔經父皆江西人

嗟君妙質皆瑚璉顧我虛名但箕斗明朝冠蓋蔚

相望共扈翠輦朝宣光武皇已老白雲鄉正與羣帝駢龍翔獨留杞

梓扶明堂

送錢承制赴廣西路分都監

當年我作表忠碑坐覺江山氣未衰舞鳳尚從天目下收駒時有渥

注姿踞牀到處堪吹笛橫槊何人解賦詩知是丹霞燒佛手先聲應

已懾羣夷

公自注廣西僧寺頃有佛動之異錢君碎而投之江中

次韻曾子開從駕二首

曾子開名肇子固幼弟舉進士入館閣編修國史自熙寧以來四十年大臣更用事邪正相軋黨論屢起子開身更其間數不合凡布

與韓儀公忠彥並相祐陵初政日謀所以傾危之子開語書警戒甚切其兄不能用蔡京得政兄弟俱不免

槐街綠暗雨初勻瑞霧香風滿後塵清廟幸同觀濟濟豐年喜復接

接陳陳雍容已饜天庖賜俯伏初嘗貢茗新輦路歸來聞好語共驚
堯顙類高辛

入仗竟驚愧草萊一聲清蹕九門開暉暉日傍金輿轉習習風從玉
宇來流落生還真一芥周章危立近三槐公自注學士班近執政道傍儻有山中舊
問我收身蚤晚回

再和

眼花錯莫鬢霜勻病馬羸騶只自塵奉引拾遺叨侍從思歸少傅羨
朱陳衰年壯觀空驚目嶮韻清詩苦鬪新最後數篇君莫厭擣殘椒
桂有餘辛

憶觀滄海過東萊日照三山迤邐開桂觀飛樓凌霧起仙幢寶蓋拂
天來不聞宮漏催晨箭但覺簷陰轉古槐供奉清班非老處會稽何

日乞方回

省注時方
闕會稽守

仍以此如何也

次韻貢父省上

密雲今日破郊西疎雨脩脩未作泥要及清閑同笑語行看衰病費
扶攜花前白酒傾雲液戶外青驄響月題不用臨風苦揮淚君家自
與竹林齊公自注貢父詩中有不及與其兄原甫同
時之歎然其兄子仲馮令為起居舍人

再和

當年曹守我膠西共厭鋪糟與汨泥自古赤丸成習俗因公黃犢免
提攜生還各有青山興病起猶能小字題莫怪歌呼數相和曾將獄
市寄全齊公自注貢父為曹州盜賊皆奔鄰
境嘗有詩云從教晉盜稍奔秦

送顧子敦奉使河朔

顧子敦名臨會稽人舉說書科入館閣元祐二年擢給事中朝廷
開回河拜待制出為河北都轉運使公疏言臨資性方正學有根

本慷慨中文凜然有古人之風宜雷置左右別選深知河事者往使不報後諸公餞子敦復次前韻詩有云
上書苦留君言批輒報已指此事也子敦至部請因河勢回使東流復名歸班為翰林學士紹聖初以龍圖
閣學士守定徙應天河南時論既變奪奪職守新
職守新安斥居番陽年七十二卒後宗立追復之

我友顧子敦軀膽兩俊偉便便十圍腹不但貯書史容君數百人一

笑萬事已十年臥江海了不見愠喜磨刀向豬羊醜酒會鄰里歸來
如一夢豐頰愈茂美平生批敕手濃墨寫黃紙會當勒燕然廊廟登
劍履翻然向河朔念東郡水河來屹不去如尊乃勇耳

次韻子由送家退翁知懷安軍

家退翁名定國弟履禮名安國東坡子由及退翁兄弟少時皆嘗從眉州劉微之見子由送家安國詩

吾州同年友粲若琴上星當時功名意豈止拾紫青事既喜喜字疑違
願天或不假齡今如圖中鶴俛仰在一庭公自注吾州同年友十三人今存者六人而已故有琴上星圖中鶴之語
清約霜菊有餘馨鼓笛方入破朱絃微莫聽西南正春旱廢沼黏枯
萍翩然一麾去想見靈雨零我無謫仙句待詔沉香亭空騎內廐馬
天仗隨雲輶竟無絲毫補眷焉誰汝令永愧舊山叟憑君寄丁寧

諸公餞子敦軾以病不往復次前韻

君為江南英面作河朔偉人間一好漢誰似張長史上書苦畱君言
拙輒報已置之勿復道出處俱可喜攀輿共六尺食肉飛萬里誰言

遠近殊等是朝廷美遙知送別處醉墨爭淋紙我以病杜門商頌空
振履後會知何日一歡如覆水善保千金軀前言戲之耳

和張昌言喜雨

二聖憂勤忘寢食百神奔走會風雲禁林夜直鳴江瀨清洛朝回起
穀紋夢覺酒醒聞好語帳空簟冷發餘薰秋來定有豐年喜刺作新
詩準備君

次韻劉貢父西省種竹

要知西掖承平事記取劉郎種竹初舊德終呼名字外後生誰續笑

設餘

公自注昔李公擇種竹館中戲語同舍後人指此竹必云李文正手植貢父笑曰文正不獨繫筆亦知種竹耶時有華工李文正

成陰障日行當見取

笋供庖計已疎白首林閒望天上平安時報故人書

偶與客飲孔常父見訪設席延請忽上馬馳去已而有詩戲用
其韻答之

楊雄他文不皆奇。獨稱觀餅居升眉。酒客法士兩小兒。陳遵張竦何曾知。主人有酒君獨辭。蟹螯何不左手持。豈復見吾橫氣機。遣人追君君絕馳。盡力去花君自癡。醍醐與酒同一卮。請君更問文殊師。

次韻子由書李伯時所藏韓幹馬

李伯時名公麟一字叔時舒成人南唐先生昇諸孫舉進士長長於詩文虛一喜藏法書名畫伯時

自少好之遂悟古人用筆畫特精絕氣韻高遠意造天成顧陸張吳殆不能過雷意三代鼎彝之器博學精鑒用意至到聞一器雖千金不少靳性嗜玉見輒以善價求之晚作洗玉池先生銘之又酷愛伯時丹青見於詩篇文字不一而足其任監奏郵敕令刑定官御史檢法官後病痺不能運筆反已以厚資收已所作云

潭潭古屋雲幙垂。省中文書如亂絲。忽見伯時畫天馬。朔風胡沙生落錐。天馬西來從西極。勢與落日爭分馳。龍膺豹股頭八尺。奮迅不受人間羈。元狩虎脊聊可友。開元玉花何足奇。伯時有道真吏隱。飲啄不羨山梁雌。丹青弄筆聊爾耳。意在萬里誰知之。幹惟畫肉不畫骨。而況失實空餘皮。煩君巧說腹中事。妙語欲遣黃泉知。君不見韓生自言無所學。廐馬萬匹皆吾師。

次韻劉貢父獨直省中

明牕畏日曉先曠。高柳鳴蜩午更喧。老筆新詩疑有物。心空客疾本無根。隔牆我亦眠風榻。上馬君先瑣月軒。共喜蚤歸三伏近。解衣槃礴亦君恩。

軼以去歲春夏侍立邇英而秋冬之交子由相繼入侍次韻絕句四首各述所懷

瞳瞳日脚曉猶清。細細槐花暖自_{一作欲}零。坐閱諸公半廊廟。公自注僕射呂公門下韓公右

丞劉公時自講席大用時看黃色起天庭。

上尊初破蚤朝寒。茗盃仍霑講舌乾。陞楯諸郎空雨立。故應慙悔不

儒冠

兩鶴推頰病不言。年來相繼亦乘軒。悞聞九奏聊飛舞。可得衰回為

咏吞

如此如起竟
不得好待折
窮困不足以此
光燿也

微生偶脫風波地。晚歲猶存鐵石心。定似香山老居士。世緣終淺道根深。公自注樂天自江州司馬除忠州刺史旋以主客郎中知制誥遂拜中書舍人軼雖不敢自比然謫居黃州起知文登召為儀曹遂忝侍從出處老少大畧相似庶幾復享此翁晚節閑適之樂焉

送宋朝散知彭州迎侍二親宋彭州名構字成之成都人

東來誰逆使君車。知是丈人屋上烏。丈人今年二毛初。登樓上馬不用扶。使君負弩為前驅。蜀人不復談相如。老幼化服一事無。有鞭不施安用蒲。春波如天漲平湖。鞞紅照坐香生膚。奉勸上壽白玉壺。公堂登歌鳳將雛。諸孫歡笑爭挽須。蜀人畫作西湖圖。

郭熙畫秋山平遠公自注文潞公為跋尾圖畫見開志郭熙河陽人工畫山水寒林

玉堂畫掩春日閑。中有郭熙畫春山。鳴鳩乳燕初睡起。白波青嶂非人閒。離離短幅開平遠。漠漠疎林寄秋晚。恰似江南送客時。中流回頭望雲巘。伊川佚老鬢如霜。臥看秋山思洛陽。為君紙尾作行草。炯如嵩洛浮秋光。我從公游如一日。不覺青山映黃髮。為畫龍門八節

以玉堂所畫
後身此幅

灘待向伊川買泉石

次韻張昌言喜雨

千里黃流失故居。年來赤地到青徐。遙聞爭誦十行詔。無異親尋廵六尺輿。精貫天人一言足。雲興嶽瀆萬靈趨。愛君誰似元和老。賀雨詩成即諫書。

以香山詩昌言也

